

宋 薛居正 等撰

智五代史

卷四九至卷七四(唐書) 册

中 華 書

局

舊五代史卷四十九

唐書二十五

后妃列傳第一

(異 憐之,太后益寵貴,諸夫人咸出其下,后亦恭勤內助,左右稱之。 過,必峻於譴罰,無敢言者,唯太后從容救諫,卽爲解顏。及莊宗載誕,體貌奇傑,武皇異而 內寵,乾寧初,平燕薊,得李匡儔妻張氏,案:原本避宋諱作李僔,今據新唐書藩鎭傳增入。(舊五代史考 而明辨,雅爲秦國夫人所重。常從容謂武皇曰:「妾觀曹姬非常婦人,王其厚待之。」武皇多 麥色絕代,嬖幸無雙。 時姬侍盈室,罕得進御,唯太后恩顧不衰。 武皇性嚴急,左右有 武皇帝貞簡皇后曹氏,莊宗之母也。 太原人,以良家子嬪於武皇。 **麥質閑麗**,性謙 退

除謂之曰:「先人把臂授公此兒,如閗外謀,欲孤付託,公等但置予母子有地,毋令乞食于 武皇薨,莊宗嗣晉王位,時李克寧、李存顥謀變,人情危懼。太后召監軍張承業,指莊 唐 曹二十 五 后 妲 列傳第 六七一

天祐 汴,幸矣。」 承業 櫛 后餞于汾橋, 風 沐 七年,鎭、定求援,莊宗促命治兵,太后曰:「予齒漸衰,兒但不墜先人之業爲幸矣,何事 雨,離我晨香! 案: 因誅存顥、克寧,以淸內難。 原本作「渭橋」,今據通鑑注改正。(舊五代史考異) 」莊宗曰:「稟先王遺旨,須滅仇讎。 莊宗善音律,喜伶人謔浪,太后嘗提耳誨之。 悲不自勝。 山東之事,機不可失。」及發,太 莊宗平定趙、魏,駐于

鄴城,每一歲之內,馳駕歸寧者數四,民士服其仁孝。

妃恩如伯仲,彼經年抱疾,但見吾面,差足慰心,吾暫至晉陽, | 起善,分訣之後,悒然不樂。 幸洛陽,令皇弟存渥、皇子繼岌就太原迎奉。 是不豫,尋崩于 方暑毒, 太后初封晉國夫人,莊宗卽位, Ш 路 崎嶇,無煩往復,可令存渥輩迎侍太妃。」乃止。 長壽宮。 同光三年冬十月,上諡曰貞簡皇太后,葬于壽安陵。 俄聞太妃寢疾,尚醫中使,問訊結轍。 命宰臣盧損奉册書上皇太后尊號。 莊宗親至懷州, 及 旬朔與之俱來。」莊宗曰:「時 迎歸長壽宮。 凶問 旣而謂莊宗曰:「吾與太 至, 太后 其年平定河南,西 太后素與劉 慟哭累旬, 永樂大典卷一 太 由 萬

瑣言 云 太妃劉氏,武皇之正室也。 晉王李克用妻劉夫人,常隨軍行,至于軍機,多所弘益。 永樂大典卷一千二百六十六。 先是,汴州上源驛有變, 案 劉太妃傳, 晉王憤恨, 永樂大典闕 欲回 軍攻之。 全篇。 考北 夫人

九千三百四

曰:「公爲國討賊,而以杯酒私忿,必若攻城,即由在於我。 曰:「願吾兒享國無窮,使吾獲沒于地以從先君幸矣,復何言哉!」莊宗滅梁入洛,使人迎太后歸洛,居長壽宮, 月,册爲皇太妃。 城,便有不測之變,焉能遠及!」晉王止行。 笑王行瑜棄城失勢,被人屠割, 歐陽史云:莊宗即位,册尊曹氏爲皇太后,而以嫡母劉氏爲皇太妃。 今復欲 效之, 居數日,亡散之士復集,軍城安定,夫人之力也。 何也?王頃歲避難塞外, 欲出保雲州。 不如回師,自有朝廷可以論列。」於是班退。 幾遭陷害, 夫人曰:「存信本北方牧羊兒也, 賴遇朝廷多事, 太妃往謝太后,太后有慚色。 五代會要云: 方得復歸 天復 焉願 中, 同光 成敗 今一 周 德 威 而太妃獨 元 ! 太妃 王 年 且 DÜ 出 常 爲

留晉陽。

同光三年五月,太妃薨。

武皇 深念,嬪媵鮮得 四人以賜武皇。 比 何託 ,昭宗降朱書御札, 大漸之際,陳氏侍醫 魏 既不 國 . 夫人陳氏, 襄州人, 本昭宗之宮嬪也。 能以 侍謁,唯陳氏 身爲 陳氏 素知書,有才貌 殉,願落髮爲尼,爲王 朱書御札,原本作「宋書御醴」,今據通鑑所引薛史改正。(影庫本粘籤) 「藥,垂泣言:「妾爲王執掃除之役,十有四年矣,王萬 得召 見。 ,武皇深 陳氏性 讀 加龍 一旣靜退,不以寵侍自侈,武皇常呼爲 一藏佛經,以報平昔。」 乾寧二年,武皇奉詔討王行瑜,駐軍于渭 重。 及光化之後, 時事多艱, 武皇爲之流涕 出 陳氏及內妓 武皇常獨 不幸, 阿媎。 及武 及 居

天成中,明宗幸

皇薨,

唐

+

五

后

妃

列

傳第

陳氏果落髮持經,法名智願。

後居於洛陽佛寺、莊宗賜號建法大師。

千九百六十九

其院,改賜圓惠大師。 晉天福中,卒於太原。 追諡光國大師,塔以惠寂爲名也。

師,他 長女也。 實而寢, 摑搭,竟爲嚚婦恩倫之傾玷,有國者得不以爲前鑒!劉后以養盛金合犀帶四,欲於太原造寺爲尼,沿路復通皇弟存渥, 劉衙推訪女,后大憲,答繼岌。 |肚宗曰:「妾去鄉之時,妾父死於亂兵,是時環屍而哭。妾固無父,是何田舍翁詐僞及此!」 乃於宮門答之,其實后即叟之 稱夫人之父。有內臣劉建豐認之,即昔日黃鬚丈人,后之父也。 奔,姿色絕衆,聲伎亦所長。 云:莊宗劉皇后,魏州成安人,家世寒微。 旦作亂,亡國滅族,與夫褒姒、妲己無異也。 ,好與利 無所賜。闕下諸軍困乏,以至妻子饑殍,宰相請出內庫俵給,后將出粧具銀盆兩口、皇子滿喜等三人,令鬻以 莊宗神閔敬皇后劉氏。 明宗聞其穢, 莊宗好俳優,宮中暇日,自負蓍虁藥篋,令繼岌相隨,以后父劉叟以醫卜爲業也。 聚財, 初在鄰都,令人設法稗販,所鬻樵蘇果茹亦以皇后爲名。 即令自殺。 太后賜莊宗,爲韓國夫人侍者。 然爲太后不禮,復以韓夫人居正,無以發明。 案 : 永樂大典卷一萬三千三百五十二。 歐陽史作裨將袁建豐得后,納之晉官, 太祖攻魏州、取成安、得后、時年五六歲。 先是,莊宗自爲俳優,名曰李天下,雜於塗粉優雜之間〔一〕,時爲諸 後誕皇子繼岌, 劉氏方與嫡夫人爭寵,皆以門族誇尙, 正位之後,凡貫奉先入後宮, 大臣希旨請册劉氏爲皇后,議者以后出 龍待日隆 案 而北夢瑣言作內臣劉建豐, 劉后傳、永樂大典原闕。 歸晉陽宮, 他日, 后方畫眠,及造其臥內, 爲太后侍 成安人劉叟詣鄴宮見上, 劉氏恥爲寒家,白 者, 惟寫佛經 考北夢瑣言 教吹笙。 亦傳聞之異 膽 秘扑扶 自稱 於寒 施尼 及 问

賤

Ì

光二年十二月册,以宰臣豆盧革、韋說爲册使,出應天門,登路車,鹵籌鼓吹前導,至于永福門降車,入右銀臺門,至淑妃 淑妃韓氏, 莊宗正室。 永樂大典卷一千二百六十六。

案: 韓淑妃傳,永樂大典原闕。考五代會要云:同

宫,受册于內,文武百官立班稱賀。

家人傳: 郡夫人,瑶芳張氏封清河郡夫人,懿德王氏封瑯琊郡夫人,宜一馬氏封挟河郡夫人,並同光二年十一月勒。 正楚真張氏封凉國夫人,司簿德美周氏封宋國夫人,侍真吳氏封延慶郡夫人,懿才王氏封太原郡夫人,咸一韓氏封昌黎 性酷毒,侍婢微過,即以刀刲火灼。夏氏少長官掖,不忍其凶,求離婚,歸河陽節度使夏魯奇家,後爲尼也。 坐同宴,王嫡、蔡姬之近也。夫人夏氏,最承恩龍,後嫁李贊華,所謂東丹王,即阿保機長子,先歸朝,後除滑州節度使。 宗皇帝嫡夫人韓氏,後爲淑妃,伊氏爲德妃。 德妃伊氏, 莊宗次室。 夏氏在天成初, 又案五代會要:莊宗朝內職,又有昭儀侯氏封汧國夫人,昭媛白氏封沂國夫人,出使美宣鄧氏封魏國夫人,御 以先朝宮人出歸夏魯奇家,後賜李贊華。 泳樂大典卷一千二百六十六。 契丹入中原,石氏乞降,宰相馮道奉奪册,契丹主大張宴席,其國母后妃列 與北夢瑣言微異。遼史又以夏氏爲莊宗皇后, 案:伊德妃傳,永樂大典原闕。考北夢瑣言云:莊 **案歐陽史** 疑

唐

翬衣之貴,貞魂永逝,懿範常存。考本朝之文,沿追册之制,將慰懷於九族、冀 夫人。 素推仁德,久睦宗親,嘗施內助之方,不見中興之盛。予當御極,子並爲王,有鵲巢之高,無 明宗 長興中,明宗以秦、宋二王位望旣隆,因思從貴之義, 昭懿皇后夏氏,生秦王從榮及閔帝。 同光初,后以疾崩。 永樂大典卷一萬三千五百五十二。 乃下制曰:「故晉國夫人夏氏 明宗即位, 追封為晉國

宜追册爲皇后,兼定懿號。」旣而有司上諡曰昭懿。

三年正月,册 末帝崩于後樓,晉高祖 和 武顯皇后曹氏。 爲淑妃,長興元年五月十四日,册爲皇后〔三〕,應順元年閏 使人護葬。至天福五年正月二十八日,追册曰 永樂大典卷一萬三千五百五十五。 和武顯皇后 正月,册爲皇太后 案:曹后傳,永樂大典 (1)。至淸泰三年閏十一月,隨 (原闕。 考五代會要云 一天成

惟宣憲 帝 帝 平山 日 繼體守文,思外家于甄館。 宣 昭成皇后寶氏,代宗皇帝母曰章敬太后吳氏,始嬪朱郎,俄國玄宮,鴻圖旣屬于明君,尊號咸追于聖母。 而已。 中和 憲皇后魏氏。 五代會要云:初封魯國太夫人,清泰二年二月,中書門下奏:「臣聞漢昭帝承祚御歷, 末,明宗徇地 山東,留戍平山,得魏后。 泳樂大典卷一萬三千五百五十五。 而皆追崇徽號(王),附饗廟庭,克隆敬本之文,式叶愛親之道。臣等又覽國史, 义云:明宗爲裨將,性闊達,不能治生,曹后亦疏于 案通鑑考異引唐殿帝實錄云: 奉尊諡于雲陽 宜憲皇后魏氏, 畫略, 竊見 生. 伏以魯國 文宗皇 所資, 魏明 鎭州

册爲太妃〔八〕,至周廣順元年四月追諡賢妃。 官。 思,久虛殷薦, 後,權立 未耐先祠(も), 夫人發祥沙魔,貽慶河洲。 文案:五代會要所載明宗時內職,德妃王氏,天成三年正月册立,長興二年四月進號淑妃, |同廟,以申告獻,配祠之禮,請俟他年。」從之。 慮損皇猷。 則都下難崇別廟, 臣等謹上尊諡曰宜憲皇太后,請依昭成皇太后故事,擇日備禮册命。 三后最賢,周母允成于天統;四妃有子,唐后先啓于帝基〔六〕。 既追奪諡, 昭儀王氏封齊國夫人,昭容萬氏封周國夫人, 合創閱宮。 據歐陽史云:議建陵寢,而太原石敬瑭反, 按漢朝故事、園寢不在王畿, 或就陵所便立寢祠。 仰惟當宁之情,彌軫寒泉之 又,臣等伏聞先太后舊陵 應順元年閏正月十三日 乃于京師河南府 趙國夫人、孫氏 今商量上諡 東立 寢

夫人,司膳翟氏封滕國夫人,司鰮吳氏封莒國夫人,婕好高氏封渤海郡夫人,美人沈氏封太原郡夫人,順御 封楚國夫人,御正張氏封曹國夫人,司寶郭氏封魏國夫人,司贊于氏封鄭國夫人,尚服王氏封衞國夫人, 司記催氏封 朱氏封吳郡 蔡國 夫

昭媛劉氏封

那夫人 門下按六典內職仿而行之。 ,櫛箆傅氏封潁川郡夫人,知客張氏賜號尚書,故江氏追封齊陽郡夫人。 即氏封潁川郡夫人,司衣劉氏封彭城郡夫人,司藥孟氏封咸陽郡夫人,梳箆張氏封凊河郡夫人, 內人李氏封隴西縣君,崔氏封清河縣君,李氏封成紀縣君, 以上皆長興三年九月勒。 田氏封咸陽縣君, 司服王氏 白氏封南陽縣 其名號皆中書 對 太原

君,並

長興四

年二月勅。

前代內職,皆無封君之醴,此一

時之制。

遺人結王德妃,求納其女,德妃 閔 帝哀皇后孔氏。 請娶循女爲從厚妃, 永樂大典卷一萬三千五百五十五。 帝許之。 庚寅, 皇子從厚納孔循女爲妃。 案 : 孔后傳,永樂大典 (原闕。 五代會要云: 據通鑑云: 初封魯國夫 孔循

쐴

唐 審

+ 五

后

妃

列 傳 第

人,應順元年四月,爲末帝所害。晉天福五年正月二十八日,追諡爲哀皇后。

執政請行朝典,后力制之,止從罷免而已。晉高祖入洛,后與末帝俱就燔焉。 守,皆由后內政之力也。及延皓爲張令昭所逐,張令昭,原本既「張」字,今據通鑑增入。(影庫本粘籤) 爲皇后。 末帝劉皇后,應州人也。天成中,封爲沛國夫人。清泰初,百官三上表請立中宮,遂立 后性強戾,末帝甚憚之,故其弟延皓,自鳳翔牙校環歲之間歷樞密使,出爲鄴都留 永樂大典卷一萬

嬉; 同矣。 明宗長女永寧公主,降晉高祖。 会要,武皇長女瓊華長公主,降孟知祥,同光三年十二月封〔4〕。第二女瑤英長公主,降張延釗,同光三年十二月封〔10〕。 爲人也,雖未偕於前代,亦無虧於懿範。 九千三百四。 年三月進封燕國長公主 [11]。第十四女壽安公主,長興四年六月封。第十五女永樂公主,長興四年六月封。 商之興也以簡狄,及其亡也以妲己;周之興也以文母,及其亡也以褒姒。觀夫貞簡之 史臣曰:昔三代之興亡,雖由於帝王,亦繫於妃后。故厦之興也以塗山,及其亡也以妹 餘無進賢輔佐之德,又何足以道哉!泳樂大典卷一萬九千三百四。 第十三女興平公主,降趙延壽,天成三年四月封,至長興四年九月改封齊國公主,至清泰 而劉后以牝雞之晨,皇業斯墜,則與夫三代之興亡 案"五代史無外戚傅。據五代 今考會

要所載,亦多舛互。 如瓊芘公主,十國春秋諸書作太祖弟克讓之女,會要以爲武皇長女,此傳聞之異辭也。 莊宗女義寧

渥肺道碑云: 公主,降宋廷浩。 母義寧公主,天福中,晉祖以嘗事莊宗,有舊君之禮,每貴主入見,聽其不拜。 廷浩仕至房州刺史,晉初爲汜水關使,張從賓之叛,戰死。 見東都事略及宋史。又,王禹偁小畜集有宋 時兵戎方熾,經費不充,惟公

主之家,賜予甚厚,盡而復取,亦無惓色。一日,晉祖從容謂貴主曰:「朕于主家無所愛惜,但朝廷多事,府庫甚虛,主所知

會要不載莊宗女,是其闕略也(三)。歐陽史云:延壽所尙公主已死,耶律德光乃爲延壽娶從益妹, 矣。 今發穀之下,桂玉爲憂,可命渥分司西京,以豐就養。」因厚遣之,且勅留使具晨昏伏臘之用,至于醯醢, 率有備焉。

是爲永安公主。

避延濟傳亦言其娶明宗小女爲繼室,而五代會娶不載,疑有闕文。

校勘記

優 姑仍其舊。」 雜 殿本、劉本同。 影庫本粘籤云:「優雜,疑當作『優劇』,考北夢瑣言諸刻本俱作『雜』字,今

- Ξ 遼史又以夏氏爲莊宗皇后疑誤 十三字原無,據殷本補。
- 3 五月 原作「正月」,據會要卷一 改。
- 関正 月 「閨」字原無,據會要卷一補。
- £ 追崇徽 號 「崇」原作「從」,據會要卷一改。

唐

む

+

五

校 勘 記

六八〇

唐后 原作「唐宮」,據會要卷一改。

(4) 未附 原作「永附」,據會要卷一改。

(九)三年 原作「二年」,據會要卷二改。 (さ) 関正月 「閨」字原無,據會要卷一、通鑑卷二七八補。

台十二月 原作「二月」,據會要卷二改。

(11) 二年三月 原作「三年二月」,據會要卷二改。

(III) 今考會要所載……是其闕略也 二百四十字原無,據舊五代史考異補。

殿本、劉本文略異。

售五代史卷五

唐書二十六

宗室列傳第二

符中,王仙芝陷荆、襄,朝廷徵兵,克讓率師奉詔,賊平,以功授金吾將軍,留宿衞 克讓,武皇之仲弟也。少善騎射,以勇悍聞。 咸通中,從討龐勛,以功爲振武都校。

乾

段 泛楚,朝議罪之,命加兵于我,懼,將逃歸,天子詔巡使王處存夜圍親仁坊捕克讓。 詰旦兵 合、克讓與紀綱何相温白之、安文寬、石的歷十餘騎彎弧躍馬,突圍而出,官軍數千人追之, 初,懿祖歸朝,憲宗賜宅於親仁坊,自長慶以來,相次一人典衞兵。武皇之起雲中, 案:歐陽史作滑橋,疑傳刻之訛。

二 十 六 宗 室 列 倳 第

蜀,克讓時守潼關、爲賊所敗,

克讓自夏陽掠船而濟,歸於鴈門。

至渭橋

案:僖宗幸蜀以前,武皇未嘗昭雪,克讓無由復入宿衞,出守潼關。

明年、武皇昭雪、克讓復入宿衞。

黃巢犯闕,僖宗幸

死者數

通鑑考異常

據通鑑考異引薛史亦作潤橋,今仍其舊。(舊五代史考異)

辨其誤。 名與李克 護 今考新唐書黃巢傳,巢攻潼關,齊克讓以其軍戰關外,時士飢甚,潛燒克讓營, 同, 聞帳 轉失實耳。 歐陽史祇據薛史原文, ボ 爲 辨 丐, 今無可 復考, 姑 附 識 克讓 走 于 入關。 此 疑當時 以部下六七騎 因 齊 克讓之

伏於南山佛寺,夜爲山僧所害

巢遣 諸僧,爲克讓發哀行服,悲慟久之。 一使米重威齎路修好,因送渾進 克讓 既死、 紀 網 渾進 通冒刃獲免、歸於黃巢。 通 永樂大典卷一萬三百八十八。 至,兼擒送害克讓僧十人。 中和二年多,武皇入關討賊,屯沙苑。 武是燔僞詔,還其使,盡誅 黄

使。 刺史。 檢校刑部尚書、左營軍使。 **鞮,不利,武皇乃令克修將兵繼進。** 公雅、李筠、安金俊等以兵從。 前鋒,破黃揆於華陰,敗尚讓於梁田坡,蹙黃巢於光順門,每戰皆捷,勇懾諸軍。 案新唐書僖宗紀 據薛史,則克修父名德成,未嘗無名號也。 克修少便弓馬,從父征討,所至立功。 字崇遠,武皇從父弟也。 中和三年十月,李克用陷潞州,刺史李殷銳死之。與薛史李克修傳 其年十月、路州牙將安居受來乞師、請復昭義軍、武皇遣大 安金俊,原本作「全俊」,今據通鑑改正。(影庫本粘籤) 是月,平路州,斬其刺 案歐陽史家人傳云: 父德成,初爲天寧軍使,從獻祖討龐勛, 武皇節制鴈門,以克修爲 太祖 四弟,曰克讓、克修、克恭、克寧, 史李殷銳, 乃表 同 奉誠軍使,從入關爲 華史武皇紀 與孟 克修爲 以功授朔 方 賊平,以 皆不知其父母 昭義 立 又作十一月 戰 於銅 將質 節度 州 功

平路州、紀、傳自相矛盾。 通鑑從克修傳作十月,歐陽史從武皇紀作十一月。

河陽, 與州 口口 紀元年,武皇大舉以伐邢、洛,及班師,因撫封於上黨。 溪忠信,原本作「思信」,今從通鑑改正。(影庫本粘籤) 克修設伙於遼之東山,大敗賊軍、擒忠信以獻。龍 數簡 莊宗 、王鎔 光啓二年九月,克修出師山東,收復邢、洛。 連歲出師,以苦懷、孟。 陋。 即位,追贈太師 出師三萬援之,克修軍退。及李罕之來歸,武皇授以澤州刺史、與克修合勢進攻 武皇怒其菲薄,笞而詬之,克修慚憤發疾,明年三月,卒於潞之府第,時年三十 文德元年十月〇一、孟方立遣將奚忠信將兵三萬襲我遼州, 十一月,拔战鎭。 克修性儉嗇, 不事華靡, 供帳饗膳, 孟方立遣將呂臻來援, 方立求援於

州刺史。 二月癸亥,圍涿州,有白兔綠壘而上,是日破其郛。 克修子二人,長日嗣弼,次日嗣肱。 天祐十九年, 案:歐陽史作十一年。(舊五代史考異) 嗣弼舉家被俘,遷于幕庭。 嗣弼初授澤州刺史,歷昭義、橫海節度副使,改海 契丹犯燕、趙、陷涿郡, 永樂大典卷一萬三百八十八。 案遼史太祖紀:十

昭守城,兄弟內外奮戰,忠力威壯,感動三軍。 嗣 肱,少有膽略,屢立戰功。 夾城之役,從周德威爲前鋒。 潞圍旣解, 以功授檢校左僕射, 入爲三城巡 時兄嗣弼爲昭義副使,與嗣

唐

書

=

六

宗室

列傳

第二

正。(影 從 斂 友 接 新 日 謙 平 徳 州 騎 旣 知 威 劉 於 晡 刺 em 庫 衙 於觀 猗 氏 史 守光。 本粘籤) 退。 與党項 入 內 /梁軍營品 事 是夜, 郁 津 改 率 + 叛 教 轉 天 師 時 入 門, (練使, 戰 梁祖 肱 梁祖 契丹, 年, 五. 數 七 諸 萬 燒營 年, + 改應州 新屠教 與存 騎 合勢營於確之 里,合德威 周德威援靈、夏,党項阻道,音驛不 相 肱 Mi 合, 審 進兵定 遁 刺 随 援 大課 ,解蓨縣 史, 河中。 軍 其 嬀 累 弧 將 百二十八。 西 /儒、 遷澤、代二 敗汴軍於胡壁堡,獲將 柏 之圍 賀徳倫急攻蓨縣 矢星發 鄉之戰,嗣肱 嗣 武 加加 等三州 以功特授蔚州刺史、鴈門以北都知 自下博率騎三百 一州刺 授山北 史、石嶺以北 為馬 **痛縣**, **汴人不** 步 通 龐 都 都 , 讓 原本 團練使。 虞 嗣 薄晚與梁之樵芻者 都 知所爲,營中 候 肱 作 奉命 知 「蓧縣」, 年, 兵馬使。 明 二十年春, 自 與存審 年 ,從莊宗會朱 麟 今據五代 州 擾, 屯趙 兵 渡 九年, 旣 相 河 馬 卒於 春 州 使。 `秋 暝 應 改

| 率 心 驕 横 連 時武皇初定邢、洛三州,將有事於河朔, 克 不 而 書, 法 疑 武 未 未 皇 詳 開 **芝諸** 考 軍 政。 龍 弟 紀 也。 路 中 人 ٠, 爲 案: 、素便 决 (薛 勝 *史不言] 克修之簡 軍 使。 克恭 父爲何 大順 IF. 大蒐軍實 惡 初 人,然明著其爲諸弟,所以 克恭之恣 潞 帥 李克 路州 縱, 修 有後院 卒, 叉以克 克 別於母弟也。 恭 軍 修 代 兵 非 爲 之雄 罪 昭 歐陽史 暴 義 動者 卒, 節 與克讓 度 使。 士 克 離 性

新州

時

年四

+

五.

永樂大典

卷

萬

八八千

汴人。居受遣人召馮霸於沁水,霸不受命。 以澤、潞歸於武皇,至是孟遷以邢、洛納降,復任爲牙將,居受懼其圖己,乃叛,殺克恭以結 受引兵仗攻克恭,因風縱火,克恭、元審並遇害,州民推居受爲留後。 杲、縣令戴勞謙,循山 悅。 選其 不利,元審戰傷、收軍於路。 軍。 五百人獻於武皇, 克恭令裨校李元審、安建、紀 霸 乃引軍據路州,自稱留後,求援於汴。 而南、北及沁水,有衆三千。」武皇令李元審將兵擊之,與霸戰於沁水, 軍使安居受惜其兵, 五月十五日,克恭視元審於孔目吏劉崇之第。 綱馮霸部送太原,行次銅鞮縣,馮霸級衆謀叛,殺都將劉 居受懼,將奔歸朝廷,至長子,爲野人所殺,傳首 安居受,原本作「安建受」,今據通鑑改正。(影庫本粘籤)不 武皇令康君立討之,汴將葛從周來援霸 初,孟方立之亂,居受 是日,州將安居

謹,武皇尤友愛之。 及諸弟登城、血戰三日,力盡備竭,殺賊萬計。 寢食者旬餘。 克寧,武皇之季弟也。 後從達靼入關,逐黃寇。 及鎭太原,授遼州刺史,累至雲州防禦使。乾寧初,改忻州刺史,忻州,原 初從起雲中,爲奉誠軍使。 凡征行無不衞從,於昆弟之間,最推仁孝, 燕軍之攻蔚州, 赫連鐸之攻黃花城也, 克寧昆仲嬰城拒敵, 克寧奉武皇 小心恭 晝夜輟

九月,李存孝急攻潞州,汴軍夜遁,獲霸等誅之,武皇乃以康君立爲昭義節度使。

永樂大典卷

萬三百八十八。

書二十六

宗

室

列傳第二

| 酤初 本作「惟州」,今據歐陽史改正。(影庫本粘籤)從入關討王行瑜,充馬步軍都將,以功授檢校司徒。 授內外都制置、 管內蕃漢都知兵馬使、檢校太保, 充振武節度使, 凡軍政皆决於

召莊宗侍側,謂克寧、張承業曰:「亞子累公等。」言終棄代。將發哀,克寧紀綱軍府, 五年正月,武皇疾篤,克寧等侍疾,垂泣辭訣,克寧曰:「王萬一不諱,後事何屬?」因

本作「有位」,今從通鑑改正。(影庫本粘籤) 聽季父處分。」 克寧曰:「亡兄遺命,屬在我兒,孰敢異議 雖承遺命,恐未能彈壓大事。季父勳德俱高,衆情推伏,且請制置軍府,候兒有立, 曲,朝夕聚謀,皆欲爲亂。莊宗英察,懼及於禍,將嗣位,讓克寧曰:「兒年孤稚,未通庶政, 初,武皇獎勵軍戎,多畜庶孽,衣服禮秩如嫡者六七輩,比之嗣王,年齒又長,各有部 有立,原

名、苟吾兄山河有託,我亦何求!公無復言,必斬爾首以徇。」克寧雖慈愛因心,而日爲凶徒 立,天與不取,後悔無及。」克寧曰:「公毋得不祥之言!我家世立功三代,父慈子孝,天下知 莊宗 以陰計干克寧曰:「兄亡弟及,古今舊事,季父拜侄,理所未安。富貴功名,當宜自 嗣位,軍民政事,一切委之,權柄旣重,趣向者多附之。李存顥者,察 歐陽史作養子

見但嗣世,中外之事,何憂不辨。」視事之日,率先拜賀。

記

唐

惑亂。 羣凶之妻復以此言干克寧妻孟夫人,說激百端,夫人懼事泄及禍, 屢讓克寧, 由是

愈惑。

刺史克柔之假子也。 亂不作矣。」承業曰:「'老夫親承遺託, 言猶在耳。 召張承業、李存璋謂曰:「季父所爲如此,無猶子之情,骨肉不可自相魚肉, 即討除,亡無日矣。」因令吳珙、吳珙,原本作「吳珠」,今從通鑑及歐陽史改正。(影庫本粘籤)存璋爲之備。 與管內太保陰圖叛亂,俟嗣 **父不忍棄先人遺命。** 二月二十日,會諸將於府第,擒存顥、克寧於坐,莊宗垂泣數之曰:「兒初以軍府讓季父,季 「蓋讒夫交構,吾復何言!」是日,與存顥俱伏法。 ,疑有闕文。 李存璋,繇是知其有貳。 會克寧因事殺都虞侯李存質,又請兼領大同節度,以蔚、 案新唐書宰相世系表: 是克柔爲武皇母弟。 。今已事定,復欲以兒子母投畀豺虎,季父何忍此心 王過其第即擒之,并太后子母,欲送於|汴州、竊發有日矣。」莊宗 近臣史敬鎔素與存題 國昌有子四人:克恭、克儉、克用、克柔(11)。 新唐書沙陀傳:武皇有弟克勤,通鑑注引紀年錄又有兄克儉(胃), 存顯輩欲以太原降賊,王乃何路求生? 善、盡知其事、敬鎔告貞簡太后日:「存顯 克寧仁而無斷, 朔爲屬郡,又數怒監軍張 薛史李嗣昭傅 故及於禍。 吾卽 云 克寧泣對 永樂大典卷 避路, 武皇 而薛史俱無 母 弟代州 則禍 一萬

六八八

史臣曰: 昔武皇發跡於陰山, 莊宗肇基於河朔, 雖奄有天下, 而享國日淺, 眷言枝屬, 空

平之德也, 秀棣華,固未及推帝堯敦敍之恩,廣成王封建之義。自克讓而下,不獲就魯、衞之封,懋間、 案:原本作「開平」,釋其文義,當是用漢時河間獻王、東平憲王,今改正。(舊五代史洘異) 況夭 橫相

繼,亦良可悲哉!泳樂大典卷一萬三百八十八。

校勘記

(II) 文德元年

(二) 紀綱 原作「紀網」,據殿本、劉本改。影庫本批校云:「『綱』訛『網』。」

四字原無,據本書卷二五武皇紀、通鑑卷二五七、歐陽史卷四二、新唐書卷一八七孟

邑 方立傳 二十二字原無、據殿本補。

新唐書……克柔

通鑑注引紀年錄 「注」字原無,據舊五代史考異補。

舊五代史卷五十一

唐書二十七

宗室列傳第三

復考, 有全傳,秦王從榮傳尚存一百一十二字。蓋永樂大典割截以歸各韻,其全篇當即在失去諸卷之中, 案:薛史唐宗室傳,武皇諸子、莊宗諸子、末帝諸子,永樂大典中僅存數語,其全篇已佚。 邁據冊府元龜所載以補其闕。復考五代會要、通鑑諸曹分註于下,用備後唐諸王之始末焉。 明宗子唯許王從為 今無

莊宗再幸汜水,徙存霸北京留守。 奏取進止。」軍士不聽,殺之於府門之碑下。 六百二十八。 云:存霸至晉陽,從兵逃散俱盡,存霸削髮僧服謁李彥超:「願爲山僧、幸垂庇護。」軍士爭欲殺之,彥超曰:「六相公來,當 永王存霸,武皇子,莊宗第二弟,同光三年封。莊宗敗,爲軍卒所殺。 案歐陽史云:存翻歷昭義、天平、河中三軍節度使,居京師食俸祿而已。趙在禮反,乃遣存翻于河中, 通鑑云:李紹榮欲奔河中就永王存霸,從兵稍散,存霸亦帥衆千人棄鎭奔晉陽。 永樂大典卷一萬六千 叉

唐

嗇

二 十

七

宗室列

傳第三

六九〇

邕王存美,武皇子,莊宗第三弟,同光三年封。 案通鑑云:存美以病風偏枯得免,居於晉陽。 莊宗敗,不知所終。 永樂大典卷一萬六千六

薛王存禮,武皇子,案:薛史不言存禮爲武皇第幾子,據五代會要,太祖第二子存美,第三子存羈,第四子存

禮,第五子存渥,第六子存义,第七子存確,第八子存紀。 與薛史所敍微有異同。 同光三年封。 莊宗敗,不知所

泳樂大典卷一萬六千六百二十八。

劉皇后同奔太原,爲部下所殺。 |中王||存渥,||莊宗第四弟, 案歐陽史,存渥與存霸、存紀皆莊宗同母弟。 同光三年封。 永樂大典卷一萬六千六百二十八。 案通鑑云: 存渥至晉陽, 李彥超不 莊宗敗, 興

納,走至風谷,爲其下所殺。

陸王存义, 莊宗第五弟, 同光三年封。永樂大典卷一萬六千六百二十八。 歷鄜州節度使 二,

脏宗異母弟存义,以郭崇韜女壻伏誅。先是,郭崇韜旣誅之後,朝野駁悅,議論紛然。 四府元龜卷二百八十一。後以郭崇韜壻爲莊宗所殺。 肚宗令國人祭訪外事,言存义於諸

永樂大典卷一萬六千六百二十八。

案北夢瑣言云:

翁,能役使陰物,帽下召食物果實之類。 將坐上訴郭氏之無罪,其言怨望。 [神奇之,官至尚書郎,賜紫,其妻出入宮禁,承恩用事。 又於妖術人楊千郎家飲酒聚會,攘臂而泣。 又蒱博必勝,人有拳握之物,以法必取。 皇弟存义常朋経於其家,至是與存义並 楊千郎者, 又說煉丹乾汞, 魏州賤民, 一雅其禍。 易人形 自言得墨子術于婦 破 扃 鐍 貴要

間

落;盧文進傳,莊宗又有弟存短。薛史宗室傳皆不載。 永樂大典卷一萬六千六百二十八。 通 王存確,莊宗第六弟,雅王存紀,莊宗第七弟,同光三年封。 案:薛史及五代會娶皆止言莊宗有六弟(三)。考梁紀, 莊宗敗, 並爲霍彥威所 太祖有子廷鷲、落

案五代會要:三年九月二十三日,封爲魏王。 即位於魏州, 蜀 蜀 至鳳州,武 主王衍 軍大敗、斬首 魏王繼岌,莊宗子也。 率親軍 興軍節度使王承捷以鳳、興、文、扶四州降。 以繼岌充北都留守, 五千級,餘各奔潰。 五萬在利州, 案:莊宗紀稱繼岌爲第三子,然莊宗長子、次子之名,薛史與五代會娶皆不載。 令步騎親軍 三年,伐蜀,以繼岌爲都統,郭崇韜爲招討使。 及以 王衍聞其敗也,棄利州 鎭州爲北都,又命爲留守。 三萬逆戰於三泉,康延孝、李嚴以勁騎三千犯之, 甲申,至故鎮,康延孝收 **乔**歸 西川 册府元龜卷二百八十一。 斷吉柏津浮梁而去。 與州。 十月戊寅, 時僞

武定軍節度

丑,

繼岌至

興州

偽置

東川

節度使宋光葆以梓、綿、劍、龍、普等州來降〔三〕,

唐

書

三

+

t

宗 室

列

傳

第 = 迹。」張 記引王 降; 欲 使王 韶,所在 己酉 面 之勢,前 K 候 之 出 奉 · ĵ. 一承肇 階州 , 至 氏見聞錄云(日): 乃說:「來時 詔 催 山、以 魏 魏王 代所無。 綿 王 王承 以 州,王衍遣使上牋乞降。 (主),况 歸 陳凱歌,漢賓督之。 洋 闕。 蓬、 聞 岳納符印; 李嗣 張漢賓乘驛倍道急行,至與元四縣逢魏王(代),宣傳詔旨。 大軍在行,談何容易。」 册府元龜卷二百九十一。 壁三州符印降; 後唐莊宗世子魏王 源 過河,未知近事。」解 秦州 有軍謀陳岷,比事樂,與漢賓熟,密問張曰:「天子改換,且是何人?」張色莊曰:「我當 節度使王承休 一繼岌伐蜀, 陳岷 興元節度使王宗威以梁、開、 丁巳,入成都。 H 師回,至渭南、開莊宗政, 日 人 魏王 迴軍在道(五), 忝知聞, 且 棄城 請盤柜, 而遁。 故政 自興師出洛至定蜀,計七 以觀其勢,未可前 、諮問, 而有鄴郡之變。 辛丑,繼岌過 兩日來有一 王 師徒潰散、 以)通 邁。」 本軍方討漢州, 莊宗與劉后命內臣張遊濱獨急 信 張以莊宗命嚴,不敢 渠、麟 風, 利州。 新人已即位矣, 自 縊死。 等五州符印送 戊申,至 十五五 康延孝相次繼來, H, 案太平廣 劍州 遻 復 走丸 何形

室亂 並 知所 莊宗諸兒削髮爲苾獨,間道走蜀, 潼 終。 、繼嵩、 永樂大典 機蟾、 彩 機曉並莊宗子(公), 一萬六千六百二十八。 時 知祥新稱帝,爲公主厚待猶子,賜予于計(九)。(獨五代史考異) 同光三年拜光祿 案清異级 唐福 慶公主下 大夫、檢校 降孟 知 於。 司 徒, 長興 未封。 四 年 明宗晏駕, 莊宗 败, 唐

進

一發,魏

王

至

渭南遇害。(舊五代史考異)

從璟, **明宗長子,性忠勇沈厚,摧堅陷陣,人罕偕焉。** 册的沉略卷二百七十一。 從莊宗于河

莊宗韶從璟曰:「爾父于國有大功,忠孝之心,朕自明信,今爲亂兵所扨, 去,左右或勸從璟令自脫, 子,命再往,從璟固執不行,願死于御前, 無令有疑。」從璟行至中途口的,爲元行欽所制,復與歸洛下。 累有戰功,莊宗器賞之,用爲金鎗指揮使。冊府沅軍卷二百九十一。明宗在魏府爲軍 終無行意,尋爲元行欽所殺。 以明丹赤。 從莊宗赴汴州, 天成初, 赠太保。 莊宗改其名爲繼璟,以爲己 明宗之親舊多策馬而 爾宜自去宣股旨, 册府元龜卷二百八 上所逼,

也。 事。 北京留守, 七百六十。 曰:「近聞從榮左右有詐宣肸旨,令勿接儒生, 。」鞫其言者將戮之,重誨曰:「若遽行刑,又慮賓從難處,且望嚴誠。」遂止。 余比以從榮方幼, 秦王從榮,明宗第二子也。 充河東節度使。 出臨大藩, 四年,入爲河南 明宗踐作,天成初,授鄴都留守、天雄軍節度使。 故選儒雅, 尹。 儒生多懦, 賴其裨佐。 册府 沉 趣 卷 二 百 八 十 一 。 一 恐鈍志相染。 今聞此姦憸之言, 日, **股方知之**, 明宗謂 泳樂大典卷六千 豈肸之所望 三年, 頗駭其 安重

元龜卷二百七十。 從榮爲詩,與從事高輦等更相唱和,自謂章句獨步於一時,有詩千餘首, 號日紫府集。

唐書二十七宗

室

列

傳

第三

橋。 之。 榮自知不爲時論所與,恐不得爲嗣、 爲庶人。永樂大典卷一萬六千六百二十八。 法,好 侍郎任贊, 王置 令其府 淑妃曰:「從榮在此。」帝不應。 郎,充六軍諸衞 議 刑 兩指 部侍郎劉贊爲王傅,又奏翰林學士崔稅爲元帥府 歷涇、秦二鎭節度判官。 孟 昵蠢小,上交從容言曰:「王位尊嚴,當修令德以 揮爲 師 從樂不悅,退謂左右曰:「旣付以元帥之任,而阻予請僚佐,又未諭制旨也。」 漢瓊被甲乘馬, 長 傅,明宗顧問近臣,執政以從榮名勢旣隆,不敢忤旨, 屬 興 僚佐及四方遊士,各試檄淮南書一 秦 中, 推官。 從之。 府 衙 以 李澣、 兵,每入朝,以數百 本官充天下兵馬大元帥。 召馬軍都指揮使朱洪實,使將五百騎討從榮。 册府元顯卷二百九十九。 張流、魚崇遠皆白衣在寮府,悉與上交友善。 從榮及禍 從榮出,聞宮中皆哭,從榮意帝已殂,明旦,稱疾不入。 與其黨謀, 僚屬皆 华斥。 騎 欲以兵入侍, 從行, 人類民皇。 案通鑑明宗紀 上交由1 案宋史趙上交傳: 册府元卿卷二百六十九。 道, 出 先制權] 是知名。(舊五代史考異)後舉兵犯宮室, 則 王忍爲此,獨不見恭世子、 陳己將廓淸宇內之意。 張弓挾矢, 云 判官。 臣。 從榮方據胡床,坐橋上, 己丑,大漸,秦王從榮入問疾,帝俛首 壬辰,從榮自河南府 界遷 秦王從榮開 明宗曰:「學士代予詔· 司 即奏云:「王官宜委。」從榮 馳 封 從榮乃請以嚴 郎 騁 是夕, 中, 盈 府 巷。 飨 充判 戾太子之事乎?」 判 帝實 遺左右 常服將步騎 軍 官。 初, 既受元帥之命 小愈 衞 從榮素豪 言事 以 召 衞、 上交爲 東義 而從榮不 千人陳 令, 復 者請 捧聖步 敗死 從榮 誠 不 邁 不 能 扊 猆 夘 不 端門 可 刑 \mathcal{F}_{J} 爲 員 逕 崎 廢 擬 亵 刨 津 |從 H 醴 外 王 巴

阴

叩

左掖門,從門際窺之,見朱洪寶引騎兵北來,走白從榮,從榮大縣,命取鐵掩心損之,坐調弓矢。

俄而騎兵大至, 從

饶。 之。 也,高鞏寬于民家,且落髮爲僧。 旦如此,得無危乎?」聲曰:「子弄父兵,罪當答爾,不然則悔無及矣。」從榮猶豫不決,未幾及禍,高釐棄市。 勸寮王托疾:「此霾以所就之間 (1三),須來問候,請大王伏壯士,出其不意皆斬之,庶幾兒禍矣。」 庶人。 **|**荣走歸府,僚佐皆竄匿,牙兵掠<u>嘉善</u>坊潰去。 日:「朱衣纔脫,白刃難逃。」觀者笑之二言 念,宜從有國之規,且令中書門下商量葬禮。」尋據太常禮院狀奏:「請准唐貞觀中庶人承乾流死黔州, 于是康知訓等竊議曰:「秦王好文,交遊者多詞客,此子若一旦南面,則我等轉死溝壑,不如早圖之。」高輦知其謀, ,當時名士有若張杭、高文蔚、何仲舉之徒,莫不分廷抗禮, 五代史補:秦王從榮,明宗之愛子。好爲詩,判河南府,辟高輦爲推官。 近代會要云:清泰元年十二月勒:「故庶人從榮口」,獲罪先帝, 旣擒獲,知訓以其毀形難認, 從榮與妃劉氏既床下,皇城使安從益就斬之,以其首獻。 復使巾膭著緋, 更唱迭和。 貽禍厥身, 時干戈之後, 驗其眞僞, 節尤能為詩,賓主相遇甚歡。 已歷歲時,未營宅兆。 然後用刑。 武夫用事, | 從榮日 **盛神**色自若, 睹從榮所爲, 丙申,追廢從榮爲 仍葬以公禮。」 :「至尊在上,一 初,從榮之敗 自是出 雖軫在原之 周駿 入門 徃 因

御榻。 直,好客疏財,意 常以此忌之。 安重誨奏請誅之二記。 明宗諸子。 明宗幸汴,留從璨爲大內皇城使。 豁 如也。 案:五代會要以從璨爲明宗第四子。 天成中,爲右衞大將軍,時安重誨方秉事權,從璨亦不之屈,重誨 韶曰:「皇城使從璨,殷巡幸汴州,使警大內。 乃全乖委任,但 日,召賓友於會節園,酒酣之後,戲登於 册府元龜作諸子,與明宗紀同。 今仍其舊。 性剛

唐

舎 二

+

t

宗室

列

僔

第三

法, 恣遨遊, 固不 黨親, 於予行從之園,頻恣歌歡之會, 宜貶授房州 司戶參軍,仍令盡命。」長興中, 仍施峻法、 顯辱平人,致彼喧譁, 重酶之得罪也,命復舊官, 達於聞 聽。 方當 仍贈太 立

/册府

远瞻卷二百九十五。

拒漢 相, 殿 陽 地 益 衞 作「郇」, 使, 遙領 見羣官 令知 慮 李式、 高 门故尤 中 充在 中 曹州 **今**改 加 以 南 原 一從益 翟光 從 所 京 蕭 無 朝 正。(影庫本粘籤) 節 案 巡 念 翰 鍾愛。」長 主 軍 ··薛史但載從益拒漢事,考宋史趙上交傳云 度使,復封 ,明宗之幼子也。 郭 檢 率 爲二王後,改 國 軍民 爲 部 事 樞 衆 翰 大亂 密 從 興末,封許王。 北 列 使, 許王, 益 歸 食 拜 興王 於殿 則 邑三千戶。 王 封 從 三 亦 景 郇國 與王妃 益 妃 上 宮嬪所生, 小 崇 為 餕 不能 逃於徽陵以避 於 公, 羣官趨 晉高 北 宣 尋 其後 按 郇 郊。 徽 歸 轡 國,原本作「鄒國」,考歐陽史及通鑑並 使, 拜 加 西京。 明宗命王淑妃母之,嘗 徐 與母歸洛 即位, 於殿 及 歸 漢祖將至,從益遣上交馳表獻款。 漢 餘 矣二善, 之,使者 官 高 下 會契丹主死, 其汴州 以 各有 祖 (皇后即 陽守 乃偽署王松爲 將 乃詐稱契丹主命, 離 署置。 至,不得已 陵。 太原 i其姊. 開運 又以 從 也, |謂左右曰:「唯此兒生於 左丞相 益 北 m 乃養從益 召 來燕將 作師 節度 赴馬 契丹主 高 蓋獻款乃 遣 國 行 使 趙 人 周 薛史晉高 蕭 於宮中。 劉 上 從 迎 淑妃、從益本 交爲 翰謀 武 從 益 祚 於崇元 爲 益 行 }祖 以 德 右 於 歸 權 }紀 侍 洛 從 丞 欲 北 晉 亦

意也。 歐陽史兩存之,其事始備。(舊五代史考異)行周等不從,且奏其事。 漢高祖怒, 車駕將至闕, 從

太原起軍建號,至洛陽,命郭從義先入京師,受密旨殺王淑妃與許王從益。 益與王妃俱賜死於私第,時年十七,時人哀之。 泳樂大典卷六千七百六十。 淑妃臨刑號泣曰:「吾家子母何罪, 五代史闕文: 漢高祖 吾兒為

史臣修漢祖實錄,敍淑妃、從益傳,但云「臨刑之日,焚香俟命」,蓋諱之耳

契丹所立公方,非敢與人爭國,何不且留吾兒,每年寒食,使持一盂飯灑明宗陵寢。」聞者無不泣下。

臣謹按,

隱帝朝,

韶

七十七。 李重吉于宋州,匡祚榜捶重吉,貴其家財。 永樂大典卷一萬六千六百二十八。 重吉、末帝長子,爲控鶴都指揮使。 案:閔帝有子重哲,授銀青光祿大夫、檢校工部尚書,見明宗紀。 清泰元年,詔贈太尉,仍令宋州選隊地置廟。 案通鑑云: 韶遺殿直楚匡祚執亳州李重吉, 幽于宋州。又云: 遺楚匡祚殺 閔帝嗣位,出爲亳州團練使。 歐陽史家人傳闕而不載,今附識于此。 末帝兵起,爲閔帝所 册府元驱卷二百

室 百姓主,又禁其求生二艺,徒增惡名耳。 二十八。 ,重美諫曰:「新天子至,必不露居,他日重勞民 雍 王 重美,末帝第二子,清泰三年封。 案通鑑云:洛陽自聞兵敗,衆心大震,居人四出 不若聽其自便,事學自還。」乃出令任從所適,衆心差安。 、力,死而遺怨,將安用之。」乃止。案:重美傳,永樂大典原本有闕佚,今附 晉兵入,與末帝俱自焚死。 ,逃竄山谷。 門者請禁之, 雅王 重美日:「 永樂大典卷一萬六千六百 叉云: 國 皇后積薪欲 家多難, 未 焼宮 能爲

六九七

唐

_ + t

宗 室 列 傳

第

Ξ

校 勘

記

錄通鑑于此,疑通鑑所用即本薛史原文也。

謂賢矣!永樂大典卷六千七百六十。 賈覆亡之禍,謂爲大逆,則近厚誣。 從璨爲權臣所忌,從益爲強敵所脅,俱不得其死,亦良 孺子之咎也。 可傷哉! 史臣曰:繼岌以童騃之歲,當統帥之任,雖成功於劍外,尋求死於渭濱,蓋運盡天亡,非 重美聽洛民之奔亡,止母后之燔爇,身雖燼於紅燄,言則耀乎靑編。 從璟感厚遇之恩,無苟免之意,死於君側,得不謂之忠乎!從榮以狂躁之謀, 童年若斯,可

校勘記

歷鄜州節度使 「節度使」原作「刺史」,據冊府卷二八一改。

案薛史及五代會要皆止言莊宗有六弟 云:「通王存確,莊宗第六弟,雅王存紀,莊宗第七弟。」此作「六弟」, 劉本同。 按會要卷二云:「後唐太祖有八子。」本卷正文 誤。

呈 梓綿 劍龍 普 「綿」原作「潼」,據劉本、冊府卷二九一、通鑑卷二七三、本書卷三三莊宗紀改。

(11) 王氏見聞錄 「錄」字原無,據殿本、太平廣記卷八〇補。

(H) 迴軍 原作「迴車」,據殿本、劉本、太平廣記卷八〇改。

我嘗面奉宣詔魏王 殿本、劉本、太平廣記卷八〇「嘗」作「當」。

2 (七) 繼潼 原作「繼種」,據殿本、通鑑卷二七五、歐陽史卷一四唐太祖家人傳、會要卷二改。

八九 賜予千計 殿本、劉本同。 孔本此下有:「考清異錄記載多舛, 惟莊宗諸子入風宜可信云」十九

字。

(10) 從璟 原作「行璟」,據劉本改。殿本作從審。

從築 原作「重榮」,據本卷正文、歐陽史卷一五唐明宗家人傳、會要卷二改。

以所就之間 劉本同。 影庫本粘籤云:「以所就之間, 原本似有脫誤, 今無別本可校, 姑仍其

舊。」殿本無此五字。

(三) 觀者笑之 殿本、劉本同。五代史補卷二「笑」作「壯」。

(18) 安重酶 「重」原作「從」,據殿本、冊府卷二九五改。

合 三 吾兒爲契丹所立 按轡 原作「按轡」,據殿本、劉本改。 「兒」原作「旣」,據顧廣圻校本五代史闕文(以下簡稱五代史闕文) 影庫本批校云:「「轡」訛「轡」。」

(It) 又禁其求生 五字原無,據通鑑卷二八〇補

唐

= +

七

校

勘記

舊五代史卷五十二

唐書二十八

列傳第四

等。四年,改衙內都將,復援河中,敗汴軍於胡壁堡,擒汴將滑禮,以功加檢校僕射。 中,珙引陝州之軍攻珂,珂求救於武皇,乃令嗣昭將兵援之, **近然史秀異〉武皇微伸儆戒,乃終身不飲。** 使改正。不知族姓所出。 珂請婚武皇,武皇以女妻之,珂赴禮於太原,以嗣昭權典河中留後事 而精悍有膽略,沈毅不羣。 李嗣昭、字盆光,武皇母弟代州刺史克柔之假子也。 案: 歐陽史作本姓韓氏, 汾州大谷縣民家子。少事克柔, 頗謹愿, 雖形貌眇小, 初嗜酒好樂, 少從征伐,精練軍機。 案:歐陽史作初喜嗜酒,吳縝篡誤云:喜卽嗜也,疑賸「喜」字。(舊 小字進通, 敗洪軍於猗氏, 獲賊將李璠 乾寧初,王珂、王珙爭帥河 案:原本作「通進」,今從歐陽 及王

磨

鲁二十八

列 傳

第

四

通鑑改 營都 通鑑注 李存 日 戦 以 鐵 璋 正。(影 勿以 云 騎 爲刺 環城,汴人不 進 口 海本粘質 潞州 在 史。 攻 潞 潞 爲 州 籤 梁祖 州 城 敵 東 此 遺李 聞嗣 賊 今改 及 敢芻牧, 決 聞 存 昭之師· 正 與我鬭 嗣 質 (影 昭 援路 李 庫本粘籤) 軍 大至, Ξ, 韓店, 嗣 斷 本 絕。 以兵 公等 召葛 俘獲三千,執 梁 八 扼 加 臨 從 月, 大 曰:「進通 周 事 井關 德倫 謂 制 機, H 洋丼 其將 張歸厚 勿落 扼八 汴 將 人 蔡延恭,代李君 姦 議 澤 若 棄城 便。 路, 州 在 刺 高 遁去, 賀德 八議 史 平, 劉 路 當 倫 山己 我復 慶爲蕃 原本 閉 棄 重 壁 而 城 取 作「入義 不 取 而 潞 漢馬 Ź, 出 遁 州 步 先 Jታ 嗣 今據 以 昭

楊 河 師 葛從周設伏於青山 擊敗之、獲其將 悦等被擒。 三年(言) 十月,汴人大寇鎭、定,王郜告 | | | | | | 胡 禮 [_1 攻 0 滄州 進攻洺州 嗣 昭聞梁祖 ,劉仁恭求救, ,下之,獲其郡 至,斂軍而 遭 急 嗣 於武 市人登城,嗣昭攻其北門,破其外垣, 退,從周伏兵發, 將朱紹宗。 昭 皇, 出 師 乃遣 邢、 洛以 嗣昭出 九月, 爲 應之。 其所 梁祖 師,下太行 敗, 自 mi 率 昭 偏 遇汴 軍三萬 將· 軍 部 俄前 至 於 郞 沙

將葛 款 於汴,嗣昭討之,三日而 從 周 復 陷承天軍,氏叔琮營洞渦驛。 元年,河中王珂 為汴人所擄, 拔,斬 是月, 河中晉、絳諸郡皆陷。 太原四面,汴軍雲合,武皇憂迫,計無從出 **汴人初得** 清、絳、乃大舉諸道之師 四月, 汾州 刺 史李 來逼太原 瑭 謀 嗣昭 叛 朝

將閣

寶救軍

至,乃退

||濕 昭 腹 夕 出 疾, 降其刺 精 師 陰地, 騎 運 分出 史唐禮 繼 陰地 諸 FF, 、張瓌。 五. 原本作「陰陀」, 月,氏叔琮 掩擊汴營, 是時 引退 ٠, 左俘右斬, 考醉 天子 史前後皆作陰地, 嗣 在 昭 鳳 翔,汴 以精騎 或燔 或擊, 人 追之, 胡三省云: 攻 汴 圍 汴 軍 陰地 軍 有 一疲於 委 密 關 棄輜 詔 奔命, 在晉州東北。(影庫本粘籤) 徴兵。 重 又 兵 仗 屬 萬計 霖 月, 雨, 嗣昭 軍 六月, 多足 攻慈、 出 嗣 帥 臐

絳, 屯吉

上堡,

遇汴將王友通

於平陽

一戦

擒之。

州 汴 矣! 兒 威 加 下 城 師 等 收 無 無 軍 自 合餘 敵 桽 一武皇將從之, 武 因 7 明 茍 援 一乘之。 皇 存 日 大 年 師 翮 聞 IE 軍 東 氏 必 旅 其 月 登 能 敗 叔 河北 平陽 敗 時 宗犯 嗣 城 城 諸 也 昭 守。」李存 拒 , |嗣 一,遺李存 嗣 將 受 近 守, 進 德威之營, 汴軍 他指 潰散, 昭 皇 兵 昭 귮 汴 之師 浦 書 爭 揮 人治攻 縣。 信 夜 信 無 ٠, 不 今獨 大恐。 登 復 率牙兵 可 城, 部 十八 具於 獝 守 伍 事 憂不遑食, 十餘萬 危 豫未决, 至 三月十一日,有白 勢危急,不 日 西 德 清源 城,兵 汴將朱友寧、氏 北 威 引 隅 應 列 賴劉太妃極言於內, Ľ 騎 接, 陣 召 地 加 儿 軍 1/4 諸 復爲 磩 Ħ. 面 循 合, 將 、黛彼 誉 入 西 欲 北 棚 汴 徳威 虹 Ш 叔琮將兵 Ш 蕃 貫 相 軍 樂室 丽 保 望。 所 周 嗣 遁 別 雲州 德威 擎。 反 圖 昭 朱 時 武皇 7 排 進 之營, **IIII** 汴 友 鎭 萬 取 戰 州 强 軍 環 來拒。 A. 昭 解之, 營於 乘 塹深 朱温 1-1 候者 11-河 勝 中 晉 陷 固 -皆爲 數 王 ניק 云 兵 一同 怒 日, 保 勿 不 師 + 則 爲 梁 || [[] 嗣 利 八 百 軍 亡散之 Ľ 、汾等 , 宜. 萬 此 而 無 孤 退, 天 H

唐

衆復集。 追 復 收 嗣 汾、 昭 慈、 畫 夜 |||濕 分 等 兵四 州 出 五. 月, 斬將搴旗 雲州 都將 汴軍保守不暇。二十一日 王 一敬 暉 據城數, 振武石 善友亦爲部將契茲讓 朱友寧燒營退 去 福司 所 昭

逐 嗣 昭 皆 討平之。

書以爲 來有 貧 歸 將丁會以 太原 會 媪 而 武 武 ·地之兆· 皇子, 澤、潞降太原 ,武皇遣 己 皇 乃以 占 殊 誤。 也。 者 **汴人** 嗣 使 謂 始 命 昭 克用 未幾,丁會 媪"「有子 嗣 攻 嗣 爲 昭 (滄、景, 以其子嗣 昭 昭 未 義節 爲 到 帥,乃自 乎? 之前, 既降, 昭 度使 劉仁恭遣使求援。 爲留後。 上 媥 嗣 案舊唐: 黨有 含而 昭 甲戌,全忠燒長蘆鶯旋軍, 有 領 占者 ** 兵 見爲 入 入 理 天祐三年十二月戊辰,李克用與 路, 軍士 所 見一 + 以 其 , 人家 月(夏),嗣 氣 媥 出 家 戍 尋思, 舍上常 於外。」占 ZU 聞 潞州 面 聞 空缺, 昭合燕軍三萬進攻路州 陷 者異之。 有 故 也。 者 氣 乃駐 幽 心異之,以爲 如口 考嗣昭本克柔養子, 州之衆同攻 車 於 濫 是 舍。 視 潞州 之, 為其子 ,全忠守 會 但 篠唐 將 路.

密拔, · 主 宗 軍民乏絕, 嗣 昭 原本作 敗汴軍、破夾城。 撫 几 循 年六月, 「蜜跋」,今從册府元 感鹽 衆, 炭 汴 登 自 將 城 生 拒 李思安 一三、 嗣昭知武皇棄世,哀慟幾絕。 守。 }驅 故 以 將 梁祖 Ē 濟 兵 (影庫本 馳書說 + 貧 萬 民。 攻 粘 潞 籤 嗣 誘 昭 州 百 坐 端 嘗 , 客 乃築 享諸將, , 嗣 不之覺, 昭 夾 焚其 時大兵攻圍 城, 登 酣 深溝 城 僞 飮 張 詔 如 樂, • 周 故, 斬 歷年, . 型 賊 其 以 使 内 矢 城 安 者 中 外 中 衆 足 重 土 城 心 複, 一民飢 嗣 中 飛 昭 固 Ξī 死大半, 年 密 守 走 經. 路 拔 无 之, 月,

鄽 里蕭條。 嗣昭緩法寬租,勸農務穡,一二年間,軍城完集,三面鄰於敵境,寇鈔縱橫 設法

枝梧,邊鄙不聳

負未決。」<u>莊宗曰:「非兄言,幾敗吾事!」軍校王建及又陳方略,</u> 北爲掎角,汴軍懼,下山,因縱軍擊之,俘斬三萬級,由是莊宗之軍復振 騎逗撓,無令返旆,晡後追擊,破之必矣。 或請收軍保營,詰旦復戰。 胡卿之戰,周德威戰沒,師無行列,至晚方集。 嗣昭曰:「賊無營壘,去臨濮地遠,日巳晡晚,皆有歸 我若收軍拔寨,賊人入臨濮,俟彼整齊復來,即勝 **汴人四五萬登無石山**, 嗣昭與建及分兵於土山南 我軍懼形於色。 心, 但以精

十六年,嗣昭代周德威權幽州軍府事。九月,以李紹宏代,嗣昭出薊門, 百姓號泣請

,截鞍惜別,嗣昭夜遁而歸。

年饋輓,引領鶴望,俟破汴軍。今兵賦不充,寇孽猶在,坐食軍賦,有愧蒸民。」嗣昭曰:「臣 昭與李存審援之。 末春首,即舉衆復來。」莊宗離席拜送,如家人禮。 是月,汴將劉鄭攻同州, 忝急難之地,每一念此,寢不安席。大王且持重謹守,惠養士民。臣歸本藩,簡料兵賦, 十七年六月,嗣昭自德勝歸藩,莊宗帳餞於戚城。莊宗酒酣,泣而言曰:「河朔生靈,十 九月,破汴軍於馮翊,乃班 師 朱 友謙告急,嗣

十九年,莊宗親征張文禮於鎭州。 冬,契丹三十萬奄至,嗣昭從莊宗擊之,敵騎圍之數 七〇五

唐 書 =

+ 八

列 傳 第

24

之兵 而還 射賊 擊之殆盡,餘三人匿 + 重 出 良久不 是 至 發而 九門, 時 ::殪之。 解 閻 寶爲鎭 九門、原 嗣 於牆 嗣 昭 昭 人所 號泣赴之,引三百騎橫擊重圍,馳突出沒者數十合, 本作「丸門」,今據通鑑及遼史改 **墟間**,嗣 日 暮 敗, 還營,所傷 退保趙州,莊宗命 昭環 馬 丽 血 射之,爲 流 不 正'(影庫 止 嗣昭 是 賊 夜卒。 矢 代寶攻真定。 本粘籤) 一中腦 嗣昭設 嗣 昭 脫 七月二十四 伏於故營, 中 -矢盡, 契丹退, 拔賊矢於腦 賊至, 日、 翼莊宗 王 發伏 處

中, 詔配 嗣 昭 節 制澤、)路, 庭 官自 司 徒、太保至侍 中、 中 書令。 莊宗卽位,贈太師、隨 西 郡王 興

饗莊宗

廟

家善積聚, 生。 案 : 嗣 昭 嗣 有子七人, 昭有子七人,醉史僅言其六。 設法販鬻,致家財百萬。 長 日 繼儔, 澤州 歐陽史仍薛 永樂大典卷一 刺 史; 史之舊 次繼韜、 萬三百八十九。 據 繼 韜 繼忠、繼 附傳, 有 能 弟 機達, 繼襲、 合 數之恰得七人也 繼遠, 皆大人楊氏所 楊氏

囚繼 以父 繼 韜 **儔於別室,以事奏聞。** 牙兵數千摊喪歸路。 兄繼儔,嗣昭 繼 韜, 小字留得,少驕 長 (嫡也) 當襲 莊宗令李存 獪無賴。 莊宗不得已,命爲安義軍兵馬留後。 父爵, 嗣 然柔而 昭 渥 馳 既卒,莊宗詔諸子扶喪 騎 不武。 追 渝 方在 兄 弟 苫廬, 俱 忿, 繼 欲 歸 案通鑑注云: 害存渥 太原 韜 詐令三 襄 事 (台), 後唐改昭義爲安義, 軍姒己為 存 渥 諸 遁 子 而 留 違 獲 死。

報繼 **絳**擒生,遂至汴。 南,不如與大梁通盟,國家方事之殷,焉能討我?無如此算。」乃令繼遠將百餘騎詐云於晉、 年,宜自爲謀,莫受人所制。」繼韜曰:「定哥以爲何如?」曰:「申蒙之言是也。 河北不勝河 韜曰:「國家急召此二人,情可知矣。」弟繼遠,年十五六,謂繼韜曰:「兄有家財百萬,倉儲十 監軍,莊宗將即位,詔赴鄴都。 義 有 軍爲匡義軍。 幕 「韜云"「朝廷無人,終爲<u>河</u>南吞噬,止遲速間耳。」由是陰謀叛計。 客魏琢、牙將申蒙者, 時 軍 前 糧 餉 繼韜令其愛子二人入質於汴。 不充,租庸計度請路州 梁主見之喜,因令董璋將兵應接,營於潞州之南,加繼韜同平章事,改昭 申蒙,原本作「車蒙」,今據通鑑改正。(影庫本粘籤)因入奏公事,每摭陰事 路州節度判官任園時在鎭州,亦奉詔赴鄴。 轉米五萬貯於相州,繼韜辭以經費不足,淸轉三萬。 內官張居翰時爲昭義 魏琢、申蒙謂繼

其母楊氏詣闕,冀以赂免。 將行,其弟繼遠曰:「兄往與不往,利害一也。 於國,主上季父也,弘農夫人無恙,保獲萬全。」及繼韜至,厚略宦官、伶人, 見天下!不如深溝峻壁,坐食積粟,尚可苟延歲月,往則 留後本無惡意,姦人惑之故也。 及莊宗平河南,繼韜惶恐,計無所出,將脫身於契丹,會有詔赦之,乃齎銀數十萬兩, 嗣昭親賢,不可無嗣。」楊夫人亦於宮中哀祈劉皇后,后每 亡無日矣。」或曰:「君先世有大功 以反爲名,何面更 言事 者翕然稱: 隨

+

列傳第

74

於莊宗前泣言先人之功,以動聖情,由是原之。 在京月餘,屢從畋遊,寵待如故。 李有渥深

更變,望天子遺已安撫。 訶詆之,繼韜心不自安,復賂伶閹,求歸本鎮,莊宗不聽。 事泄,斬於天津橋南。 天津橋,原本脫「津」字,今從歐陽史增入。(影庫本料 繼韜潛令紀綱書諭繼遠 欲軍城 籤

是亦 二子齠年質於汴,莊宗收城得之,撫其背曰:「爾幼如是,獨知能佐父造反,長復何爲 誅。 仍遣使往路州斬繼遠,函首赴闕,命繼儔權知軍州事,繼達充軍城巡檢

至

路城 市 繼 財, Ż 傷首 慚恥見人,生不如死。」繼達服縗麻,引數百騎坐於戟門,呼曰:「爲我反乎」」 千 門,將奔 繼達怒謂 未幾 餘攻於城門。 ,投於戟門之內。 記 契丹。 繼儔赴闕,時繼儔以繼韜所畜婢僕玩好之類悉爲己有,每日料選算校,不時上, 人曰:「吾仲兄被罪,父子誅死,大兄不仁,略無動懷,而便蒸淫 行不十里,麾下 繼達登城樓,知 副使李繼 珂聞其亂也, 奔潰, 事 不濟,啓子城東門,至其第、盡殺其孥,得百餘騎,出 自 剄 於路隅 繼珂,原本作「繼瑽」,今從通鑑改正。(影庫本粘籤)募 一妻妾,詰責 卽 令人 斬 貨

婢, 責 天 金銀數,因答 八成初, 繼能爲 至死。 相州 刺史,母楊氏卒於太原, 家人告變,言聚甲爲 亂 繼能 繼能、 繼 繼 襲皆伏誅 襲奔喪行服。 嗣 昭諸子自相屠害, 繼能答掠母

感泣。 諭之曰:「余事故使,已餘二紀,每見分財享士, 害,時同光元年六月也。 將曰:「朕於繼韜何薄,於裴約何厚?裴約能分逆順,不附賊黨,先兄一何不幸,生此鴟梟…」 鄭君,原本作「鄭書」,今據歐陽史改正。(影庫本粘籤)即背君親,余可傳刃自殺,不能送死與人。」衆皆 乃顧李紹斌曰:「爾識機便,爲我取襲約來,朕不藉澤州彈丸之地。」即遣紹斌率五千騎以赴 案:歐陽史作李存審。據薛史莊宗紀亦作李紹斌,疑歐陽史誤。 既而梁以董璋爲澤州刺史,率衆攻城,約拒久之,告急於莊宗。 路州之舊將也。 帝聞之,嗟痛不已。永樂大典卷一萬八千一百二十八。 初事李嗣昭爲親信,及繼韜之叛,約方戍澤州、も,因召民泣而 志在平歸, 紹斌自遼州進軍,未至,城已陷, 不幸薨歿。今郎君父喪未葬, 莊宗知其忠懇,謂諸 約被

從討 師還, 晉、絳,爲蕃 補軍校。 從周德 李嗣本,鴈門人,本姓張。父降,銅冶鎭將。 改馬 行 威 .瑜,授檢校刑部尙書,改威遠、寧塞等軍使。 乾寧中,從征李匡儔爲前鋒, 軍 軍都將。 漢 於余吾, 副 使都 從李嗣 嗣本率騎軍 校。 及武皇喪事有日,嗣本監護其事, 昭討王暉於 日 與汴人轉闡,前後獻俘千計, 與燕人戰,得居庸關,以功為義兒軍使,因賜姓名。 雲州,論功加 嗣本少事武皇、爲帳中紀綱、漸立戰功、得 檢校司空。 五年,討羅 改雲中防禦使、雲廚應朔等州 弘信於魏州、嗣本爲前鋒, 遷代州 **汴將李思安** 刺 史。 之圍路州也, 六年, 從攻

唐

嗇

+

八

列傳

第

29

性剛 晝夜 八月, |本入太原巡守都城。十三年,從破劉鄩於故元城,收洺、磁、 作「正 後 都 知 急 武」,今從歐陽史改正。(影庫本粘籤) 軍 烈 兵 契丹 一, 有 (馬使, 文,城中兵少,禦備罄竭,城陷,嗣本舉族入契丹。 ,得納降軍使盧文進、武州刺史高行珪以獻 節 阿保機傾塞犯邊,其衆三十萬攻振武,嗣本嬰城拒戰者累日。 義, 加 特進、檢校太保。 善戰多謀,然治郡民,頗傷苛急,人以此少之也。 號「威信可汗」。十二年,莊宗定魏博 九年,周德威討劉守光,嗣本率代北諸軍、生熟 幽州 平,論 有子八人,四人陷於幕庭。 衞三 功授振武 郡(云)。 永樂大典卷一 劉鄩據 節 契丹爲火車 六月, 還鎮 度使, 萬三百八十 幸縣 吐渾,收山 振武,原本 地道 振 命嗣 嗣司 武 本

宗親 於振 王 揮使,賜 至,人百其勇。 天雄 景 軍 武 視 仁 李 了,及鎭 都 有 其 嗣 姓名 傷, 指 恩, 功, 揮 太原 深 本姓駱。 加 使。 天祐 檢 加 慰勉 校司 了; 補 劉鄩 74 鐵林 年, 徒。 案歐陽史: 芝 轉 北 逐 內 軍 救 乃遁。 衙 康 小 趨 泂 樂平 懷英於 校。 馬 嗣恩本吐谷軍部人,而薛史不載,疑有闕文。 H 步 府, 也 都 幸之戰, 從征王行瑜,奉表獻捷, 將 與梁人接戰,應 河 嗣 西, 遼 恩 襲之, 解汾州 州 以功轉代州刺 刺 史。 倍程 之圍,加 十二年,從莊 弦 先 斃者甚衆, 史, 一晉陽 檢 加 校司 檢 充石嶺關以北都 校散 年 空,充 宗 時 而 十五, 能騎射, 入魏 城中 騎常: 稍 中 左 侍, 其 無 擊 麻 備 Ц 馬 劉 漸 鄩 軍 知兵馬使, 得 轉 及 有 都 侍武 突 Hi 退, 功 將 (陣指 恩兵 莊 轉 戰 皇

稍遷振武節度使。十五年,追赴行在,卒於太原。 天成初,明宗敦念舊勳,詔贈太尉,

子武八。考武八本嗣恩子,而遼史以爲嗣本子,蓋傳聞之誤。幼日從郎,累爲行軍司馬。 隻,賭其狩獲,暮乃多之。戰契丹於新州,歿焉。 有子二人,長日武八,騎射推於軍中。 嘗有時輩臂飢鷹(五),矜其搏擊,武八持鳴鏑 案遼史太祖紀:二年三月,合戰於新州東,殺李嗣本之 泳樂大典卷一萬三百

八十九。

萬三百八十九。 者,何也?蓋殖貨無窮,多財累愚故也。 而效忠烈,尤可貴也。 史臣曰:嗣昭以精悍勤勞,佐經綸之業,終沒王事,得以爲忠,然其後嗣皆不免於刑戮 嗣本、嗣恩皆以中涓之効,參再造之功,故可附於茲也。 抑苟能以清白遺子孫,安有斯禍哉! 裴約以偏裨 永樂大典卷一

校勘記

(1) 與汴將丁會戰於含口 「與」字原無,據殿本、冊府卷三四七補。

(三)此賊決與我關 「與」原作「於」,據彭校及删府卷三四七、卷三六九改。

(三) 光化三年 「光化」二字原無,據殿本補。

書二十八 校勘記

(日) 十一月 殿本、劉本同。本書卷二六武皇紀、冊府卷七作十二月。本條注文引舊唐書亦作十二

月。

(H) 咸鹽炭自生 王幼學云:『謂精誠所感,鹽炭不求而自致也、』今仍其舊。」殿本、劉本「威」作「含」。 孔本、盧本同。影庫本粘籤云:「咸鹽炭自生,原本疑有脫誤。考通鑑與薛史同

(大)歸太原襄事 「襄」原作「縗」,據殿本、劉本改。

(主) 澤州 原作「潞州」,據劉本、冊府卷三四七、通鑑卷二七二改。

(公) 洛磁衛三郡 「磁」原作「慈」,據殿本、劉本、冊府卷三四七改。

(九) 皆有時輩臂飢騰 輦、疑是人名,今無別本可考,姑仍其舊。」 「輩」原作「輦」,彭本同,熊殿本、劉本、冊府卷八四六改。影庫本粘籤云:「時

售五代史卷五十三

唐書二十九

列

傳第五

惡,有同水火。及平定潞州,存孝以功望領節度 [],旣而康君立授旄鉞, 步都校,與李存孝擊張濬軍於平陽。時存孝聽勇冠絕、軍中皆下之,唯存信與爭功,由是相 書、善戰、識兵勢。 大中初,隨懷化郡王李思忠內附,因家雲中之合羅川。 李存信,本姓張, 初爲獻祖親信,從武皇入關平賊,始補軍職,賜姓名。 案:梁紀作張污落,蓋本名污落,賜名存信。(舊五代史考異)父君政, 存信通點多數, 會四 大順中,累遷至馬 康君立, 夷語,別六蕃 迴鶻部人也。 原本作「軍

位」,今從歐陽史改正。(影庫本粘籤),存孝怒,大剽潞民,燒邑屋,言發涕流,疑存信擯已故也。明年,

唐

杳

_

|鎖、|糞

存信間之、不時許。

存孝得邢、洛,武皇與之節鉞。

大順二年,武皇大舉略地山東,以存信爲蕃漢馬步都校,存孝聞

有孝慮存信離間、欲立大功以勝之, 屢請兵於武皇,

請兼丼

七一四

之怒,武皇令存質代之,存孝乃謀叛。 白義誠 以 功檢校右僕射。 從入關討 王行瑜,加檢校 既誅,以存信爲蕃漢都校。 司空、 領郴州 刺 從討李匡儔, 史。 降赫連鐸、

二矣。」存信懼,泥首謝罪,幾至不測。 敗葛從周於宗城,乘勝至魏州之北門。 與鐵林都將落落遇汴人於洹水南,汴人爲陷馬坎以待之,存信戰敗,落落被擒。九月,存信 怒,大出師攻魏博,屠陷諸邑。 萬以攻存信。 迴軍之日,貴道堪憂。」而存信戢兵無法,稍侵

魏之獨牧,弘信怒, 正。(影庫本粘籤)與朱瑄合勢以抗梁人。梁祖患之,遣使諜羅弘信日 次安塞,爲燕軍所敗。 存信爲右校而已。天復二年十月,以疾卒於晉陽,時年四十一。 乾寧三年、克、鄭乞師於武皇、武皇遣存信營於萃縣、 存信斂衆而退、爲魏人所薄、委棄輜重、退保洺州、 武皇怒謂存信曰:「昨日吾醉、不悟贼至、公不辨耶!古人三敗,公姑 五月,存信軍於洹水。 自光化已後,存信多稱病,武皇以兵柄授李嗣昭, 明年、聞兗、惲皆陷,乃班師。 汴將葛從周、氏叔宗來援魏人,存信 学縣 ,原本作「莖縣」,今從新唐書藩鎭 泳樂大典卷一萬三百八十九 軍士喪失者十二三。 (三):「河東志在吞食河朔 翻然結於梁祖 八月、從計劉仁恭、師 ,乃出兵三 武 傳改

綱, 給事帳中。 李存孝,本姓安,名敬思。 及壯,便騎射,驍勇冠絕,常將騎爲先鋒、未嘗挫敗。 案新唐書: 存孝,飛狐人。 與歐陽史同,薛史闕載。 從武皇救陳、許,逐黃 少於俘囚中得隸紀

寇,及遇難上源,每戰無不尅捷。

亦以驍 精騎 自 之日:「相公常恃太原,輕絕大國,今張相公圍太原, 中。 祖令張全義攻澤州。李罕之告急於武皇,武皇遣存孝率騎五千援之。 處, 五 是夜,汴將李讜收軍 張 無穴, 濬 勇聞 百 ,繞汴營呼日:「我,沙陀求穴者,俟爾肉饌軍 之加兵於太原也,路州 ,乃引軍 原本作「無空」,今據新唐書改正。(影庫本粘籤) 出 戰, 存孝激 而遁,存孝追 小校馮霸殺其帥李克恭以城叛, 勵部 撃 衆, 至馬牢 舞稍先登,一戰敗之, Ц, 相公何路求生耶! 葛司 俘斬萬計,遂 可令肥者 空已入路府, 出關 退攻路州 獲馬 時汴將朱崇節 初,汴 千 存孝聞其言不遜 旬 匹, 汴 日之內, 人攻 將有鄧季筠者, 生擒季筠於軍 入路州 澤州、呼罕 沙陀無 選

騎横 存孝 犯其營,存孝諜知, 濬 梁祖與揆牙兵三千爲紀 於 平陽, 收城、武皇乃表康君 擊之,擒揆與歸範 時朝廷命京兆 存孝引三百騎伏於長子 平陽, 原本作 設伏以擊之,盡殪,進壓晉州西門,獲賊三千,自是閉壁不出。 尹 孫揆爲昭 「申陽」, 及俘囚 綱。 立爲路帥,存孝怒,不食者累日。 時揆為張濬 今據歐 五百、獻於 西崖間。 義節度使, 陽史改正。(影庫本粘籤) 众太原。 揆褒 副 令供奉官韓歸範送旌節至平陽, 招討,所部萬人。 八月(三), 衣 、大蓋,擁衆而 存孝乃急攻路州。 營於趙城 十月, 存孝引收潞州之師, 行,俟其軍前後不屬,存孝出 九月,葛從周棄城夜遁, 華州韓建造出 自晉、絳踰 揆乃仗節之路 士三百 存孝引軍 刀黃嶺趨 圍 夜 張

書二十

九

例

傳

第

五

州

刺

史。

攻 絳 州 月 刺 史張行恭棄城而去、張濬、韓建亦由含口而遁,存孝收晉、絳,以 功授汾

知之, 考存孝至 議 鎭 州 旋 趙之南 師 自 威 大順二年始領 順 恃 與鎭 李 二年三月, 戦 - 部 存信 功, 州王鎔 又 與存孝 鬱 令李存信、李存審率師出井陘以會之,併軍攻臨城、柏鄉。 邢州節鉞, 鬱 邢州節度使安知建叛入汴軍, 屢弱 不平, 不 中山 ·協,因構於武皇,言存孝望風退衄,無 在元年無由得據邢州也。 因 |致害通王鎔,又歸款於汴。 將中分其疆土。 **舊唐書蓋因平潞州事而牽連書之耳。** 定州王 武皇令存孝定邢、洛, 處存求援於武皇。 案 舊唐書以存孝據邢州爲大順 心擊賊, ,恐有私盟也。 因授之節 新唐書 李匡威救至, 武皇命存孝 興歐 鉞。 陽史並 元 年事 存 時 葠 孝 且. 從

校袁 孫考 助討存孝。 使乞平, 方 旋 老 奉韜者, 師 明 年 被 (舊五代史考異) 請以 獲, 七 武 月, 存信 兵 皇自出井陘 袁奉 復 萬 韜, 出 軍 助擊 亂。 師 原本作「奏韜」,今從歐陽史改正。(影庫本粘籤) 武皇蒐於 討 一,將逼 武 存 存 皇進 孝,許之。 孝 樂城, 自 眞定,存孝面見王鎔陳軍機。 攻 縛 邢 馬 李存 州 案新唐書: 關東下,攻平 深溝 信 屯琉璃 高 王鎔失幽 壘以 山,渡 陂。 環 州 Ż, 助,因乞盟,進幣五十萬, 九 滹水, 密令人謂存孝曰 旋爲 月 武 存孝 存孝 擊 皇 暴怒, 鎭 夜犯 衝 州 突, 16 , 誅先獲; 存信 關 溝 歸糧 城 大王俟塹 塹 誉, 汴將 二十萬, 不 王 成 奉 鎔 安康 誠 懼 請出兵 成即 有 軍 潰 使 軍

以黄河,亦可浮渡,况咫尺之洫,安能阻尙書鋒銳哉 歸太原,如塹壘未成,恐無歸志。 **尚書所畏唯大王耳,料諸將孰出尚書右。** 」存孝然之,縱兵成塹。 王若西歸,雖 居旬日,深溝 限

高壘,飛走不能及,由是存孝至敗,城中食盡。

坐稍 甘寧之比也。 萬端,亦存信教耶!」繁歸太原,車裂於市。然武皇深惜其才。 間,曷欲捨父子之恩,轉附仇讎之黨!兒雖褊狹設計,實存信搆陷至此,若得生見王面,一 至將相。吳縝纂誤云:存孝本傳止爲邢州留後,未嘗爲平章事,何故云「位至將相」耶!(舊五代史考異) 立微勞,本無顯過,但被人中傷,申明無路,迷昧至此!」武皇叱之曰:「爾與王鎔書狀,罪我 言而死,誠所甘心。」武皇愍之,遣劉太妃入城慰勞。太妃引來謁見,存孝泥首請罪曰:「兒 (四),僕人以二騎從,陣中易騎,輕捷如飛,獨舞鐵檛,挺身陷陣,萬人辟易,蓋古|張遼 乾寧元年三月,存孝登城首罪,泣訴於武皇曰:「兒蒙王深恩,位至將帥, 存孝死,武皇不視事旬日,私憾諸將久之。 永樂大典卷一萬三百八十九。 存孝每臨大敵,被重鎧櫜弓 案: 苟非 讒 匿 離 歐陽史作位

志異。 李存進,振武人,本姓孫,名重進。 重進初仕嵐州刺史湯羣爲部校,獻祖誅羣,乃事武皇,從入關,還鎭太原,署牙職。 案九國志孫漢韶傳云:祖昉,嵐州刺史。 父存進,振武軍節度使。 據薛史則存進父自名侄,未嘗爲刺史,與九國 案歐陽史:太祖破朔州得之,賜以姓名,養爲子。父佺,世吏單

+

九

列傳第五

福

中,爲

義兒軍使,賜姓名。 從討王行瑜,以功授檢校常侍,與李嗣昭同破王珙於河中。

收慈州, 槍劾節! 犯令者梟首屍於市,諸軍無不惕息,靡然向風。 於洞渦。 化三年,契丹犯塞 軍都虞侯〔弘〕,破汴軍於柏鄉,論 都,強傑難制, ,授慈、沁二 三年,授石州刺史。 , 寇雲中, 改永安軍使(至)、鴈門以北 一州刺 效節,原本作「數節」,今從通鑑改 史。 十二年(主),定魏博, 莊宗 功授邠州 初嗣位,入爲步 刺史,轉檢校司 十四年,擢蕃漢馬步副總管, 止。(影庫本粘籤) 專謀 授大雄 軍右都檢校司空,師出井陘,授行營馬 都 知兵馬使。 徒、俄 軍都巡按使。 兼西南 天復 騒 動。 ΙΉĪ 時 初,破氏叔琮前 行營招討使,出 魏 存進 人初附, 從攻楊劉, 沈厚 果斷, 有銀 步 師

管大編,兩岸石倉鐵牛以爲固,今無竹石,竊**慮**難 課 陽竹木,造浮橋以濟軍。 軍造葦笮,維大艦數十艘,作土山,植巨木於岸以纜之。 十六年,以本職兼領振武節度使。 王師以船渡, 緩急難濟, 時王師據德勝渡,汴軍據楊村渡在 成。」存進日:「吾成算在心,必有所立。」乃 存進率意欲造浮橋 初,軍中以爲戲,月餘 軍吏曰:「河 上流。 橋 **汴人運洛** 成, 橋須竹 制度

胡柳。

九年,汴將王瓚率衆逼北城,爲地穴火車,百道進攻。 存進隨機拒應, 或經日不得 馬

步都將。

與李存審固守德勝公。

條上,人皆服其勤智。

莊宗舉酒曰:「存進,吾之杜預也。」賜寶馬御衣、進檢校太保、兼魏博

行 鬭 代 食。 而 驅 就 嗣 軍 出 昭 賊 賊 爲招 師 軍 於橋下。 不能寇。 雖 退,加檢校太傅。 無 奇 進營東垣渡,夾滹拖爲壘,沙土散 迹, 俄 九月、王處球 而 然能以法 賊大至,後 王師討張文禮於鎭州 繩 盡率其衆,乘其無備, 其驕 軍不繼, 放, 血 **營壘守戰之備,特推**精 戦 而 殁, 惡, 閻寶、李嗣 時年六十六。 垣 奄 至 壁 難 壘 門。 成。 昭相次不 存進 存 力, 同光 進 議者稱之。 聞 斬 利 時, Ż, 伐林樹, 面 歿。 得部 贈 太尉 七月, 版築 下數 存進 X 旬 存 進 出 H

四人,長日漢韶。

泳樂大典卷一萬三百八十九。

舊人, 案九國志: 之起 無 事 有 刺 "故事。」聞: 史。 器 會 於於 局, 漢 契丹 尤善待之, 韶 鳳 天 閔帝嗣 風 末帝 翔 成 侵北 字享天, 儀 也 初, 峻整。 位 卽 漢韶 鄙 復姓孫氏, 尋授彰國軍 加特進 位,心 案九國志: ,表令漢韶率 與興元張虔釗 享天, 初事 漢韶 不 莊宗, 自安, 原本作「亨天」。考册府沉龜作事天, 以 漢韶與知祥敍汾上舊事,及洛中更變,相對 其父名上 師 爲定安 乃與張 進討,旣 各 表讓之,改檢校左僕射。 帥 留後, 軍 虔 部兵 釗 使, 而 各舉其城送款 大破 會王 累 遷 加 泂 檢校 師 契丹,以 東 於 《牢城指》 九國志與册府元龜 太保。 制 岐 日 山下 一、改 功 於蜀。 感泣。 揮使。 加 會稽 , 長 檢校右 及 興 知前 之字, 西 洎 中, 師 時孟 日 至 同,今改正。(影庫本粘籤) 爲 僕 抑有 俱 成都 豐沛故 洋州 叛 射。 知 崩 祥 聞 漢韶 同 人,相识 節 孟. 權 光中、爲 換 度使。 知 知太原 逃歸 瑌 寶 遇於此 祥 以 之文,非 本鎭 漢韶 蔡州 軍 何樂 幼 府

+

九

列

傳

第

五

連帥,累僞官至中書令,封樂安郡王。 如之!」於是賜第宅金帛,供帳什物,悉官給之。 偽命永平軍節度使。 年七十餘,卒於蜀, 永樂大典卷一萬八千一百二十八。 孟昶嗣僞位、歷興元、遂州兩鎮

機造 倖門 猝 給 從盟朱友謙於猗氏,授汾州刺史。 理。 鐵。 篤、召張承業與存璋授遺顧,存璋爰立莊宗、夷內難,頗有力焉、改河東馬步都虞候,兼領 以 史,入爲牢城使。 汾州 軍 功授國子祭酒,累管萬勝、雄威等軍。從討李匡儔,改義兒軍使。 ,當時稱其材幹。從破汴軍於夾城,轉檢校司徒。 使 存璋得行其志,抑強扶弱,誅其豪首,期月之間,紀綱大振、弭羣盜、務耕稼,去姦宄、息 初,武皇稍寵軍士、藩部人多干擾鄽市、肆其豪奪,法司不能禁。 李存璋,字德璜,雲中人。 之軍 馳 敵退, 木書求路,存璋斬其使。 入城固守、授大同防禦使、應蔚朔等州都 以功加檢校太傅、大同軍節度使、 從李嗣昭討雲州叛將王暉、平之、改教練使、檢校司空。五年云、武皇疾 武皇初起雲中,存璋與康君立、薛志勤等爲奔走交,從入關, 汴將尹皓攻慈州,逆戰敗之。 契丹逼雲州,存璋拒守,城中有古鐵車, 應蔚等州觀察使。 知兵馬使。 柏鄉之役,爲三鎭排陣使。 秋,契丹攻蔚州 十三年,王檀逼太原,存璋 光化二年,授澤州 莊宗初嗣位, 十九年四月,以疾卒 乃鎔爲兵仗,以 (10),阿保 十一年, 銳於水 鹽 刺

於雲州府第。

同光初,追贈太保、平章事。

晉天福初,追贈太師

命存賢 北團 走梁兵之事。 案:歐陽史作擊退梁兵。 餘遁去。 |吐渾 異。(舊五代史考異) 日:「河中將士欲拘公降於汴。」 校司空,眞拜刺史。 已歷十餘年矣。 兵馬使,因賜姓名。 王氏。 三練使。 李存賢,字子良,本姓王,名賢,許州人。 祖欽,唐隰州刺史。 率師赴之(11)。 六年,權沁州 十八年, 况大將自是存審,安得隱其姓,而存賢獨有功乎! 今考薛史止作汴軍退,不言存賢擊退,較歐陽史為得其 十二年,移刺慈州。 賢少遇亂,入黃巢軍,武皇破賊陳、許,存賢來歸。 存賢至郡,乃移復舊郡,劉闢荆棘,特立廨舍,州民完集。 河中朱友謙來求援, 吳緘纂誤云:朱友謙、符存審、劉鄒傳載部討友謙,存審救之,而郡敗, 刺史。 九年,汴人乘其無備,來攻其城,存賢擊退之。十一年,授武州刺史、山 父存賢,佐唐武皇,累著功,賜姓李氏。 天祐三年,從周德威赴援上黨,營於交口。 十九年,汴將段凝軍五萬營臨晉,蒲人大恐,咸欲歸汴。 先是州當賊境, 存賢曰:「吾奉命援河中(三), 七月,汴將尹皓攻州城,存賢督軍拒戰, 案: 吳縝篡誤據梁末帝紀及莊宗本紀當作十七年。(舊五代史考異) 不能保守, 祖啓忠、父惲。 考薛史作許州人,又作父惲, 乃於州南五十里據險立 案九國志李奉虔傳:奉虔,太原人,本姓 死王事固其所也。」 五年, 景福中, 權 其事始末甚明, **汴軍攻擊百端**, 知蔚州 不載其官爵, 莊宗嘉之, 典義兒軍, 或問於存賢 刺史, 栅爲治所, 汴軍退, 與九國志 無存賢。等 轉檢 爲副 月

質。(舊五代史考異) 以功加檢校司

議擇帥代之,方內宴,莊宗曰:「吾披榛故人,零落殆盡,所殘者存審耳。 授特進、檢校太保,充幽州 盧龍節度使。 事,北門,原本作「北北」,今從歐陽史改正。(影庫本粘籤)知付何人!」因目存賢曰:「無易於卿。」即日 授盧龍軍節度使。 存賢性忠謹周愼,晝夜戒嚴,不遑寢食口息,以至憂勞成疾,卒於幽州、時年六十五。 同光初,授右武衞上將軍。 興薛史異。(舊五代史考異) 五月,到鎮。 十一月,入覲洛陽。二年三月,幽州李存審疾篤, 案九國志:梁人攻上黨,莊宗親總大軍以援之,存賢先登陷敵,以 時契丹強盛,城門之外,烽塵交警,一日 今復衰疾, 求入覲。 北門之 數 功

典卷一萬三百八十九。 自矜其能,謂存賢曰:「與爾一博,如勝,賞爾一郡。」即時角觝,存賢勝,得蔚州刺史。 存賢 少有材力,善角觝。 按 存賢爲蔚州刺史在天祐五年, 初,莊宗在藩邸,每宴, 私與王郁角觝鬭勝, 郁頻不勝。 蓋因角觝而得郡也。 歐陽史改薛史「賞爾一郡」爲「與爾一 永樂大

鎭」,以爲盧龍節度使,殊非事實。

贈太傅。

用。 故自存信而下,皆錫姓以結其心,授任以責其效。 史臣曰:昔武皇之起抖、汾也,會鹿走於中原,期龍戰於大澤,蓄曉果之士,以備鷹犬之。 與夫董卓之畜呂布,亦何殊哉!唯

校勘記

- (1) 以功望領節度 功望領節度」,殆云以功而希冀領節度也。 原作「以功領節度使」,據殿本改。 未經得授,觀下句授康君立可見,當從原本。」 影庫本批校云::「以功領節度使,原本係『以
- (三) 遺使諜羅弘信 殿本同,劉本「諜」作「謂」。
- (三)八月 殿本、劉本同、按通鑑卷二五八記此事在大順元年八月。
- (18)、櫜弓坐矟 「櫜」原作「橐」,據殿本改。
- 至 永安軍 原作「永州軍」,據册府卷三四七、卷三八七改。
- 중 授行營馬步軍都虞侯、「步」字原無,據冊府卷三四七、卷三八七、歐陽史卷三六李存進傳補。
- (中) 十二年 年。 殿本、劉本同。 據通鑑卷二六九,李存進爲天雄巡按使在梁貞明元年, 即唐天祐
- 固守德勝 圍 德勝,原本脫『德』字,今據文增入。」 原作「圍德勝」,據明本冊府卷四〇〇改,殘宋本冊府作「固德勝」。 影庫本粘籤云:
- 五. 唐 年 二 十 殿 本、劉本同。 九 校 勘 記 據通鑑卷二六六,李克用召張承業、李存璋授遺顧事在梁開平二年,即唐

天祐五年。

契丹攻蔚州 劉本同、殿本「攻」作「陷」。 按册府卷四〇〇云:「時契丹陷蔚州、營於魚池。 阿保

機遣人馳木書路於存蹟,存璋斬其使者不報。」

(11) 命存賢率師赴之「率」字原無,據冊府卷四一四補。

(三) 吾奉命援河中 「援」字原無,據册府卷四一四補。

售五代史卷五十四

唐書三十

列傳第六

皆世襲鎭州節度使,並前史有傳。 景崇位至太尉、中書令,封常山王,中和二年卒。 景崇立。 能制,因以旄鉞授之。廷凑卒,子元逵尚文宗女壽安公主。 嘉其勇幹,畜爲假子,號王五哥,其後子孫以王爲氏。四代祖廷湊,事鎭帥王承宗爲牙將。 長慶初,承宗卒,穆宗命田弘正爲成德軍節度使。旣而鎭人殺弘正,推廷湊爲留後,朝廷不 鎔即景崇之子也,年十歲,三軍推襲父位。 王鎔,其先迴鶻部人也。 案新唐書藩鎭傳:紹鼎卒,子幼,未能事,以元遠夾子紹懿爲留後。 紹懿卒,乃復授紹鼎子景崇。與薛史異。 遠祖沒諾干,唐至德中,事鎭州節度使王武俊爲騎將。 **元逵卒**,子紹鼎立。紹鼎卒,子 武俊

於武皇,欲兼幷鎭、定,乃連年出師以擾鎭之屬邑。一鎔苦之,遣使求救於幽州。

案舊唐書云:時

大順中,武皇將李存孝旣平邢、洛,因獻謀

奉以细 天子蒙塵,九州 糧。 及方立 鼎 沸,河東節度使李克用虎視山東,方謀吞據。 平,晉將李存孝侵鎔一 于南部、鎔求援于幽州。 鎔以重路結納,請以修和好。 (舊五代史考異) 自是 燕帥李 晉軍討孟: 匡 威 方立于邢州, 頻歳 鱼 軍 以

之曰::「不必身死爲君,未若全身爲國。」即賜錦衣銀帶,加錢二十萬,擢爲中堅尉。 五代史考異) 爲鎔援。 刃之下,幹即凱唱而還。 軍門,願以五 以五百人嘗寇。 一百人嘗寇,必面縛戎首,王壯而許之。 案太平廣記引劉氏耳目記: 翼日 案太平廣記引耳目記云:趙王鎔方在幼沖, ,力卒于鋒刃之下,幹唱凱 王悅,賜上廐馬數匹,金帛稱是。 趙王 一路方在幼沖,而||熊軍寇北鄙,王選將拒之。 丽 還。 翌日,二夫率師而出,夜襲燕壘,大振 據薛史, 俄為閹人所譖曰:「此皆陳立之功, 而燕軍 寇北鄙, 燕帥爲援,未嘗與燕軍戰, 王方選將拒之。 考王 鎔初襲位,未嘗與燕軍戰, 有勇士陳 捷音,燕人駭 非幹之功。」 有勇士陳立、 凝耳目記 力、 劉幹、投刺軍 而 奔 退。 王 傳聞之誤。(劉幹投 母 何 立 疑耳目 卒于 夫 人 刺 售 願 聞 鋒 于

記係傳聞之誤。(孔本) 時匡威兵勢方盛,以鎔沖弱,將有窺圖之志。

鎔乃延入府第,館 本所甘心。」 曰:「公戒部人勿造次。吾國爲晉人所侵,垂將覆滅,賴公濟援之力,幸而獲存。 感其援助之力,事之如父。 福二年春,匡 卽 並轡歸府舍,鎔軍拒之,竟殺匡威。 於寶 威 (壽佛寺。 帥精騎數萬,再來赴援,會匡威弟匡儔奪據兄位(1),匡威退無歸路, 五月,鎔謁匡威於其館,匡威陰遣部下伏甲劫鎔, 案 : 歐陽史作館于梅子園。(舊五代史考異)鎔以匡威因已而失國、又 鎔本疏瘦,時年始十七,當與匡威並轉之 抱持之。 今日之事,

電

雨驟作,屋瓦皆飛。

有一人於缺垣中望見鎔,鎔就之,遽挾於馬上,肩之而去。

讓。 引劉氏耳目記云:真定墨君和,幼名三旺。 東角門內,有勇夫袒臂旁來,拳毆燕之介士,即挾負趙王踰垣而走,遂得歸公府。 感燕王之德,椎牛灑酒,大犒于稾城,鞏金二十萬以謝之。 作「君私」。 鎔 中之物。」玉心志之。 Ш 營東圃以居之。 崑崙兒也?」問其姓,與形質相應,即呼爲墨崑崙,因以皂衣賜之。 河,每被鄰寇侵漁, 但覺項痛頭偏,蓋因爲有力者所挾,不勝其苦故也。 願與大王 考通鑑及北夢瑣言語書俱作君和, 同歸衙署,即軍府必不拒違。」燕王以爲然,遂與趙王並辔而進。 燕王自以失國,又見趙王之幼,乃圖之,遂伏甲俟趙王,旦至,即使擒之。趙王詣曰三某承先代恭構,主 左右軍士既見主冤難,遂逐燕王。 困于守備、賴大王武略、累挫戎鋒、獲保宗祧、實資恩力。 區,良田萬畝,仍恕其十死[三],奏授光祿大夫。(舊五代史考異) 眉目稜岸,肌膚若鐵,年十五六,趙王鎔初即位,曾見之,悅而問曰:「此中何得 今改正。(影庫本粘籤) 乃鼓刀之士也, 遂厚賞之。 燕王退走于東圃,趙 燕王歸國,比及境上,為其弟匡儔所拒,趙人以其有德于我,遂 是時, 旣而訪之,則日墨君和, 常山縣邑屢爲幷州中軍所侵掠, 人團而殺之(三) 俄有大風幷黑雲起于城上, 顧惟幼懦,夙有卑誠, 問其姓名, 君和恐其難記; 趙王旣免燕王之難, 望不 趙之將卒被于 匆匆, 大雨雷電, 墨君和, 案太平廣記 **但言曰:「硯** 可伸 召置 原本 趙王 至 交 ilt.

| 鎔絶太原 自 [是與鎔: 鎔 旣 ,共尊全忠,鎔依違,全忠不悅。(舊五代史考異)光化三年秋,梁祖將吞河朔, 修好 失燕軍之援,會武皇出師以逼眞定,鎔遣使謝罪, 如初。 **洎梁祖** 兼有山東,虎視天下,鎔卑辭 厚禮,以通和 出絹二十萬 好。 匹, 乃親征鎭、定, 及具牛酒犒 案新唐書: 羅紹威諷 軍, 縱

生以千金賞之,兼賜上第一

唐

Ξ

唐書改一 當以 子詔 怒,引軍攻鎔。 耳。」卽送 大將梁公儒、李弘規子各一人往質於汴。 日"「王令公朋附丼汾, 和解, 禮 燔鎭之關 正。(影庫本粘籤) 義 龍 牛 而 無 周式請見全忠,全忠即出書示式曰:「嗣昭在者,宜速遣。」式曰:「王公所與和者,息人鋒鏑間耳 酒貨幣以犒軍。 成 番紙壓北路乎(日)?太原與趙本無恩,嗣昭庸肯入耶!」(舊五代史考異) 霸業,反欲窮兵黷武,天下其謂公何! 城。 鎔 有口辯,出見梁祖。 謂賓佐曰:「事急矣,謀其所向。」判官周式者, 遠盟爽信,敝賦業已及此, 期於無捨! 式請鎔子昭祚 案新唐書: 梁祖以女妻昭祚。 昭祚,原本作「昭胙」,今據五代會要改正。(影庫本粘籤)及 李嗣昭攻洺州,全忠自將擊走之, 」梁祖喜,引式袂而慰之曰:「前言戲之 及梁祖稱帝、鎔不得已行其正 」式曰:「公爲唐室之桓、文, 周式, 梁祖盛怒, 原本作「周 得鎔與嗣昭 成」,今據新 逆謂式 書, 况繼奉天 全忠

宗命周 翼二 月, 朔。 大將王德明率三 鎔 鎔亦報之,謂莊宗爲四十六舅。 郡,以鎭守爲名。 其後梁祖常慮 至 德威 承 天軍, 率兵應之,鎔 十七都從莊宗征 與莊宗合宴同 河朔悠久難制,會羅紹威卒,因欲除移鎭、定。先遣親軍三千,分據鎔深、 又遣大將王景仁、李思安率師七萬,營於柏鄉。 復奉唐朝 盟, 伐, ĪĒ. 奉觴獻壽 中飲,莊宗抽佩刀斷衿爲盟, 朔,稱天祜 收燕降魏, 以 申 七年。 背預 ·感概。 其功, 及破 莊宗以鎔父友, 梁軍於高 然鎔未嘗親 許女妻鎔子昭海 邑,我 |鎔造 曲 軍. 軍 使告急莊宗、莊 遠 加 大振、 敬 出 異, 爲 自是遺 因茲堅 车 之聲 با-

附於莊宗矣。

馬,每登行,命僕妾數十人維錦繡牽持而上。有閹人石希蒙者,姦寵用事,爲鎔所嬖,恆與 高者,誘避登山臨水,訪求仙迹,每一出,數月方歸,百姓勞弊。 丹、或講說佛經,親受符籙至。西山多佛寺,又有王母觀,鎔增置館字,雕飾土木。道士王若 嚴,至母亡,路始黷貨財。此事薛史不載。一鎔宴安既久,惑於左道,專求長生之要,常聚緇黃,合鍊仙 人士皆褒衣博帶,高車大蓋,以事嬉遊,藩府之中,當時爲盛。案新歷書云: 多以閹人秉權,出納決斷,悉聽所爲。 鎔 自幼聰悟.然仁而不武,征伐出於下,特以作藩數世,專制四州, 皆雕靡第舍,崇飾園池,植奇花異木, 王母觀石路旣峻,不通興 高屏塵務, |鎔母何, 遞 有婦德, 相誇尙。 不親軍 訓||溶

歸志。 久, 願 供 起變,拒門不納,則王欲何歸! 之租賦、爲不急之遊盤,世道未夷,人心多梗,久虚府第,遠出遊從,如樂禍之徒,翻然 將歸 天站 從王歸。」弘規進曰:「石希蒙說王遊從,勞弊士庶,又結構陰邪,將爲大逆。 弘規聞之怒,使親事偏將蘇漢衡率兵擐甲遽至鎔前,抽戈露 八年多十二月,鎔自西山迴,宿於鶻營莊, 府第,希蒙勸之佗所。 官者李弘規謂鎔曰:「方今晉王親當矢石,櫛沐風雨,王 希蒙潛 弘規專作威 鶻然莊,原本作「體榮莊」,今從通鑑改正。(影庫本 福,多蓄猜防,鎔 刃謂鎔曰:「軍 人在 臣 由是復無 巨偵視 外已

唐音

三十

列傳第六

其反 情狀 趙王 間方得鎔之殘骸。莊宗 盡殺王氏之族。 張 數十家。 遂 · 効忠。 友 歸 , 袖之而 順 不虚 側 梁祖 者 ?」是夜、親事 ,密輸之日:「王此 是日,令其子昭祚與張文禮以兵圍李弘規及行軍司馬李藹宅,並族誅之, 又殺蘇漢衡,收部下偏將下獄,窮其反狀,親軍皆恐,復不時給賜,衆益 ,請王殺之,以於禍本。」鎔不聽。 加尚 出,遂焚其府第,煙燄亙天,兵士大亂。 張友順,原本作「文順」,今從通鑑改正。(影庫本粘籤) 書令。 軍十餘人,自子城 命幕客致祭,葬於王氏故 初,鎔之遇害,不獲其屍, 夕將坑爾曹,宜自圖之。」 西門踰垣而 弘規因命軍士聚躁,斬希蒙首抵於前。 及 入,鎔方焚香受籙,軍士二人突入, 莊宗 衆皆掩泣相謂曰:「王待我如是, 鎔 姬妾數百, 率軍人至張文禮之第,請 攻下鎭州 德 軍 皆赴水投火而死。 節度使、守太師、中書令、 鎔之舊人於所焚府第灰 懼。 詿 留後,遂 文禮 軍 我等焉 誤者凡 ·校有 斷 其 因

鎔長子昭祚, 亂之翌日, 張文禮索之, 斬於軍門。

衣。 屬 次 湖南 子 昭 誨 綱官李震 當鎔 被 南還,軍 嗣 之夕, 士以 昭海 昭 為軍 海託 人攜出 於震, 府第 **慶置之茶**褚 置之地 цi 穴 十餘 旣 至 日 湖 湘 乃 髡 其 髮 , 乃令依 南嶽 被以僧 寺

來投,即表其事曰:「故趙王王鎔小男昭誨,年十餘歲遇禍,爲人所匿免,今尚爲僧,名崇隱 歳給 其 費。 昭誨 年長 心思歸, 震卽 齎 送 而 還。 時鎔 故將符習 爲汴州 節 度 使 會昭誨

狀,特授朝議大夫、檢校考功郎中、司農少卿,賜金紫。 謹令赴闕。」明宗賜衣一襲,令脫僧服。 永樂大典卷一萬八千一百二十八。 頃之,昭誨稱前成德軍中軍使、檢校太傅,詣中書陳 符習因以女妻之。 其後,累歷少列,

周

顯德中,遷少府監。

事。 溫使人報之曰:「何以附太原而弱隣道?」處直報曰:「吾兄與太原同時立勳王室,地又親隣, 處存 年,加太保,封太原王,後仕僞梁,授北平王、檢校太尉,不數歲復歸於莊宗。 섨 '圖。'溫許之,仍歸罪於孔目吏梁問,出絹十萬匹,牛酒以犒||軍, 母弟也。初爲定州後院軍都知兵馬使,汴人入寇,處直拒戰〔六〕,不利而退,三軍大譟, 汴將張存敬攻城,梯衝雲合,處直登城呼曰:「敝邑於朝廷未嘗不忠,於藩隣未嘗失禮,不處君之涉吾地, 王 一處直。 案: 薛史王處直傳,永樂大典止存王都廢立之事,而處直事闕佚。 存敬修盟 而退, 後十餘年, 溫因表授旄鉞、檢校左僕射。 今考舊唐書列傳云: 爲其子都廢歸私第,尋卒, 修好往來, 推處直爲帥, 常道 處直,字尤明, 何也? 也。 乃 權知留後 請從 天 年六 祐 |朱 元 此

+

直神之,待爲羽 原本作「鷹之」,今從通鑑改正。(影庫本粘籤) |王都(+),本姓劉,小字雲郞,中山||脛邑人也(<)。初,有妖人李應之得於村落間, 人。 始假幕職,出入無間,漸署爲行軍司馬,軍府之事,咸取決焉。 養爲已子。及處直 有疾,應之以左道醫之,不久病間, 李應之, 處

唐

Ξ +

列

傳

第 六

以 勞,籍其兵於臥內,自隊長已上記於別簿,漸以佗事孥戮,迨二十年,別簿之記,略無孑遺。 之死於亂兵,咸云不見其屍,衆不解甲。乃逼牙帳請殺都,處直堅靳之,久乃得免。 於管內,別置新軍,起策於博陵坊,面開一門,動皆鬼道。 都既成長、總其兵柄、姦詐巧佞,生而知之。處直愛養,漸有付託之意,時處直諸子尙幼,乃 夕,欲先事爲難。 都為節 有子,應之以都遺於處直日:一此子生而有異。一因是都得爲處直之子。 度副大使。 會燕師假道,伏甲於外城,以備不虞,昧旦入郭,諸校因引軍以圍其第,應 處直信重日隆,將校相慮,變在 其後應之閱白了 翌日賞 . 朝

王郁者,亦處直之孽子也。案:以下有闕文。

之,自是恩寵 遷太尉、侍中。 馬前奉迎,莊宗幸其府第曲宴日回。 十八年十二月(五),莊宗親征鎭州,敗契丹於沙河。 特異,奏請無不從。 時周玄豹見之曰:「形若鯉魚,難免刀机台」。 同光三年,莊宗幸鄴都,都來朝覲,留宴旬日,錫賚鉅萬, 都有愛女,十餘歲,莊宗與之論婚,許爲皇子繼岌妻 」及明宗嗣位,加中書令、然以 阴年正月,乘勝追敵,過定州,

舊。 既而安重誨用事,稍以朝政釐之。 初,同光中,祁、易二州刺史,都奏部下將校爲之,不進戶口,租賦自瞻本軍,天成 時契丹犯塞,諸軍多屯幽、易間、大將往來,都陰爲 初仍

其奪據父位,深心惡之。

之備 有 屢廢迎送 应 |海,其勢易離 漸 成猜間、 可圖 自安之計。」會朱守殷據汴州 和昭訓爲都籌畫曰: 案 宋史趙 反, 上交傳作和少微。(舊五代史考異) 鎭州 節度使王建立與安重酶

路、梓 思 奔入定州。 帥毛璋,益帥孟知祥,梓帥董璋。 攻城,契丹將禿餒率騎萬 削 不協,心 都 歸嚮,以其訪察嚴密,殺人相繼,人無宿謀, 在 五帥 身官爵, 懷怨嫉 蠟書以離間之。 都仗之守城,呼爲餒王二言, 遣宋州節度使王晏球率師 都陰 知之,乃遣人說建立謀叛,建立偽許之,密以狀聞。都又與青、徐 人來援,都興契丹合兵大戰於嘉山 群史有岐帥而無益帥,與通鑑異。 案:通鑑作青、徐、潞、益、梓五帥。 屈 身 討之(言)。 瀝懇,冀其盡 故數構不 歐陽史從薛史。(舊五代史考異) 三年四 都急 胡三省注云:是時,青帥霍彦威, 就 力, 與王郁謀, 為王 孤 疊周年,亦 一師所 引契丹 敗 甚 唯 有備。 爲援。 禿餒以二千騎 徐帥房知溫,路 洎王 月, 諸 校或 帥 制

能 萬 降 卷 於 ,名畫樂器 都 曲 好 陽門, 深圖 書 各數百 都 一,自 巷 常常 戦 而 Ш 皆四方之精 始破, 敗,奔馬 梁國 歸於府第,縱火焚之,府庫妻孥, 妙者, 初平, 令人 萃於其府。 廣 將 金帛收 70 年三 市,以得爲務,不 月, 晏球 夕俱 拔 定州 燼, 責 唯 、貴賤, 擒 時 禿餒井 都 書 校 馬 至三 其 譲

養於宮中, 李 繼 陶 故名日 者, 機陶 得得。 原原 本作 天成 繼 陳」,今從北夢 初, 安重酶知其本末,付段個養之爲兒, 瑣言 改 正。(影 庫本粘籤) 莊宗 初略 地 個知其不稱, 河朔,俘 而 得之、收 許其就

男四

人、弟

一 人

人獻於

行

在

唐

書

Ξ

+

列

傳

第

六

校勘

記

八百五十。

便。 人咸 知其僞,競詬辱之。 王都素蓄異志,潛取以歸,呼爲莊宗太子。及都叛,遂僭其服裝,時俾乘墉,欲惑軍士, 城陷,晏球獲之,拘送於闕下,行至邢州,遣使戮焉。 泳樂大典卷六千

於絲竹,故不能防姦於未兆,祭禍於未萌,相繼敗亡,又誰咎也。 臣而覆其宗,一則嬖孽子而失其國,其故何哉。蓋富貴斯久,仁義不修,目眩於妖妍, 史臣曰"王鎔據鎮、冀以稱王,治將數世,處直分易、定以爲帥,亦旣重侯。 一則惑佞 永樂大典卷六千八百五十。 耳惑

校勘記

- (1) 匡儔 原作「彥儔」,據殿本、劉本、舊唐書卷一八〇、新唐書卷二一二李全忠傳改。
- (三) 是時······趙人圍而殺之 三百二十五字原無,據殿本、劉本、太平廣記卷一九二補。
- 恕其十死 「十」原作「一」,據殿本、劉本、太平廣記卷一九二改。
- 能無 一番紙墜北路乎 「無」字原無,據新唐書卷二一一王鎔傳補。
- S 親受符籙 「受」原作「授」,「籙」原作「錄」,據殿本、通鑑卷二七一改。下文「鎔方焚香受錄」句

「受」字同。

3 處直 原作「處存」,據舊唐書卷一八二王處存傳改。

(#) 王都 「王」字原無,據殿本補。

3 四邑 原作「徑邑」,據殿本、劉本、通鑑卷二七一改。

응 (え) 曲宴 天祐十八年十二月 原作「曲晏」,據殿本、劉本改。影庫本批校云:「曲晏之『晏』應作『宴』。」下文「留宴旬日」 原作「天祐十三年」,據殿本、永樂大典(膠卷)卷六八五〇改。

難発刀机 句中「宴」字同。

=「机」原作「機」,殿本、劉本作「匕」,明本冊府卷八六〇作「几」,殘宋本冊府作「机」,

攗 汽本改。

 $\stackrel{\frown}{\equiv}$ 王晏球率師討之 「率」字原無、據殿本、劉本補。

呼爲餒王 批校云:「呼爲納王,脫『納』字。」按:輯錄舊五代史時,據遼史索倫國語解改禿餒爲塔納,故此 「餒」字原無,據永樂大典(膠卷)卷六八五〇補。 殿本、劉本作「呼爲諾王」。 影庫本

云「呼爲納王」;殿本改禿餒爲托諾,劉本改爲伊托諾,故作「呼爲諾王」。

舊五代史卷五十五

唐書三十一

列傳第七

武皇言曰:「方今天下大亂,天子付將臣以邊事,歲偶饑荒,便削儲給,我等邊人,焉能守 勇冠諸軍,吾等合勢推之,則代北之地,旬月可定,功名富貴,事無不濟也。」君立等乃夜謁 字,今從通鑑考異所引酶史增入。(影庫本粘籤)然以雄勁聞於時者,莫若沙陁部,復又李振武父子 容怨。君立與薛鐵山、程懷信、王行審、李存璋等謀曰:「段公懦人CD,難與共事。方今四方 南,天下將亂,代北仍歲阻饑,諸部豪傑,咸有嘯聚邀功之志。會文楚稍削軍人儲 雲擾,武威不振,丈夫不能於此時立功立事,非人豪也。吾等雖權係部衆,權係部衆,原本既「係」 公家父子,素以威惠及五部,當共除虐帥,以謝邊人,孰敢異議者!」武皇曰:「明天子 康 君立,蔚州興唐人,世爲邊豪。乾符中,爲雲州牙校,事防禦使段文楚。 時羣盜起河 給,戍兵

唐

答三十 _

列

傳第七

鈞、 後。 軍 前 保 州 太祖之門。 機 在 後多稱黃巢餘黨爲黃孽, 已泄, 使。 感義 上, 幽州 衆且 衆狀 舉 軍 事當· 李 遲 萬 疑非 以 可舉 則 聞, 海 事實。 變生,曷俟千里咨稟 有 皇 朝典,公等勿輕議。 朝廷不 加兵於武皇,攻武皇於蔚州, 師營鬭雞臺,城中械文楚以應武皇之軍。 授 新唐書作夜謁克用,通鑑作潛詣蔚州說克用,皆以薛史爲據。 **應門節度,以君立爲左都** 今改正。(影庫本粘籤) 悦, 韶徴兵來討。 予家尊遠在振武,萬一相迫,俟予稟命。」君立等日 案通鑑考異引趙鳳紀年錄云: 收長安。 俄 押牙、從 君立從擊可舉之師屢捷。 而 獻祖失振武, 武皇還鎭太原, 入關,逐黃 孽, 旣收城, 武皇失雲州, 邊校程懷信、 衆因聚躁,擁武皇, 推武皇爲大同軍防禦留 授檢校工部尙書、 黄 孽,原本作「黄辟」, 及獻祖入達靼, 康君立等十餘帳, 朝廷命招討 比 考薛史 日 事 及雲 使 李

休叛 之, 平之,授檢校左僕 帥師 文德 入汴軍, 二萬, 初,李罕之旣失河陽,來歸於武皇,且求 君立 助罕之攻取河陽。 射、 引 退。 昭義節度使。 八月,授汾州 三月,與汴 自 武皇之師連歲略 刺 史。 將 大順 丁會、 援焉。 元 年,路州 牛存節 地於邢、洛, 乃以君立充南面招討使,李存 戰於沈河, 小校安居受 攻孟方立 臨 反,武 陣之次 皇 君立 遣 騎 常 君 將 立 孝 安 休 討 副

踏之師以爲掎 景福初,檢校司徒,食邑千戶。 二年,李存孝據邢州叛, 武皇命君立討之, 以功加檢校

角

事,流涕不已。 時年四十八。明宗卽位,以念舊之故,詔贈太傅。 孝不叶,屢相傾奪,而君立素與存信善。 九月,君立至太原,武皇會諸將酒博, 乾寧初,存孝平、班師。 時君立以一言忤旨,武皇賜酖而殂, 存孝旣死,武皇深惜之,怒諸將無解愠者。 泳樂大典卷一萬八千一百一十八。 案 通鑑考異引唐遺錄作君立被杖死,與薛史異。 初, 李存信與存 因語及存孝

中,以功授右牙都校,從入達靼。 檢校工部尚書、河東右都押牙、先鋒右軍使。從武皇救陳、許,平黃巢。 薛 志勤,蔚州奉誠人,小字鐵山。 武皇授節應門,志勤領代北軍使,從入關,收京城,以功授 初爲獻祖帳中親信,乾符中,與康君立共推武皇定雲

武皇遇難於上源驛,汴將楊彥洪連車樹栅,遮絕巷陌,時騎從皆醉,宴席旣闌,汴軍四

志勤虓勇冠絕,復酒膽激壯,因獨登驛樓大呼曰:「朱僕射負恩無行,邀我司空

急矣,如至五鼓,吾屬無遺類矣, 圖之,吾三百人足以濟事! 因扶武皇而去。 益 雷雨暴猛, 汴人扼橋, 志勤以其屬血戰擊敗之, 得侍武皇還營, 由是恩顧 因 「彎弧發射,矢無虛發,汴人斃者數十。 無遺類矣,原本脫「遺」字,今從冊府元瞻增入。(影庫本粘籤)可速行! 志勤私謂武皇日:「事

面

攻傳舍。

初,張濬以天子之師來侵太原。 十月、大軍入陰地、志勤與李承嗣率騎三千抗之、

=

+

先登陷 初,代康君立爲昭義節度使。 敗韓建之軍 陣, 勇敢無前。 於蒙坑, 進收晉、絳,以功授忻州刺史。二年,從討鎭州, 王暉據雲州叛,討平之,以志勤爲大同軍防禦使、檢校司空。 光化元年十二月,以疾卒於潞,時年六十二。 收天長 永樂大典卷二萬 、臨城, 志勤皆 乾寧

千三百六十六。

驛。 酣 鎭太原, 九府,原本作「凡府」,考新唐書,唐官制有九府都督,歐陽史亦作九府, 夜分冒 戰,勇冠諸 是夕爲汴人所攻, 史建瑭, 雨 爲裨將。 方達汴橋,左 軍。 字國寶。 中和 是時,天下之師雲集,軍中無不推伏。 右扶武皇決圍而去,敬思後拒,血戰而 敬思方大醉,因蹶然而興,操弓與汴人鬭,矢不虚發、汴人死者數百。 四年,從援陳、許, 父敬思, 鴈門人, 爲前鋒,敗黃巢於汴上,追賊至徐、虎,常將騎挺身 仕郡至牙校。 今改正。(影庫本粘籤)從入關,定京師。及 六月, 武皇節制鴈門, 歿。 衛從武皇入汴州, 武皇還營,知失敬思, 敬思爲九府都督, 舍於上源 流

以獻 城深固、援路斷絕、建塘日引精騎、設伏擒生、夜犯汴營、驅斬千計、敵人不敢芻牧。 ,授檢校工 建瑭以 父廕少仕軍 部 尚書。 FF 李思安之園 光化中,典昭德軍。 上黨也 建塘為 與李嗣昭攻汾州, 前 鋒, 與總管 周 率先登城, 德威 赴援。 擒叛將李瑭 時

涕久之。

柏鄉 景仁營於柏鄉, 戰,日已 俘斬數千計,論 晡 晚,汴軍有歸志,建瑭督部落精騎先陷其陣,夾攻魏、滑之間, 建瑭與周德威先出井陘。 功加檢校左僕射,師旋,留戍趙州。 井陘, 原本作「井除」, **汴將氏延賞數犯趙之南鄙**, 今從通鑑改正。(影庫本粘籤) 遂長 驅 追 高邑之 夜入

設 伏 柏鄉,獲延賞,獻之。

縣臼, 嗣肱 兵, 騎, 建 軍 者 乃選精騎 日:「事 是夜,梁祖 數百 瑭 史異文也。 坐滋賊 案歐史: 爲梁軍 曰:「梁軍倘以五十萬來, 九年,梁祖親攻蓨縣,時王師倂攻幽州, 梁祖自 未 人,聚而 八 可 勢,何以爲謀。 燒營而 服色, 自將 知, 建頭分其麾下五百騎爲五隊,一之順水, 百 至,攻城甚急。 趨 殺之,緩數十人,令其逸去,各日:「沙陀 但老賊在東, 信都,存審扼下博橋,建瑭與李嗣肱 與獨牧 遁,北至貝州,迷失道路,委棄兵仗,不可勝計。 軍深入,各命俘掠梁軍之獨牧者還,會下博橋。 者相雜,哺晚,及賀德倫 老賊若不下蓨、阜,必西攻深、冀,與公等料閱騎 別將 存審曰:「吾王方事 我等何以待之?」裨將趙行實曰:「走入土門爲上策。」存審 西來,尚可徐圖。」不旬日,楊師厚圍棗僵 一之南宮,一之信都,一之阜城, 聲言汴軍五十萬,將寇鎭、定。 北面, 寨門(三),殺守門 分道擒生。 軍 南鄙 大至矣! 之事,付我等數人。今西道 建瑭 者,縱火大躁,俘斬而去。 」梁軍 翌 乃分麾下三百騎爲五 日,諸軍皆至,獲獨牧 īm 自將其一。 震恐。明日,建瑭、 軍,偵視 , 都將符存審謂 賀德倫園蓨 薛史作三百 賊勢。」

鎭 刺 州 史,屯於德勝。 三年,敗 為流 劉 矢所中(g), 卒於軍, 時年四十六。 · 郭於元城,收澶州,以建瑭爲刺史、檢校司空、外衙 魏 博 十八 歸 款 年,與閻寶討張文禮,爲馬軍都將。 歸款,原本作「歸隸」,今據文改正。(影庫本粘籤)建瑭與符存審前軍屯魏 案 : 歐陽史作四十二。 八月,收趙州,獲刺 騎軍 {永 ·都將, 樂大典卷一萬一百八十三。 尋 歷貝、相二 史王鋋。 進逼 州

偽 汾州 在 承嗣 事 前 親 相 鋒 裴 率 司 李 軍 還 徹 軍 馬 王 承 容田 改改 宮, 鄭 萬 師 嗣,代州鴈門人。父佐方。 之攻華陰,黃巢令僞客省使王汀 人援鄜 昌圖 賜 楡次鎭將。 令孜館而 號 迎 州,至渭 變 鄭昌圖, 功 慰諭,令達情於武 臣、檢校 光啓初,從討察賊於陳、許。 原本作「易圖」, 橋 迎扈車 工 部 駕。 承嗣少仕郡,補右職。 尚書、守嵐 今從新唐書改正。(影庫本粘籤) 皇,姑務叶和, 王 會軍 行瑜既殺朱玫,承嗣 州 機於黃揆, 刺 上源 史,賜犒 仍授以左 之難 中和二年,從武皇討賊關輔,爲 承嗣 軍 , 會鄜、 錢 遣 散 函 擒之以 二萬貫 騎 承嗣 送朱玫、 常侍。 夏之師 獻 奉 表行 襄王首 朱玫 賊 入定京城 平, 在 之亂 , 陳訴 以 尽献於行 功 獲 遣 其

宿衞 兵,大敗之,獲其將奚忠信 時 孟方 車 駕 立 初還 之襲 **遠州** 輔 多盜 也, 以功授洺州刺史。 武 承 义皇遣 嗣 按兵 承嗣 警禦,輦 設 伏 於楡 轂 及張濬之加兵於太原也, 义 社 安。 以待之,邢 及還屯 人既 於鄭, 至 留 別 承 時鳳翔軍營霍邑, 將馬 嗣 發 嘉 伏, 福 擊 Ŧi. 其 百 歸 騎

承嗣 帥一軍攻之,岐人夜遁,追擊至趙城,合大軍攻平陽,旬有三日而拔。 師旋, 改教練使、

檢校司徒

度使。 月,卒於楚州,時年五十五。泳樂大典卷二萬三百五十。 庫本粘籤)大敗汴人,生獲龐師古。行密嘉其雄才,留而不遣,仍奏授檢校太尉,領鎭海軍節 師,將收淮南,朱瑾率淮南軍三萬,與承嗣設伏於清口, 清口,原本作「請口」,今從十國春秋改正。(影 請歸承嗣等,楊行密許之,遣使陳令存請修好於武皇。 於 史嚴皆驍將也,准人得之,軍聲大振。 魏 〔恶〕,渡河援之。 <u></u> 乾寧二年, 克、 鄭爲 汴人所攻,勢漸危蹙, 遣使乞師於武皇,武皇遣承嗣帥三千騎假道 承嗣與朱瑾、史嚴同入淮南。 |天祐九年, 准人聞莊宗有柏鄉之捷, 乃以承嗣爲楚州節度使, 以張掎角。 時李存信屯於莘縣,旣而羅弘信背盟,掩擊王師,因茲隔絕。 案十國春秋吳列傳: 武皇深惜之,如失左右手,乃遣趙岳間道使於淮南 太祖署爲淮南行軍副使。(舊五代史考異)承嗣、 其年九月,汴將龐師古、葛從周出 及喧、瑾

遺嚴率五 揣 敵,所向 史嚴,代州鴈門人。以便騎射給事於武皇,爲帳中親將,驍果絕衆,善擒 百 皆捷。 騎護駕 自武皇入定三輔,誅黃巢,每出 石門。 時京城大擾,士庶多散布南山,嚴分騎警衛, 師皆從。 乾寧中,從討 王行 比 駕還京, 盜賊不 瑜,師次渭北 生設伏,望塵

唐

=

+

列

傳第

七

五

七四四

嚴等, 推其甲,故嚴等盡其死力。 俘右斬,汴軍爲之披靡。及朱瑾失守,與李承嗣等奔淮南。 薛史梁太祖紀:正月,擒蕃將安福順。然則安福順不當與史儼同行,疑傳文有訛字。 正。(影庫本粘籤) 削錢鏐,成行密之霸迹者,皆儼與承嗣之力也。 作,以功檢校右散騎常侍,屯於三橋者累月,昭宗寵錫優異。明年,與李承嗣率騎渡河援兗、 時沙軍雄盛,自青、徐、克、鄆,棚壘相望,嚴與騎將安福順等,案:史懺接克、爾在乾寧二年冬。 軍聲大振。尋挫汴軍於淸口。 其後倂鍾傳, 擒杜洪, 准人比善水軍,不閑騎射,旣得 杜洪, 准人館遇甚厚, 每以數千騎直犯營壘,左 原本作「社珠」, 妻孥第舍必 今從新唐書改

僕射。 原,太祖詰其事狀,曰:「皆朱玫所爲。」 將斬之以徇,大將蓋寓等言云云。太祖燔僞詔, 用曰:「靈輿播遷,天下皆歸咎於我,今不誅朱段,黜李煴,無以自湔洗。」克用從之。又,通鑑考異引紀年錄云: 日,得襄王僞韶及朱玫文字,云:『田令孜脅遷鑾駕,播越梁、洋,行至半塗,六軍變擾,遂至蒼黃而晏駕, 因爲腹心。」武皇節制鴈門,署職爲都押牙,領嵐州刺史。 蓋寓 武皇與之決事,言無不從,凡出征伐,靡不衞從。案通鑑:光啓二年,駕幸興元,大將蓋寓說克 ", 蔚州人。 祖祚, 父慶, 世爲州之牙將。 武皇起雲中, 寓與康君立等推轂佐佑之, 消移鎭太原,改左都押牙、檢校左 械其使,馳檄喩諸鎭曰:「今月二十 不知弑逆者何 偽使至太

永樂大典卷一萬一百八十三。

步,奉 昧機權。 Ý 朝」云云。 太保、開國侯,食邑一千戶, 永念丕基不可無主,昨四鎮潘后推股篡承,已於正殿受册畢,改元大赦者。』李煴出自贅疣,名汙藩邸,智昏菽麥,識 表起居,行朝現住巴、梁,宿衞比無騷動。 李符擄之以塞辭,朱政實之以爲利。 案: 此事甚有關係,不知薛史何以不載,今附錄於此。 領容管觀察經略使。 呂不韋之奇貨,可見姦邪;蕭世誠之土養,期於匪夕。 而朱玫脅其孤騃, 光化初,車駕還京,授檢校太傅,封成陽 自號台衡,敢首亂階, 乾寧二年,從入關討王行瑜, 明言晏駕, 熒惑藩鎭, 近者, 特授檢校 當道徑差 凌弱 廟 健

其名振主,梁祖亦使姦人離間,暴揚於天下,言蓋寓已代李,聞者寒心,武皇略無疑 法 推親信,中外將吏,無不景附,朝廷藩隣,信使結託,先及武皇, 止 必佯佐其怒以責之,武皇怡然釋之。 唯寓承顏希旨,規其趨向,婉辭順意,以盡參裨。 寓性通點,多智數,善揣人主情。 武皇性嚴急,左右難事,無委遇者,小有違忤,卽置於 有所諫諍,必徵近事以爲喻。 武皇或暴怒將吏, 次入寓門。 自武 事將不測, L 皇鎭撫: 旣總軍· 間 中大柄, 太原,最 寓欲救

籤 動宸情。 行覲禮。」武皇意未決, 寢未安席,比爲行瑜兄弟驚駭乘興(云),今京師未寧,姦宄流議,大王移兵渡渭, 君臣始終,不必朝覲,但歸藩守,姑務勤王,是忠臣之道也。」武皇笑曰:「蓋寓尚阻 寓白日:「車駕自石門 還京, 石門,原本作「右門」, 今從通鑑改正。(影庫本粘 必恐復

初,武皇既平王行瑜、旋師潤北、

暴雨六十日、諸將或請入覲、且云:「天顏咫尺,安得不

唐

曹三

列

第

吾入覲,况天下人哉!」卽日班師。

府饌,武皇非寓家所獻不食,每幸寓第,其往如歸,恩寵之洽,時無興比。及其卒也,哭之彌 天祐二年三月,寓病篤,武皇日幸其第,手賜樂餌。 永樂大典卷一萬八千一百二十八。 初,寓家每事珍膳,窮極海陸,精於

働。

脏宗即位,追贈太師。

不利於成安寨,廣歿於賊。 附,軍機締結,聘遺旁午,廣奉使稱旨,累遷至檢校司徒。 大亂,乃委質於武皇。 伊廣,字言, 有女爲莊宗淑妃。 案:原本闕一字。 廣襟情灑落,善占對,累歷右職,授汾州刺史。時武皇主盟,諸侯景 子承俊,歷具、遼二州刺史。 元和中右僕射愼之後。 永樂大典卷一萬八千一百二十八 廣, 中和末除授忻州刺史, 遇天下 乾寧四年,從征劉仁恭,武皇之師

李承勳者,與廣同爲牙將, 善於奉使,名聞軍中。 承勳累遷至太原少尹。 劉守光之僭

爲帝矣,可行朝禮。」 號也,莊宗遣承勳往使,問其釁端。 正。(影庫本粘籤) 承勳曰:「吾大國使人,太原亞尹、是唐帝除授,燕主自可臣其部人,安可臣我 朝禮,原本作「廟醴」,考通鑑作朝禮,契丹國志亦云:李承勳使于燕,燕人請以朝禮見。 承勳至 |幽州,見守光,如藩方聘問之禮。 謁者曰:「燕王 今改

我臣之,吾有死而已,安敢辱命!」會王師討守光,承勳竟歿於燕。 」守光聞之不悅,拘留於獄,數日而出,詰之曰:「臣我乎?」承勳曰:「燕君能臣我王,則 永樂大典卷一萬八千一百二

中,入爲金吾上將軍。 業、李存璋等圖之。 將害莊宗,事發有日矣。 史敬鎔、太原人。事武皇爲帳中綱紀、甚親任之。莊宗初嗣晉王位、李克寧陰搆異圖、 克寧等伏誅,以功累歷州郡。 期年,復授鄧州,至鎭數月卒。贈太尉。泳樂大典卷一萬一百八十三。 克寧密引敬鎔,以邪謀告,旣而敬鎔上白,貞簡太后惶駭,召張承 同光初,爲華州節度使,移鎭安州。天成

校勘記

(二) 段公儒人 殿本、 劉本同。 通鑑考異引張昭遠莊宗功臣列傳作「段公儒者」, 珊府卷七六六作

「段公儒人」。

- 賀德倫 「賀」原作「貨」,據殿本、劉本改。
- (三) 案門 「褰」原作「塞」,據殿本、劉本改。 影庫本批校云:「『褰』訛『塞』。」
- (四) 爲流矢所中 唐 書 三十 一 「所」字原無,據殿本補。 校 勘 il 影庫本批校云:「爲流矢所中,脫『所』字。」

七四七

七四八

(H) 遺使乞師於武皇武皇遺承嗣 「使」上原無「遺」字,「遺承嗣」上原無「武皇」二字,據冊府卷三

(A) 驚駭乘輿 「驚」原作「警」,據殿本、冊府卷三四七改。

四七、卷四四四補。

舊五代史卷五十六

唐書三十二

列傳第八

德威曰:「我聞陳夜叉欲取爾求郡,宜善備之。」德威曰:「陳章大言,未知鹿死誰手。」他日致 原,令軍中日:「能生得周陽五者爲刺史。」與薛史微異。(舊五代史考異) 陳章嘗乘驄馬朱甲以自異。 武皇戒 光化,原本作「先作」,今從新唐書改正。(影庫本粘籤)汴將氏叔琮率衆逼太原,有陳章者,以虓勇知名, 師,戒部下曰:「如陣上見陳夜叉,爾等但走。」德威微服挑戰,部下僞退,陳章縱馬追之〇〇 衆謂之「夜叉」,言於叔琮曰:「晉人所恃者周陽五,願擒之,請賞以郡。」案:歐陽史作深軍圍太 乾寧中,爲鐵林軍使,從武皇討王行瑜,以功加檢校左僕射,移內衙軍副。光化二年三月, 《帳中騎督,聽勇便騎射,膽氣智數皆過人,久在雲中,語熟邊事,望烟塵之警, 懸知兵勢。 周德威,字鎭遠,小字陽五,案:葛從周碑作楊五。(舊五代史考異) 朔州馬邑人也。 初事武皇

書三十二

列傳

第八

德威 一背揮鐵檛擊墮馬,生獲以獻, 案:通鑑作以戟擒之,與薛史異。 由是知名

嗣昭合燕軍攻路州,降丁會,以功加檢校太保、代州刺史,代嗣昭爲蕃漢都將。 德威與李嗣昭選募銳兵出諸門,攻其壘,擒生斬馘,汴人枝梧不暇,乃退。 天復中,我師不利於瀟縣〇己,汴將朱友寧、氏叔宗來逼 晉陽。 時諸 軍 未集,城中 天祐三年, 李思安之寇 與與李 大恐,

人、進營高河, 路州也,德威軍於余吾。 令遊騎邀其獨牧。 時汴軍十萬築夾城,圍路州,內外斷絕, |汴軍閉壁不出,乃自東南山口築甬道樹栅以通夾城(m), 德威以精騎薄之, 屢敗汴

德威之騎軍,倒牆堙塹,日數十戰,前後俘馘,不可勝紀。 梁有驍將黃角鷹、方骨崙,皆生

到之

威 外握兵柄,頗有浮議,內外憂之。德威旣至,單騎入謁,伏靈柩哭,哀不自勝,由是羣情釋 是月二十四日,從莊宗再援潞州。 Ŧi. 年正月,武皇疾篤,德威退營亂柳。武皇厭代,四月,命德威班師。時莊宗初立,德 二十九日,德威前軍營橫碾, 案: 莊宗紀作黃展(四)。(舊

五代史考異 横碾, 通鑑作黃展, 今考册府元龜引薛史亦作橫碾,姑仍其舊。(影庫本粘籤) 距路四十五

初, 五. 月朔,晨霧 以吾命諭之,若不解重圍,歿有遺恨。」莊宗達遺旨,德威感泣,由是勵力堅戰,竟破強 與李嗣 晦暝,王師伏於三垂崗下,翌日,直趨夾城,斬關破壘,梁人大敗,解潞州之圍。 昭 有私 憾,武皇臨終顧謂莊宗曰:「進通忠孝不負我,重圍累年,似與德威有

敵,與嗣昭歡愛如初。 以功加檢校太保、同平章事、振武節度使。

遣存璋 撃退賊! 通鑑及歐陽史俱作五里, 驕 騎 改正。(影 戰,欲以兵甲燿威耳。 出 今壓賊營,令彼見我 金銀炫曜, 「鎭、定之士,長於守城,列陣野戰,素非便習。 日:「我提 撃其 井陘, 屯於趙州。 月,汴人據深、冀,汴將王景仁軍八萬次柏鄉, 氣 充 六年 兵之事。 一論諸軍 盛 网 庫本粘籤) 偏, ,宜按兵以待其衰。」 (五),岐人攻靈夏,遣使來求 孤 望之森然,我軍懼形於色。 軍 考下文有「去賊咫尺,限此一渠水」云云, 左馳 ,救難解紛,三鎭烏合之衆,利在 曰:「爾見此賊軍否?是汴州天武健兒,天武,原本作「太武」, 皆屠沽傭販,虚有表耳,縱被精甲,十不當一,擒獲足以爲資。」 右決, 今改正。(影庫本粘籤) 營於野河上。 、虚實, 十二月,帝親征,二十五日,進薄汴營,距柏鄉 我軍人乍見其來,謂其鋒不可當,此時不挫其銳, 出沒 則勝負未可必也。」莊宗不悅,退臥帳中。 数四。 **案**: 歐陽史祇載德威勉諭其衆,卽告莊宗曰:「賊兵甚銳,未可與爭。」不 是日, 助、德威渡河以應之, 德威謂李存璋曰:「賊結陣而 獲賊百餘人, 賊渡河而 則賊渡河而退一節,紀載殊不可闕。(舊五代史考異) 我師破賊 速戰,卿欲持重,吾懼 鎭州節度使王鎔來告難,帝遣德威率前軍 |汴將韓勍率精兵三萬, 鎧甲皆被續綺, 唯恃騎軍, 師還,授蕃漢馬步總管。 五 退。 其不 來,觀其形勢,志不在 里,五里,原本作「互里」,考 平田 德威患之,謂監軍張承 德威謂 考薛史前後俱作天武,今 吾軍不 可使也。」德威曰: 廣野, 德威 莊宗曰:「賊 ·振矣!」乃 易寫: 七年十 自率精 施功。 載精騎 脏宗

唐

業日:「王 踰月,敗賊必矣。」承業 夜以略彴渡之,吾族其爲俘矣。 欲 速 一戰,將烏合之徒,欲當劇賊,所謂不量力也。 入言,莊宗乃釋然。德威得降人問之,曰「景仁下令造浮橋數日」〔六〕, 若退軍鄗邑,引 賊離營,彼出則 去賊咫尺,限此一 歸,復以輕騎掠其芻餉,不 渠水, 彼若早

果如

徳威

所料。

二十七日,乃退軍保鄗邑。

戰時 陣,夾攻之,大敗汴軍,殺戮殆盡,王景仁、李思安僅以身免,獲將校二百八十人。 德威麾軍呼曰"「汴軍走矣!」塵埃漲天,魏 哺 外迫,士心既倦,將必求退。 慮 軍 本作七百,考通鑑及歐陽史俱作三百,今改正。(影庫本粘籤) 糧餉不給,士有饑色。 卤 晚。」諸將皆然之。 ,德威曰:「汴 而 年正月二日 乘之,至於鄗邑南。 軍氣盛,可以勞逸制之,造次較力(も),殆難與敵。 () 德威 時汴軍以魏、博之人爲右廣,宋、汴之人爲左廣,自未至申 今賊遠來決戰,縱挾糗糒,亦不遑食。 率騎軍致 時步 乘其勞弊,以生兵制之,縱不大敗,偏 軍 未成列,德威 師於柏鄉,設伏於村塢間,令三百騎以壓汴營。 人收軍漸退,莊宗與史建瑭、 王景仁悉其衆結陣 陣騎河上以抗之。 晡晚之後, 師 而 亭午,兩軍 必喪。 古者 來, 德威 師 安金全等因 饄 以臣 行 轉戦 渴 皆 不 內侵, 踰 陣 所籌,利在 陣, 莊宗問 勢稍 而 三百騎,原 一舍、蓋 退]衝其 戰 汴 陣

州將程嚴等軍進討。 八月,劉守光僭稱大燕皇帝。 九年正月,收涿州,降刺史劉知温。 。十二月,遣德威率步騎三萬出 五月七日, 飛狐,與鎭州 劉守光令驍將單廷珪 將王 一德明

督精甲萬人出戰, 單廷珪,薛史唐本紀作單無敵,前後異名, 辨證在唐紀。(影庫本粘籤) 德威遇於龍頭崗。

等五 初, 側 身避之,廷珪少退,德威奮檛擊墜其馬,生獲廷珪,賊黨大敗,斬首三千級、獲大將李山 廷珪謂左右曰:「今日擒周陽五。」旣臨陣,見德威,廷珪單騎持槍躬追 十二人。十二日,德威自涿州進軍良鄉、 良鄉, 原本作「宜卿」,今從通鑑改正、《影庫本粘籤》 一德威, 垂 及, 德威 海

幽州 城。 守光既失廷珪,自是奪氣。 十二月,授德威檢校侍中、幽州盧龍等軍節度使。 德威之師, 屢收諸郡, 降者相繼。十年十一月, 擒守光父子,

得発。 淸, 轉餉 擒其斥候者數十人 百 騎 考異 之路云,行次陳宋口,德威遣將擒數十人,皆傳刃於背,縶而遣之。 馳 德威性忠孝,感武皇獎遇,

嘗思臨難忘身。 此事薛史列傳不載。 曰:「劉鄠見在宗城, 入土門, ,斷腕而縱之。(舊五代史考異) 聞鄭軍至樂平不進, 德威徑至南宮以候汴軍。 十二年(云),汴將劉郭自洹水乘虛將寇太原,德威在幽州聞之,徑以五 難史云周侍中據宗城,蓋臨清字誤耳。」(舊五代史考異)德威其夜急騎扼臨清· 既至,謂劉朝 案遼史:周德威初至鎭,盧文進引遼師攻之,城幾陷, 曰:「周侍中已據宗城矣」 初,劉鄩欲據臨淸以扼鎭、定 案 通鑑從莊宗實錄作 通鑑作臨 以 劉 救

使周 德威以幽、井、鎭、定、 四年三 月 契丹寇新州 魏五州兵拒戰于居庸關之西,戰于新州東(10),大破之,斬首三萬級。 : , 德威 不利,退保范陽。 案遼史太祖紀:神册二年三月辛亥,攻幽州, 又,通鑑:契丹主帥衆三 節度

鄩乃入貝州

是時德威若不至,則勝負未

可知也。

唐

書三

+

列

傳第八

將,星占者云,不利大將。是夜收軍,德威不至,莊宗慟哭謂諸將曰:「喪我良將,吾之咎也。」 章接戰,大敗之。 本粘籤) 乃率親軍成列而 據,因以乘之、破賊之道也。」莊宗曰:「河上終日挑戰,恨不遇賊,今款門不戰, 略制之,恐難 賊之家屬 倍道而來,未成營壘,我營棚已固,守備有餘,既深入賊疆,須決萬全之策。 衆,晝夜乘城,竟獲保守。 十二月二十三日 德威衆寡不敵, 衆駭,奔入德威軍,因紛擾無行列。德威兵少,不能解,父子俱 悲 心必勝。 |在其間,人之常情,孰不以家國爲念? 出、德威不獲已,從之。 軍次胡柳陂。 大為契丹所敗。(舊五代史考異) 德威之軍在東偏, 汴之游軍入我輜重, 王 但按軍保栅,臣以騎軍疲之,使彼不得下營,際晚,糧餉 十五 年,我師營麻口渡,將 詰旦,騎報曰:「 汴軍至矣 謂其子曰:「吾不知其死所矣!」莊宗與汴將王彥 敵衆攻城僅二百日CID, 以我深入之衆, 抗彼激憤之軍, 大舉以定汴州。德威 輜重, 」莊宗使問 原本作「輕重」,今從通鑑改 外援未至, 、戰歿。 | 戰備、德威奏曰: | 賊 自 此去大梁信宿, 幽州率本軍至 先是,鎭星犯上 不給, 非壯 德威撫循士 進 不以方 正。(影庫 夫 也。」 退 無

其歿也,人皆惜之。同光初,追贈太師。天成中,詔與李嗣昭、符存審配饗莊宗廟廷。 即位,追封燕王。 晉高祖

德威身長面黑,笑不改容,凡對敵列陣,凛凛然有肅殺之風,中興之朝,號爲名將。

及

子光輔,歷份、汝州刺史。 泳樂大典卷九千九百九十七

中和末,罕之爲蔡寇所逼,棄郡投諸葛爽,存審從至河陽,爲小校, 卒,罕之爲其部將所逼,出保懷州, 末,河南盜起,存審鳩率豪右,庇捍州里。 女爲宋太宗后,故存其本姓也。 符存審,字德詳, 陳州宛邱人,案 舊名存。 父楚,本州牙將。 懷州,原本作「淮州」,今從新唐書改正。(影庫本粘籤) 歐陽史義兒傳, 會郡人李罕之起自羣盜,授光州 存審少豪俠,多智算,言兵家事 唯符存審不在其列, 屢戰蔡賊 別自爲傳。 刺 有 史,因往依之。 部下分散,存 蓋存審子彥卿有 功。 諸葛爽 乾符

審乃歸於武皇。

武皇署右職,令典義兒軍,賜姓名。

那州 指 馬步都指揮使。七年,加檢校太保,充蕃漢副總管口言。莊宗擊汴人於柏鄉、留存審守太原 血流 副李嗣昭討李瑭於汾州(三,擒之,以功改左右廂步軍都指揮使。 考通鑑及歐陽史俱作「肱」, 三月,代李存璋戍趙州。 揮使,與李嗣昭降丁會於上黨,從周德威破賊於夾城,加檢校司徒,授忻州刺史,領蕃漢 ,時那之勁兵屯龍泉寨, 盈袖,武皇手自封瘡,日 存審性謹厚,寵遇日隆,自是武皇西征,存審常從,所至立功。 今改正。(影庫本粘籤) 九年,梁祖攻蓨縣,存審與史建瑭、李嗣肱赴援, 夕臨問。 Щ 面懸崖,石壁險固,存審奮力拔之。 乾寧初,討李匡儔,存審前軍拔居庸 屯下博橋、汴人驚亂、燒營而遁,以功遙領邢、洛、磁 天祐三年,授蕃漢馬步副 從討赫連鐸,冒 師旋、 嗣肱,原本作「嗣臆」, 開 授檢校· 明年,從討 左僕射 刃死戰,

唐書

= + =

列

僔

第八

團練使。案:歐陽史作遷領邢州團練使。(舊五代史考異)

改邢州 抗劉 敗汴人,從收澶、衞、磁、洛等州。 源德於貝州 觀察使。 軍 都指 劃 爲安國 十二年, 揮使。 六月, 十月,戴思遠棄滄州,毛璋以城降,授存審檢校太傅、橫海軍節度使, 軍,據薛史此傳, 魏博歸款於莊宗 十三年二月,劉鄩自幸悉衆來襲我魏州, 郭營莘縣、存審與鎖 明年,就加平章事 則晉人得邢州即 遣存 秋,邢州閻寶降,授存審安國軍節度、 、定之師營|幸西三十里(豆),一 改軍額, 審率前鋒據臨清 疑會要誤也。 詳見通鑑考異。(舊五代史考異) ,以俟 存審以大軍踵其後、 進取。莊宗入魏 日數戰。 案 {五 计代会要, ,存審 八月, 戰於故元城,大 邢洛磁等州 兼領魏博馬 屯 쬭 同光元年始 魏縣以 師攻張

臣。 軍四集,存審與其子彥圖冒刃血戰,出沒賊陣,與莊宗軍合。 歐陽史亦作銀 晚之後,存審 出, 麻 口 必叩馬諫曰:「王將復唐宗社,宜爲天下自愛,搴旗挑戰,一劍 古人不以賊遺君父,臣雖 四年八月,將兵援周德威於幽州,敗契丹之衆。多,破汴將安彦之於楊劉,諸軍進營 時 ?梁將謝彥章管行臺村、莊宗勇於接戰,每以輕騎當之,遇窘者數四。 槍, 今改 引所部銀槍効節 正。(影庫本粘籤) 軍, 不武,敢不代君之憂。」莊宗卽時迴駕。 敗梁軍 銀鎗,原本作「行鎗」,考通鑑: 於土山 是日 辰巳間, 唐莊宗初得魏博,以其降卒置銀槍效節都 午後,師復集、擊敗汴人。 周 之任,無益聖德,請責 德威戰殁,一 十二月,戰於 存審每俟其 軍逗撓, 初柳, (効於 晡

費自 1黎陽 六年春,代周德威爲內外蕃漢馬步總管,於德勝口 渡河寇澶州 ,存審拒戰,瓚退,營於楊村渡,控我上游。 築南北城以據之。 自是日與交鋒,對壘經年, 七月, **汴將王**

大小凡百餘 十七年,汴將劉鄩攻同州,朱友謙求援於我,遣存審與李嗣昭將兵赴之。九月,次河中, 戰

鄭、尹皓知之、保衆退去,遂解同州之圍。 退歸,懼我踵之,獸窮搏人,勿謂無事。可開其歸路,然後追奔。」乃令王建及牧馬於沙苑,劉 追斬二千餘級。 定勝負。 進營朝邑。 「我方欲決戰,而形於氣象,得非天贊歟!」是夜,閱其衆,詰旦進軍。 居旬日,梁軍逼我營。 時河中久臣於梁,衆持兩端,及諸軍大集,獨粟暴貴,嗣昭懼其翻覆, 自是梁軍保壘不出。 會望氣者言, 西南黑氣如鬬雞之狀, 存審謂嗣昭曰:「吾初懼劉鄩據渭河,偏師旣敗,彼若 案歐陽史: | 郭以爲晉軍且懈,乃夜遁去。存審追擊于渭河,又大 梁軍來逆戰,大敗之, 當有戰陣。 將急戰以 存審日:

敗之。(舊五代史考異) 存審略地至奉先,謁諸帝陵,乃班 師。

帥 師中夜登 於城下,文禮之將李再豐陰送款於存審, 、年、王師討張文禮於鎭州、李嗣昭、李存進相次戰歿。 城,擒文禮之子 處球等、露布以獻 ,鎭州平,以 李再豐, 原本作「稱豐」,今據歐陽史改正。(影庫本粘籤)我 功加檢校太傅、兼侍中。 十九年,遣存審率師進攻叛

二十年 正 月,師 旋於 魏州 莊宗出城迎勞, 就第宴樂。 無何, 契丹犯燕薊, 郭崇韜奏

唐

書

+

列

傯

八

自鎭州之任 一臣効 忠稟命 ,靡敢爲辭,但痾恙纏綿, 同光 初, 加開府儀同三司、檢校太師、中書令、食邑千戶, 未堪祗役。」 旣而 韶存審以本官充幽州 賜號忠烈扶天啓運 盧龍 節 度 使,

功臣

幸而 勢旣隆 贈尙書令。 年六十三,遺命葬太原。 明年春,疾甚,上章懇切,乞生覲天顏,不許。 豈非命哉 曰:「吾夫於國,粗效驅馳,與公鄉里親舊,公忍令死棄北荒,何無情之如是 「武」字,今據歐陽史增入。(影庫本粘籤)諸道蕃漢馬步總管,詔未至,五月十五日卒於幽州官舍,時 尋醫,以情告郭崇韜。 遇今日天下一家,遠夷極塞,皆得面覲彤墀,射鈎斬袪之人,孰不奉觴丹陛, 一,人士輻湊,不欲存審 月,平梁,遷都洛陽。 一」漸增危篤,崇韜奏請許存審入觀。 時崇韜自負 存審遺奏陳敍不得面覲,詞旨悽惋。 莊宗震悼久之,廢朝三日, 加於己上,每有章奏求覲,卽陰沮之。 存審以身爲大將,不得預收復中原之功,舊疾愈作,堅求入覲 一時,佐命之功,無出己右,功名事 存審伏枕而數曰:「老夫歷事二主,垂 四月、制授存審宣武軍節度使、 。存審妻郭氏泣訴於崇韜 望,素在存審之下,權 ! 崇韜 宣武 獨予 刀口 壅隔 + 慚戁。 原本脫 车,

存審少在軍中,識機知變,行軍出師,法令嚴明,決策制勝,從無遺悔,功名與周德威相

將 匹、皆近代之良將也口思。 相。 其間 屯危患難,履鋒冒刃,入萬死而 為戒 常戒諸子曰:「予本寒家,少小攜 無 一生, 身方及此, 一劍而 前後 **違鄉里**,四 中矢僅 百餘二古 + 年 間 位 極

鏃以示

諸子,因以奢侈

也! 覆尸、旅魂之幸也。」主者哀之,爲移次焉。 :「俘囚有符存審者, ,永樂大典卷一萬八千一百二十八。 存審微時,嘗爲俘囚,將就戮於郊外,臨刑指危垣謂主者曰:「請就戮於此下,冀得 妾之舊識,每令擊節,以贊歌令。」主將欣然,馳騎而捨之,豈非命 遷延之際,主將擁妓而飲,思得歌者以 助 歡 壞 妓 垣

躁,州 欲納存霸,薛史作存霸謀殺張憲、彥超,兩史紀載微異。(舊五代史考異) 庫。 末,魏州軍亂, 主,符彥超傳义作存賴謀殺彥超,前後互異,今附識于此。(影庫本粘籤) 及明宗入洛,皇弟存霸單騎奔河東,與呂、鄭謀殺彥超與留守張憲口也。 彦超,存審之長子也。 兵畢集,張憲出奔。 案宋史張昭傳云 韶彦超赴北京巡檢。 "昭爲張憲推官,莊宗及難,聞鄰中兵士推戴明宗, 是夕,軍士殺呂、鄭、存霸於衙城。 少事 武皇,累歷牙職。 先是,朝廷令內官呂、鄭二人在太原, 存審卒,莊宗以彦超爲汾州刺史。 彦超覺之,密與憲謀, 通鑑考異云:薛史張憲傳作張憲謀奉存霸為 憲部將符彥超合戍將應之。 詰旦,聞洛城禍 案 : 監兵, 變, 未決,部下大 歐陽史作張 憲死, 彦超告諭 有害昭 監倉 同光

唐 書 =

+

列

傳 第

八

校

勘 記

撫育耆舊。」即授北京留守、太原尹。 州 者,執之以送彥超,彥超曰:「推官正人,無得害之。」又逼昭爲榜, 吾上將軍。 都虞侯彥卿馳騎安撫。 刺史彥饒平宣武亂軍,明宗喜,召彥超謂之曰:「吾得爾兄弟力,餘更何憂、爾爲我往 長興元年,授泰寧軍節度使,尋移鎮安州 六月, 彥超入覲, 明宗召見撫諭, 尋授晉州留後。 明年冬,移授昭義節度使。 安撫軍民。(舊五代史著異) 四年、授曉衞上將軍,改金 明宗又令其弟龍 未行, 會其弟前 河 JEL,

推南,擒彦超部將 至,彥超出至廳事,佛留挾刃害之。 譴而已。 彦超廝養中有王希全者、小字佛留,粗知書計、委主貨財,歲久耗失甚多,彥超止於訶 應順 元年正月,佛留聞朝廷多事,因與任貨兒等謀亂。 趙温等二十六人誅之。 詰旦,本州節度副使李端召州兵攻佛留等殺之,餘衆奔 彦超贈太尉 一夕,扣門言朝廷有急遞

存審次子意饒,晉史有傳。 次 彦能,終於楚州防禦使。 次意卿,歷官鳳翔節度使、守太師、中書令,封魏王,今居於 次
彦琳 仕皇朝爲金吾上將軍, 卒於任。 永樂大典卷一萬八

校勘記

千一百二十八

縱馬追之 「馬」字原無,據冊府卷三九三、殘宋本冊府卷三九六補。

蒲縣 原作「潘縣」,據劉本、冊府卷三四七、通鑑卷二六三、本書卷二六武皇紀改。

東南 山口口 「南」原作「門」,據冊府卷三四七、通鑑卷二六六改。

一黄展 殿本、劉本同。按本書卷二七莊宗紀、通鑑卷二六六均作黃碾。

(至) 六年 劉本同,殿本,冊府卷三四七、本書卷二七莊宗紀作七年。

(水) 日景仁下令造浮橋數日 「日」字原無,據此府卷三四七、卷四二八、通鑑卷二六七補。

(元) 十二年 (七) 造次較力 原作「十二月」,按本書卷二八莊宗紀,劉鄰潛師由黃澤西趨晉陽等事,在天祐十二年, 「較」原作「輕」,據冊府卷三四七、卷三六七改。

(五)以扼鎮定 「鎭」原作「眞」,據殿本、冊府卷三四七、卷三六七改。

新州 原作「西州」,據殿本、劉本、遼史卷一太祖紀改。

敵衆攻城 「城」字原無,據冊府卷四〇〇補。

副李嗣 昭討李瑭於汾州 「李瑭」原作「李康」,據殿本、劉本、本書卷五二李嗣昭傳改。

加檢 校太保充蕃漢副總管 「加」字、「副」字原無、據冊府卷三八七補。

皆近代之良將也 鎮定之師 「鎭」原作「眞」,據殿本、冊府卷三四七改。 「將」字原無,據冊府卷三九三補。 影庫本批校云:「真定,原本係鎮、定。」

唐 書 = + 校 勘 記 呈

六

(17) 前後中矢僅百餘 「中」字原無,據冊府卷八一七補。劉本作前後矢傷百餘。

「呂」字原無,據殿本、劉本補。影庫本批校云:「與呂、鄭訳殺彥超,脫『呂』

字,應增。」

(古) 與呂鄭謀殺彦超

七六二

售五代史卷五十七

唐書三十三

列傳第九

崇韜。 州」,今從通鑑改正。(影庫本粘籤)知祥懇辭要職。 **翰累典事務,以廉幹稱。** 年,用爲中門副使,與孟知祥、李紹宏俱參機要。俄而紹宏出典幽州留事, 求爲外任,妻璚華公主泣請於貞簡太后。 「教諫」,今從陽歐史改正。(影庫本粘籤)崇韜臨事機警,應對可觀,莊宗嗣位,尤器重之。 天祐十四 郭崇韜,字安時,代州鴈門人也。父弘正。 乃署知祥爲太原軍在城都虞候。 克脩卒,武皇用爲典謁,奉使鳳翔稱旨,署教練使。 契丹引衆至新樂,王師大恐,諸將咸請退還魏州,莊宗猶 自是崇韜專典機務,艱難戰伐,靡所不從。 莊宗謂知祥曰:「公欲避路,當舉其代。」知祥因舉 先是,中門使吳珙、張虔厚忠而獲罪。 崇韜初爲李克脩帳下親信,克脩鎭昭義,崇 幽州, 教練使, 原本作「曲 知祥懼, 原本作

十八年,從征張文禮於鎭州。

唐 畵 Ξ + Ξ

> 列 傳

> > 第 九

作六日 球率衆攻擊,軍不得休息。 史作十日。(舊五代史考異) 恟,以 胡床假寢,覺袴中冷,左右視之,乃蛇也,其忘疲勵力也如是。居三日, 光,崇韜曰:「吾聞火出兵刃,破賊之兆也。」至博州,渡河版築,晝夜不息。 正。(影庫本 南, 城,明宗 一般,原本作「韜于梁」,今據文改正。(影庫本粘籤) 況 豫 師 我 果 未決,崇韜 鄆州 捷 壘成,彥章果引兵急攻之。(舊五代史考異) 城壘低 新 破 安能保守! 在鄭,音驛斷絕。 霸業終不能就,崇韜 粘籤) 即位 **汴寇**(三, 明年,李存審收鎭州 但慮汴人偵 於魏州 阿保機祇爲王都所誘口,本利貨財,非敦鄰好, 威振北地,乘此驅攘,焉往不捷! 臣請於博州 賊軍未至, 崇韜加檢校太保、守兵部尚書,充樞密使。 知,徑來薄我,請陛下募敢死之士,日以 莊宗登城四望,計 崇韜身先督衆,四面拒戰,有急卽應。城垂陷 寢不安席。 (三),遺崇韜閱其府庫,或以珍貨路 則棚壘成矣。」崇韜率毛璋等萬 東岸立栅,以固 澶、相之間,寇鈔 便而王彦章陷德勝 無所出。 庫, 迎津 沙土散惡,戰具不完,汴將王彥章 , 且事之濟否,亦 崇韜 日至, 請于 博州,原本作「諸於傳州」,今據册府元報 啓曰:「段凝阻絕 南城,敵勢滋蔓,汴人急攻 民流 人夜趨 遺, 挑戰,如三四 地削, 是 荷前鋒 時, 有 ___ 梁軍 博州 無所 天命。」莊宗從之、王 軍儲 衞 小衄,遁走必矣。 俄報莊宗領親軍 崇韜於 泉至 津路); 视 州 収 不 陷 但 矛戟之端 日 給 於 荷王 間 市 葭葦間 **案**: 梁, 奉情 書籍 案:歐陽 歐陽 人楊 杜晏 師 劉 恟 ~ 史 而 改

次西岸、梁軍聞之退走,因解楊劉之圍

支數月 我兵 精兵 成 戈, 半月 劉 志在收復 來歲 寇。 五. 敗 年 陛下 召崇韜謂曰:「計將安出?」對曰:「臣不知書,不能徵比前古,請以時事言之。 天也, 盡 莊宗憂之,召諸將謀進取之策。 力,算賊 賦 起義圖 未 今纂崇大號,河朔士庶,日望盪平,纔得汝陽尺寸之地,不能保守,況盡有中原乎! 削 〉, 決 幾,汴將康延孝來奔,崇韜延於臥內,訊其軍機。 在 不充,物議 歐陽史作諸將皆言隔河難守,據薛史則請以河爲界者,李紹宏一人耳, 之間,天下 親御六軍 日下令 段凝 汝陽,此汴人之謀也。 在陛 則 霸,爲雪家讎國恥 事 成 麾下,王彦章 放果 下獨斷。」 機,不出今年,雌雄必決(日)。 軍 ,長驅倍道,直指大梁,汴城無兵,望風 **答怨**,設若 中, - 必定。 知,不 家 口並還魏州。 莊宗蹶然而興日:「正 ·決則 如 日寇 不 劃河爲界,誰爲陛下守之?臣自延孝言事以來,書夜籌度,料 1,甲胄生蟣虱,黎人困輸輓。 決 坐 鄆境,彼旣以 臣 見不 此計,傍採浮譚, 謂 宣徽使李紹宏請棄鄆州,與汴人盟,以河爲界,無相 段凝保據河 濟。 莊宗送劉皇后與興聖宮使繼岌至朝城 臣聞作舍道邊,三年不成,帝 大軍臨 **閩汴人決河**,自滑 合吾意, 塘, 臣恐不 我南鄙, 苟欲持我, 丈夫得 自 延孝曰:「汴人將四道齊舉,以困 能濟 潰。 輸輓,原本作「輪輓」,今據文改正。(影庫本 又 與歐陽史異。 也。 則爲王, 至 若使僞主授首, 憑恃 臣但請留兵守鄴,保固 耶,非舟嚴不能濟。 今巖秋隊 決河,謂我不 王 失則 莊宗不悅, 一應運, 爲 不 西野亭泣別, 賊將 贷, 擄, 必 且陛下十 能 有 軍糧 自 行計決 獨 南渡, 又聞 天 然 臥 命 繌 倒 楊 將 我 帳 侵

唐

書

興聖宮使,原本脫 見。」乃留李紹宏及租庸使張憲守魏州, 「興」字,今據歐陽史增入。(影庫本粘籤)曰:「事勢危臟,今須一決,事苟不濟,無復相 大軍自楊劉濟河。 是歲,擒王彥章,誅梁氏,

凝,皆崇韜贊成其謀也

以崇韜兼領鎮、冀州節度使,進封趙郡公,邑二千戶,賜鐵券,恕十死。崇韜旣位極人臣,權 多梁之舊將,皆吾君射鈎斬袪之人也,一旦革面,化爲吾人,堅拒其請,得無懼乎! 藏余私 路遺,親友或規之,崇韜曰:「余備位將相,祿賜巨萬,但僞梁之日, 路遺成風, 今方面藩侯 傾內外,謀猷獻納,必盡忠規,士族朝倫,頗亦收獎人物,內外翕然稱之。初收汴、洛,稍通 莊宗至汴州,宰相豆盧革在魏州,令崇韜權行中書事,俄拜侍中兼樞密使,及郊禮畢,

宏敞,宮宇深邃,宦官阿意順旨,以希恩寵,聲言宮中夜見鬼物,不謀同辭。莊宗駭異其事, 室,無異公帑。」及郊禋,崇韜悉獻家財,以助賞給。 助,莊宗沉吟有靳惜之意。是時天下已定,寇讎外息,莊宗漸務華侈,以逞己欲。 大半空閑,鬼神尙幽, 且問其故。 時近臣勸莊宗以貢奉物爲內庫,珍貨山積,公府賞軍不足。崇韜奏請出內庫之財以 宦者曰:「見本朝長安大內,六宮嬪御,殆及萬人,椒房蘭室,無不充物。 今宮室 尚幽,原本作「尚豳」,今從册府元龜改正。(影庫本粘籤) 亦無所怪。」**繇是景進**、王 洛陽大內

允平等於諸道採擇宮人,不擇良賤,內之宮掖。

則今日之暑,坐變淸凉。」莊宗默然。王允平等竟加營造,崇韜復奏曰:「內中營造,日有緊 目之玩,不憂戰陣,雖層臺百尺,廣殿九筵,未能忘熱於今日也。願陛下思艱難創業之際, 棋(量),干雲蔽日,今官家納凉無可御者。」莊宗曰:「余富有天下,豈不能辦一樓!」即令宮 在河上,汴寇未平,廢寢忘食,心在戰陣,祁寒溽暑,不介聖懷。今寇旣平,中原無事,縱耳 壘,行宮卑濕,介馬戰賊,恆若淸凉。今晏然深宮,不耐暑毒(云),何也?」崇韜奏:「陛下頃 苑使經營之,猶慮崇韜有所諫止,使謂崇韜曰:一今年惡熱,朕頃在河上,五六月中,與賊對 日:「今大內樓觀, 三年夏,雨,河大水,壞天津橋。 不及舊時長安卿相之家, 是時酷暑尤甚。 舊日大明、 莊宗常擇高樓避暑,皆不稱旨。 興慶兩宮,樓觀百數, 皆雕楹畫 宦官

鎮常山,爲菟裘之計。」其子廷說等曰(も):「大人功名及此,一失其勢,便是神龍去水,爲螻 權位熏灼,恐爲人所傾奪,乃謂諸子曰:「吾佐主上,大事了矣,今爲羣邪排毁,吾欲避之,歸 賦,皆令勾覆,令紹宏領之,冀塞其心,紹宏快悵不已。崇韜自以有大功,河、洛平定之後, (納」字誤,今改正。(影庫本粘籤)及莊宗即位,崇韜以紹宏素在己上,舊人難制、 費,屬當災饉,且乞權停。」不聽。 居翰同掌樞密,以紹宏爲宣徽使。紹宏大失所望,泣涕憤鬱。 初,崇韜與李紹宏同爲內職, 內職,原本作「納職」,考五代會要云:五代承害制, 崇韜乃置內勾使,應三司財 即奏澤潞監軍張 幅密使爲內職。原本

唐

三十

_

列傳第

之寵 謀占必 成, 作衛 周 實,衆興異 權,然宦官造謗不已。 日:「朕以卿 爲皇后,復奏時務利害二十 其 於此 蟻 身,貴全名節,古人操守,未可 如 所 國, 余 時 制 異等倫; 沈算,斯 堅辭機務, 何 今據歐陽史改 尤宜深察。」 久司樞要, 卿 」崇韜然之, 即何 獨堅 人 沃朕之心,非虚渥澤。 所 須冒 不 言,天 常處 知 上 正。 卿 刃, 必不 門人 命 重 (影 始顯 惟 不 三年, 難。 於是三上章堅辭樞 比方,既 可 合 庫本粘籤) 故吏又謂崇韜曰:「侍中勳業第 聽,是有 違, 意。 殊 或遲 五條, 庸。 唐祚 堅乞罷 迨 今卿 疑未決之機, 電堅辭, 況常山 中 必 中宮未正 都 皆便於時,取悅人心, 辭避之名,塞 再三 須 嘯聚,羣黨窺凌, 復,請納家 兼 陸 難 謙 梁,正 沮來 領節 遜, 詢諸 表。 重 一,宜贊 **虞未** 族 鉞, 密之位, 學 先見; 其再讓汴州 退 其讒 明 復 許之。 辭 朕 卿 設 成 ,始納常陽 或憂撓不定之事, 决 督文。及其 一题之口 能 册 議平妖, 優詔 撫 禮, , 所宜依 衆,共定羣心, 案册府元龜 又請 ,請歸上將, 不 上 密取 兼 罷 從。 雖羣官 收 心必悅。 允。 魏國 汶陽 浚 樞 訪自 水 云: 崇韜 密 夫人 惟 興師 叉稱 院 側 雖 同 必 朕 成。 光 云 事,各歸本 乃密奏請立 目, 梁苑, 知 內得 入 劉 先定, 中, 卿, 不 氏 至於贊股 測 必 劉 崇韜 不 他 之地 有 未 可 更 氏之助 人 寵, 兼權 寧 審 再 能 表。 丕 表 前 司 潛 離間 魏 (2) ° 籌 基 辭 魏 通 所 鎭 以 或 河 登茲 果 以 羣 如 賞 盡 批答 原 閹 官. 本 此 贊 卿 貢 大

藉 宗爲諸道兵馬 大臣,全倚總管鎭禦。 會客省使李嚴使西川迴,言王衍 總管當行,崇韜自以宦 臣伏念興聖宮使繼岌,德望日隆,大功未著,宜依故事,以親王爲 者相傾,欲立大功以制之,乃奏曰:「契丹犯 可圖之狀,莊宗與崇韜議討伐之謀, 方擇大將。 北 時明 面 須

牙門索然,繇是大爲詬恥。及六軍使王宗弼歸款, 置,官吏補置,師行籌畫,軍書告論,皆出於崇韜,繼岌承命而已。莊宗令內官李廷安、李從 粘籤)及大軍至,承捷果以城降,得兵八千,軍儲四十萬。次至故鎮,低命屯駐指揮使唐景 李嚴、康延孝先馳書檄,以諭僞鳳州節度使王承捷。 富有文學,可擇而任之。」莊宗御嘉慶殿,置酒宴征西諸將, 之威靈,庶幾克捷。 副。」崇韜未奏,莊宗曰:「無踰於卿者。」乃以繼岌爲都統,崇韜爲招討使。 襲、呂知柔爲都統府紀綱,見崇韜幕府繁重,將吏輻輳,降人爭先賂遺,都統府唯大將省謁, 思亦以城降,得兵四千。又下三泉,得軍儲三十餘萬。 儻不成功,安有歸路。今岐下飛輓,才支旬日,必須先取鳳州,收其儲積,方濟吾事。] 乃令 入。(影庫本粘籤)舉酒屬崇韜曰:「繼岌未習軍政,卿久從吾戰伐,西面之事,屬之於卿。」 元帥,付以討伐之權,俾成其威望。」莊宗方愛繼岌,卽曰:「小兒幼稚,安能獨行,卿當擇其 帥授之。 日,率親軍六萬,進討蜀川。 軍發,十月十九日入大散關,崇韜以馬箠指山險謂魏王曰:朝廷興師十萬,已入此中, 如宰輔闕人,張憲有披榛之勞,爲人謹重而多識。 若西川平定,陛下擇帥,如信厚善謀,事君有節,則孟知祥有焉,望以蜀 崇韜將發,奏曰:「臣以非才,謬當戎事,仗將士之忠力,憑陛下 六軍,原本作「大軍」,今據九國志改正。(影庫本粘 王承捷,原本作「丞捷」,今據九國志改正。(影庫本 自是師無匱乏,軍聲大振。其招懷制 其次李琪、崔居儉, 征西,原本脫「征」字, 是歲九月十八 今據册府元龜增 中 朝士族,

繼岌 案:通鑑作崇韜陽許之。(舊五代史考異) 王曰:「此 籤 萬,宗弼輒靳之, 行 蜀 | 覽狀謂崇韜曰:「主上倚侍中如衡、華,安肯棄元老於蠻夷之地,況余不敢議此。」 | 李從 路先招 帥 吾家之物,焉用獻爲!」 案九 魏 討府。王衍以 王 國志 一甚怒。 王宗弼傳. 及王 師至,令其子承班猶衍 魏 宗朔 成都降, 主入 城、翼 送款 又與崇韜子廷海謀, 于 崇韜居王宗弼之第, 日 魏王, ,數其不忠之罪,並 乃還 玩 用 成都, 直百 萬 盡 其子 獻于 一番內 令閩人列狀見魏王,請奏崇韜爲閩 斬之于市。 藏之實 魏 宗弼 Ŧ 貨 **丼賂郭崇韜** 選王衍之妓 (舊工代史考異) 歸丁 其家。 請以 魏王 妾珍玩以 己 崇韜許之(元)。 爲 遺 西 使 Jil 傤 節 犒 奉 度 軍 · 崇韜 鋑 帥 數 魏

襲等謂

繼岌曰:「郭公收閩部人情,意在難測,王宜自備。」由是兩相猜察

嗣奏 莊宗 桁愛妓六十,樂工百,犀玉帶百。 無人。 孤 崇韜不 晝夜妓樂歡宴,指天畫地,父子 莊 乞保全繼岌。 一一臣 昨令蜀 宗令中官向 朝 郊迎,延嗣憤憤。 班 問蜀 師 人請己爲帥,郭廷誨擁徒出入,貴擬王者,所與狎遊,無非軍 一,必恐紛亂,吾 人, 延嗣費詔至蜀, 莊宗 知蜀 中寶 復閱蜀簿日:「人言蜀 從襲謂之日:「魏王,貴太子也,主上萬福,郭公專弄威柄,旁若 貨 |屬莫 皆入崇韜之門, 廷誨自有金銀十萬兩,犀玉帶五 如此,可見其心。 知暴骨之所!」 向延嗣, 原本作「廷嗣」,今據通鑑改正。(影庫本粘籤) 中珠 言崇韜得 因 玉金銀,不 今諸軍將校,無非 相向垂 金萬 涕。 兩, 知 其數, 延嗣 +; 銀 DU 藝色絕妓七十, 使還 郭氏 何 + 萬 如 中驍果, 具 是之微 之黨,魏 名馬 奏, 促班師, 皇后 也 蜀 王 ·匹, 王 内内 詔使 泣 懸軍 延 告

<u></u>
蜀土初平,山林多盗,孟知祥未至,崇韜令任圜、張筠分道招撫,慮師還後,部曲不寧,故歸 留,則與繼岌圖之。 彥珪見皇后曰:「禍機之發,間不容髮,何能數千里外復稟聖旨哉!」皇 全有蜀之妓樂珍玩,怒見顏色。 七十,他財稱是。 后再言之,莊宗曰:「未知事之實否,詎可便令果決?」皇后乃自爲教與繼岌,令殺崇韜。時 魏王府,蜀人路遺不過匹馬而已。」莊宗初聞崇韜欲留蜀,心已不平,又聞 。即令中官馬彥珪馳入蜀視崇韜去就,如班師則已,如實遲

期稍緩。

輩勿復言。」從襲等泣曰:「聖上既有口敕,王若不行,苟中途事泄,爲患轉深。」繼岌曰:「上 軍部署已定,彥珪出皇后教以示繼岌,繼岌曰:「大軍將發,他無釁端,安得爲此負心事!公 人,廷信、廷誨隨父死於蜀,廷說誅於洛陽,廷讓誅於魏州,廷讓,原本作「承誼」,今據歐陽史改 之。詰旦,從襲以繼岌之命召崇韜計事,繼岌登樓避之,崇韜入,左右檛殺之。崇韜有子五 正。(影庫本粘籤) 無詔書,徒以皇后教令,安得殺招討使!」從襲等巧造事端以間之,繼岌旣無英斷,僶俛從 四年正月六日,馬彥珪至軍,決取十二日發成都赴闕,令任圜權知留事,以俟知祥。 一人,姻族保之獲免,崇韜妻周氏,攜養於太原。 廷議誅於太原,家產籍沒。 明宗即位,詔令歸葬,仍賜太原舊宅。

崇韜服勤盡 節,佐佑王家,草昧艱難,功無與比,西平巴蜀,宣暢皇威、身死之日,夷夏 列 傳 第 九

書

 \equiv

+ Ξ

冤之。 崇韜 如急 日,泥 掇其族滅之禍 引酶史亦作騸馬,今仍其舊。(舊五代史考異) 器在手,宜盡去宦官,優禮士族,不唯疏 德也。」因是旌別流品,援引薄徒,委之心腹, 佐命勳舊,一切鄙棄。 世在鴈門,得非祖德歟?」 行,於興平拜尚父子儀之墓。 之曰:「公雖代邸之舊,然家無門閥,深知公才技,不敢驟進者,慮名流嗤余故也。」及征閩之 天下爲己任,孟浪之甚也。 行 封尙濕。 案:自「漸別流品」至此十二字,原本關佚,今從册府元龜增入。 曰:「汾陽王代北人,徙家華陰,侍中 然議 避跡,其禍愈速。 者以 ,有自來矣。復以諸子驕縱不法,旣定蜀川,輦運珍貨,實於洛陽之第,籍沒之 雖莊宗季年爲羣小所惑,致功臣不保其終,亦崇韜自貽其災禍也。 (崇韜功烈雖多,事權太重,不能處身量力,而聽小人誤計,欲取太山之安, 性復剛戾,遇事便發,既不知前代之成敗,又未體當時之物情,以 崇韜應曰:「經亂失譜諜,先人常云去汾陽王四世。」革曰:「故祖 及權傾四海,車騎盈門,士人諂奉,漸別流品。同列豆盧革謂 嘗從容白繼岌曰:「蜀平之後,王爲太子,待千秋萬歲 100,神 內則伶官巷伯, 斥閥寺, 騸馬不可復乘。」 怒目切齒; 外則舊僚宿將, 戟手痛心 案:通鑑作「扇馬」,考胡三省注 舊僚有干進者,崇韜謂 永樂大典

史臣曰:夫出身事主,得位遭時,功不可以不圖,名不可以不立。 洎功成而名遂, 則望 卷二萬二千一百六十。

全齊下而樂生奔,苟非其賢,敦免於禍,明哲之士,當鑒於斯:永樂大典卷二萬二千一百六十。 重而身危,貝錦於是成文,良玉以之先折,故崇韜之誅,蓋爲此也。 是知強吳滅而范蠡去,

校勘記

(二) 王都 殿本、劉本同。 冊府卷三四七、本書卷一三七外國列傳、歐陽史卷七二四夷附錄第一 一、 (通

鑑卷二七一均作王郁。

(11) 汴寇 「寇」原作「冠」,據殿本、劉本改。

(三) 李存審收鎮州 「收」原作「牧」,據殿本、劉本改。

(日) 雌雄必決 「必決」原作「不並決」,據殿本、冊府卷三四七改。

(五) 雕楹畫拱 「栱」原作「拱」、據殿本、劉本改。

(*) 不耐暑毒 「耐」原作「奈」,據殿本改。

(中) 廷說 卷下文亦云:崇韜有子五人,廷武誅於洛陽。據改。 原作「延說」,按通鑑卷二七四云:「乃下詔暴郭崇韜之罪,并殺其子廷說、廷讓、廷議。」本

(4) 崇韜許之,四字原無,據殿本補。(4) 梁苑,原作「梁范」,據劉本、冊府卷四〇九改。

唐耆三十三 校勘記

(10) 待千秋萬歲 殿本、劉本同。明本珊濟卷九四二作「侯主上千秋萬黃」,殘宋本珊府作「俟千秋

萬歲」。

舊五代史卷五十八

唐書三十四

列傳第十

士,改膳部郎中、知制誥。 光逢與弟光裔,皆以文學德行知名。案舊唐書:光裔,光啓三年進士擢第,累遷司勳郎中、 趙光逢,字延吉。 季述廢立之後,旅遊江表以避患,嶺南劉隱深禮之,奏爲副使,因家嶺外。 曾祖植,嶺南節度使。 祖存約,與元府推官。 父隱,右僕射。 案舊唐書 弘文館學

官,入朝爲監察御史,丁父憂免。僖宗還京,授太常博士,歷禮部、司勳、吏部三員外郎,集賢殿學士,轉禮部郎中。景福 辟度支巡官,歷官臺省,內外兩制,俱有能名,轉尙書左丞、翰林承旨。 僖宗朝,登進士第。 光逢幼嗜墳典,動守規檢,議者目之爲「玉界尺」。案歐陽史:時人稱其方直溫潤,謂之「玉界尺」。 案:原本作昭宗朝,登進士第。據舊唐書,光逢係乾符五年進士,當作僖宗,今改正。 案舊唐書云: 釋褐鳳翔推 踰月,

唐

書三十四

列

傳第十

中,以 祠 部即中. 知 制 誥,專召充翰林學士,正拜中書舍人、戶部侍郎、學士承旨,改兵部侍郎、尚書左丞, 學士如故。 舊唐

雲所載光逢爵秩較薛史爲詳,今備錄之

丞。 射,原本脫「左」字,今據歐陽史增入。(影庫本粘籤)上章求退,以太子太保致仕。梁末帝愛其才,徵拜司 達放柳璨及第,光逢後三年不遷,時璨自內庭大拜,光逢始以左丞徵入。 **屏絕交遊**, 部侍郎、知貢舉。 庭,驟至 (舊五代史考異) 時有道士許嚴士、案:原本脫「士」字,今據新唐書及通鑑增入。(舊五代史考異) 昭宗幸石門,光逢不從,昭宗遣內養戴知權詔赴行在,稱疾解官。 一列卿宮相,因此以左道求進者衆,光逢持憲紀治之,皆伏法, 凡五六年。 無幾以疾辭,授司徒致仕。 除吏部侍郎、太常卿。 光化中,王道寖衰,南北司爲黨,光逢素惟慎靜,慮禍及己,因挂冠伊洛, 門人柳璨登庸, 入梁爲中書侍郎、平章事,累轉左僕射銀租 案歐陽史: 唐摭言云:光逢膺大用,居重地十餘歲,七表乞骸,守司字致仕 柳璨與光逢有舊恩。 未幾,燦坐罪誅死,光逢膺大用。 自是其徒頗息。 案唐摭言云:光化二年,趙光 駕在華州,拜御 瞽者馬道殷 庸 與薛史微異。 使, 出 改禮 史中 入禁 左僕

空、平章事。

居二年,復徵拜上相。(殿本)

中書事」,其淸淨寡慾端默如此。 於他土。 同光初,弟光胤爲平章事,時謁問於私第,嘗語及政事,他日,光逢署其戶曰「請不言 後二十年,金無所歸,納於河南尹張全義,請付諸宮觀,其舊封尚在。 嘗有女冠寄黃金一鎰於其室家,時屬

蘭離

「

」,女冠委化 兩登廊廟

四退 咸仰以爲名教主。 邱園,百行五 常, 天成初, 五常,原本作「五諦」,今據錦繡萬花谷所引薛史改正。(影庫本粘籤) 遷太保致仕,封齊國公,卒於洛陽。 韶贈太傅。 不欺闇室, 永樂大典卷一萬八 搢紳

千九百九十一。

皆望風欽重 避宋諱,宋諱稱光胤爲光裔,似混二人爲一,今改正。俱以詞藝知名,亦登進士第。 士登第。 趙光胤,光逢之弟也, 天祐初、累官至駕部郎中。 案新、舊唐書俱云:趙隱子三人,光逢、光裔、光胤。 光胤仕梁,歷淸顯,伯仲之間,咸以方雅自高,北人聞其名者, 爲後唐相者,光胤也。 案舊唐書云:大順二年,進 酶史原· 本

無士風,皆不可相,乃止。 宿望,當時咸謂宜處台司。 前代名家,咸曰光胤有宰相器。 及莊宗平定汴、洛,時盧程以狂妄免,郭崇韜自勳臣拜,議者以爲國朝典禮故實,須訪 同光元年十一月,光胤與韋說並拜平章 郭崇韜採言事者云,廷珪朽老,浮華無 薛廷珪、李琪當武皇爲晉王時,嘗因爲册使至太原,故皆有 事 相業,與雖文學高,傾險

地,在本朝時,仕進尙微,久從使府,朝章典禮,未能深悉,光胤每有發論,革但唯唯而已。後 樂制度、沿革擬議,以爲已任,同列旣匪博通,見其浮譚橫議,莫之測也。 光胤生於季末,漸染時風,雖欲躍鱗振翮,仰希 前輩,然才力無餘,未能 恢遠,朝廷每有 豆盧革雖 憑門

書三十四

列

傳第

+

革奏議或當,光胤謂羣官曰:「昨有所議,前座一言粗當,近日差進, 學者其可已乎!」其自

負如此。

又以希朗幸臣, 慮摭他事危己, 心不自安。 洎 德音昭光,制書尙在。相公本朝氏族,語練故事,安得謂之未雪耶:若言未雪,吾伯氏彥博, 正。(影庫本粘籤)伯祖復恭爲張濬所搆,得罪前朝,當時強臣掣肘,國命不行。及王行瑜伏誅, 莊宗令自見光胤言之。 希朗陳訴:「叔祖復光有大功於王室, 逆,顯當國法,本朝未經昭雪,安得論理?」崇韜私抑宦者,因具奏聞。 故觀軍容使復恭從孫也曰,援例理復恭舊業。 諸 昆仲,監護諸鎭,何途得進! 先是,條制:「權豪強買人田宅,或陷害籍沒,顯有屈塞者,許人自理。」內官楊希朗者, 」漸至聲色俱厲。光胤方恃名德,爲其所折,悒然不樂。 三年夏四月,病疽卒。 事下中書,光胤謂崇韜曰:「復恭與山南謀 復光,原本作「復充」,今據新唐書改 贈左僕射。 希朗泣訴於莊宗, 永樂大典卷一萬

云: 入梁爲補闕、起居郎,召入翰林,累遷禮部侍郎充職。 压少依全義, 居河南, 舉進士數不中, 全義以 压屬有司, 乃得及第。 鄭珏,昭宗朝宰相綮之姪孫。父徽,河南尹張全義判官。 歷弘文館校書、集賢校理、監 **珏文章美麗,旨趣雍容,自策名登朝,** 光化中,登進士第, 案歐陽史 御史。

六千九百九十一。

張全義皆有力焉。 自明二年十月丁酉,禮部侍郎鄭珏爲中書侍郎、平章事。(舊五代史秀異) 莊宗入汴,責授萊州司戶,未幾,量 案歐陽史云:梁諸大臣以全義故、數薦之。 貞明中,拜平章事。 案通鑑考異引唐餘錄云:

移曹州司馬。 張全義言於郭崇韜,將復相之,尋入爲太子賓客。

仕,仍賜鄭州莊一區。 時久在中書,性畏愼而長者,美詞翰,好人物,重誨卽奏與任圜並命爲相。 耳疾,不任中書事,四上章請, 明宗惜之, 久而方允, 乃授開府儀同三司, 行尚書左僕射致 贈司空。 明宗卽位,任圜自蜀至,安重誨不欲圜獨拜宰輔,共議朝望一人共之。 明宗自汴還洛陽,遣中使撫問,賜錢二十萬,食羊百口 有頃, 孔循言珏貞明 長興初卒。 珏以老病

第,又第十九人,至相亦十九年,時皆異之。考珏以光化中登第,歷相梁、唐,而古今事類以爲唐昭宗時作相,誤也。 第十九,時亦異之。案古今事類云:鄭珏當唐昭宗時作相,文章理道,典贍華美。小字十九郎,應舉十九年方及 初,压應進士,十九年方登第,名姓爲第十九人, 自登第凡十九年爲宰相, 又昆仲之次

子遘,太平興國中任正郎。永樂大典卷一萬八千八百八十一。

爲流品。 崔協,字思化。 曾祖那,太常卿。祖瓘,吏部尚書。父彦融,楚州刺史。 遠祖淸河太守第二子寅,仕後魏爲太子洗馬,因爲淸河小房,至唐朝盛 **彦融素與崔薨善**, 崔薨,原

唐

書三十

四

列

傳

第十

中行 賂 本作「崔薨」,今據北夢瑣言改正。(影庫本粘籤) 遺中 止 鄙雜,故未見。」宰相知之,改楚州刺史,卒於任,誠其子曰:「世世無忘薨。」故其子弟 貴人,蕘知其由徑,始惡其爲人。 嘗爲萬年令,薨謁於縣,彥融未出,見案上有尺題,皆 及除司勳郎中,養爲左丞,通刺不見, **莠謂曰:** 郎

常云「崔讎」。

爲虛有其表。天成初,遷禮部尙書、太常卿,因樞密使孔循保薦,拜平章 御史中丞,憲司舉奏,多以文字錯誤,屢受責罰。 梁爲左司郎中、萬年令、給事中,累官至兵部侍郎。 而言曰:「崔薨之子,何敢相見!」居儉亦報之。 協即彥融之子也。 幼有孝行,登進士第,釋褐爲度支巡官、渭南尉,直史館,歷三署。入 左降太子詹事,俄拜吏部侍郎。 協器字宏爽,高談虛論,多不近理,時人以 與中書舍人崔居儉相遇於幕次,協厲聲 同光初, 改

是先朝判官, 少識文字,時人謂之『沒字碑』。臣比不知書,無才而進,已爲天下笑,何容中書之內,更有笑 重酶然之,因奏擇相,明宗曰:「誰可?」乃以協對。任圜奏曰:「重誨被人欺賣,如崔協者, 而 鄭珏素與琪不協,孔循亦惡琪,謂安重誨曰:「李琪非無藝學,但不廉耳。朝論莫若崔協。 . 」明宗曰: 「易州刺史韋肅,人言名家,待我嘗厚,置於此位何如。」肅苟未可,則馮書記 初,豆盧革、章說得罪,執政議命相,樞密使孔循意不欲河朔人居相位,任圜欲相李琪, 馮書記,原本作「筆記」,今據通鑑改正。(影庫本粘籤)稱爲長者,與物無競,可以相矣。」

道嘗爲莊宗霸府書記,故明宗呼之。 餌,足以安心神。」左右見其膚淺,不覺哂之。(舊五代史考異)四年春,駕自夷門還京,從至須水驛,中風暴 曰:「質會到臣居,亦飲數爵,臣勸不令過度,事亦如酒,過則患生。」崔協強言于坐曰:「臣聞食醫心鏡, 重酶竟從之。 正、《影庫本粘籤》取蛣蜣之轉也。」重誨笑而止。 而讒夫巧沮,忌害其能,必捨琪而相協,如棄蘇合之丸,蘇合,原本作「蘇全」,今據通鑑及歐陽史改 缺人,協且可乎?」圜曰:「朝廷有李琪者,學際天人,奕葉軒冕,論才校藝,可敵時輩百人。 曰:「天下事一則任圜,二則任圜,崔協暴死則已,不死會居此位。」重誨私謂圜日 協上奏每歲補監生二百爲定,物議非之。 案北夢瑣言:明宗問宰相馮道:「盧質近日喫酒否?」 對 而協登庸之後,廟堂代筆〔三〕,假手於人。 朝退,宰臣樞密使休於中興殿之廡下,孔循拂衣而去, 然重酶與循同職,循日言與之短、協之長,故 朝廷以國庠事重, 命協無判祭酒 酒極好, :「今相位 不加薬

卒。 韶贈尚書左僕射,諡曰恭靖。

子頎、碩、壽貞,惟頌仕皇朝,官至左諫議大夫,終於鄜州行軍司馬。 永樂大典卷二千七百

尉,諡曰忠懿。 李琪,字台秀。 **憕孫案**,元和朝,位至給事中。 五代祖憕,天寶末,禮部尚書、東都留守。安祿山陷東都,遇害,累贈太 案子敬方,文宗朝,諫議大夫。 敬方子穀,廣

唐書三

+

74

列傳第十

敞,疑太平廣記傳寫之訛。(舊五代史考異)以收復功爲諫議大夫。 明中,爲晉公王鐸都統判官, 案:太平廣記引李琪集序作父敬,佐王鐸滑州幕。 考李琪祖名敬方,其父不得名

筆立成。 M 公署, 去,人自日邊來。 日:「適蜀中詔到 范增 韶、登封誰上書。」(舊五代史考異) 明年,丁母憂,因流寓齊、魯〔四〕。然糠照薪,俾夜作畫,覽書數千卷,聞為詩賦。唐僖宗再幸梁、洋,竊賦云:「哀痛 琪 召敷,原本作「若發」,今據文改正。(影庫本粘籤)密遣人以漢祖得三傑賦題就其第武之, 琪授 而 即穀之子也,年十三,詞賦詩頌,大爲王鐸所知,然亦疑其假手。 不能用。」 賦尾云:「得士則昌,非賢罔共。 ,用夏州拓跋思恭爲收復都統,可作一詩否?」即秉筆立製,云:「飛騎經·巴棧,洪恩及**夏臺**。 此處金門遠,何時玉輦迴。早平關右賊,莫待詔書催。」鐸益奇之,因執琪手曰:「此眞鳳毛也。」時年十 鐸覽而駭之,曰:「此兒大器也,將擅文價。」 案太平廣記: 踑總鸬謁鐸,鐸顧 龍頭之友斯貴, 鼎足之臣可重, 宜哉項氏之敗亡, 一日,鐸召製讌於 將從天上

運巡官,遷左拾遺、殿中侍御史。 籤) 琪 可畏也。」與由 《調哑鐘 謂琪曰:余嘗患近年文士辭賦,皆數句之後,未見賦題,吾子入句見題, 昭宗時,李谿父子以文學知名。 、捧日等賦, 是益 一知名,舉進士第。 調啞鐘、捧日等賦,疑有脫字,考夏文莊集所引薛史與永樂大典同,今姑仍其舊。(影庫本粘 自琪為諫官憲職,凡時政有所不便, **琪年十八,袖賦一軸謁谿。** 天復初(至),應博學宏詞,居第四等,授武 谿覽賦驚異,倒屣迎門,出 必封章論列,文章秀 偶 屬 功 典麗,吁 尉,辟轉

麗 覽之者忘倦。

爲「守」,爲恆所奏,梁帝大怒,將投諸荒裔,而爲趙巖輩所援,罷相,爲太子少保。 入。(影庫本粘籤) 歷兵、禮、吏侍郎,受命與馮錫嘉、張充、郄殷象同撰梁太祖實錄三十卷(+), 皆客期、楚,後乃受知於樂祖也。累遷戶部侍郎、翰林承旨。梁祖西抗邠、岐,北攻澤、潞,出師燕、 **儻負氣,不拘小節,中書奏覆,多行其志,而頃專掎摭其咎。** 名播於海內。 趙,經略四方,暫無寧歲,而琪以學士居帳中,專掌文翰,下筆稱旨,寵遇踰倫。是時,琪之 悵,而投葉水中。 於用、楚間,自晦其迹,號華原李長官。其堂兄光符宰宜都,嘗厭薄之。其寂寞,每臨流踞石,摘樹葉而試草制詞,吁嗟快 遷御史中丞,累擢尙書左丞、中書門下平章事。時琪與蕭頃同爲宰相,頃性畏愼深密,琪倜 左補闕入爲翰林學士, 琪 兄與,亦登進士第,才藻富膽(台),兄弟齊名,而尤爲梁祖所知,以與爲崇政學士。與自 梁祖受禪,徵入,拜翰林學士。今考梁書李珽傳,珽歷爲成次、趙匡凝掌書記,蓋昭宗末年,珽、琪兄弟 琪重然諾,憐才獎善,家門雍睦。貞明、龍德中,龍德,原本脫「德」字,今據梁末帝紀增 案北夢瑣言云:梁李相國琪,唐末以文學策名,仕至御史。昭宗播遷,衣冠蕩析,琪臧跡 會琪除吏,是試攝名銜,改「攝」

計不充,莊宗詔百僚許上封事,陳經國之要。 琪因上疏曰: |莊宗入汴,素聞||琪名,累欲大任。 同光初,歷太常卿、吏部尚書。 三年秋,天下大水,國

聞王 一者富 有兆民,深居九重,所重患者,百姓凋耗而不知,四海困窮而莫救,下

唐

=

+

四

列

傳第十

臣

情不得上達,羣臣不敢指言。今陛下以水潦之災,軍食乏闕,焦勞罪己,迫切疚懷,避 正殿以責躬,訪多士而求理,則何思而不獲,何議而不臧。止在改而行之,足以擇其善

前,不可詳記。自曉湮洪水,禹作司空,於時辨九等之田,收什一之稅,其時戶一千三 災,而有凶荒之備。 戶口更增二十餘萬,非他術也,蓋三代以前,皆量入以爲出,計農以立軍,雖逢水旱之 內兵車萬乘,馬四萬匹,以田法論之,亦什一之制也。故當成、康之世,比麂、舜之朝, 百餘萬,定墾地約九百二十萬頃,約九百,原本作「絲八百」,今據文獻通考改正。(影庫本粘籤)最爲 其穀則國力備,定其地則人食足,察其人則徭役均,知此三者,爲國之急務也。軒黃已 太平之盛。 洎乎周室,立井田之法,大約百里之國,提封萬井,出車百乘,戎馬四百匹(云)。畿 臣聞古人有言曰:穀者,人之司命也;地者,穀之所生也;人者,君之所理也。有 及商革夏命,重立田制,每私田十畝,種公田一畝,水旱同之,亦什一之義

按此時戶口,尙有千二百餘萬,墾田亦八百萬頃。至乎三國並興,兩晉之後,則農夫少 於軍衆,戰馬多於耕牛,供軍須奪於農糧,秣馬必侵於牛草, 降及秦、漢,重稅工商,急關市之征,倍舟車之算,人戶旣以減耗,古制猶以兼行, 秣馬,原本作「積馬」,今據文獻通

秀改正。(影庫本粘籤) 於是天下戶口,只有二百四十餘萬。 洎隋文之代,兩漢比隆,及煬帝

之年,又三分去一。 我唐太宗文皇帝,以四夷初定,百姓未豐,延訪羣臣,各陳所見,惟魏徵獨勸文皇

於開元,將及一千九百萬戶,五千三百萬口,墾田一千四百萬頃,比之燒、舜,又極增 要亦作「是時」,今姑仍其舊。(影庫本粘籤) 數州之地,千里運糧,有此差徭,必妨春種,今秋若 徭,兩稅之餘,猶須重斂,則但不以折納爲事,一切以本色輸官,又不以紐配爲名,止以 孰與不足。一臣之此言,是魏徵所以勸文皇也,伏惟深留宸鑒。 如以六軍方闕,不可輕 加。是知救人瘼者,以重斂爲病源;料兵食者,以惠農爲軍政。仲尼云:「百姓足,沿 力行王道,由是輕徭薄賦,不奪農時,進賢良,悅忠直,天下粟價,斗直兩錢。自貞觀至 IF. 耗加納,猶應感悅,未至流亡。況今東作是時,羸牛將駕,「是時」二字疑有舛誤,考五代會

物到京 此。 水旱不足,三公奏請,富人入栗,得關內侯及公卿以下散官。本朝乾元中,亦曾如 今陛下縱不欲入粟授官,願明降制旨下諸道,合差百姓轉倉之處,有能出 臣 師,五百石以上,白身授一初任州縣官,有官者依資遷授,欠選者便與放選。 伏思漢文帝時,欲人務農,乃募人入粟,得拜爵及贖罪,景帝亦如之。後漢安帝 力運官

無糧草,何以贍軍。

嗇

Ξ

十四四

列傳

第十

七八六

放選、原本作「於選」、今據文獻通考改正。(影庫本粘籤)千石以上至萬石,不拘文武,明示賞酬。 免

令方春農人流散,斯亦救民轉倉贍軍之一術也。

莊宗深重之,尋命爲國計使,垂爲輔相,俄遇蕭牆之難而

琪時爲御史大夫,安重誨於臺門前專殺殿直馬延。 及明宗卽位,豆盧革、韋說得罪,任圜陳奏,請命琪爲相,爲孔循、鄭珏排沮,乃相崔協。 馬延,原本作「馬廷」,考歐陽史及通鑑俱作馬延,今

改正。(影庫本粘籤)雖曾彈奏,而依違詞旨,不敢正言其罪,以是託疾,三上章請老,朝旨不允, 除授尙書左僕射。自是之後,尤爲宰執所忌,凡有奏陳,靡不望風橫沮。天成末,明宗自汴

州還洛,琪爲東都留司官班首,奏請至偃師奉迎。時琪奏中有「敗契丹之凶黨,破眞定之逆 城」之言,詔曰:契丹卽爲凶黨,眞定不是逆城,李琪罰一月俸。又嘗奉敕撰霍彥威神道碑

改撰。」詔從之。 多此類也。

靜也。 子貞,官至邑宰。 琪 雖博學多才,拙於遵養時晦,知時不可爲,然猶多岐取進,動而見排,由己不能鎭 以太子太傅致仕。 琪以在內署時所爲制詔,編爲十卷, 案: 歐陽史作少傅。(舊五代史考異) 目日金門集,大行於世。 長興中, 卒於福善里第, 時年六十。 冰樂大典卷 —

萬三百八十九

唐書三十四 列傳第十 校勘記

時年六十九。輟朝一日,贈太子少師。泳樂大典卷五千二百二十五。 傾入梁,歷給諫、御史中丞、禮部侍郎、知貢舉,咸有能名。自吏部侍郎拜中書門下平章事, 集郎官,赴省上指揮公事,且非南宮舊儀。」濟聞之,慚悚致謝,頃由是知名,梁祖亦獎之。 梁祖廕求一子出身官,省寺皆稱無例,濬曲爲行之,指揮甚急,吏徒惶恐。頃判云:「僕射未 司戶,量移濮州司馬,數年,遷太子賓客。天成初,爲禮部尙書、太常卿、太子少保致仕。 與李琪同輔梁室,同輔,原本作「同轉」,今據文改正。(影庫本粘簽)事多矛盾。莊宗入汴,頃坐貶登州 鎮,頃上章論奏,乃止。 累遷吏部員外郎。 **士第,歷度支巡官、太常博士、右補闕。 時國步艱難,連帥倔強,率多奏請,欲立家廟於本** 蕭頃,字子澄,京兆萬年人。故相做之孫,京兆尹廩之子。頃聰悟善屬文,昭宗朝擢進 先是,張濬自中書出爲右僕射,梁祖判官高劭使

之廊廟,宜無愧焉。泳樂大典卷二千七百四十。 皆互有所長,亦近代之良相也。 史臣曰: 夫相輔之才,從古難得,蓋文學政事,履行謀餓,不可缺一故也。 如齊公之明節,李琪之文章,足以圭表搢紳,笙簧典誥,陟 如數君子者,

校勘記

(1) 時屬亂離 「時」原作「併」,據殿本、劉本改。

(三) 復恭從孫 「從孫」原作「從子」,據殿本改。 按本卷下文楊希朗稱復恭爲伯祖, 則「從子」當作

從孫」

(II) 廟堂代筆 「代筆」原作「化筆」,據劉本改。 殿本作「秉筆」。影庫本粘籤云:「化等,疑有誤字,

考册府元龜亦作化筆,今姑仍其舊。」

(四)流寓齊魯 殿本、劉本、太平廣記卷一七五「齊魯」作「青齊」。

(五) 天復 原作「天福」,據殿本、劉本改。

(4) 才藻富瞻 「贍」原作「瞻」,據殿本、劉本改。

(+) 張充鉛般象同撰梁太祖實錄三十卷 殿本、劉本同。 按宋史卷二〇三藝文志:「五代梁太祖實

錄三十卷,張衮、郄象撰。」

(大) 戎馬四百匹 「四百」原作「四千」,據殿本、劉本改。 舊五代史考異云:「案:原本作『四千』,今據

漢書改正。」

售五代史卷五十九

唐書三十五

列傳第十一

累年。 自 瑾, 會恆以兵從, 多立奇功。 文德中, 表授懷州刺史, 歷滑州留後、河陽節度使、檢校司徒。 黃巢渡淮,會從梁祖爲部曲,梁祖鎭汴,會歷都押衙。 嗜其聲。旣長,遇亂,合雄兒爲盜,雄兒,原本作「維兒」,今據冊府元龜改正。(影庫本粘籤) 有志功名。 河陽以疾致政於洛陽。 丁會,字道隱,壽州壽春人。父季。會幼放蕩縱橫,不治農產,恆隨哀挽者學紼謳、尤 案:通鑑考異謂梁祖季年無誅戮大臣之事。考朱珍、李讜諸人先後爲梁祖所殺,丁會蓋鑿於前事也。 梁祖季年猜忌,故將功大者多遭族滅,會陰有避禍之志,稱疾者 自梁祖誅宗權,併時溥,屠朱瑄,走朱

年昭宗遇弒,哀問至,會三軍編素,流涕久之。 天復元年,梁祖奄有河中、晉、絳,乃起會爲昭義節度使。 時梁祖親討劉守文於滄州、駐軍於長蘆。 昭宗幸洛陽,加同平章事。其

唐書三十五

列傳第

+

七八九

以會爲 吐盜父之食以見王也。」武皇納之,賜甲第於太原,位在諸將上。 嫌舊將,臣雖蒙保薦之恩,而不忍相從, 月,丁會舉潞州軍民歸河東矣。(舊五代史考異)引見,會泣曰:「臣非不能守路,但以汴王篡弱唐祚,猜 年十二月二一,王師攻會,居旬日,會以潞州歸於武皇。 日:「吾夢丁會在前抵候,吾將乘馬欲出,圉人以馬就臺,忽爲丁會跨之以出,時夢中怒,叱喝數聲, 都招討使、檢校太尉。 原本脫「相從」二字,今據册府元龜增入。(影庫本粘籤)今所謂 案北夢瑣言云:梁旭雄猜,疑忌功臣,忽謂 五年,汴將李思安圍路州 因驚覺, 甚惡之。」是 敬翔

太師 莊宗 嗣王位, 與會決謀, 破汴軍於夾城。 七年十一月,卒於太原。 莊宗卽位, 追贈

有子七人,知沉爲梁祖所誅,餘皆歷內職。 泳樂大典卷一萬八千一百八十九。

爲邢 互異。(舊五代史考異) 倫、李思安各為大將,統兵 瑾將胡規、康懷 洛 閻 [寶,字瓊美,鄆州人。 父佐,海州刺史。 節度使、檢校太傅。 英歸汴梁,皆擢任之。 莊宗定魏博,十三年,攻相、衞、洛、磁,下之,寶獨保邢州, 四出,所至立功,歷洛、隨、宿、鄭四州 案歐陽史: 太祖時爲諸軍都虞候,末帝時, 自梁祖 陳師 寶少事朱瑾爲牙將, 瑾之失守於兗也, 河朔,爭霸關西,寶與葛從周、丁會、 以實爲保義軍節度使。 刺 史。 天祐六年,梁祖 城孤援絕。 與薛史詳略先後 辺 賀 寶

寶以邢州降,莊宗嘉之,進位檢校太尉、同平章事, 遙領天平軍節度使、東南面招討等

使,待以賓禮,位在諸將上,每有謀畫,與之參決。

|朔非王有也,王其勉之。」 莊宗聞之聳聽,曰:「微公幾失計。」 卽引騎大譟,奮稍登山,大敗 之,敗走必矣。今若引退,必爲所乘,我軍未集,更聞賊勝,即不戰而自潰也。 決戰料情 (三),情勢已得,斷在不疑。今王之成敗,在此一戰,若不決勝,設使餘衆渡河,河 柳之役,諸軍逗撓,汴軍登無石山,其勢甚盛。 「王深入敵境,偏師不利,王彥章騎軍已入濮州, 契丹之寇幽州也,周德威危急,寶與李存審從明宗擊契丹於幽州西北, 莊宗望之,畏其不敵,且欲保營。 山下唯列步兵,向晚皆有歸志, 解闡 凡決勝料勢, 我盡銳擊 而還。 寶進日: 胡

月,收趙州,進渡滹水,擒賊黨張友順以獻。九月,進逼真定,結營西南隅,掘塹栅以環之, 發背而卒,時年六十。 縱其出,伏兵截擊之。 見莊宗,指陳方略,軍情乃安。敵退,加檢校侍中。三月,城中饑,王處瑾之衆出城求食,寶 決大悲寺漕渠以浸其郛。十九年正月,契丹三十萬來援鎭州,前鋒至新樂,衆心憂之。寶 十八年,張文禮殺王鎔叛,張文禮,原本作「大禮」,今據歐陽史改正。(影庫本粘籤)寶帥師進討。八 饑賊大至,諸軍未集,爲賊所乘,寶乃收軍 同光 初,追贈太師,晉天福中,追封太原郡王。 退保趙州,因慚憤成疾,疽

唐書三十五

列

傳第

+

有子八人,宏倫、宏儒皆位至郡守。 永樂大典卷九千八百二

乃割 其任 乎? 噬。 雨泣 但授 塘」,今據通鑑改 期 懷冤憤,欲以自 衡, 師 常令習 吾當 解 一訴於莊宗曰:「臣本趙人,家世事王氏,故使嘗授臣一劍,俾臣 臣 相 旅 臣 符習 河南 衞 雖 爲 日"「臣 助,但 助 不 率師從莊宗征討。 趙州昭慶縣人。 武,願在霸府血戰而 爾 一州置 正。(影庫本粘籤) 鎭, 。」習等舉身投地,號 !悉本軍可以誅其逆豎。」莊宗 緣故使未葬, 到,無益於管魂。 臣 義 寧軍 自 1攻取 ·, 以 乃以習爲 。乃授天平軍 少從軍,事節度使王鎔,積功至列校。 習為節 又 鎔爲張文禮所害,時習在德勝寨, 無嗣 死,不能委 且張 慟感激,謝曰:「王必 度使。 息,臣 成 文禮乃幽 德軍兵 合服 節 分身於 習 度、 印令閻寶、 奏日:「 馬留後。 斬 東 凶 首 、滄叛將,趙王知人不盡 穣, 南 」。 |射: 魏博 面 候臣 史 以故使輔 招 及文禮誅, 全建塘 六州 計 禮制 宗曰:「爾旣懷 使 助習討文禮, 畢 見係霸 翼之勞,雪其冤恥, 文禮上書請督等歸鎮。 聽命 平蕩 自莊宗經略 將正 凶寇。 府、 一,過意 一授節 舊君之愛, 及 八莊宗 不 鉞, 史建瑭, 河朔, 宜 任使,致被 自聞變故,徒 遽有 兼 習 領 原本 與鎔連 臣 印 不 鎭州 割隸 · 蚁當 復 不 作 速 敀 督 反

同光初,以習爲邢州節度,明年,移鎭靑州。 度,性忠壯 自莊宗 十年沿 河 守, 四年二月,趙在禮盜據魏州、 本 軍 心 無 顧 習受詔以淄、靑之

戰

習常以

從,

望,

諸將服

其

爲

習

有器

宗於胙縣。 傳:天成初,爲鄒平令。 明宗卽位, 其母 遊 案:原本作「飛鷹」,今考杜詩「痛飲狂歌空度日,飛揚跋扈爲誰雄」,「鷹」字蓋「揚」字之訛,今改正'(鷹五代史考異) 多收加耗,由是罷歸京師。 訟,習遽召衙答之,幕客軍吏,咸以爲辱及正人,習甚悔焉,卽表爲觀察判官,且塞前事。(舊五代史考異) 師進討,至則會軍亂,習乃退軍渡河。 太子太師致仕,求歸故里,許之,乃歸昭慶縣。 與符習從征於河上,頗得士心。聞張文禮弑王鎔,志復主讎,雪泣請行。兵及恆陽,文禮執 田里,不集朋徒,不過郡邑,如此累年,中風而卒。贈太師。 妻洎兒女 子蒙嗣,位至禮部侍郎。永樂大典卷一萬八千一百二十九 四年,移汴州節度使。 鳥震,冀州信都人也。 少孤,自勤於鄉校。 加兼侍中,令歸本鎭。 霍彦威謂習曰:「主上所知者十人,公在其四,何猶豫乎! + 口誘之,不迴,攻城日急。文禮忿之,咸割鼻斷腕,不絕於膚,放至軍門,觀 符習初鎮天平,習武臣之脈愼者,以書告屬邑,毋聚斂爲獻賀。 安重海素不悅習,會汴人言習厚賦民錢,以代納藥,及納軍租, 案通鑑: 習自恃宿將、議論多抗安重誨,故重誨求其過,奏之。(舊五代史考異) 屬青州守將王公儼拒命,復授天平軍節度使。 明宗自鄴赴洛,遣使召之,習不時而至。 明宗以其子令謙爲趙州刺史。 弱冠從軍,初爲鎭州隊長,以功漸升部將, 而未領書,以故規行之,尋爲吏所 習乃從明宗入汴。 智飛揚痛飲, 旣至, 案宋史額行 謁明 周

唐書

三 十

五

列傳

第十

七九三

傅。 陸 純 轉 原本作 運 宣 質 不 忍正 州 ,以清 (三、招撫等使。 歐 陽史作-節度使,代房知温軍於盧臺。及至軍,會戍兵龍晊所部鄴都奉節等軍 「龍姪」,今據歐陽史改正。(影庫本粘籤) 視 直 太師。(舊五代史考異) 震略涉書史,尤嗜左氏傳, 御下, 震 慟 在 河北 m 契丹犯塞,漁陽路梗, 止,憤激奮命,身先矢石。 獨有政聲,移易州 未及 震率師運糧,三入薊門, 父交印而 刺刺 史, 鎭州平,以功授震深、趙 案 遇害。 歐陽史作冀州。(舊五代史考異) 好爲 明宗聞 詩, 之, 善筆札, 擢爲河北 廢朝 三州 日, 數千人作亂, 道 郵 兼 刺 副 亭佛寺, 詔贈太 史。 北 招 面 水 其

然機 拒之。 軍循河南岸西上,俘獲饋役數千。 佐 多有 月 略 時 留 王 邏 李 瓚, 題之跡。 瓚 應 祖 騎 變 至 存 卽 故 報 位 頓 審 汴 則 河 築 丘 之饋 中節度使重盈之諸子也。 非 歷 壘 及其遇禍,燕、趙之士皆歎惜之。 泳樂大典卷一萬八千一 而 所長。 於 諸 旋,於 糧 (徳勝 衞 干 大 楊村 計, (將軍 **+** 渡。 沿 月, 夾河築壘 秋 河 **克**華)費率其· 八八月, 而 費結陣河曲 下, 兩 費率 1 鎭 可 架浮 衆觀 拖 節 天復初,梁祖既平 度使、 而 航, 兵 取之。 ,以待王 軍 於 ·五萬 自 開封 戚城,明宗以前 滑饋 莊宗 師, 自 尹 運相 黎陽 ٥ 遣 既而兵合,一 河中, 貞 徒兵 繼 渡 明 河, 五 追 鋒 五 壪 年, 撃之, 千, 將 念王氏舊恩,辟瓚爲 百二十九。 嚴 掩 於 代賀 戰敗之, 費衆走保 設 擊魏州 軍 獲其 伏 法 、壊統 以待之, 將 令行禁 李立 明宗 軍 駐 使 出 於 止 騎 伽 河

南城, 瓚以小舟北渡僅免。 是日,獲馬千餘匹,俘斬萬級,王師乘勝狗地曹、 梁主以費

失律,令戴思遠代還。

馬,詔釋之,仍令收梁主屍,備槥櫝權 厝於佛寺,漆首 函送於郊社 徒,登城爲備。 自登建國門樓, 及王師襲汴,時瓚爲開封府尹。 洎明宗至封丘門, 瓒開門迎降。 日夜垂泣, 時持國寶謂瓚曰:「吾終保有此者,繫卿耳。」令瓚閱市人散 開封,原本脫「封」字,今據通鑑增入。(影庫本粘籤) 翌日,莊宗御玄德殿,瓚與百官待罪及進幣 梁主聞王師將

邪!」因以爲開封尹,遷宣武軍節度使。 府事,檢校太傅如故。 聞諸族當法,憂悸失次,每出則與妻子訣別。 首 [惡,以謝天下。」於是張漢傑、張漢融、張漢倫、張希逸、趙縠、朱珪等並族誅,家財籍沒。瓚 居數日,段凝上疏奏:「梁朝掌事權者趙巖等,並助成虐政,結怨於人,聖政維新,宜誅 案歐陽史云:瓚伏地請死,莊宗勞而起之,曰:「朕與卿家世婚姻,然人臣各爲主耳,復何罪 機碎史則階以宜武軍節度副使知府事,未嘗遷秩也。費心憂疑成疾,十 郭崇韜遣人慰譬之,詔授宣武軍節度副使,知

一月卒。贈太子太師。

汴之富戶,出助 邑,委政於愛壻牙將 瓚 雖爲治嚴肅,而慘酷有家世風。 軍錢,賦取不 辛廷蔚,曲法納賄,因緣爲奸。 均。人靡控訴,至有雉經者,又有富室致賂幸而 自歷守藩鎮,頗能除盜,而明不能照下。及尹政京 初,汴人駐軍於河上,軍計不足、瓚 **死率者。及明宗** 請

唐

書三十

五

列

傳第

即位 大典卷六千六百八十。 素知廷蔚之奸,乃勒歸田里。 然瓚能優禮搢紳,抑挫豪猾,故當時士流皆稱仰焉。泳樂

贈司 少尹、梁以象先貴、累贈左僕射。 徒、駙馬都尉。 **袁象先,宋州下邑人也。** 敬初娶梁祖之妹,初封沛郡太君。 自稱唐中宗朝中書令、南陽郡王恕己之後。曾祖進朝, 祖忠義,忠武軍節度判官,累贈司空。父敬初,太府 開平中,追封長公主。 貞明中,追封 卿, 成都 累

萬安大長公主

指揮使。 靜邊都指揮使。 賓客、兼御史中丞。 不中,箭落水中,下貫雙鯉,見者異之。梁祖鎭夷門, 象先即梁祖之甥也。 光化二年,權知宿州軍州事 乾寧五年,再遷檢校右僕射、左領軍衞將軍同正、充宣武軍內外馬步軍都 景福元年,自檢校左省常侍,遷檢校工部尚書,充元從馬軍指揮使兼左 性寬厚,不忤於物,幼遇亂,慨然有憂時之意。 象先起家授銀青光祿大夫、檢校太子 象先嘗射一 水鳥,

先殫力禦備,時**拨**兵未至,頗懷憂沮。 我陳璠也, 天復元年,表授刺史、充本州團練、埇橋鎭遏都知兵馬使。會准寇大至,圍迫州城,象 陳璠,原本作「揀璠」,今據册府五龜改正。(影庫本粘籤)當板築是城,舊第猶在,今爲軍舍, 一日,登北城、憩其樓堞之上,怳然若寢,夢人告曰:

之,有大風雨,居民望見城上兵甲無算,寇不能進, 立祠,至今里人禱祝不輟。 可爲我立廟,卽助公陰兵。」象先納之。 三年,權知洺州軍州事 翌日,准寇急攻其壘,梯幢角進,是日州城幾陷。 卽時退去。 洛州, 原本作「洛州」,今從歐陽史改正。(影庫本 象先方信鬼神之助,乃爲之 頃

得進,乃自 應接副使,進封開國伯。 戶民流散,象先卽開倉賬卹、蒙賴者甚衆。五年,梁祖北征,以象先爲鎭定東南行營都招討 上將軍,封汝南縣男。 實可食,貧民賴焉。梁開平二年,授左英武軍使,再遷左神武、右羽林統軍。 天祐三年,授陳州刺史、檢校司空。 他門而逸。 尋授左龍武統軍兼侍衞親軍都指揮使。 四年,權知宋州留後,到任五月,改天平軍兩使留後。 領兵攻蓨縣,不克而還。俄奉詔自倻赴闕,鄆人遮留,毁石橋而不 是歲,陳州大水,民饑,有物生於野,形類蒲萄,其 三年, 時鄭境再畿, 轉右衞

度使,加檢校太傅。 同平章事,遙領洪州節度使、行開封尹、判在京馬步諸軍、進封開國公。四年,授青州節 乾化三年,與魏博節度使楊師厚合謀,誅朱友珪於洛陽。 未幾,移鎭宋州,加檢校太尉。象先在宋凡十年。 梁末帝即位,以功授檢校太

輿金輦壁, 駿奔結轍,納路於其庭。 如是者十餘年,寖成風俗,藩侯牧守,下迨羣吏,罕有康

四鎮,統兵十萬,威震天下,關東藩守,皆其將吏,方面補授,由其保薦,四方

初,

梁祖

領

唐

+

Ŧī.

列

僔

第

+

萬。 白 者,率皆掊斂剝下,以 莊宗 初定 河 南 ,象先率先入 事 權門。 、覲,輦 象先恃甥舅之勢,所至藩府, 珍幣數十萬,遍路灌貴及劉皇后、伶官巷伯,居旬日 侵刻誅求尤甚,以此家財鉅

內外翕然稱之。

時, 有新 先日:「歸德之名, 度使,依前 制 官, 初, 改宋州宣武軍 册 每上 梁將未復官資者,凡上章奏姓名而已。 贈 檢校太尉、平章 太 一表章, 師, 無乃著題 周 但書名姓,未頒 廣順 爲歸德 中, 事,仍賜姓,名紹安, 否? 軍 贈 中書令, 」象先 宋州,原本作「宗州」,今從通鑑改正。(影庫本粘籤) 綸 制, 拜 追 謝 必負 封 而 一楚國 退, 憂疑。」卽 尋今歸鎭。 郭崇韜奏曰:「河南征鎮將吏,昭洗之後,未 即命歸 公 日, 鎭。 明年, 復以 其年夏, 象先爲宋、亳、耀、輝、潁 以郊禮, 以疾卒於治所, 因侍宴, 象先復來朝。 莊宗謂 年 節 是 象

象先二子, 長日 IF. 辭, 歷衢、雄二州刺史。 次日義(日), 至周顯德中, 終於滄州節度使。

泳樂大典卷五千一

百十四

叛,從劉鄩討平之,改左右捉生都指揮使。 步直小將,改崇明都校。 張温 ,字德潤,魏州 魏縣人也。 貞明初 貞明, 案:温于潼關擒劉院,見梁紀,此傳不載。(舊五代史考異)始仕 原本作「貞宗」, 莊宗伐邢臺,獲之,用爲永淸都校,歷武州 今據薛史梁書改正。 (影庫本粘籤) 蔣殷 辽 梁 刺史、 徐州 旭

唐書三十五 列傳第十一 校勘記

清泰 光 Ш 後 初 尋授利 初, 八 契丹陷嬀、儒 軍都將。 屯兵鴈門,逐契丹出塞,移鎮晉州, 州節度使, 從莊宗襲契丹於幽州 、檀、順、平、薊 入爲右衞上 六州,武州 一將軍。 收新州, 無幾, 嬰疾而卒。 獨全, 授洋州節度使、右龍武統軍, 歷銀槍效義都指揮 改授蔚州 詔 贈太尉。 刺 史。 天成 永樂大典卷六千六百六十。 使, 再任 初,歷振武、昭武留 武州刺 改雲州節制 史。 H

軍節度。 張文禮 史,預 |都。 魏州 典 令紹文、 諸 也, 同光 軍 李紹文, 破 內 ,爲馬 黄 劉 紹文率衆自黎陽將渡 曹儒 天祐 中, 天成初,爲武信軍節度使,尋卒於鎮。 郭於故 至 魏州 歴徐、滑 步 鄆州人,本姓張,名從楚。 分將之。 八年,從王景仁戰,敗於柏鄉,紹文與別將 軍 元城、歷具、隰、代三郡 都虞候。 歸於莊宗。 從周德威討劉守光, 鎭 (副使, 明宗收鄆州 河。 莊宗嘉納之,賜姓名 知 府事 了;以 少事朱瑄爲帳下,瑄敗,歸於梁祖, 三年, 刺 紹文 史,領 進 檢 ^(為右) 河 永樂大典卷一 從郭崇韜 天雄 校 無 ri 都 舟檝, 分其兩將三千人爲左 空, 軍 押衙、馬 馬 曹儒收殘衆,退保 討 移將匡 步 萬一百八十九。 紹文懼為王 西川 副 步 都 衞 軍 將, 爲洋州節度留後, 軍 都 屯於 將 師所逼, + ,從破王彦章於中 相 徳勝 右 爲四鎭牙校, 州 年, 匡 锔 乃剽 從 授 王師之攻 軍. 領鎭江 博 閻 旅, 黎陽 寶 州 仍 計 刺

史臣曰: 昔丁會之事梁祖也, 功旣隆矣, 禍將及矣, 挺身北首, 故亦宜然, 然食人之祿,

士也。 矣,雖慕樂羊之跡,豈事文侯之宜。 豈合如是哉!閻寶再降於人,夫何足貴焉。 奇士,原本脫「士」字,今考夏文莊集所引薛史作「奇士」,今改正。(影庫本粘籤)烏震不憫其親,仁斯鮮 **瓚泊象先而下,皆降將也,又何足以譏焉。** 符習雪故主之沉寬,享通侯之貴位,乃趙之奇 永樂大典卷一

校勘記

萬一百八十九。

(二) 三年 殿本、劉本同、據舊唐書卷二〇哀帝紀、本書卷二六武皇紀當作天祐三年。

(三) 凡決勝料勢決戰料情 原作「凡決勝料情」,據冊府卷三六七、歐陽史卷四四閻寶傳改。

(三) 北面水陸轉運 「北」上原有「南」字,據冊府卷四八三、歐陽史卷二六烏震傳刪。

(E) 次日義 殿本、劉本同。凡本「義」作「正義」。 按袁象先長子名正辭,其次子名疑當作「正義」。

舊五代史卷六十

唐書三十六

列傳第十二

難,與梁祖不協。乾寧末,劉仁恭負恩,其間論列是非,交相聘答者數百篇,警策之句,播在 國朝近事,爲文精意練實〔i〕,動據典故,無所放縱,羽檄軍書,辭理宏健。 判官(1)。及王重榮代,不喜文士。時喪亂之後,衣冠多逃難汾、晉間,襲吉訪舊至太原,武 末,應進士舉,案:唐新纂作應廣文舉,不第。(舊五代史考異)遇亂,避地河中,依節度使李都,擢爲鹽鐵 人口,文士稱之。 辟掌奏者,多不如指。或有薦襲吉能文,召試稱指,卽署爲掌書記。 皇署爲府掾,出宰楡社。衆:北夢瑣言作攝楡次令。光啓初,武皇遇難上源,記室歿焉,旣歸鎮, 李襲吉, 案:北夢瑣言作李習吉。自言左相林甫之後,父圖,爲洛陽令,因家焉。襲吉,乾符 襲吉博學多通,尤語悉 自武皇上源之

師還太原,王珂爲浮梁於夏陽渡,襲吉從軍。 議,非至入奏時始授也,當由先經奏授,至入奏時復于本省上事耳。 案北夢瑣言云:習吉從李克用至渭南,令其入奏,帝重其文章,授諫議大夫,使上事北省以榮之。 庫本粘籤)天路無梯,望堯雲而不到。」昭宗覽之嘉歎。 作違離表,中有警句云:「穴禽有翼〔〕,聽舜樂以猶來, 遷節 度副使,從討王行瑜,拜右諫議大夫。及師還渭北,武皇不獲入覲,爲武皇 時笮斷航破,武皇僅免,襲吉墜河,得大冰承 北夢瑣言多傳聞之辭, 洎襲吉入奏, 面詔諭之, 優賜特異。 猶來,原本作「獨來」,今從文昌雜錄改正。(影 故有互異。 據薛史, 其年十二月, 則襲吉先授諫

天復中,武皇議欲脩好於梁,命襲吉爲書以貽梁祖,書曰:

足,沿流七八里,還岸而止,救之獲免。

別淸德,十五餘年,失意杯盤,爭鋒劍戟。 山高水闊,難追二國之歡,鴈逝魚

沉, 久絕八行之賜。

交」,歐陽史作「交相」。凝集韻云「相,持也」。當以歐陽史爲是,今改正。(影庫本粘籤) 金戈鐵馬,蹂踐於明 子何勞用壯。 嚮仁賢,未省疏闕。豈謂運由奇特,謗起奸邪。毒手尊拳,交相於暮夜; 比者,僕與公實聯宗姓,原忝恩知,投分深情,將期棲托,論交馬上,薦美朝端,傾 狂藥致其失歡,陳事止於堪笑。今則皆登貴位,盡及中年(10),蘧公亦要知非,君 今公貴先列辟,名過古人。合縱連衡,本務家邦之計; 拓地守境,要存 交相,原本作「相

今僕散 唐 書 積 Ξ + 財 六 而 募勇輩,輦寶貨以誘義戎,徵其密親,唱以美利,控弦跨馬,寧有數乎。但 列 傳 第 + 八〇三

抱剝牀之痛。又慮悠悠之黨,妄凟聽聞,見僕韜勇枕威,戢兵守境,不量本末,誤致 死不悔,壯懷忠力,猶勝他人,盟於三光,願赴湯火。公又何必終年立敵,懇意相窺,徇 子孫之基。文王貴奔走之交,仲尼譚損益之友,僕顧慚虛薄,舊忝眷私,一言許心,萬 時之襟靈,取四郊之倦弊〔邑〕,今日得其小衆,明日下其危牆,弊師無遺鏃之憂,鄰壤

窺覦

銳將; 聰。 將,入蒲坂而不負前言。沉五載休兵,三邊校士,鐵騎犀甲,雲屯谷量。馬邑兒童,皆爲 公袞,天子命我爲羣后,明公許我以下交,所以斂迹愛人、蓄兵務德,收燕顱則還其故 且僕自壯歲已前,業經陷敵,以殺戮爲東作,號兼幷爲永謀。及其首陟師壇,躬被 鷲峯宮闕,咸作京坻。問年猶少於仁明,語地幸依於險阻,有何覘覩,便誤英

親; 夫,得僕 長驅席卷,反首提戈。但慮隳突中原,爲公後患,四海羣謗、盡歸仁明、終不 迴紇 況僕臨戎握兵,粗有操斷,屈伸進退,久貯心期。 師徒、累從外舍。 二馬。 銳師儻失,則難整齊,請防後艱,願存前好。 文靖求始畢之衆,元海徵五部之師,寬言虛詞、循 勝則撫三晉之民,敗則徵五部之 矧復陰山部落, 或得志。 是僕懿 能見僕

緣荷位 慮禍革心,不聽浮譚,以傷霸業。 朝, 惻心疲瘵,峨峨亭障,未忍起戎。 夫易惟忌滿,道貴持盈,儻恃勇以喪師, 亦望公深識鄙懷,洞迴英鑒,論交釋憾, 如擎盤而失

水,爲蛇刻鶴,幸賜徊翔。

吐誠,願垂保鑒。 愚衷未豁,彼抱猶迷,假令罄三朝之威、窮九流之辯,遣迴肝膈,如俟河淸。 僕少負編心,天與直氣,間謀詭論,誓不爲之。 唯將藥石之譚,願托金蘭之分。 今者執簡

鈴閣。 樂貴和心,願祛沉閼之嫌,以復塡篪之好。今者卜於曩分,不欲因人,專遣使乎,直詣 讎,若非仰戀恩私,安可輕露肝膈。 悽悽丹愫〔tì,炳炳血情,臨紙嚮風,千萬難述。 既罷於尋戈,尋找,原本作「尋伐」,今據册府元龜改正。(影庫本粘籤)焚謗幸蠲其載筆,窮因倘口, 僕自眷私睽阻, 古者兵交兩地,使在其間,致命受辭,幸存前志。昔賢貴於投分,義士難於屈 翰墨往來,或有鄙詞、 稍侵英聽(去),亦承嘉論,每賜罵言。 敍歡

異引唐末見聞錄載全忠回書云:前年洹水,曾獲賢郎;去歲青山〔八〕,又擒列將。 蓋梁之書檄,皆此類也 原喘喘餘息,猶氣吞宇宙,可詬駡之。」及翔爲報書,詞理非勝,由是襲吉之名愈重。 得襲吉之筆才,虎傅翼矣。」又讀至「馬邑兒童」、「陰山部落」之句,梁祖怒謂敬翔曰:「李太 梁祖覽之,至「毒手尊拳」之句,怡然謂敬翔曰:「李公斗絕一隅,安得此文士,如吾之智算, 案通鑑考

貞,挾曹、 邪, 州 有李巨川 無 慚往哲。 自 馬之勢,殷奏文傲,恣意顕翔。 廣明大亂之後,諸侯割據方面,競延名士,以掌書檄。 考準爲成內書記, 荆南有鄭準, 案唐新纂云: 後爲與元留後, 鄭準,士族,未第時,佐荆門上谷蓮幕。 鳳翔有王超, 遇害,有鳳鳴集三十卷行於世。 案北夢瑣言云: 是時梁有敬翔 唐末, 錢塘有 飛書走檄, 鳳翔判官王超, 推奉李茂 口羅隱, 不讓古人,秉直去 燕有馬郁 魏博有李

以風病卒於太原。 不以已能格物。 襲吉在武皇幕府垂十五年,視事之暇,唯讀書業文,手不釋卷。性恬於榮利,獎誘後進 參決府事,務在公平,不交路遺,綽綽有士大夫之風概焉。 同光二年,追贈禮部尚書。 永樂大典卷一 萬三百八十。 天祐三年六月,

山南,皆有文稱,與襲吉齊名於時

復入契丹,寓書于晉王,敍所以北去之意。 仁恭阻命,武皇留之。 生,未知名。 歷掌書記。 從莊宗經略山東,承制授檢校司空、魏博節度副使。 緘, 幽州劉仁恭故吏也。 案契丹國志韓延徽傅:延徽自契丹奔晉,晉王欲遣之幕府掌書記,王臧族之。延徽不自安,求東歸省母,遂 及在太原,名位驟達。 **緘堅辭復命,書詞稍抗,武皇怒,下獄詰之,謝罪** 且曰:「非不戀英主, 少以刀筆直記室,仁恭假以幕職, 燕人馬郁,有盛名於鄉里,而緘素以吏職事郁。 非不思故鄉,所以不留,正懼王緘之讒耳。」(舊五代史考 緘博學善屬文,燕薊多文士,緘後 令使鳳翔。 聽命, 乃署爲推官, 還經太原,屬 及郁在

瘄

Ξ

十六

列

傳第

+=

觀其旨趣。臧起草無所辭避,義士以此少之。 賜於魯人也。」每於公宴,但呼王緘而已。 盧質還營,莊宗問副使所在,曰:「某醉不之知也。」旣而臧凶問至,莊宗流涕久之, 太原,謂臧曰:「公在此作文士,所謂避風之鳥, 。十年,從征 胡柳之役,臧隨輜重前行,歿於 避風,原本作「避鳳」,今據莊子改正。(影庫本粘籤)受 幽州,旣獲仁恭父子,莊宗 命緘爲露 得其喪, 際晚,

歸葬太原。永樂大典卷六千八百五十。

言遇涿道士,謂之曰:「子方厄運,不宜仕進。」 敬義悚然對曰:「吾終老賤哉? 24 河 南 十三年,必遇聖王大任,子其志之。」敬義以爲然,乃無心仕宦,退歸洛南平泉舊業。 尹張全義所知,歲時給遺特厚,出入其門,欲署幕職,堅辭不就 李敬義,本名延古,太尉衞公德裕之孫。 初隨父煒貶連州,遇赦得還。 嘗從事浙 」涿日:自此 東,自 爲

亭掃地矣。 也。」洎巢、蔡之亂,洛都灰燼,全義披榛而創都邑,李氏花木,多爲都下移掘,樵人鬻賣, 處,刊於石,云:「移吾片石,案:原本脫「移」字,今據册府元龜增入。(舊五代史考異) 折樹 一枝,非子孫 於 平泉置別墅,採天下奇花異竹、珍木怪石,爲園池之玩。 初,德裕之爲將相也,大有勳於王室,出藩入輔,綿歷累朝。 有醒酒石,德裕醉即踞之,最保惜者。 光化初,中使有監全義軍得此石,置於家 自爲家戒序錄, 志其草木之得 及留守洛陽,有終焉之志, 園

侍能 石於 黃巢僞命,以爲詬己,大怒曰:「吾今爲唐臣,非)與賊也。」即署奏笞斃之。 園,敬義 、監軍。 迴遺否?」監軍忿然厲聲曰:「黃巢敗後,誰家園池完復,豈獨平泉有石哉! 知之,泣謂全義曰:「平泉別業,吾祖戒約甚嚴,子孫不肖,動違先旨。」因托全義請 他日宴會,全義謂監軍曰:「李員外泣告,言內侍得衞公醒酒石,其祖戒堪哀,內 一全義始受

咸宜 薄相 司空圖 累忝寵榮,多歷歲時,不趨班列。 寬典,可責授衞尉寺主簿。」同空圖亦追停前詔,任從閑適。圖,居史有傳。 罔思報效,姑務便安,爲臣之節如斯,貽厥之謀何在! 須加懲責,以肅朝倫, 月戊申,勅前司勳員外郎、賜緋魚袋李延古責授衞尉寺主簿。八月壬寅〔六〕,勅前大中大夫、尚書兵部侍郎、賜紫金魚袋 展黜,以勸事君者。」翌日,詔曰:「司勳員外郎李延古,世荷國恩,兩葉相位,幸從筮仕, 扇,趨競成風,乃有臥邀軒冕,視王爵如土梗者。司空圖、李敬義三度除官,養望不至, 昭宗遷都洛陽,以敬義爲司勳員外郎。 放還中條山。 蓋延古與司空圖同時被劾,其降勅則有先後也。時全義既不能庇護,乃密託楊師厚,令 而自遷都卜洛,紀律載張,去明庭而非遙,處別 柳璨之陷襲、趙諸族,希梁祖旨奏云:「近年浮 案舊唐書哀帝紀:六 九寺勾稽 墅 丽 门尚謂 無懼,

判官,承制拜工部尚書,奉使王鎔。 十二年,莊宗定河朔,史建瑭收新鄉,敬義謁見。 敬義以遠祖趙郡,見鎔展維桑之敬,鎔遣判官李翥送贊 是歲,上遣使迎至魏州, 署北京留守

唐

書三

+

六

列傳第

+ = 敬義潛往依之,因挈族客居衞州者累年,師厚給遺周

厚。

問,復辭還山,故詩曰「多病形容五十三,誰憐借笏趂朝參」,此豈有意於相位耶!河中節度使王重榮請圖撰碑,得絹數千 亂, 稽命,點緊洛師,于今十年,方忝綸閣」,此豈躁於進取者耶!舊史不詳,一至于此。 遷,又以兵部侍郎召至洛下,爲柳璨所阻,一謝而退。 恩,不忍輕離幕府,滿百日不赴闕,爲臺司所劾,遂以本官分司。 舍人、知買舉,擢圖上第。 彩,未爲鄉里所稱。 知非子,又稱耐辱居士。 **侍鄭徽至京師**。 美,圖自禮部員外郎,因避地焉,日以詩酒自娛。 進取,頗自矜伐,端士鄙之。初,從事使府,及登朝,驟壓淸要。 或面折於公宴,或指言德裕過惡,敬義不得志,鬱憤而卒。 皇集三卷,令謁 圖 致於處鄉市心, 官歸中條山。 圖旣負才慢世,謂己當爲宰輔,時要惡之,稍抑其銳,圖慣憤謝病,復歸中條。 會王殿自尚書郎出爲絳州刺史,圖以文謁之,大爲凝所賞歎,由是知名。 前代碑壠,使還,歸職太原。監軍張承業尤不悅本朝宰輔子孫、待敬義 恣鄉人所取,一日而盡。 專以中書舍人徵,又拜禮部、戶部侍郎(II),皆不起。及昭宗播遷華下, 五代史闕文:司空圖,字表聖,自言泗州人。 其所居曰顧貽谿,谿上結茅屋,命曰休休亭,常自爲記云(10)。 頃之,凝出爲宣州觀察使,辟圖爲從事。 是時盜賊充斥, 屬天下板蕩,士多往依之,互相推奨,由是聲名藉甚。 梁祖受禪,以禮部尚書徵,辭以老疾,卒時年八十餘。臣又按: 巢賊之亂, 久之,徵拜禮部員外郎,俄知制誥, 獨不入王官谷,河中士人依圖避難, 少有俊才,咸通中,一舉登進士第。 既渡江,御史府奏圖監察,下詔追之。 車駕播遷, 同光二年 圖見唐政多僻, 圖有先人舊業在中條山, 巨謹按:圖 贈右僕 未幾, 與人書疏,不名官位 圖以密邇乘輿, ,河中處鄉人, 中官用事, 凝入知制語, 故集中有文曰「戀恩 全者甚衆。 昭宗反 射。 雅好 圖感知己之 為文, **永樂大典卷** Œ, 極 知天下必 , 港薄, 昭宗東 即時奔 少有 以 林 遷 躁於 梁室 中書 但 泉之 戶 部、 文 稱

大臣,如敬翔口言、李振、杜曉、楊涉等,皆唐朝舊族,本當忠義立身,重侯累將,三百餘年, 惟圖以淸直避世,終身不事梁祖,故梁史揭圖小瑕以泯大節者,良有以也。 一旦委質朱梁, 其甚者贊成弑

逆。

是時藩侯倔強者,多僞行墨制、武皇恥而不行,長吏皆表授。 者倘得三條,今考其前後敘次成篇,以存梗概。《影庫本粘籤》初,武皇平王行瑜,天子許承制授將吏官秩。 懼 擢 使。 贈兵部尚書。(舊五代史考異) 頗以賄賂聞,士論 天命,顒俟中興,帝亦以宰輔期之。 又得汝弼,有若符契,由是除補之命,皆出汝弼之手。 一禍渡河,由上黨歸於晉陽。沐樂大典卷一萬六千四百九十五。 進士第、歷臺省。昭宗自秦遷洛,時爲祠部郎中、知制誥。 汝弼少力學,不喜爲世胄,篤志科舉,登進士第,文彩秀麗,一時士大夫稱之。(舊五代史考異) 盧汝弼, 案通鑑: 少之。 汝弼,范陽人。 冰樂大典卷二千五百三十二。洎帝平定趙、魏,汝弼每請謁迎勞,必陳說 建國前,卒於晉二言。 案宣和書譜云:蜗字子諧,祖倫、唐貞元年有詩名。 旣而畿內官吏,考課議擬,奔走盈門, 册府元龜卷八百九十五。 <u>盧汝姆傳,永樂大典闕全篇,今據散見諸韻</u> 及莊宗嗣晉王位,承制置吏, 時梁祖凌弱唐室, 唐昭宗景福中, 父簡求, 殄滅衣冠, 案宣和書譜: 爲河東節度

李德休,字表逸, 案"原本作「德林」,今考其字表逸,「林」字蓋「休」字之訛,今改正。(舊五代史考異) 趙郡

唐

贊皇· 事 官、渭南尉 莊宗 也 即位於魏州 、右補 祖 絳 闕 山南 侍 徵爲 西道節 御 史。 御 度使,唐史有傳。 史中丞, 天祐 初, 轉兵部、吏部 兩京喪亂, 父璋, 乃寓 侍郎 宣州 跡 河朔, 權知左丞,以禮部尚書致 觀察使。 定州節 德休登進 度 使王 E 一處直 第, 辟 歷 爲 鹽 從 鐵

時年七十四。

贈太子少保。

泳樂大典卷一萬三百八十九。

畏梁祖 致謝 舉 授九錫。 名族之胄,往往有違禍不仕者,唯循希旨附會。 阿諛,善承 酒曰:「朕 宜 應 而 蘇 選 天 循 如 端 順 虎,罔敢違其言者。 朝臣 順荷容,以希進取 父特,陳州刺史。 士 循 夾輔日淺,代德未隆,置朕及此者, 一,以鎭 興張 .或議是非,循揚言云:「梁王 風俗。 禕、 [循自以奉册之勞,旦夕望居宰輔,而 張禪 如循等輩,俱無士行、實唐家之鴟梟,當今之狐 循, 明年, 原本作「張偉」, 昭宗自遷洛之後,梁祖凶勢日滋,唐室舊臣,陰懷主辱之憤, 咸通中登進七第, 梁祖 逼禪, 」功業顯大,歷數有歸,朝廷速宜揖讓。」 今據流鑑並正。(影庫本粘籤) 循爲册禮副 羣公推崇之意也 及梁祖失律於淮南, 累歷臺閣, 敬翔 使。 惡其 昭宗朝, 梁祖 爲 楊涉、張文蔚慚懼 薛 人, 西屯於壽春,要少帝欲 既受命, 再至禮部尙書。 貽 謂 矩 、魅,彼專賣國 梁祖 因盛 宴於玄德殿, 陳 日:「聖 梁祖 當時朝士 失對, 之德 产 組 以 個性 取

利,不可立

維新之朝。」

等四 得 論 苒 以 爲 赴舉場。」楷以此慚恨,常幸國家之災日。 人,詩句最卑,蕪累頗甚,曾無學業,敢竊 初 不可。」昭宗命學上陸展、馮渥重試於雲韶殿, 循 子 楷,乾寧二年登進士第,中使有奏御者云:「今年進士二十餘人, 科名,浼我至公,難從濫進, 昭宗遇弑,輝王嗣 及格 者 十四四 位, 人。 或 一命出 官. 詔云:「蘇楷、盧 付所 **僥倖者半**, 於朱氏, 言] 落 下,不 |楷始 物 唐

得

爲起居郞

祭惟 考行。 裴樞 案舊唐書云: 乘 帝 王 先 楷 御宇 播 帝爲 睿 因 「原本作「裴驅」,今據唐書改正《影庫本粘籤) 時 哲 附 遷 柳璨陷害朝臣,衣冠惕息,無敢言者。 ,祭理 ,將期 昭宗,所 璨,復依廷範。 居尊, 有司 始 蘇楷 則官 先定尊諡 恭儉 允愜 亂以審汚隆; 目 謂 不 豎 知書, 名 列 垂 凶 化,其於善美,孰敢 聖之心,更在 實 狂,受幽辱於 日 僅能執 不 時 聖穆景文孝 有 副。 祀享配 司] 筆, 初定昭宗 司 其文羅袞作也 空爲樂卿, 詳 東 天, 皇帝, 議 内 新 柳粱懼梁祖 資 蔽 諡 廟 諡 終則 虧。 廟號昭宗, 敢言溢美, 號, 之稱,庶使叶 余忝史職,典章有 初, 號以定升降。 太常卿張廷範奏議曰:「昭宗初實彰於聖德: |楷謂 然而 嬪嬙悖亂 梁祖欲以張廷範爲太常卿, 之毒,乃歸過於樞、故裴、 廷 否運 範曰:「諡者所以 先 莫興,至 罹 故臣下君上, 朝罪 天閼 失,安得不言。」乃 似 理 於 異 之德,表 循鬱 中闡。 直 〉表行 書。), 逐致 皆不 聖上無私 實, 趙罹 今郊 其於易名, 裴樞以爲不可。 得 四方 上 前 m 깯 白 私 疏 有 多 馬 有 之明。」 曰:「帝 也 司 之禍 日 之諡 宜. ,萬 後 船 循 先

唐

書

Ξ

+

六

列

傳

第

+

徙兆 漸 减 民 襄宗。」輝王答詔曰:「勉依所奏、哀咽良深。」楷附會幸災也如 靈 於休明, 一,武 於東洛,朝輦輅未踰於寒暑,行大事俄起於宮闈。 而不遂之謂莊,在 致 季述幽辱於前,茂貞翃幸於後,雖數拘厄運,亦道失始終。 國逢難之謂閔,因事有功之謂 謹聞執事 襄。 今請改諡日恭靈莊閔皇帝, 堅固之謂恭,亂而不損 違陵寢於西京

是。

廟

號

食蜜 業未 中依 聞禮 更未 日筆 行 欲 朱 等, 雪, 及 莊宗即 友謙。 梁祖卽位於汴,楷自以遭遇千載一時,敬翔深鄙其行。 蹈 人才 傷 舞禮 莊宗 寒 蹇陋,不可塵穢班行,並勒歸 而 尊位, 莊宗將卽位於魏州,時百 及循 卒。 盆 憂慚而卒。 喜。 朝謁, 諸 同光二年, 將賓僚無敢贊成者。 承業聞之怒, 即呼萬歲 泳樂大典卷二千三百九十。 贈左 會盧 僕射,以楷爲員 舞抃,泣而 家多缺, 汝弼卒, 田 及循至, 里。循、楷旣失所望,懼以前過獲罪,乃退歸河 稱臣, 乃求訪本朝衣冠, 即令循守本官, 外郎。 莊宗大悦。 入衙 城 天成中, 見府廨即 尋有詔云:「蘇楷、高貽休、蕭 翌日,又獻大筆三十管,日 代爲 友謙令赴行臺。 累歷使幕, 副使。 拜,謂之拜殿。 明年春,循 會執政欲糾 時張 時將 因 承

書檄敏才, 史臣 日: 昔武皇之樹霸 或以縉紳舊族, 基,莊宗之開帝業, 咸登貴仕, 諒亦宜哉 皆旁求多士,用佐 唯蘇循贊梁祖之強禪, 丕圖 故 蘇楷駁昭宗之舊 数君 子者, 或以 其駁

諡之罪,

竟以

諡,士風臣節,豈若是乎! 斯蓋文苑之豺狼,儒林之荆棘也。 泳樂大典卷二千三百九十

校勘記

- (二) 擢為鹽鐵判官 「擢爲」原作「爲擢」,據殿本、劉本改。
- \exists 精意練實 「精」原作「積」,據殿本、劉本改。 影庫本批校云:「『積』當作『精』。」
- (三) 穴禽有翼 「翼」原作「異」,據彭校改。
- (至) 四郊之倦弊 (1) 盡及中年 「及」原作「反」,據殿本、劉本改。影庫本批校云:「『反』字應是『及』字之訛。」 「四郊」原作「西郊」,據殿本、劉本改。
- (云) 稍侵英聽 「英聽」原作「英德」,據殿本改。
- (主) 悽悽丹愫 「愫」原作「慊」,據殿本改。
- (元) 八月壬寅 2 去歲青山 「八月」原作「九月」,據舊唐書卷二〇哀帝紀改。 「歲」原作「年」,據通鑑卷二六二考異改。
- 8 常自爲記云 殿本、劉本同。五代史闕文此句下有注云:「已上梁史舊文。」
- 又拜禮部戶部侍郎 原作「又徵拜戶部侍郎」,據五代史闕文改。 殿本作「又拜禮、戶部侍郎」。
- = 敬翔 唐 Ξ 原作「恭翔」,五代史觀文同,該書「恭」字下原注云:「本字犯廟諱。」影庫本粘籤云:「五代 + 六 校 勘 記

史觀文避宋諱稱敬翔爲『恭翔』,今姑存其舊。」今據殿本、劉本改、

GB 常幸國家之災 「常」原作「長」,據彭校改。 CIP 卒於晉 殿本、劉本、冊府卷八九五同。彭校作「卒于晉陽」。

舊五代史卷六十一

唐書三十七

列傳第十三

甲見授,爲公備寇。」承業即時授之。 張承業大恐,計無所出,閱諸司丁匠,登陴禦捍。外攻甚急,金全遽出謂承業曰:「老夫退 要不載。 天祐中,汴將王檀率師三萬,乘莊宗在鄴,來襲 幷州。 時城無備兵,敵軍奄至,監軍 州及平河朔,皆有戰功,累爲刺史,以老病退居太原。案遼史,安金全以幽州戰敗,故退廢不用,此事蔣 居抱病,不任軍事,然吾王家屬在此,王業本根之地,如一旦爲敵所有,大事去矣。請以庫 安金全,代北人。世爲邊將,少驍果,便騎射。 金全被甲跨馬,召率子弟及退閑諸將,得數百人,夜出 武皇時爲騎將,屢從征討。 莊宗之救潞

之奮命,城幾危矣。

北門,擊賊於羊馬城內。

梁人驚潰,

由是退却。

俄而石君立自潞州至,汴軍退走。微金全

莊宗性矜伐,凡大將立功,不時行賞,故金全終莊宗世,名位不進。

赴闕、俄而病卒。 宗與之有舊,及登極,授金全同平章事,充振武軍節度使。在任二年,治民爲政非所長,詔 廢視朝二日。初,南北對壘,汴之游騎每出,必爲金全所獲,故梁之偵邏

者咸懼,目之爲「安五道」,蓋比鬼將有五道之名也。 子審琦等皆位至方鎭,別有傳。 永樂大典卷一萬八千一百二十九。

原本作「禪州」,今據通鑑改正。(影庫本粘籤)改齊州防禦使,兼諸道先鋒馬軍都指揮使。 行,盡戮之,以功授檢校太傅、滄州節度使。 從房知温營於蘆臺。 都指揮使,屯奉化軍。 審通,金全之猶子也。幼事莊宗、累有戰功,轉先鋒指揮使。 永樂大典卷一萬二千五十四。 會龍晊部下兵亂,審通脫身酒筵,奪船以濟,促騎士介馬,及亂兵南 四年春,赴明宗急詔,軍趨夷門,爲前鋒。 園王都於中山,躬冒矢石、爲飛石所中而卒。 贈 天成初,授單州刺史,單州 同光初,爲北京右廂馬軍 奉韶北征,

順琳,爲降野軍使。 雲中,武皇使元信拒之,元信兵敗於居庸關。 安元信,字子言, 元信以將家子,便騎射,幼事武皇,從平巢、蔡。 案:五代時唐、管俱有安元信,薛史並爲立傳,今附識于此。(舊五代史考異)代北人。父 武皇性嚴急,元信不敢還,遂奔定州,王處存 光啓中,吐渾赫連鐸寇

太尉。

待之甚 張存 敬 厚,用爲突騎都校。 軍奄至城下,旣無宿備,郜懼,挈其族奔太原,元信從之,武皇待之如初, 乾寧中, 處存子部嗣位。 時梁軍攻河朔三鎮,奔命不暇, 用爲鐵林軍 梁將

使。

安之攻上黨也,王師將壁高河,爲梁軍所逼。 梁將氏叔踪之攻河東也,別將葛從周自馬嶺入,元信伏于楡次, 別將秦武者,尤爲難敵,元信與鬭,斃之,繇是 挫其前鋒。 梁將李思

梁軍解去,城壘得立。

武皇賜所乘馬及細鎧

仗,遷突陣都

將。

內衙 丹犯邊,元信與霍彥威從明宗屯常山,元信恃功、每對 名馬。 渡,元信爲右廂排 副 莊宗 明宗曰:「成由天地,不由於人。 柏鄉 都指揮使、山北 嗣晉王位,元信從救上黨,破夾寨,復澤、潞, 之役,日 陣使,未幾,爲大同軍節度使。 晚戰酣,元信重傷,莊宗自臨傅藥。 諸州 都 團 練 副 當氏 使。 叔琮圍太原,公有何勇! 從莊宗定魏博, 莊宗 明宗以成敗勇怯戲侮彦威, 平定河南,移授橫海軍節度使。 以功授檢校司空、遼州 其年, 移為博州 改檢校司 今國家 刺史。 徒、武州 、運興, 與梁 刺史, 彦威不敢 致我等富 對 刺 壘得 賜玉 史, 時 充 契 鞭 勝

|州 王師之討高季興,襄帥劉訓逗撓軍期,移授元信山南東道節度使以 明宗卽位,以元信嘗爲內衙都校〔三,尤厚待之, 加同中書門下平章事。 代訓,歲餘,改歸德 明年, 移 鎭

唐書

Ξ

十七七

列

傳第

+

=

勿以小勝小捷挂於口吻,取笑於長者(二)。」乃起謝,元信不復以彥威爲戲(三)

軍節 三年 三月, 度使, 以疾卒於鎮 就 加銀 侍 中。 時年七 明宗 不豫,求入。 十四。 贈太師。 末帝卽位, 晉高祖卽位,以元信宿望, 授潞州節度使, 加檢 校 令禮官定諡 公太尉。 清泰

有子六人,長日友權,歷諸衞大將軍。 次曰友親,爲滁州刺史,卒於任。 永樂大典卷 萬八

百二十九。

居中 事承休,特見委信。 復以 甪 罪奔蜀, 安 事 重 與 霸 蜀以 雲州 成 都 蕃 人也。 尹 韓昭 人善 案北夢瑣言: 內 騎 性狡譎、多智算。 外相結,專採擇聲色,以固寵幸。 射, 重覇爲 因為. 簡州刺史,瀆貨無厭。(舊五代史考異) 親將。 蜀後主王衍, 初,自代北與明宗俱事武皇, 幼年 武臣 襲位,其政 宿將,居常切齒。 (多僻。 因負罪奔梁, 宦官王承休 重霸 在梁

見聞錄云:承休請從諸軍揀選官健 云:「願與陛下于寮州採掇美麗。」且說寮州風土,多出國色, 雕 果,得數千人,號龍武 西花木入獻,又稱秦州 梁末,岐下削弱, 都,以承休爲 蜀 人獨取秦、成、階等州, 山水之美,人物之盛,請後主 ,得驍勇數千,號龍 軍帥, 武 重 軍, 霸 仍請幸天水。 承休自為統帥 副焉,俱 重霸說承休求鎮 在天水。 **臨幸**,而 ",並特. 少主甚悅,即遺仗節赴鎮, 加 衣糧, 韓昭 歲餘, 秦州。 日有優給。 贊 成 承 之。 仍於軍中選山 休 欲求旄 應所選龍武精銳, 因乞秦州節度使,且 案太平廣記 鉞, 引 (王 乃以 東驍 沃氏 並

充衙隊從行。(舊五代史考異)

從開 署,州 無從 失, 至, 宗 歸 如 起 蜀 狠 重霸 狼 府 出, 虎 河 同 狽 人祖送,秦州軍亦列部 光), 豈 北 南 丽 問 願從開府赴 行,隴州 二年 於重霸。 卽 九國志作取路以歸蜀, 能 旋。 入劍門 時遣使以秦、成等州 十月,蜀主率衆數萬,由劍閣將出興、鳳, 卽 九國志作王衍將之秦州,以王宗獨力諫而止,與薛史異。 闕。」 時 對曰:「開府何患? 然國家有 疏失,請開 承休素信以爲忠赤。 文義較爲明晰。 隊。 思,開 承休登 來 府自 降 行,重 府特受主知,不得失於奔赴, 蜀中精兵,不下十萬,咫尺之險,安有不濟,縱 乘, 承休摊龍 重霸 霸 且爲國守藩。」承休旣去, 重霸出秦州 馬前 武 軍 解 及招 以遊秦州。 曰:「國家費盡· 置僅萬 金帛以 承休遽聞東師 **路**羣羌 人從行, 此 至 |興州, 州 事力, 制置 重霸 入討,大恐, 令重 遇魏王繼岌軍 在 收獲隴 事定,無虞得 買由 秦州 霸 文 東軍 權 西, 聞 山 握 計 若 明 部 路

兆尹 重霸 來之道。」范延光曰:「將校內有自河 長 興 末, 方鎭,恐爲 天 成 先是,秦、雍之間 明宗 初, 謂 用爲閬 人竊議。 侍臣 州 日:「安重霸股之故 。」明宗 圍 練使,未幾,召還爲左衞大將軍,常以 令長設酒食,私丐於部民者,俗謂之「擣蒜」。 不 悅。 東、 未幾,竟以 河北從陛下龍飛 人,以秦州 同州 歸國,其 節鉞授之。 故 分功不 人 姦佞揣 尙有 細, 清泰 未 惘 初, 人主意, 及 以 及重霸之鎭長安,亦 團 車 移授 防 練 者, 防禦, 西京 明宗 今若遽 留守、 尤愛之。 恐非懷 逆授 京

唐

書

Ξ

+

t

列

傳

第

+

=

八二〇

爲之,故秦人目重霸爲「擣蒜老」。其年冬,改雲州節度,居無何,以病求代,時家寄上黨, 及

歸而卒。 重霸善悅 人,好路遺,時人目之爲俊(至)。

列于翊衞。 尤兇惡,事莊宗,以試劍殺人,奔淮南。 弟重進, 後攜 劍南馳,投于梁祖 重進,原本作「道進」,今從册府元龜改正。(影庫本粘籤) 梁祖 批之, **俾隸淮之鎭戍。** 案玉堂閒話云:安重進,性兇險,莊宗潛龍時爲小校, 復以射殺掌庾吏, 案: 玉堂閒話作「季弟道進」。(舊五代史 逃寬江湖, 准帥得之, 擢爲裨 常佩劍

殺人,奔歸洛陽。 (舊五代史考異) 重霸 案玉堂閒話云:蜀破,道進東歸〔六〕,明宗補爲諸州馬步軍都指揮使。 在蜀,聞之蜀主,取之於吳, 用爲裨將, 隨重霸爲龍武小將, 後有過,鞭背卒。(舊五代史 戍 長道 又

重霸之子日懷浦, 晉天福中, 爲禁軍指揮使。 契丹寇澶州, 以臨陣忸怩, 爲景延廣所

茶。永樂大典卷一萬八千一百二十九。

都將。 襄州節度使。 氏昆仲有尋戈之役,訓從史嚴攻陝州。 劉訓 居無何、殺陝州刺史,以郡歸莊宗, 字遵範,隰州永和人也。 四年四月,洛陽有變,訓以私忿害節度副使胡裝,族其家,聞者寃之。天成中, 出身行間,初事武皇爲馬軍隊長, 武皇討王行瑜,以訓爲前鋒,後隸河中,爲 歷瀛州 刺史。 同光初,拜左監 漸至散將。 衞 大將 軍。三年、授 隰州 屬 河中王 防

渚 戰,求救于吳,吳人遺水軍援之。(舊五代史考異) 荆 小 師 」, 竟 南 至 校獻竹龍 地 氣 荆 高 無所濟, 渚 卑濕 季興叛, 之術, 殷 漸及霖潦,糧運不繼,人多疾疫。 軍方到 遂 詔訓爲南面 一罷兵, 獻竹龍之術,原本脫「獻」字,今據冊 岳州 令將士散略居民而迴。 行營招討使, 案通鑑: 劉訓至荆南 仍傳意 知荆南行府事。 於訓 楚王殷遺都指揮使許德勳等將水軍屯岳州。 府元龜增入。(影庫 部訓赴 訓本無將略, 許助 闕 軍儲 ,尋責授檀州 是時湖南馬殷請以舟 人 本粘籤) 弓甲之類, 久之、略 成苦之。 及造竹 永樂大典卷九千九十八。 刺 史, 及孔 龍 續刺濮州安置。 循 三道, 師會, 至, 無至者。 高季興堅壁不 得襄 傅於城 及王 荆

未幾,

起爲

然龍武

大將軍、尋授

建雄

軍

節度使,

移鎭

延平。

卒贈太尉

至濮州 餘帳 明宗 州 宗 將。 刺 卽 位. 卽 史。 敬 張 敬 位 詢 [] 廣隄 以爲沁州 年、徴 詢, 當 同光末, īF. 武皇時, 授 防 勝州金 昭 爲 武 丈 左 刺 授耀州 軍節 專掌 五. 驍 河縣 史,秩滿, 尺, 衞 度使。 上 人,世爲振武軍牙校。 甲坊十五 事 東 將 一練使。 西二百里,民甚賴之。 軍 復用 天成二年,韶 明年, 爲 年, 郭崇韜 甲坊使。 以 授滑州 部 之征蜀 職 還京師, 聞 莊宗經略 祖 節 也, 仲阮, 復以 度 三年,秩滿歸京,卒。 使。 復授 以 女爲武 歷勝州 山東, 敬 以河 大同節 詢 善督 敬詢 人皇子 水 刺 連 史。 度 租 從軍 年溢 存霸 使, 賦, 父漢環,事 堤, 至鎭, 妻, **骸**視朝 歷 乃 表 博 乃自 益 爲利 招撫 澤 見 親信。 酸棗縣 武皇爲牙 日 州 慈、 室章萬 留後。 ||濕 · · · · · · · · · · · 界 四 莊

唐

大典卷六千三百五

|絳, 「維州」,今據通鑑改 瓘以 劉彦琮,字比德,雲中人也。 爲附已,待之甚 正。(影庫本粘籤) 武皇言於彥琮,意欲致之。 厚,因命爲騎將。 事武皇, 會瓘出獵,於馳驅之際,彥琮刃瓘之首來獻,武皇 累從征役。 先是, 無幾, 絳州刺史王瓘 從獵 於汾、晉之郊, 级, 絳州, 彦琮 原本作 奔

州,卒於鎭,時年六十四。 授華州留後, 甚奇之。 從莊宗解上黨之圍。 尋正授節旄。 贈太傅。 天成三年, 同光初,稍遷至鐵林指揮 泳樂大典卷六千二十。 改左武衞上將軍。 使、磁州刺 未幾,改陝州節度使, 史。 後明宗赴難 尋移鎭州 京師

復習 幹能,選爲魏府都巡檢使。 於臨洛西敗梁將王遷數千人,生獲將領七十餘人,俄拜相州刺史,徵赴河上,預戰於胡柳 使,建豐爲副。 突陣指揮使。 騎射,補鐵林都虞候。 袁建豐,武皇破巢時得於華陰,年方九歲,愛其精神爽俊,俾收養之。 從莊宗解圍上黨,破拍鄉陣,累功遷右僕射、左廂馬軍指揮使。 北討劉守光,常身先士伍,轉都教練使,權蕃漢副 從征劉鄩(も),下衛、磁、洛三郡有功,加檢校司空,授洛州刺史。 從破邠州王行瑜,以功遷左親騎軍使,轉突騎指揮使。 總管。 莊宗入鄴, 以心腹 漸長,列於左右, 明宗爲內衙指 案:歐史作 揮

史作孟謙。(舊五代史考異) 貳之舊, 陂。 南節度使,俾請俸自給。 建豐 詔赴洛下,親幸其第,撫問隆厚,加檢校太傅, 領相州軍士,行營在外,委州事於小人,失於撫馭,指揮使孟守謙據城以 建豐引兵討平之。 後卒於洛陽,年五十六。 改隰州 刺 史,染風 廢朝一 **案**: 日,贈太尉。 痺於任。 歐陽史作太尉。(舊五代史考異)遙授鎭 明宗嗣位,念及 叛, 平昔副 案:歐陽

子

可鈞、

仕皇朝,位至諸衞大將軍。

泳樂大典卷一萬八千一百二十九。

汴州節 之嘘 |鄴 循 伐 軍 不 有 中 可爭 如 功。 ,以勇力聞。 晞,乃使以 鄴 西方鄴, 之何。 度使 因 , 而 同 責 光中,爲 孔循懷二志, 循 定州满城人也。 石 而 曰:「主上 兵爲先鋒。 敬瑭妻,明宗 明宗已及汴, 年二十,南渡河遊 曹州 一破梁而得 使北 刺 莊宗至汴西,不得入,還洛陽,遇弒 史,以州兵 女也,時方 父再遇,爲州軍校。 乃將麾下 門迎 公,有 明宗, 梁,不見用、復歸。 (屯汴州。 在 兵 不 一汁,鄴欲殺 西門 Ŧī. 殺之恩,奈何欲 百 騎 迎莊宗, 明宗自 西迎 案 : 之以堅 莊宗,見於 微史作汴州軍校, 所以 魏反兵, 莊宗以爲 納總管 入心。 供帳委積 南 汜水 孝義軍指揮使(五),累從征 明宗入洛、 而 渡河, 循 負 疑原本脫一字〔六〕。 知其謀,取之藏其家, 國 如 嗚咽 .5 丽 , 莊宗 泣 循不答。 曰:「先至者入 下, 莊宗亦為 東幸汴州 鄴 鄴 度

嘉歎久之。

唐

Ξ

+

七

列傳

第

+

Ξ

三州 拜鄴 同。 判官譚善達數以 知歐陽史西方鄴傳本于薛史, 近人撰 夔州 明年, 8 , 计國春秋者, 乃以夔州爲寧江軍,拜鄴節度使。 刺 荆南 史, 副璋, 高 諫鄴,鄴怒, 季興 謂 他書不載取 以兵 有可徵 叛, 明宗遣襄州節度使劉訓等招討,而以東川董璋爲西南招討使,乃 出三峽。 信也。(舊五代史考異) 遺人告善達受人金,下獄 歸州之事,疑歐陽史有誤。 已而訓等無功見黜,諸將皆罷 已而 數敗季興之兵。 又取 蓋薛史世久失傳, 歸州 善達 素剛,辭益 **案**: 鄴,武 通鑑不載取歸州事, **汁國春秋所引悉本通鑑考異,** 璋未嘗出兵, 人,所爲 一不遜,遂死于獄中。 多不 歐陽史與薛史 惟鄴獨 r|ı 法 取

鄴病,見善達爲祟,卒于鎮。

泳樂大典卷一萬八千一百二十九。

以爲牙門將。 心有望於節鉞,及郊禋畢,止爲絳州刺史,鬱鬱不樂。 尉 軍。 今據五代時盧龍軍 卿 張遵 明宗卽位,任圜保薦, 及將有事於南郊、爲修儀仗法物使。 海,魏州人也。 一稱幽州、 莊宗定山東, 魏博軍 父爲宗城令,羅紹威殺牙軍之歲,爲梁軍 一稱鎭州, 授西都副留守知留守事、京兆尹。 遵 海以典客從, 「錐」字係「鎭」字之訛, 歷幽、 初, 遵海 鎭二府馬 今改正。(影庫本粘籤) 自以歷位 離京之日,白衣乘馬於集旟之下, 步都 尹正 天成 所害。 虞 四年, 與安 候。 同光 厩 重 入爲 遵誨奔太原 中, 誨 鎭 素 客省使、 爲 原 亦 本作「幽鏦」, 金吾 相 八武皇 守 大 將 衷 徿

郡

無疾,翌日而卒。

永樂大典卷六千三百五十。

州都指揮使。 刺史、齊州防禦使。王都之據中山,璋爲定州行營都虞候,賊平,加檢校太保。 孫璋,齊州歷城人。出身行間,隸梁將楊師厚麾下,稍補奉化軍使。 明宗鎮常山,擢爲裨校,鄴兵之變,從明宗赴難京師。 天成初,歷趙、登二州 莊宗入鄴,累遷澶 長興初,授

鄜州節度使,罷鎮,卒於洛陽,年六十一。贈太尉。

永樂大典卷三千四百六十一。

得奮雄圖,故金全而下,威以軍旅之功,坐登藩闞之位,垂名簡册,亦可貴焉。 險而仗旄鉞,蓋非數子之儔也。泳樂大典卷三千四百六十一。 史臣曰:夫天地斯晦,則帝王於是龍飛; 雲雷構屯,則王侯以之蟬蛻。 良以適遭亂世, 惟重霸以姦

校勘記

- 勿以小勝小捷挂於口吻取笑於長者 十五字原無,據冊府卷四五 一補。
- 3 乃起謝元信不復以彥威爲戲 作 「彦威起謝,元信不復以彦威爲戲」。 劉 本同。 殿本作 「元信乃起謝,不復以彦威爲戲」。 珊府卷四五
- 3 內衙 都校 七 衙 原作「衞」,據殿本、劉本改。

唐

書

Ξ +

校

勘 記

重霸 出秦州金帛以路羣羌 原作「重霸出秦州以金帛賂羣羌」,據殿本改。影庫本批校云:「重

霸 出 秦州金帛以赂羣羌,繕本改作『以金帛』,文氣不順。」

(至) 時人目之爲俊 殿本、劉本同。 冊府卷九三九作「人目之爲傀胡」。

(*) 案玉堂閒話云蜀破道進東歸 「玉堂閒話」,殿本、劉本作太平廣記。 「道進」,殿本、

劉本作

重進

(+) 從征劉鄩 「從征」二字原無,據殿本、劉本補。

(3)原本脱一字 劉本同。 舊五代史考異「一」作「汴」。

(公) 孝義軍指揮使 e 惟鄴獨取三州 劉本同。 「軍」字原無,據殿本補。影庫本批校云:「孝義軍指揮使,脫『軍』字。」 殿本作「惟鄴獨取夔、忠、萬三州」。

舊五代史卷六十二

唐書三十八

列傳第十四

諭,守陴者皆倨。 方立知其不可用,乃飮酖而卒。 下有脫文,今無可復考。六月,李存孝下洛、磁兩郡,方立遣馬溉、袁奉韜盡率其衆,逆戰于琉璃 廣擅還路州。是月,海天井關戍將攻廣,殺之,自稱留後。與薛史異。以邢爲府,以審誨知潞州。 方立見潞帥交代之際,乘其無備,率戍兵徑入潞州,自稱留後。 案舊唐書僖宗紀 九月,高潯牙將劉 州 那易帥,有同博奕。先是,沈詢、高湜相繼爲昭義節度, 怠於軍政。及有歸秦、劉廣之亂, 存孝擊之盡殪,生獲馬溉、奉韜。 初,方立性苛急,恩不逮下,攻圍累旬,夜自巡城慰 孟方立, 案"歐陽史作邢州人,通鑑作汧州人。中和二年,爲澤州天井關戍將。 時黃巢犯關輔 案:此二句上

其從弟洺州刺史遷,素得士心,衆乃推爲留後,求援于汴。時梁祖力攻時溥,援兵不 書三十八 列 傳 第十 四

出。 安金俊代之。 案通鑑 云 全忠遺大將王 通鑑考異引薛 慶裕將精甲數百,間道入邢州共守。 }史 案:薛史孟方立傳,永樂大典闕 大順元年, 佚, 今就 遷執王虔裕等乞降, 通鑑考異 が引用 者 錄之, 僅 武皇令 存 梗概。

勝、保 考新唐書列傳云 華州 為納將 孟方立,邢州 成鄰 所 殺。 還據 始爲 潞州,衆怒,方立率兵攻鄰,斬之, 澤州天井戍將, 稍 遷 游奕使。 自稱留後, 中 和 元 年, 擅裂邢、 昭義節 |洛 度使高海擊 磁 爲鎖 |黄巢 治 那 爲 戰 府 石 橋 號 昭 義 不

軍。 | 潞人請 監軍使吳全勗知兵馬 留 後 時王鐸 領諸道行營都 統, 以 潞 未 定, 墨制 假 方立檢校左散騎 常侍、 飨 御 史大

三月輒去。 夫, 用舊宰相王徽 知那州 事,方立 方立更表李殷銳爲刺史,謂 領節度。 不受,囚全勗,以 時天子在西,河、 書請鐸、 潞險而人悍,數賊 關雲擾,方立擅地,而李克用鏡 願得儒臣 守路。 大帥爲亂,欲銷懦之,乃徙治龍岡 |鐸使參謀、 潞州, 中 書 舍人鄭昌圖 徽度朝 廷未能 知昭義留 州, 制 豪傑 乃 事, 重 固 讓 欲 遷, 昌 逐 圖 爲帥 有 懟 昌圖 言。 僖宗 侖 治 克 自 不

用為 亦 修攻取之,殺殷銳,遂并潞州, 檢校司空。 、命克修,以潞州舊軍界之,昭義有兩節自此始。克修,字崇遠,克用從父弟。 河東節度使,昭義監軍祁審誨乞師求復昭義軍,克用遺賀公雅、 方立倚朱全忠爲助, 表克修爲節度留後 故克用擊邢、洛、 磁無虛歲[一], 初,昭義有潞、邢、洛、磁四州 地爲關 李筠、安金俊三部將擊潞州, 場, 精馳射,常從征伐, 人不能稼 至是,方立自以山東三州 光啓二 爲方立 年, 自左營軍 克修擊邢州 所 破。 使擢留後, 爲 昭義,朝 叉使 李克 取 故 進 廷

與連和 州 鎖,進攻武安,方立將呂瑟、馬爽戰焦岡,爲克修所 刺史招 撫之。 會 契丹攻鐸師失期,忠信三分其兵,鼓而行,克用伏兵於險,忠信前軍沒,旣戰、 方立丐兵于王鎔,鎔以兵三萬赴之,克修還。 後二年, 方立督部將溪忠信兵三萬攻遼州, 大敗、執忠信、餘衆走脫、歸 以金啖赫 者纔 連鐸

破,斬

首萬級,

執 臻等,

拔武安、

臨洛、

邯鄲、沙河。

克用

以安金俊為

那

降,有能斬其首者,假三州節度使。」方立力屈,又屬州殘墮,人心恐,性剛急,待下少恩,夜自行陴,兵皆倨告勞〔三〕, 數百赴之,假道羅弘信,不許,乃趨問入邢州。 太原,表安金沒爲邢、洛、磁團練使,以遷爲汾州刺史。 不可復振,乃還,引酖自殺。從弟遷,素得士心,衆推爲節度留後,請援於全忠。 龍紀元年,克用使李罕之、李存孝擊邢,攻磁、洺,方立戰琉璃陂,大敗,禽其二將,被斧鑕, 叔踪軍還過潞,以遷歸于梁,梁太祖惡其反覆,殺之。 大順元年,存孝復攻邢,遷孝邢、洛、磁三州降,執王虔裕三百人獻之, 歐陽史云:天復元年,梁遣氏叔踪攻晉,出天井闢,遷開門降,爲梁 全忠方攻時溥,不即至,命王虔裕以精甲 狗邢壘,呼曰:「孟公速 逐遷 自顧

兵鄉道以攻太原,不克。

後, 於王鎔。 自 己若也。 少及長,專蓄異謀。 柏鄉 張文禮,燕人也。 ,原本作「桓鄉」,今從通鑑改正。(影庫本粘籤) 察鎔不親政事,遂曲事當權者,以求衒達。 鎔賞其言,給遺甚厚,因錄爲義男,賜姓, 及從劉守文之滄州,委將偏師。守文省父燕薊, 初爲劉仁恭裨將,性凶險,多姦謀,辭氣庸下,與人交言,癖於不遜, 常從莊宗行營。 名德明, 每對路自言有將才,孫、吳、韓、白,莫 由是每令將兵。 爲良將 素不知書, 據城爲亂, 亦無方略, 自柏鄉戰勝之 及敗,奔 唯於儒

兵之中萋非上將,言甲不知進退,乙不識軍機,以此軍人推

人,設伏於唐店。 初, 梁將楊師 厚在 文禮大掠而旋,士皆卷甲束兵,夜凱歌,行至唐店,師厚伏兵四面圍合,殺 魏州,文禮領趙兵三萬夜掠經、宗,因侵貝郡。 師厚先率步騎數千

曹三十八

列

傳 第 + 四

情僞 **黎**始 規 鎔 在 略 鎭 無 州 杰 素養 政 猜 旣 文禮 於 間 名 其 見其政 漸 持 子 單 重,坐 昭 爲 騎 祚。 腹 僅 心, 荒 免。 一作貴 昭祚,原本作「昭福」,今從歐陽 人解 乃以符智代其行營,以 自 人,旣 常蓄 鯏循 對諸將大言,或讓之曰:「唐店之功、 事 異 權 圖 在 手 酒 酣 之後, 史 文禮爲 朝 改 正。(影庫本粘籤) 夕欲 對 左. 代其父, 防 右每 城 使, **州惡言**, 自此 向來附 昭祚 业 性個 不須多伐。|文禮 间 耳 勢之徒,無 間 者 戾宣 莫不 隙 寒心 及 不族 未 鎔 識 殺 大慚 李弘 唯王 人 间

則得 以姦 其 順 憚 王 昭 所 請 辭 祚 罪 及 初 妻朱氏 於令公, 激之日 弘 李 因爲留後,於潭城 規 弘 見殺, 規 :「令公命我 通 我若 |李||游 梁 其 人,尋間 部下 不言,又負 持 權 五. 視事 用 盡 道告於梁 百 事 坑 人 0 爾 爾 懼 樹立. 以 輩。 曹, 罪 事上聞, 日 親舊, 衆 我 將 三王 念 軍 欲 皆泣 奔竄 爾 氏 分董 兼要節旄,尋亦奉牋勸進,莊宗姑示 + 7喪於亂 一聚泣 餘 要職 是夜 车 荷 调語, 軍 作亂 戈 故奸宄之心 普 隨 寧公主無恙。 殺 我,爲家爲 未 有所之。 王鎔 不能 父子, 國 文 搖 文禮 禮 舉 我岩 動 族 因 文禮 貊 其 灰 含容, 不 贼 滅 雕 卽 頻深 帥 J) 殺 唯 張 汝 友 習 畏 密

道 路 曲 以 文 是愈恐。 禮 目 常常 比 廝 慮 役 我 是歲八月,莊宗遣閻寶、史建瑭及趙將符習等率王鎔本軍進討。 小 師 人, 問 罪,姦 驟居 人上,行 心 白 端 步 南 動 息, 通 朱氏, 皆不 北結契丹,往往 自 安。 出 則 千 餘 擒 獲其 露 刃 使, 相 莊宗 隨 遣 日 師興,文 殺 送 不 還,

爲

列

奉表來謝。 時多決大事,同謀姦惡。 案遼史太祖紀:天贊元年四月癸亥,張文禮求援。五月丁未, 病疽腹,及聞史建瑭攻下趙州,驚悸而卒。 其子處瑾、處球祕不發喪,軍府內外,皆不知之,每日於寢宮問安。 所紀月日與薛史異。初,文禮疽未發時,舉家咸見鬼物,昏瞑之後,或歌或哭,又野河色 案:文禮之卒,遼史太祖紀作五月丁未,與是書作八月異。(殿 張文禮卒, 其子處瑾遣人 處瑾與其腹心韓正

變如血,游魚多死,浮於水上,識者知其必敗。

豐了今從通鑑改正。(影庫本粘籤)故諸軍登城,遲明畢入,獲處瑾、處球、處琪,丼其母及同惡人 等,皆折足送行臺,鎭人請醢而企之。又發文禮之尸,磔之於市。永樂大典卷六千三百五十。 蹙日甚,昭義軍節度判官任圜馳至城下,諭以禍福,處瑾登陴以誠告,乃遣牙將張彭送款于 師,命李存進繼之。存進亦以戰歿,乃以符存審爲北面招討使至,攻鎭州。 十九年三月,閻寶爲處瑾所敗,莊宗以李嗣昭代之。四月,嗣昭爲流矢所中, 俄而李存審師至城下。 是夜,趙將李再豐之子冲投縋以接王師, 李再豐,原本作「稱 是時,處瑾危 尋卒於

賄 奉梁祖,梁祖寵之,因畜爲假子,賜姓朱,名友讓。璋旣壯,得隸於梁祖帳下,後以軍功遷 董璋,本梁之驍將也。幼與高季興、孔循俱事豪士李七郎爲童僕。李初名讓,嘗以厚

陽史改一 機,皆 是歲, 國 營右廂 待 梁龍 IE 莊宗 召璋參決。 璋 馬步 ·尤厚。 (影 德 入汴,璋來朝, 都虞侯。 庫 末 本 粘籤) 潞 同光三年夏, 是冬,蜀 州 不 李繼韜送款於梁。 馬步, 狥 莊宗素聞其名,優以待之,尋令却赴舊任,歲餘代歸。 繼韜之命, 平,以 原本作「馬部」, 命爲邠州留後,三年秋,正 璋爲 劍南 據 今從通鑑改正。(影庫本粘籤) 城以 時潞將裴約方領兵戍澤州, 東川 自 節 固。 度副 梁末帝遣璋攻陷 大使, 授旄 鉞 知節 時郭崇韜爲招 九月,大舉伐蜀,以 皮 事 澤州 裴約, , 原本作「裴維」, 成 遂授澤州 討使, 初, 時郭崇韜 加 璋 檢校 凡 今從歐 刺 爲 有 當 軍

知祥 恣其 傅。 戟 旣 許 日:「當我作魏博都監,爾爲通引小將,其時去就, 矩 齎 中 貢 驟 前 暴 二年, + 詔 是 入驛中 诗 萬 戾。 諭 又璋之子光業 安 至 而 兩 加 己。 Щ 重 初,奉使東川 , 璋 同 令洞 誨 45 使人偵之,仁矩 又 當 翌. 潰 章 開其門, 國 安重 事 爲宮苑使,在 , , 璋於衙署設宴以召仁矩, 採 者,皆言璋不 誨 人邪謀, 仁矩 馳書於璋,以徵 方擁倡 惶 唇 朝 言孟知祥必不爲 結 恭於 婦 走 託 與賓 入 勢援,爭 閣 貢 朝 中, 奉 友 廷 酣 設 已有等威。 良 k宴,原· 約 飲 言璋之善, 四 國家使,唯董璋性忠義,可 久 以 年 於驛亭。 引 本作「敗 五 夏, 出 十萬 時明宗 宴」, 璋坐, 知 今日我爲藩侯, 爲 璋大怒, 祥之惡。 數 今從歐陽史改 將 , 江 議 旣 邊領 郊 m 思寵 矩 璋 天,遣客省 於 正。(影 數 訴 爾銜 階 旣 特 H 以 下, 傻, 龍 庫本 地 君命 狹 任,令圖 戟 使李仁 - 粘籤) 故 執 民貧 手 持 璋 宿 駡 益 戈 日

少,獨 逐州 以間 使持 陽史改正。(影庫本粘籤) 虔裕,安重誨之心腹也,故先囚之。 升為節鎭 騎 日。」重酶 反,與汝訣矣。」光業以書呈樞密承旨李虔徽。 吾支郡爲節制,屯兵三千,是殺我必矣。 五 虔徽曰:「咸乂未至,吾父必反。 吾身不足惜,慮勞朝廷徵發。 百人,璋已疑間,及聞除仁矩鎭閬州,璋由是謀反乃決。 入衙,竟徹饌而不召。洎仁矩復命,益言璋不法。 課 ,故璋攻閬州得 厚幣於孟 長興元年夏,明宗以郊禋禮畢, 力不任, 朝廷。 不從。咸乂未至,璋已擅追綿州刺史武虔裕,囚於衙署。武虔裕,原本作「虚裕」,今從歐 願以 專率其兵陷<u>閬州,</u>擒節度使李仁矩、軍校姚洪等害之。 知祥,求爲婚家。 小兒結婚愛女。 恣其毒焉 列 傳 第 + 四 且言爲朝廷猜忌,將有替移,去則喪家,住亦致討,地狹兵 校 時知祥亦貳於朝廷,因許以爲援。 加璋檢校太尉。 勘 記 爾見樞要道吾言,如朝廷更發一騎入斜谷,則吾必 會朝廷再發中使荀咸乂將兵赴閬州,光業謂 未幾,重酶奏以仁矩爲閬州團練使, 時兩川刺史嘗以兵爲牙軍,小郡不下 五月,璋傳檄於利、閬、遂等州,責 仍先與其子光業書曰:「朝廷割 請停咸乂之行, 吾父必保常 先是,璋欲謀叛,先遣 既而知祥出師以圍

使李嚴,謂我不能斬公耶

張筵席,比爲使臣,何敢至午不來,自共風塵躭酗,豈於王事如此不恭。

」因目肘腋,欲令執拽仁矩,仁矩涕淚拜告,

僅而

獲死。

璋乃馳

祇如西川解斬客省

唐

書 = +

ス

都,時 邀,寓於東川 逐之, 戰於漢州之爾牟鎮。 難克。」及聞障起兵,知祥憂形於色。 率所 再通 務懷柔,乃放 璋之子宮苑使 知祥其骨肉在京師者俱無恙焉,因遣使報璋, 東川廩藏充實,部下多敢死之士,其來也,衆皆畏之。 知祥與張公鐸繼進,璋軍亂不成列,廷隱整陣,與知祥 部兵萬餘人以襲知祥。 |朝廷,璋之兒孫已入黃泉,何謝之有!」自是璋疑知祥背已,始搆隙矣。 其年 秋,詔削奪璋在身官爵,命天雄軍節度使石敬瑭為東川行營招討使,率師以討之。 西川進奏官蘇愿、東川軍將劉澄各歸本道,別 光業幷其族,並斬於洛陽。 至是因璋之敗,率衆以害之,傳其首於西川。 璋軍大敗, 季良日"「璋不守巢穴,此天以授公也。」既而璋果敗。 案九國志趙季良傳云(云):季良嘗與知群從容語日 得數十騎, 及石敬瑭率師進討,以糧運不接, 復奔於東川。 合擊之, 知祥親督諸將, 欲連表稱謝。 璋軍大敗。 與璋戰雞縱橋 案九國志趙廷隱傳 無詔旨,祇云「兩 先是, 璋怒曰:「西川存得弟姪, 永樂大典卷一萬八千 前陵州 …「璋性狼戾,若堅守一城,攻之 前, 知祥與諸將 頗 為所挫。 刺 董璋襲 務求安」。 班師。 史王暉爲璋所 三年四月, 廣漢 率 延騰 師 明宗方 僞 拒之, 將攻成 逐欲 時孟 遯, 璋

校勘記

克用擊邢洺磁無虛蔵 擊那、洛無虛歲,新唐書『邢洛』下尚有『磁』字。一 磁 字原無, 據殿本、 新唐書卷一八八孟方立傳補。 影庫本批校云: 記

(1) 兵皆倨告勞 「倨」原作「居」,據殿本、劉本改。 影庫本批校云:「陴兵皆倨,『倨』訛『居』。」

3 昭祚性偪戾 「昭祚」二字原無,據冊府卷九四三、通鑑卷二七一補。

(2) 事權在手 「手」原作「於」,據劉本、冊府卷九四三改。

(語) 符存審 殿本、劉本同。冊府卷九四二作李存審。按本書卷五六符存審傳及注,符存審歸李克

用時賜姓字,後其孫女爲宋太宗后,故史又存其本姓。

(4) 趙季良傳 句中「季」字原均無,據殿本、九國志卷七補。 影庫本批校云:「『李良傳』應作趙季良傳,下文『良 原作「李良傳」,據殿本、九國志卷七改。下文「季良嘗與知祥從容語曰」、「季良曰」

日』應作『季良日』。」

舊五代史卷六十三

唐書三十九

列傳第十五

賜名全義,梁祖改爲宗奭,莊宗定河南,復名全義。祖連,父誠,世爲田農。 張全義,字國維,濮州臨濮人。初名居言,案:新、舊唐書作張言,薛史李罕之傳亦作張言,與此傳異。 全義為縣嗇夫,

嘗爲令所辱。

傳云··王在<mark>巢軍中,知其必敗,逐翻身歸國,唐授王澤州刺史。 考是書則全義因巢敗始歸諸葛爽,乃表爲澤州刺史也。 舊</mark> 敗,依諸葛爽於河陽,累遷至裨校,屢有戰功,爽表爲澤州刺史。案洛陽靜紳舊聞記齊王張令公外 乾符末,黃巢起寬句,全義亡命入巢軍。巢入長安,以全義爲吏部尙書,充水運使。

光啓初,爽卒,其子仲方爲留後。 書三 + 列 傳 第十 五 部將劉經與李罕之爭據洛陽, 罕之敗經於聖善寺, 八三七

別記殊失事實。(殿本)

皇遣澤州刺史安金俊助之,進攻河陽,劉經、仲方委城奔汴、罕之遂自領河陽, 聖善寺,原本作「聖喜」,今從新唐書改正。(影庫本粘籤)乘勝欲攻河陽,營於洛口。 曰::「他時名位在某之上,勉之!」一麽旣沒,王漸貴,追思疇昔見知之恩未嘗報,乃圖其形像於其私第,日焚香供養之, 乃與罕之同盟結義,返攻經於河陽,爲經所敗,收合餘衆,與罕之據懷州,乞師於武皇。 案張齊賢撰齊王張令公外傳云:初過三城,謁節度使諸葛爽。 爽有人倫之鑒, 覩王之狀貌, 經遺全義拒之,全義 待之殊厚, 表全義爲 謂王 至于 武

案:諸葛爽死,全義親逐其子而據其地,乃復懸像事之,以明其不背本,此劇賊欺人之術耳。(舊五代史考異)

不笑,惟見好蠶麥即笑爾。」其眞朴皆此類。每觀秋稼,見田中無草者,必下馬命賓客觀之,召田主慰勞之,賜之衣物。 榜,婦人裙衫,時民間尚衣青,婦人皆青絹爲之。 取其新麥新鸝,對之喜動顏色,民間有竊言者曰:「大王見好聲妓, 喜民力耕織者,某家今年蠶麥善,去都城一舍之內,必馬足及之,悉召其家老幼,親慰勞之,賜以酒食茶綵,丈夫遺之布 之曰:「此少人牛,何不衆助之。」鄰仵皆伏罪,即赦之。 見禾中有草,地耕不熟,立召田主集衆決費之。若苗荒地生,詰之,民訴以牛疲或闕人耕鋤,則田邊下馬,立召其鄰件責 雨,故當時俚諺云:「王禧雨,買雨具。」(舊五代史考異) 罕之貪暴不法,軍中乏食, 尊,容如不足。 田婦,相勸 全義性勤儉,善撫軍民,雖賊寇充斥,而勸耕務農,由是倉儲殷積。 以耕桑爲務,是以家有蓄積,水旱無飢民。 遇旱, 祈禱未雨,左右必曰「王可開塔」, 王誠信,每水旱祈祭,必具湯沐,素食別寢,至祠祭所,儼然若對 自是洛陽之民無遠近,民之少牛者相率助之,少人者亦然。 即無畏師塔也, 在龍門廣化寺。 每取給於全義。 王即依言而開塔,朱嘗不廚 案洛陽措紳舊聞記:王每 田夫 等閒 岩 至

初相得甚歡,而至是求取無厭,動加凌轢,全義苦之。 案新唐書李罕之傳云:張言善積聚,罕之食乏,士

巨城行己。文德元年四月,罕之出軍寇晉、絳,全義乘其無備,潛兵襲取河陽, 王畏己,不設備。因罕之舉兵收懷、澤,王乃密召屯兵,潛師夜發,遲明入三城。罕之乃逃遁投河東, 及縑帛,王曰:「李太傅所要,不得不奉之。」左右及賓席咸以爲不可與,王曰:「第與之。」 似若畏之者,左右不曉。 ?<</td>外傳云:罕之鎭三城,知王專以教民耕織爲務,常宜言于衆曰:「田舍翁何足憚。」王聞之,蔑如也。 仰以給,求之無涯,言不能厭, 罕之拘河南官笞督之。又東方貢輸行在者,多爲罕之所邀。 與薛史互有異同 岳飛尺書于王, 求軍食 全義乃兼領河 朝廷即授王策鎮 罕之謂

全義復爲河南尹、檢校司空。全義感梁祖援助之恩,自是依附,皆從其制

罕之求援於武皇,武皇復遣兵助攻河陽,會汴人救至而退。

梁祖以丁會守河陽,

陽節度。

道,於舊十八縣中,令招農戶,令目耕種,流民漸歸。 田、編戶五六萬, 每農祥勸耕之始,全義必自立畎畝,餉以酒食,政寬事簡,東不敢以。數年之間,京畿無閑 本作「被蓁」,今據歐陽史改正。(影庫本粘籤)且耕且戰,以栗易牛,歲滋墾開, 初至,唯與部下聚居故市,井邑窮民,不滿百戶。 初,蔡賊孫儒、諸葛爽爭據洛陽 (三),迭相攻伐,七八年間,都城灰燼,滿目刑榛。 案齊王外傳云:王始至洛,於麾下百人中,選可使者一十八人,命之曰屯將。 每人給旗一口,傍一 王於百人中,又選可使者十八人,命之曰屯副,民之來者撫綏之,除 全義善於撫納、 課部人披榛種藝, 招復流散, 待之如子。 披榛, 全義 原

王叉麾下選書計一十八人,命之曰屯判官。不一二年,十八

殺人者死,餘但加杖而已,無重刑,無租稅,流民之歸漸衆。

之如市, 者四千,下之三二千,共得丁夫閑弓矢者、槍劍者二萬餘人。 屯申每屯戶至數千〔三〕。 五年之內,號爲富庶,於是奏每縣除令簿主之。(舊五代史考異) 王命農隊,每選丁夫教以弓矢槍劍,爲起坐進退之法。 有賊盜卽時擒捕之,關市人賦幾于無籍。 乃築壘於故市, 行之一二年,每屯增戶,大者六七千, 建置府署, 刑寬事簡, 遠近 以防 誦 솟

傳云 義心 外寇。 位。 記:齊王與梁祖 尹、宋亳節度使兼 度使,封 經 今改正。(影庫本粘籤) 營霸 軍,兼鄭、滑等州節度使。乾化元年,册拜太師。二年,朱友珪篡逆,以全義爲守太尉 十月,復以 有異同,乃以判官韋震爲河南尹,移全義爲天平軍節度使、守中書令、東平王。 梁祖 梁祖迫昭宗東遷,命全義繕治洛陽宮城,累年方集。 業,外則干戈屢 魏王。 兼四鎮, 互爲中書令、尙書令,及梁祖兼四鎭,齊王累表讓兼鎭,蓋潛識梁祖姦雄,避其權位,欲圖自全之計。 開平二年,册 全義爲 王累表讓無鎭, 動 國計 梁末帝嗣位於汴,以全義爲洛京留守, ,內則帑庾俱虛,齊王悉心盡力,傾竭財資助之。(殿本) 河南尹,兼忠武軍節度使、判六軍諸衛事。梁祖 使。 拜太保,兼陝號節度使、河陽尹 國計使, 蓋潛識梁祖姦雄,避其權位,欲圖自全之計爾。(舊五代史考異) 原本作「圖計使」,考五代會要云: 昭宗至洛陽,梁祖將圖禪代,慮全 棄鎭河陽。 梁以建昌宮使治財賦, 其年八月, 昭宗 四年,册拜太傅、 建號,以 未幾,授天下兵馬副 全義兼 遇弑,輝王 後改爲國計使。 河 洛陽搢紳舊聞 南 案齊王外 河陽節 河南 尹 梁祖 判 卽

元帥。

時怒不 略。 謂 荒 之後、月獻鎧馬、以補其軍、又以服勤盡瘁、無以加諸、故竟免於禍。 宋帝曰:「老臣受先朝重顧,蒙陛下委以副元帥之名,臣雖遲暮, 祖末年,猜忌宿將,欲害全義者數四, 庶 **公分** 斸 曰:「我無惡心,嫗勿多言。」 一棘,招聚軍賦,資陛下創業。 梁祖自柏鄉失律後,連年親征 梁 莳。 印 帝季年,趙、張用事,段凝爲北面招討使,驟居諸將之右。 '測,急召 段凝晚進,德未服人,恐人情不和,敗亂國政。」不聽。 全義,儲氏 [謁見梁祖,厲聲言曰: 「宗奭種田 案齊王外傳云: 今年齒衰朽,指景待盡,而大家疑之,何也? 河朔,心疑全義,或左右讒間,儲氏每入宮,委曲伸理。有 全義卑身曲事(至),悉以家財貢奉。 梁祖猜忌王,慮爲後患,前後欲殺之者數四,夫人儲氏面請梁祖 叟耳,三十餘年,洛城四面,開 尚可董軍,請付北面兵柄, 全義知其不可,遣使啓梁 全義託朱氏垂三十年,梁 全義妻儲氏, 明敏有才 **洎梁祖河朔喪師** 」梁祖遽笑而

也。 令。 存紀等皆兄事之。 圖 ,偶脫虎口, 洛陽播紳舊聞記:齊王上表待罪,莊宗降詔釋之。 亦見洛陽搢紳舊聞記。 莊宗 平梁,全義 逼爲親,且非素志。 案通鑑: 自洛赴覲,泥首待罪。 (舊五代史考異) 乞雪表數句云〔六〕:「伏念臣會棲惡木,會飲盗泉,質有瑕疵, 全義獻幣馬千計,帝命皇子繼岌、皇弟存紀等兄事之。 以其年老, 及召見,大喜,開懷慰納,若見平生故人,盡魚水之契焉。 莊宗撫慰久之, 令人掖而 昇殿, 案齊王外傳云:再上表敍述,屢爲朱梁窺 宴賜盡歡, 是全義之得幸於莊宗 未蒙昭雪。」 詔皇子繼岌、 復下昭雪之 此蓋黨 由幣馬 皇弟

得免,梁祖遂以其子福王納齊王之女。(舊五代史考異)

唐

書

十九

列傳

第

+

五

幸洛陽 于全義 Ξį 令。 變,憂懼不食, 或豪奪其 兼領河陽。 畢,案:歐陽史作全義再朝京 徇 地曹 天成初,册贈太師,諡 會趙在 者虛譽之辭。(殿 ,臣已有郊禮之備。」翌日, 、濮,梁末帝懼,急歸 田 禮 肃 先是,朱梁時供御所費,皆出 據魏州 居第, 案通鑑: 全義力請明宗出師,及聞明宗兵變,故愛懼。 本 全義乃悉錄進納。 先是,天祐十五年,梁末帝自汴趨洛,將祀於圓丘 師,吳縝纂誤嘗辨正之。 都 日忠肅。 軍 進討無功。 制以全義復爲尙書令、魏王、 四年, 時明宗已爲羣 河南府,其後孔謙侵削其權, 以全義爲守太尉、中書令、 落 河南 ヺ 成在 小間課 ٠, 與此微異。 授忠武軍節 至是, 河南 端居 薨於洛陽私第, 時年七十 全義 尹。 河南 度使、 私 中官各領 第。 乃奏曰:「請陛 明年二月, 時王 尹,改封齊王(七), 檢校 全義以 師攻下楊劉, 太師 內司 郊 臥 使務, 、尚書 一種禮 疾 下便 聞

改素履,盡誠而已。 不溺左道(云)。 衣冠,開幕府辟士,必求望實, 蒞 而已。 河陽,再領許州, 全義歷守太師、太傅、太尉、中書令,封王,邑萬三千戶。 全義朴厚大度,敦本務實,起戰士而忘功名,尊儒業而樂善道。 如是數者(亞),人以爲難。 內外官歷二十九任,尹正河、洛,凡四十年,位極人臣,善保終吉者,蓋 言事者以梁祖爲我世讎,宜斷棺燔柩,全義獨上章申理,議者嘉之。 屬邑補奏,不任吏人。位極王公,不衣羅綺,心奉釋、老,而 自莊宗至洛陽,趨向者皆由徑以希恩寵, 凡領方鎮洛、郿、陜、滑、宋,三 家非士族,而獎愛

天費用。 |珪所弑 也。」其子迺止。梁史云云者,諱國惡也。 曰:「吾頃在河陽,遭李罕之之難,引太原軍圍閉經年,啗木屑以度朝夕,死在頃刻,得他救援, 序,崇政諸司並止於河南府廨署。」世傳梁祖亂全義之家,婦女悉皆進御,其子<u>機</u>祚不勝憤耻,欲剸刃於梁祖。 |梁乾化元年七月辛丑,梁祖幸全義私第。 甲辰,歸大內。 梁史稱:「上不豫, 厭秋暑,幸宗 陝私第數日, 宰臣 視事於仁政 露屍於府門,寃枉之聲,聞於遠近,斯亦良玉之微瑕也。永樂大典卷六千三百五十。 拜。 翻覆也如此。 為澤州刺史,及夾死,全義事夾子仲方,即與李罕之同逐仲方,罕之帥河陽,全義爲河南尹,未幾,又逐罕之,自據河陽, 曰:「臣卜其晝,未卜其夜。」豈有天子幸人臣之家,留止數日,姦亂萌矣。況全義本出巢賊,敗依河陽節度使諸葛爽,爽用 也。」夫經言會者,諱惡,禮也,傳書姦者,暴其罪以垂誠也。又莊二十二年,傳書:陳完飮桓公酒,公曰:「以火繼之。」 辭 理,以是人多枉濫,爲時所非。 皇后嘗從莊宗幸其第,奏云:「妾孩幼遇亂,失父母,欲拜全義爲義父。」許之。 曰:「皇后萬國之母儀,古今未有此事,臣無地自處。」 莊宗敦逼再三,不獲已,乃受劉后之 既非所願,君子不以爲非。 ,首進錢一百萬,以助山陵。莊宗平中原,全義合與敬翔、李振等族誅,又通賂於劉皇后,乘莊宗幸洛,言臣已有郊 夫全義匹夫也,豈能自殖財賦,其剝下奉上也又如此。 自是托迹朱梁,斲喪唐室,惟勤課勸,其實斂民附賊,以固思寵。 臣謹案,春秋莊二年,經曰:「十有二月,夫人姜氏會齊侯于禚。」傳曰:「 又嘗怒河南縣令羅貫,因憑劉后譖於莊宗,俾員非罪而死, 然全義少長軍中,立性朴滯,凡百姓有詞訟,以先訴者爲得 晚年保證明宗,欲爲子孫之福,師方渡河 梁時,月進為馬,以補軍實。 以至今日, 全義稽首奏 鄴都兵亂、 五代史闕文: 此恩不可負 及梁祖爲友 全義止之 其 全

實錄,見史官敍全義傳,虛美尤甚,至今負俗無識之士,尙以全義爲名臣,故因補闕文,粗論事迹云 后,斃貫於枯木之下,朝野寃之。 威也又如此 義愛恨不食,終以餓 家事,縱鳥獸之行 [10],畜梟獍之心。」 其御家無法也又如此。 蓋亂世 .賊臣耳,得保首領,爲幸已多。 未死前,其子繼業訟弟汝州防禦使繼孫,莊宗貶房州司戶,賜自盡。 洛陽監軍使嘗收得李太尉平泉莊醒酒石,全義求之,監軍不與 晉天福中, 河南令羅貫, 方正文章之士, 其子繼祚謀反伏誅, 識者知餘 事全義稍慢, 其制略曰:「侵奪父權,惑亂 殃在其子 全義立殺之, 孫 也。 全義怒告劉皇 臣 其附勢作 讀莊宗

殺 軍情不叶,簡復攻蹯,蹯冒刃獲免,逃歸於汴。 尋,珙兵屢敗,部伍離心。 間,剽奴行 深所倚愛,小有違忤,暴加箠擊,璠陰銜之。光化元年,珙與弟河中節度使珂相 事 **旭池鎮將栢夔爲部隸,嘗爲盜於石壕、** 據薛史則璠逃歸於汴,未嘗見殺也。 朱友謙,字德光,許州人,本名簡。 旅。 後事陝州節度使王珙,積勞至軍校。 二年六月,播殺洪歸附汴人,梁祖表播爲陝州節度使。蹯亦苛慘, 通鑑從薛史。 祖嚴,父踪,世爲陳、許小校。 石壕, 案新唐書王重榮傳: 原本作「古蠔」,今從通鑑改正。(影庫本粘籤) **珙性嚴急,御下無恩,牙將李璠者,** 李璠爲節度使凡五月,爲部將朱簡所 廣明之亂,簡去 持,干戈日 鄉里, 珙

三年,梁祖 表簡爲陝州留後。九月,天子授以旄鉞。 天復末,昭宗遷都洛陽,駐蹕於陝。 時朝士經亂,簪裳不備,簡獻裳百副, 車駕在鳳翔,梁祖往來,簡事之益

異)因與友謙會於猗氏,友謙盛陳感慨,願敦盟約,莊宗歡甚。 友謙乘醉鼾寢於帳中, 莊宗

唐

書

三 十

九

列

傳

第十

五

亦盡· 將相, 記 原本作「翼王」,今從通鑑改正・(影庫本粘籤) 請給百官,朝容稍備。 深賞其心,乃名之爲友謙,編入屬籍,待遇同於己子。 友識初頗禮待之,然德延性浮薄驕慢,動多忤物,友識稍解體,德延乃作孩兒詩五十韻以刺友識。 心叶贊,功烈居多。 比無勳勞,皆元帥令公生成之造也。 以迎奉功,遷檢校侍中。 梁祖 建號,移授河中節度使、檢校太尉,累拜中書令,封冀王。冀王, 案太平廣記: 願以微生灰粉爲効,乞以姓名,肩隨宗室。」梁祖 路德延,天祐中爲左拾遺, 簡與梁祖同宗,乃陳情於梁祖曰:「僕位崇 案: 歐陽史作錄以爲子。(舊五代史考異) 會河中節度使領鎮, 友識聞而大怒,有 辟掌書 友謙

以掇禍,乃因醉沈之黃河。(孔本)

辨其誤。(舊五代史考異) 逆,余位列維城,恩踰父子,論功校德,何讓伊人, 詎以平生附托之恩, 屈身於逆豎之手 大破之, 合兵五萬屯 懷英等擊友謙。 及 朱友珪弑逆,友謙意不懌,雖勉奉僞命,中懷怏怏。 案歐陽史: 河中。三書所載,俱有異同。(殿本) 友謙乞師於莊宗,莊宗親總軍赴援, 其年八月,友珪遣大將牛存節、康懷英、韓勍攻之,案歐陽史 通鑑作九月丁未,以感化節度使康懷貞爲都招討使 [1]],更以韓勍副之。 晉王出澤潞以救之,追懷英于解州,大敗之。追至白逕嶺,夜秉炬擊之, 友珪徵之,友謙辭以北面侵軼, 謂賓友曰:「友珪是先帝假子, 案:歐陽史作友珪立,加友謙侍中。 懷貞等與忠武節度使牛存節 懷英又敗。(舊五代史考 與汴軍遇於平陽, 友珪遣招討使韓勍將康 敢行大 吳縝已

熟視之,謂 左右曰:「冀王眞貴人也,但恨其臂短耳。」及梁末帝嗣位,以恩禮結其心,友謙亦

遜辭稱藩,行其正朔。

屨,而 急難 賜之。 遣李嗣昭、李存審將兵赴之,敗汴軍於滑北,解圍而還。初,劉鄩兵至蒲中,倉儲匱乏,人心 而 親赴予急,夜半秉燭戰賊,面爲盟誓,不負初心。 許之,制命未至,友識復叛。 相 天祐十七年,友謙襲取同州,以其子令德爲帥,請節鉞於梁,不獲,案歐陽史:末帝初不許,已 欲翻 軍民 應 梁將劉郭、尹皓攻同州, ,寧我負人,擇福宜重。 /將校,咸欲歸梁。 覆背惠,所謂鄧祁侯云『人將不食吾餘』也。」及破梁軍,加守太尉、西平王。 通鑑從歐陽史。(舊五代史考異)友謙卽請之於莊宗,令幕客王正言以節旄 友謙諸子令錫等亦說其父曰:「晉王雖推心於我,然懸兵赴援, 尹皓、原本作「伊皓」、今從通鑑改正。(影庫本粘籤)友謙來告急,莊宗 請納款於梁,候劉鄭兵退後,與晉王修好。」友謙曰:「晉王 昨聞吾告難,命將星行,助我資糧,分我衣

令錫爲許州節度使。 邑、 萬八千戶。 吾大業者,公之力也。」旣歸藩,請割慈、隰二郡,依舊隸河中,不許,詔以 解縣 同光元年,莊宗滅梁,友謙覲於洛陽,莊宗置宴饗勞,寵錫無算,親酌觴屬友謙曰:「成 兩 池権鹽 (三),每額輸省課,許之。 三年,賜姓,名繼麟,編入屬籍 門三鎮,諸子爲刺史者六七人,將校剖竹者又五六人,恩寵之盛,時 ,賜之鐵券,恕死罪。 及郊禮畢, 以友謙 爲守太師 以其子令德爲 、尚書令,進食邑至 絳州 隸之。 遂州 節度使, 又請安

無 與比。

僶

異 流言,何足介意。 人有告變者,言繼麟與崇韜謀叛,聞崇韜死,又與李存义構逆,當斷不斷,禍不旋踵。」羣閹 吾若得面天顏,自陳肝膈,則流言者獲罪矣。」四年正月,繼麟入覲。 有急,必爲後患。」郭崇韜旣誅台,宦官愈盛,遂構成其罪,謂莊宗曰:「崇韜強項於蜀,蓋與 之,伶官景進與其黨搆曰:「昨王師初起,繼麟以爲討己,頗有拒命之意,若不除移, (代史考異) 命夏魯奇誅其族於河中。 籤

王思同誅令錫於許州(晉, 河中響應。」繼麟聞之懼,將赴京師,面訴其事。其部將曰:「王有大功於國,密邇京城,羣小 **貺難辦。」由是羣小咸怨,遂加誣搆。** ·請疏骨肉名字,無致他人橫死。」將刑,張氏持先賜鐵券授魯奇曰:「皇帝所賜也。」是時,百 **俛應奉,不滿其請。** 口同辭,莊宗駭惑不能決。 擒之,誅於徽安門外。 季年,稍怠庶政,巷伯伶官,干預國事。 端居奉職,讒邪自銷,不可輕行。」繼麟曰:「郭公功倍於我,尙爲人搆陷, 且曰:「河中土薄民貧, 韶繼岌誅令德於遂州, 是月二十三日,授繼麟滑州節度使,是夜,令朱守殷以兵圍其 案吳縝纂誤云:史彥瓊傳,友謙有子建徽被殺。傳止述二子,亦闕文也。(舊五 初, 郭崇韜討巴、蜀,徵師於河中,繼麟令其子令德率師 魯奇至,友謙妻張氏率其家屬二百餘口見魯奇曰: 河中,原本作「荷平」,今從歐陽史改正。影庫本粘籤)厚 時方面諸侯皆行路遺, |途州, 原本作「還州」,今從歐陽史改正。(影庫本粘 景進謂莊宗曰:「河中 或求路於繼麟,雖 如國

唐 暋

= +

九

列

僔 第

+

五.

校

勘

記

口塗地,冤酷之聲,行路流涕。

閽者不知其故,不敢詰,至門排騎而入,旣而扃鎖如故,復無人迹,乃知妖鬼也。 逍遙樓,聞哭聲四合,詰日訊之,巷無喪者。隔歲乃族誅。及明宗卽位,始下詔昭雪焉。 先是,河中衙城閽者夜見婦人數十,核服靚粧至,僕馬炫耀,自外馳騁,笑語趨衙城。 又繼麟登

大典卷二千三十一。

貨財。 臣。 然全族之誅,禍斯酷矣,得非鬼神害盈,而天道惡滿乎!永樂大典卷二千三十一。 史臣曰:全義一逢亂世,十領名藩,而能免梁祖之雄猜,受莊宗之厚遇,雖由恭順,亦繫 傳所謂「貨以藩身」者,全義得之矣。友謙嚮背爲謀,二三其德,考其行事,亦匪純

校勘記

齊王外傳云……鎮三城 考異補。「因罕之舉兵……鎮三城」四十字,據殿本補、 一百三十六字原無,「齊王外傳云……不設備」九十六字,據舊五代史

(三) 諸葛爽 原作「諸葛奭」,據殿本、劉本改。

(三) 十八屯申每屯戶至數千 「申每屯」三字原無,據殿本、洛陽攬納舊聞記補。

- 河陽尹 殿本同,劉本作「河南尹」。
- (台) 乞雪麦 「麦」字原無,據洛陽搢紳舊聞記補。

(E)

卑身曲事

「卑」原作「單」,據冊府卷七九〇改。

- (4) 改封齊王 「齊」原作「濟」,據殿本、劉本改。
- (3) 不溺左道 本作『在』字,誤。按文義,似作『左』字理較長,刊本改。」 「左」原作「枉」,據殿本、劉本、冊府卷三一〇改。影庫本批校云:「『枉道』之『枉』,原
- (A) 如是數者 「是」字原無,據冊府卷三一〇補。
- 縱鳥獸之行 「縱」原作「機」,據五代史闕文改。
- 康懷貞爲都招討使 「都」原作「副」,據通鑑卷二六八改。
- 又請安邑解縣兩池権鹽 「安邑」二字原無,據冊府卷一六六補。

 $\stackrel{\frown}{=}$

=

- 郭崇韜既誅 「旣」原作「卽」,據殿本改。
- 誅令錫於許州 「州」字原無,據殿本、劉本補。
- 会 **袨服靚粧** 「袨」原作「祇」、據殿本、劉本改。

售五代史卷六十四

唐書四十

列傳第十六

彦威 乾化 移鎭 衡背李茂貞以城歸梁,梁以**彦威爲**邠州節度使。 指揮使、檢校司空授右龍驤軍使。 擢 邁,養爲己子。按:通鑑注以彥威爲霍存之子,與薛史異。 ·在左右,漸升戎秩,亟立戰功。 御州。 固守踰年,竟不能下,或得其俘,悉令放之, 三年,與袁象先同誅朱友珪,梁末帝授洺州 霍彦威,字子重,洛州曲周人也。 兼北 面行營招討,總大軍於河上。 嘗中流矢,眇其一目。 三年,自右監門衞將軍授左天武軍使,遷右監門上將軍 梁將霍存得之於村落間,年十四,從征討。 師徒屢敗,降授陝州留後 存,梁史有傳。 刺史,轉河陽留後。 秦人懷其惠,遂無侵擾。 其年五月, 茂貞遣將劉知俊率大軍攻之, 開平二年, **彦威未弱冠,爲梁祖所知** 自開封府押衙、右親從 乾化末, 邠州留後李保 轉滑州節度使, 存鱗其残

唐書

四十

列傳第十六

卿 (等預 鋒之効也。」彥威等伏陛謝罪,莊宗曰:「與卿話舊,無足畏也。」因賜御衣、器幣,盡歡 會。 入汴,彥威自陝馳至請罪,詔釋之。 酒酣,莊宗舉酒 屬明宗曰:「此席宴客,皆吾前歲之勁敵也,一 一日,莊宗於崇元殿宴諸將, 日 彦威與段凝、 |與吾同宴,蓋 Mi

尋

放

歸藩

彦威 庫本粘 范延光馳兵斬之,非由彦威之力,宜以薛史所載爲得其實。 之,彦威 命,改平盧軍節 決於彥威 副 威從入魏州 累官至檢校太尉、兼中書令。 興安 上克平内艱 明 籤) 彦威善言論 年 機辯開說,竟免。 奉詔討平之。 ,從明宗平潞州,授徐州節度使。 重 , 海 擅 收段凝 懇請赴闕,從至洛陽,彦威首率 案歐陽史: 度,至鎮,撤公嚴,斬之。 ",頗能 ,冀安萬國,豈爲 温韜 明宗擁兵入城,彦威獨不 接奉,明宗尤重之。 時趙在禮據魏州, 及出,彦威部下兵士獨全,衞護明宗至魏縣。時明宗 下 獄,將置於法,安重 公報 三年多,卒於理所,年五十七。奏至之日,明宗方出近郊 仇耶 案歐陽史: 與明宗會兵於鄴下,大軍 入,與薛史異。(舊五代史考異) ! 趙太叛於邢州,趙太,原本作「趙木」,今從歐陽史改正。(影 契丹犯塞,莊宗以明宗爲北面招討使,命彥威爲 (舊五代史考異) 」至天成 卿 相勸進於至德宮,旬 誨 彦威徙鎮平盧 曰:「温、段罪惡,負於梁室, 初, 明年多,肆觀於汴州, 除 鄆州節 朱守 殷反, 皇甫 夕亂,明宗爲其所逼, 度使, 日之間, 伏誅。 暉等尤忌彥威 値 考朱守殿反, 青州王 內 欲 明宗接遇甚 外機 衆所 北 趨 公嚴拒 事 了、欲殺 知 明宗 彦 遣

忽聞奏計,掩泣歸宮,輟朝三日, 至月終不舉樂。 案五代會要: 天成四年六月敕二故平盧軍節度使霍彦 太師、晉國公,

諡 威,助名顯著,宅兆已營,爰遂定諡之規〔一〕,俾議送終之制,宜以三公禮葬。」(舊五代史考異) 日忠武 子承訓,弟彦珂 ,累歷 刺 史。 皇朝乾德中, 立明宗廟於洛州 (H), 册贈 詔以彦威配饗

廟

庭。

永樂大典卷一萬八千一百二十九。

火考異) 都一。 球出騎迎戰擊亂軍,獲軍使劉重遇,以功轉左龍驤第一指揮使。 將軍,軍職如故。 晏球少沉勇有斷,倜儻不羣。 至立功,累遷廳子 王 案清異錄:宣武廳子都,尤勇悍,其弩張一大機,則十二小機皆發,用連珠大箭,無遠不及, |晏球,字瑩之,自言洛都人。少遇亂,爲蔡賊所掠,汴人杜氏畜之爲子,因冒姓杜氏。 廳子都,原本作「聽于都」, 都指揮使。 朱友珪之篡位也,懷州龍驤守禦軍作亂,欲入京城,已至河陽,友珪命晏 梁開平三年,自開封府押衙充直左耀武指揮使,授右千牛衞 梁祖之鎭汴也,選富家子有材力者,置之帳下, 今從通鑑注所引薛史改正。(影庫本粘籤) 晏球預選,從 梁末帝嗣位,以晏球爲龍 晉人極畏此。(舊五代 梁祖 號日 征 伐,所 「廳子

拒戰。 貞明二年四月十九日夜,汴州捉生都將李霸等作亂,縱火焚剽,攻建國門,梁末帝登樓 晏球 聞亂,先得龍驤馬五百屯於鞠場,俄而亂兵以竿豎麻布沃油焚建國樓, 勢將危

驤

四軍都指揮使。

唐 書

四 +

列 傳 第 +

六

깯

急。 |州 作「官城」,今從通鑑改正。(影庫本粘籤) 軍討賊,呼曰:「非吾龍驤之士乎?」晏球奏曰:「亂者惟|李霸 刺史、尋領軍於河上,爲行營馬軍都指揮兼諸軍排 晏球隔門窺亂兵〔三〕,見無甲胄,即出騎擊之,奮力血戰, 遲明臣必破之。」 既而晏球盡戮亂軍,全營族誅。 陣 使。 都,陛下但守宫城, 俄而羣賊散走。 梁末帝見騎 以 语 功授單 城 原本

內難,晏球 北捍契丹,授齊州防禦使、 莊宗入汴,晏球率騎軍入援,至封丘,聞梁末帝殂 時在瓦橋,遺人招之。明宗至汴, 北 面行營馬軍 都指揮使,仍賜姓氏, 晏球率騎從至京師,以平定功授宋州節度使, 2 卽 解 甲降於莊宗。 名紹虔。 鄴之亂, 明年, 與霍 明宗入赴 彦 威

上章求還本姓名

其左, 千騎。(舊五代史考異)是時大雨,晏球出師逆戰,惕隱復敗,追至易州,河水暴漲, 軍大敗於嘉山之下,追襲至於城門。 行州事。(舊五代史考異) 王晏球,晏球不從,乃以金遺晏球帳下,使圖之,不克。癸巳,晏球以都反狀聞。 天成二年,授北面行營副招討,以兵戍滿城。 高行周以龍武右軍攻其右, 軍拒戰,晏球督厲軍士,令短兵擊賊,戒之曰:「迴首者死。 契丹遣禿餒率騎千餘來援都四,突入定州,晏球引軍保曲陽。 案:歐陽史作高行珪。(舊五代史考異) 俄而契丹首領惕隱率勇騎五千至唐河。 是歲,王都據定州,案通鑑: 壬寅,以王晏球爲北面招討使, 奮劍揮檛, 」符彥卿以龍武左軍攻 所在陷沒,俘 遺人說北 應手首落, 歐陽史作七 權 面 王都 知定州 副 招 計

曰:「城壘堅峻,但食三州租稅,撫恤黎民,愛養軍士,彼自當魚潰。」帝然其言 旬日之內,盡獲惕隱已下酋長七百餘人,契丹遂弱。 獲二千騎而還。 惕隱以餘衆北走幽州,趙德鈞令牙將武從諫以騎邀擊, 晏球圍城既久, 帝遣使督攻城,晏球 德鈞分扼諸要路,

之略。 禮, 軍中無不敬伏。 其年冬,平賊。自初戰至於城拔,不戮 晏球能與將士同其甘苦,所得祿賜私財,盡以饗士,日具飮饌, 以功授天平軍節度使,未幾,移鎭靑州,就加銀中書令。 一士,上下歡心,物議以爲有將 長興三年, 卒於鎭, 時年六 與將校筵宴,待軍七有 帥

案:歐陽史作年六十二。(舊五代史考異) 子徹,位至懷州刺史。永樂大典卷一萬八千一百二十九。 贈太尉

將兵 爲邢州留後,遷本州節度使。 林統軍。 出爲晉州刺史。 莊宗 與莊宗對壘。 戴思遠,本梁之故將也。初事梁祖,以武幹知名。開平元年,自右羽林統軍 平定魏博,以兵臨滄、德, 野王友珪篡位,授洺州團練使。洺州,原本作「洛州」,今從歐陽史改正。(影庫本粘籤) 久之, 莊宗討張文禮於鎭州, 契丹來援, 莊宗追襲契丹至幽州。 二年,授右監門上將 屬燕將張萬進殺滄州留後劉繼威,以城歸梁,末帝命思遠鎮 思遠棄鎭 軍,尋改華州防禦使。 (渡河歸汴, 累遷天平軍節度使兼北面招討使, 三年,自左天武使復授右羽 加檢校司 貞明中

思遠聞

唐

ĮЦ +

列

傳 第 + 六

後。其年,莊宗入汴,思遠自鄧州入朝,復令歸鎭。明宗卽位,移授洋州節度使。 卒於家。 叛,思遠以董璋故人,避嫌請代,徵入朝宿衞,以年告老,授太子少保致仕。 之,莊宗自薊五日馳至魏州,思遠聞之解去。及明宗襲下鄆州,思遠罷軍權,降授宣化軍留 乃涉洹水,陷成安,復歸楊村砦,盡率其衆,攻德勝北城。 總兵以襲魏州, 泳樂大典卷一萬五千二十二。 以 襲,原本作「以龍」,今據文改正。(影庫本粘籤) 城中危急,符存審畫夜乘城以 至魏店, 遇明宗騎軍適至, 清泰二年八月, 及西川 思遠 俱

興諸 梁祖 刺史、滑宋二州留後、亳曹二州刺 梁祖聞之,亦選數百 編入屬籍。 古渡淮,戰沒於淮南。漢賓少有膂力,形神壯偉,膽氣過人,梁祖以其父死王事,選置帳下, 攻竞、鄆事。 將破察賊有功,天復中行為,授右羽林統軍。 朱漢賓,字績臣,亳州譙縣人也。父元禮,始爲郡將,梁太祖聞其名,擢爲軍校,從龐師 梁祖之攻克、鄆也,朱瑾募驍勇數百人,黥雙雁於其額,號爲「鴈子都」。案:此追敍 ₩陽史作是時梁方東攻克、耶,則失其事之前後矣(五)。歐陽史誤以鴈子都爲梁軍名,吳縝嘗辨其誤。 人,別爲一軍,號爲「落鴈都」。 史、安州節 度使 入梁,歷天威軍使、左羽林統軍,出爲磁州 署漢賓爲軍使、當時目爲「朱落鴈」。

莊宗至洛陽,漢賓自鎭入觀,復令還鎭。 明年,授左龍武統軍。 莊宗嘗幸漢賓之第,漢

郡,諸 移鎮晉州。 朝,三發單函候問,略無報復,忽余卑位,不亦甚乎! 修木交幹,笙歌羅綺,日以自娛,養彼天和,保其餘齒,此乃近朝知止之良將也。 幣,受其惠者數百家,郡人義之。尋還洛陽,有第在懷仁里,北限洛水,南枕通衢,層屋連甍, 及致仕,東還亳郡,見鄉舊親戚淪沒者,有瑩兆未辦,則給以棺斂,有婚嫁未畢,則助以資 六月卒, 時年六十四。 右衞上將軍,樞密使安重誨方當委重,漢賓密令結托,得爲婚家。 數日,友謙赤族。 觴奉友謙曰:「公雖名位高,坐於皇弟之上,非宜 居洛陽,以友謙故人,置酒於第。 省 境,父老歌之。 魏 州 (妻進酒上食,奏家樂以娛之,自是漢賓頗蒙寵待。 幸縣,華縣, 漢賓少勇健,及晚歲飲啖過人,其狀貌偉如也。 軍威 以利見誘,請自爲留後,漢賓則斬其言者,拒而不從,聞者賞焉。 重酶旣誅,漢賓復爲上將軍。 臨平陽遇旱,親齋潔禱龍子祠,踰日雨足,四封大稔,咸以爲善政之所致也。 原本作「華縣」,考新唐書地理志魏州有莘縣, 趙在禮據魏州,元行欽率軍進討,詔漢賓權 莊宗諸弟在 明年秋,漢賓告老,授太子少保致仕。 席,友謙坐在永王存霸之上。 也。 無「華縣」,今改正。(影庫本粘籤)適值連帥去 僕與公俱在梁朝,以宗盟相厚,自公入 凡所履歷,不聞踰法。 同光四年正月,冀王朱友謙入朝,明宗 」元行欽恐其紛然, 爲解之方止。 知河南府事。 天成末, 在曹日,飛蝗去 爲潞州節度使, 梁時,嘗領 酒酣,漢賓以大 明宗以漢賓爲 晉高祖卽 清泰二年 軍屯 不

唐書

四

+

列傳第十六

八五七

庶,所蒞之地,綽有政聲,知進退存亡之理,得善始令終之道。 位,贈太子少傅,諡曰貞惠。 案:五代會要作正慧,引太常博士林朔議曰:「漢賓散己俸以代荒逋,濟疲俗而 **謹案諡法,中道不撓、保節揚名曰正** ;愛民好學、寬裕慈仁 臻富

日慧,請諡日正慧。」從之。 有子四人,長日崇勳,官至左武衞將軍。 永樂大典卷二千三十一。

孔勍,字鼎文,兗州人,後徙家宿州。少便騎射,爲軍中小校,事梁祖漸至郡守,累遷齊

至洛陽,勍 州防禦使、唐鄧節度使。梁貞明中,王球據襄州叛,勍討平之,因授山南東道節度使。 事 ,泄,勍誅之。 贈太尉。 自鎮來朝,復令歸鎮,尋移昭義節度使。同光季年,監軍楊繼源與都將謀據潞州, 明宗即位之歲,韶還京師,授河陽節度使。未幾,以太子太師致仕,卒年七 泳樂大典卷一萬八千一百二十九。

從梁祖 害, 庭享士,伏甲幕下,盡斬其亂將。 王班、原本作「王斌」,今從册府元龜改正。(影庫本粘籤) 劉 征伐,所 田, 汴州雍邱人也。 世爲宣武軍牙校。 田少負壯節, 梁祖鎭汴州, **田求自試**, 補隊長。 至有功,遷爲牙將,歷滑、徐、襄三州都指揮使。 案通鑑考異引梁叫實錄:八月丁酉,賜劉玘、王延順物, **亂軍推** 照爲留後, 既詭從之,翌日受賀, 衙 開平中,襄帥王班爲帳下所 以其違亂將之命來

罪。 鬭 朝,及梁亡入唐,妄云斬亂以自誇大耳。(舊五代史考異) 歸。 州 刺史。 於境上,莊宗見而勞之曰:「劉侯無恙,控我晉陽之南鄙,歲時久矣,不早相見。」田 編遺錄斬李洪勅云:「始扶劉玭, 復命歸鎭,正授節旄,移鎭安州。 貞明中,爲晉州留後。 旣奔竄以 莊宗至汴、旺來朝。 歸朝。」 明宗即位,遷鄧州節度使。 若使迅翌日便斬 以功歷復、亳二州刺史, | 田在晉州八年,日與上黨、太原 亂將, 則襄州 何 天成末,以史敬鎔代之, 徴爲侍 以至九月始收復。 衞 都 將 蓋印脫身歸 超首謝 之師 Ш 爲

| 迅還京師, 卒。 仕皇朝,爲右贊善大夫,卒。 泳樂大典卷九千九十八。 贈侍中。

有子師道,

宣 天祐 淫 進 納款於梁,知裕先奔於汴,梁主厚待之,特置歸化軍, 於萬進之家,萬進殺之。詰旦,召知裕告其故,萬進自稱留後,署知裕爲景州刺史。 四年,劉守光旣平滄州,乃以其幼子繼威爲留後,大將張萬進與知裕佐之。繼威沖幼, 周 以 知裕,字好問,幽州人也。少事燕帥劉仁恭爲騎將,表爲嬀州刺史,久之,移刺德州。 知裕爲指揮使,凡軍士自 河朔歸梁者, 皆隸於部下。 歸化,原本作「歸比」,今從通鑑改正。(影庫 梁與莊宗交戰於河,摧堅挫

同光初, 唐 書 四 莊宗入汴, + 列 傳 第 知裕 + 六 隨 段凝軍解甲封丘。 校 勘 記 明宗時爲總管, 受降於郊外, 見知裕甚 八五九

銳,惟恃歸化

軍,然歲將一紀,位

不及

那 守。 萬

八六〇

魏王繼岌伐蜀,召爲前鋒騎將。 心妬之。 喜,遙相謂曰:「周歸化今爲吾人,何樂如之!」因令諸子以兄事之。 莊宗撫憐尤異,而諸校 有壯士唐從益者,因獵射之,知裕遁而獲免。 明宗即位,移刺絳州,改淄州刺史、宿州團練使。 莊宗遂誅從益,出知裕爲房州刺史。 知裕老於

稍革。 長竿之首,委之而去。知裕心惡之,召鄉之頑狠者訶詰敎導,俾知父子骨肉之恩,繇是弊風 軍旅,勤於稼穡,凡爲郡勸課,皆有政聲,朝廷喜之,遷安州留後。 永樂大典卷八千九百九十九。 准上之風惡病者,至於父母有疾,不親省視,甚者避於他室,或時問訊,即以食物揭於 長興末,入爲右神武統軍。清泰初,卒於官。案"歐陽史作應順中,卒。(舊五代史考異) 贈太

之績,晏球之伐中山也,著戡定之功。方之數公,尤爲優矣。 歸唐祚,亦無隗聲,蓋松貞不變於四時,玉粹寧虞其烈燄故也。 史臣曰:夫才之良者,在案亦良也,在虞亦良也。 故彦威而下,昔爲梁臣,不虧亮節,洎 永樂大典卷八千九百九十七。 况彦威之輔明宗也,有翊戴

校勘記

(1) 爱遵定諡之規 「爱」原作「度」,據會要卷一一改。

(三)洛州 原作「洛川」,據殿本、劉本改。

「亂兵」原作「兵亂」,據殿本、彭本改。

影庫本批校云:「『飢兵』訛『兵亂』。」

(1) 隔門窺貳兵

(I) 契丹遣秃假率騎千餘來援都 「契丹」二字原無,擴殿本、劉本補。

(#) 此追敍……前後矣 二十九字原無:據舊五代史考異補。

(公)天復

原作「天福」、據冊府卷三六〇改。按此敍唐末事,當作天復。

舊五代史卷六十五

唐書四十一

列傳第十七

魏 縱兵攻鎭、定之營,軍 兵扼橋道,韓勍選精兵先奪之。 莊宗登高而望,鎭、定兵將衄,謂建及曰:「如賊過橋,則勢 改 不可遏,卿計若何。」建及於部選士二百,挺槍大譟,禦汴軍,却之於橋下。 因 ,建及首陷其陣,授天雄 ,魏人夜出犯我營,建及設伏待之,扼其歸路,盡殪之。 匡衞軍都校。 選部下驍勇者百人以獻,建及在籍中。 李 建及,許州人。本姓王,父質。 案:歐陽史作匡衞指揮使。 中騰 軍 亂,建及率銀槍勁兵千人赴之,擊敗汴軍,追奔至其壘。 教練使。 建及少事李罕之爲紀綱,光啓中,罕之謁武皇於晉陽, 柏鄉之役,汴將韓勍追周德威至高邑南野河上,鎮、定 八月,遷遼州刺史。 後以功署牙職,典義兒軍,及賜姓名。 劉鄭之營莘縣,月餘不出,忽一旦 二月,王師 天祐 元城之 七年,

攻

唐 書

賊 莊宗欲收軍 負 外衙都 葭 葦 + 卽 堙塹,率先登梯,遂拔之。 四 引 年,從 將 銀 槍效節軍大呼奮擊(己,三 詰 朝 契丹於 合戰。 幽州,破之。 建及横 稍當前, 胡柳之役,前 十二月,從攻楊劉, 軍 增氣, 曰:「賊大將已亡, 軍 由 逗撓 是王 ,際晚, 師復振, 自寅至 乘此 汴 以 軍 车, 汴 易擊, 竞 土 功授檢校 軍嬰城 山 王 但 建 司 登 及 拒守,建及 空(三、 H 戰奪之。 觀 魏 臣 博 自 破

中矢石 月, 晷刻 五代史考異) 軍 攻 與汴將 實 + 召能 將盡, 甲 時棹船 六年, 士,皆 案 : 王 須臾, 破 通鑑作木甖載薪,沃油然火,于上流縱之,與薛史 瓚 汴將賀瓌攻德勝南城,以戰船十餘艘,竹笮維之, 賊 守 滿 船者。 戰 短兵持斧, 城 烟焰 河,流 於 將 戚 氏 騰 城, 津 矢雨 延賞危急, 熾, 人有馬破龍者,能 徑抵 建 集, 及 梁 傷手 軍 梁之戰艦,斧其笮, 建及 斷 東京 氏延賞,原本作「士延賞」, 纜 被 重鎧, 而 遁, 解 水游,乃令往 御 執稍 建及 衣 異。 金帶賜之。 乃乃入 呼 又令上流具瓮, 日:「豈有一 歐陽史作 、南城, 今從通 見延賞, 以 総設 賀 大甕積薪, 扼斷 瓌 衣帶水 正。(影 延賞言:「危 積薪其上, 解園而去言。 津路, Ħ 庫 、縱城 1. 本 粘籤) 流 王 縦 師 火 順 箔 加 莊 宗 不 極矣, 此 流 斯. 得 其年十二 游史同。(舊 ! 乃以 縱 令 渡。 火 所 積 以 城 帛

節 帳前 建 親 及 軍 有 膽氣, 效節 ,原本作「郊節」,考涌鑑注云: 慷 慨 不 羣 臨 陣 鞠 旅 意 效節都係唐時軍名。 氣 横 壯 自 脏宗 今改正。(影庫本精籤) 善於撫御,所得 至 魏州 建及都總內外衙 銀槍效

賞賜,皆分給部下,絕甘分少,頗洽軍情。 宗因猜之。建及性既忠盡,雖知讒搆,不改其操。不改,原本作「不敢」,今據文改正。(影庫本粘籤) 章令圖監建及軍,每於莊宗前言:「建及以家財驟施,其趣向志意不小,不可令典衙兵。」 莊 又累立戰功, 雄勇冠絕, 雌劣者忌讒之。 時宦官

戰陣,矢石所中,肌無完膚,復有功見疑,私心憤鬱。是歲,卒於太原,時年五十七。 泳樂大典 十七年三月,授代州刺史。八月,與李存審赴河中,解同州之圍。 建及少遇禍亂,久從

前鋒,敵人畏之。 之,獲其大將上渥以獻。上渥,原本作「卞渥」,今據冊府元龜改正。(影庫本粘籤) 典諸軍。夾城之役,君立每出挑戰,壞汴軍棚壘,俘擒而還。八年,與汴軍戰於龍化園,敗 石君立,趙州昭慶人也,亦謂之石家財。初事代州刺史李克柔,後隸李嗣昭爲牙校,歷 嗣昭每出征,俾君立爲

多稱字嗣昭爲昭義侍中,今改正。(影庫本粘籤)是夜入城,與安金全等分出諸門擊殺於外,遲明 暇,人心危懼,嗣昭遣君立率五百騎,自上黨朝發暮至。 徑至城下,馳突斬擊,出入如神,大呼曰:「昭義侍中大軍至矣。」 王檀之逼晉陽也,城中無備,安金至驅市人以登陴,保聚不完。 王檀游軍扼汾橋,君立一戰敗之, 昭義,原本作「紹義」,考醉史前後 時莊宗在魏博、救應不 |梁|

四

+

列傳第十七

敗

而 入賊壘,時諸將 伏於要路,逆 上,邀擊之。 我乎? **F** 獄 年,將兵屯德勝。 人皆有君,吾何忍反爲仇人哉!」旣而諸將被戮,尙惜君立不之害。 久之,梁主遣人誘之,君立曰:「敗軍之將,難興議勇,如欲將我,我雖眞誠效命,能 戦 **汴人担楊村五** 部校陷賊者十餘人,君立被執,送於汴。 .偽敗,王師乘之,贼入壘門,梁伏兵起, 十里,於河曲潘張村築壘以貯軍儲,莊宗令諸軍攻之。 時汴軍自滑州轉餉以給楊村砦,莊宗親率騎軍於河外, 因與血戰。 梁主素知其驍勇,欲用之爲將, 君立與鎭州大將王 同光元年,莊 循岸而 釗 械 帰

明宗 宗至汴前 云:據 帥 見莊宗,莊宗因遣明宗教武州。 珪 劉 有 唐賞錄,高行珪降在劉守光郎平之後,與薛史異,今附識于此。(影庫本粘籤) 守 變, 將 高 光僭 兵 行 卽 助德威平 珪,燕人也。 率部 日, 逆不道,莊宗令周德威征之,守光大懼,以行珪爲武 梁主始令殺之。 下軍衆以 燕 俄聞 家世勇悍,與弟行周俱有武藝,初仕燕爲騎將,驍果出諸將之右。 比至,行飲已解去, 公文行珪。 行珪 永樂大典卷一萬八千二十九。 至, 行珪 率騎以禦之, 行珪乃降。 一造弟行 周告急於周德威 是行珪先求救于晉而後降也。 明宗諭以逆順之理, 守光將元行 州 案歐陽史:行珪 刺 史, 一个張椅 薛史作降晉後告急,微有 行珪乃降。 欽在 夜縋行周 角之勢。 . 山 北 通鑑考異 馳 閗 入層,

降。 異同。(舊五代史考異) 尋以行<u></u> 写 為 例 州 刺 史 , **歴** 析 、 嵐 二 郡 , 遷 雲 州 留 後 。 德威命明宗、李嗣本、安金全將兵援之。 天成初,授鄧州節度使, 明宗破行欽於廣邊軍, 行欽亦 尋移鎖

安州。

述藩侯之弊,請勅從事明諫諍之,不從,令諸軍校列班廷諍。 條:一請不禁過准猪羊,而禁絲綿匹帛,以實中國, 大典卷一萬八千二十九。 兵作亂,誣奏延策與之同謀,父子俱戮於汴,聞者寃之。 爲賓職,及佐行珪,覩其貪猥,因強諫之,行珪不從。 行理性貪鄙,短於爲政,在安州日,行事多不法。 後延策因入奏,獻封章於闕下,事有三 請於山林要害置軍鎭,以絕寇盜; 副使范延策者,幽州人也,性剛直,累 未幾,行珪以疾卒。 行珪聞之, 深銜之。 韶贈太尉。永樂 後因戍

六十。 定魏 一多事 張廷裕,代北人也。 補 , 廷裕無控制之術, 天雄軍左廂馬步都虞候, 幼事武皇於雲中,從平黃巢,討王行瑜,自行間漸升爲 邊鄙常聳。 歷蔚、 天成三年, 卒於治所。 慈、隰三州刺史。 同光三年, 韶贈太保。 除新州 永樂大典卷五千三百 小將。 節度使。 莊宗

火考異) Щ, 故 思同 思同以部下兵歸太原,時年十六,武皇命爲飛騰指 王 初事仁恭爲帳下軍 同 飛騰指揮使, 幽州 人也 疑有姓設。 父敬柔, 校。 考册府元龝亦作「飛騰」,今無可復考, 案: 歐陽史作銀胡裝指揮使。(舊五代史考異) 歷臟、平、临、極、營五州刺史。 揮使。 姑仍其舊。(影庫本粘籤) 案:歐陽史作飛勝指揮使(E)。(舊五 思同词 會劉守光攻仁恭於大安 母即劉仁恭之女也 從莊宗平定 (代

同光 內養 軍 料 ·時,素知之, 東,累典諸軍 伊 朝, 思同 呂知柔侍 直 擬 位 性 衝 iE. |疏俊,粗有文,性喜爲詩什,與人唱和,自稱||薊門戰客。 霄漢,賴有青天壓着頭。」 | 鄭州 即位 興聖宮,頗用事,思同不平之。 刺史。 後,用爲 案 : 同州節度使、未幾、移鎮隴右 歐陽史作以功遷神武十軍都指揮使,累遷鄭州防禦使。(舊五代史考異) 其所 爲詩句,皆此類也。 呂爲 |終南山詩(臣),末句有「頭」字,思同和 每從征,必在興聖帳下,然 魏王繼岌待之若子。

時

正。(影 同不管事,豈及此耶! 臣 設 興 元 思同 法 庫本 年,入朝, 招 ~粘籤) 懷,沿邊置 好文士,無賢不肖,必館接賄遺,嚴 飲食之界上, 見於中興殿。 | 寨四十餘所, 一」時兩川叛,欲用之,且留左右,故授右武衞將 令納器械。」 明宗問 控 其要害。 秦州 因手 邊事,對曰:「秦州 養數 指畫秦州山 每: 番人 互 一萬。 市、 在秦州累年,邊民 Ш 要害控扼 Ħ. 興 市, 、吐蕃接境, 原本作「五市」, 軍 八月,授西南面行 明宗曰:「人言 懷惠,華戎寧息。 蕃部 今據册府元龜 多違法度。 思

關 思同 步都虞侯。 ·特勇先入劍門(+),大軍未相繼,復被董璋兵逐出之。 九月,遷京兆尹〔云〕、西京留守。 伐蜀之役,爲先鋒指揮使。 及敬塘班師, 思同以曾獲劍 石敬瑭人大散

勢,即乘間 門之功,移鎭 用 軍,事未行而董璋敗。八月,復爲京兆尹兼西京留守。 Ш 南 西道。三年,兩川交兵,明宗慮倂在一人,則 朝 廷難制,密詔思同相度形

營於扶風 吏朱 忽焉 政, 温 士,共濟急難。」乃令小伶安十十以五弦妓見思同(云),因歡諷 請使於雍 ,拘送昭 屬先帝疾篤,謀害秦王,迎立嗣君,自擅權柄,以致殘害骨肉, 延 墜地,故誓心入朝,以除君側,事濟之後,謝病歸藩。 時 义以書檄起兵。 潞王鎭鳳翔,與之鄰境,及潞王不稟朝旨,致書於秦、涇、雍、梁、邠諸帥,言:「賊臣亂 一、若不 赴 闕。 從命,即獨圖之。 時思同已遣其子入朝言事,朝廷嘉之,乃以思同爲鳳翔行營都部署,起軍 會副部署藥彥稠至,方宴,而妓、使適至,乃案之於獄。 又令推官郝昭、 案:歐陽史作郝詡,通鑑從歐陽史 (舊五代史考異) 府 然藩邸 動。 素貧, 搖動 又令軍校宋審温 潘 兵力俱困, 欲希國 Ьi 懼先人基業, 彦 稠 清誅審 者(九),

然死 性褊,詰旦,西南用 力禦扞,外兵傷夷者十二三。 三月十 四日 與張 虔釗 軍,與都監皆血刃以督軍士,軍士齊詬, 會於岐下,梯衝 + 六日 ,復進攻其城,潞王 一大集。 十五. 日, 進收束 登陴泣諭 反攻歧釗, 西陽城,城中戰備不完, 於外, 虔釗躍馬避之。 聞者悲之。

唐

書

張從賓、邠州 時 曰:「西城軍已入城受賞矣,軍士可解甲. 羽林指揮使楊思權引軍自西門先入,思同未之知,猶督士登城。 康福、河中安彦威皆遁去。十七日,思同與藥彥稠、萇從諫俱至長安日了,劉遂 1 !」棄仗之聲,振動天地(10)。 俄而嚴衛指揮使尹暉呼 日 午, 涇州

劉延朗 雅閉關 之過。 潞王怒延朗,累日嗟惜之。 王爲之改容,徐謂之曰:「且憩歇。」 附 同曰:「臣起自行間,受先朝爵命,秉旄仗鉞,累歷重藩,終無顯效以答殊遇。臣非不知攀龍 奉,亦可嘉也。」 可行迓之於路,達予撫慰之意。」思同至,潞王讓之曰:「賊臣傾我國家,殘害骨肉,非予弟 「思同 鳳則 二十二日,潞王至昭應,前鋒執思同來獻。王謂左右日,「思同計乖於事,然盡心於所 不可留,盧失士心」。又,潞王入長安時,尹暉盡得思同家財及諸妓女,故尤惡思同,與 福 亟言之。 我起兵岐山、蓋誅一二賊臣耳、爾何首鼠兩端、多方悞我、今日之罪、其可逃乎」」思 不內,乃奔潼關 多,扶衰 顧謂趙守鈞日: 屬王醉,不待報,殺思同幷其子德勝。 数弱 則禍速,但恐瞑目之後,無面見先帝。釁鼓膏原,縲囚之常分也。」潞 及漢高祖卽位,詔贈侍中。 趙守鈞、原本作「字鈞」、今從通鑑改正。(影庫本粘籤)「思同爾之故人、 潞王欲用之,而楊思權之徒恥見其面,屢啓劉延朗, 潞王 永樂大典卷六千六百七十一。 醒, 召思同, 左右報已誅之矣。

中走鹿,轉指揮使。佐周德威攻燕軍於涿州,擒燕將郭在鈞。從莊宗定魏博,改突騎指揮 射, 嘗於山墅射獵,莊宗鎭太原時,遇之於野,訊其姓名,即補右番廳直軍使。 索自通,字得之,太原淸源人也。父繼昭,以自通貴,授國子監祭酒致仕。 後因從獵,射 自通少能騎

出爲大同軍節度使,累歲移鎮忠武,改京兆尹、西京留守。楊彥温據河中作亂,自通率師討 使。明宗卽位,自隨駕左右廂馬軍都指揮授忻州刺史。歲餘召還,復典禁兵,領韶州刺史,

平之,授河中節度使,尋自鄜州入爲右龍武統軍。 初,自通既平楊彦温,楊彦溫,原本作「楊彦

通鑑:自通至鎮,承安重誨指,籍軍府甲仗數上之,以爲從珂私造,賴王德妃居中保護,從珂由是得免。(舊五代史考異) 溫」,考通鑑、歐陽史俱作楊彥溫,今改正。(影庫本粘籤)代末帝鎭河中,臨事失於周旋,末帝深銜之。

案

及末帝卽位,自通憂悸求死。清泰元年七月,因朝退涉洛,自溺而卒。

子萬進,周顯德中,歷任方鎭。永樂大典卷一萬八千一百二十九。

校勘記

- 以功 銀槍效節軍 授檢校司空 「軍」字原無,據永樂大典(膠卷)卷六八五〇、冊府卷三九六補。 「授」字原無,據殿本補
- 3 賀璬解圍 而 去 「圍」字原無,據永樂大典(膠卷)卷六八五〇、冊府卷四一

唐

四 +

校

勘

記

四補。

殿本作「賀褒

解軍去」。

飛勝指揮使 原作「飛騰都揮使」,據歐陽史卷三三王思同傳改。

(E) 終南山 原作「中南山」,據殿本、劉本、永樂大典(膠卷)卷六八五〇改。

(4) 遷京兆尹 「遷」字原無,據殿本、劉本補。

(七) 劍門 原作「劍關」,據冊府卷一三四、通鑑卷二七七改。

(公) 小伶安十十以五弦妓見思同 代史考異云:「案:歐陽史作『遺伶奴安十十以五絃謁思同』。」影庫本粘籤云:「歐陽史作『潞王五 歐、薜二史語有繁簡,各自成文也,今附識于此。」案:「技」,永樂大典(膠卷)卷六八五○作「妓」。 弦妓見思同』,原本『技』字疑誤,據薛史上文有『小伶女十人』,則下文不應復稱爲『五弦妓』,蓋 原作「小伶女十人以五弦技見思同」,據冊府卷六八六改。

(元) 又令軍校宋審溫者 「命」字原無,據無府卷三七四補。

8 軍士可解甲棄仗之聲振動天地 呼曰:『城西軍已入城受賞矣,何用戰邪!』軍士解甲棄仗之聲,振動天地、」 殿本、劉本、殘宋本冊府卷三七四同。明本冊府此處作「尹暉

萇從諫 劉本、殘宋本冊府卷三七四同。殿本、明本冊府作甚從簡。本書卷九四有甚從簡傳。

售五代史卷六十六

唐書四十二

列傳第十八

没。 俄遷左領軍衞大將軍充職。 凡十餘年,委信無間,勤勞亦至,洎鄴城之變,佐命之功,獨居其右。 引薛史一條,排比先後,以存梗概。(影庫本粘籤)其先本北部豪長。 父福遷,爲河東將〔1〕,救兗、鄆而 通鑑注引薛史。 安重酶, 安重海傳,永樂大典全篇已佚,今就其散見各韻者共得五條,册府元龜所引薛史共得三條,通鑑注所 重誨自明宗龍潛時得給事左右,及鎭邢州,以重誨爲中門使,隨從征討, 册府元雖卷三百九。 案"以下有關文。(殿本)明宗遣回鶻侯三馳傳至 明宗踐祚, 領樞密使,

唐書四十二 列傳第十八

幸汴州,重誨建議欲因以伐吳,

而明宗難之。

怒,械知章至京師,將殺之,

其國,侯三至醴泉縣,縣素僻,無驛馬,其令劉知章出獵,不時給馬,侯三遽以聞。

賴重誨從容爲言,乃得不死。

其後,戶部尚書李鳞得吳諜者言。「徐知誥欲

永樂大典卷一萬一千六百五十四。

明宗

明宗大

奉 吳國以 稱 三藩,願得安公一言以爲信。」鳞即引誤者見重 海。 重酶 大喜, 以爲然, 乃以王帶 與

諜者,使遺知誥爲信,其直千緡。 永樂大典一萬五千五 百三十。

揚言 馮道言 家屬 貴 弟牧鄭州 已, 離間 宸衷, 漢瓊奏曰:「此斷自宸旨, 重 之曰:「有 示 明宗怒, 重海 保 陛 于衆云: 曰:「聞卿 可言, 重 必是奸 朗 下 施 三上 爲樞 勳舊 ,子鎭懷、孟,身爲中令,任過其才,議者謂 人告安重 今將統軍征淮南。」時有軍將密以是聞, 家屬, 諸 謂 表 人結構,臣願陛下窮詰所言者。」翌日, 密使, 樹 案 : 人苟 日 乞解機 原本作「家沒」,今據文改正。(影庫本粘籤) 心腹,私市兵仗,欲自討淮南,有之否。」重海惶恐,奏曰:「 且 が放 歐陽史作樞密承旨李虔徽語其客邊彥溫云〔三〕。 '惜安令公, 誨 重 四五年間,獨綰大任,臧否自若, 海事 私置兵仗,將不利於社稷,其若之何?」從進等奏曰:「此是奸 卵出 務,詔一 然重臣不可輕議移改。」由是兼命范延光爲樞密使,重酶如故。泳樂 陛下三十年,從微至著, 不 解樞 龙。 自有人! 務爲 復 面 便。」 奏:「乞與臣一鎮,以息謗議。」明宗不悅,重誨奏不 卽 趙 令武 鳳 曰:「大臣豈可 德使孟漢瓊至中書, 必無此事。」帝意 無不盡心, 帝召侍衞指揮使安從進、藥彥稠 必有覆餗之禍 頗駭 環衞 所載 上聽。 酋長、 異詞。(舊五代史考異) 今日何苦乃圖不軌 輕動,公失言也。」道等因附 册府元龜 貴戚、 乃解。 無 何, 與宰臣商 卷九百 近肾, 有 永樂大典 興 四十二。 吏 無敢干 聞 師 人李虔徽 量重詢 命 相 卷四百六十 將 明宗 者言其 臣等以 等, 政者。 一, 出 謂 弟 自

大典卷一萬一百一十三。

來。 子崇贊 器 數百 其故,勿過相 納,重酶懼,急騎 孟 百姓苦之。 石 敢 故里」,今以文義求之,「里」字當係衍文,今刪去。(影庫本粘籤) 重誨 遊瓊自 敬 敬 ,輒懷異志,遽勞朝廷興 旣 里 瑭 時 吾但以 事尤謹。 、崇緒 ,西諸侯聞之,莫不惶駭。 領 辭,弘昭遣人具奏:「重誨怨望出惡言,不可令至行營, 以 東川 王師 西迴,亦奏重誨 永樂大典卷一萬八千一百二十九。 走歸 ·愍。」中使曰:「人言令公據城異志矣。」 重酶 死報國家,餘復何言 伐蜀,峽路艱阻,糧運不繼,明宗憂之,而重誨請行。 帥董璋恃險難制,乃以武虔裕爲綿州刺史,董璋益懷疑忌,遂繁虔裕以叛。及 重海坐中言及:「昨有人讒搆,幾不保全,賴聖上保鑒, 奔程,未至京師,制授河中帥。 河中。 師,增聖上宵旰,則僕之罪 二子初至,重誨駭然曰:「渠安得來? 過惡(三)。 所在 !」翌日,中使 重誨 ·錢帛糧料,星夜輦運,人乘斃踣於山路者不可勝紀, 重誨至 鳳翔, 節度使朱弘昭延于寢室, 令妻子奉食 已至三泉, 旣至鎭,心不自安, 至, 重誨 更萬萬矣。」 復令歸闕。 見重誨, 號泣久之。 百。「吾 曰:「吾一 知之矣, 恐奪石敬瑭兵柄。」而宣徽使 」家人欲問故, 再過鳳翔, 死未塞責, 翌日,領數騎而 遂請致仕。 苟獲全族。」因泣下。 此非渠意,是他人教 重 海日:「公但言 朱弘昭拒而 已負君親,安 原本作「家人欲問 制 初 出,日馳 下,其 不

時遣 翟 光鄴使河中, 如察重誨有異志,則誅之。 既至,李從璋自率甲士圍其第,仍拜重

唐

書

四

+

列傳

第十八

請,知祥! 案:明宗實錄是清泰帝朝修撰,潞王卽清泰帝也。 密,將 於河中私第,從璋奮檛擊重誨於地, 供,今采册府元龜補之, 輔國之遠圖 數千緡,議者以 誨 血 日:「令公死亦 于其庭 流 謂 盈庭。 天地間未有此,誰知只銷此百金耶,亦不足畏也。」遂守險拒命。 日:「吾知之矣。」 了,而悉自恣胸襟, 翌日, 重 海 不遲,太傅 重海 下階迎 副 以存大概 因使密以 使判官白從璋, 有經綸社 拜曰:「太傅過禮。」 ?何遽 重誨曰…「某死無恨,但恨不與官家誅得 金百兩爲路, 果貽顚覆。 稷之大功,然志大才短,不能迴 如 五代史補: 此 I 願以 」井擊重誨妻首碎, 重調喜 史臣避諱,不敢直書。 初, 一衣服覆其屍,堅請方許。 册府元稹卷九百四十二。 而 知祥將據蜀 **俛首方拜**, 爲敷奏, 詔許之。 也, 嗚呼,重點之志節泯矣! 且上 從璋以檛擊其首 潞王, 並剝其衣服, 五代史闕文: 及家屬至, 表乞般家屬。 避權寵, 他日必爲朝廷之患。」 案 : 及從璋 知祥對僚吏笑曰:「天下 安重誨傳, 明宗令翟光鄴、李從璋 時樞密使安重酶 親禮士大夫, 夫 疏 妻裸形踣 其妻驚走抱之, 重海家財,不及 泳樂大典中全篇已 言終而 用 于 求周身 絕。 事, 廊下, 聞知樞 誅 重海 拒 臣謹 其

成 明宗親祀南郊,弘昭爲大內留守,加檢校太傅,出鎭鳳翔。 元年,爲文思使,歷東川副使,二年餘,除左衞大將軍,充內客省使。 功,安重誨自請西行。 朱弘昭,太原人也。祖政,父叔宗,皆爲本府牙將。 至鳳翔,弘昭迎謁馬首,請館於府署, 弘昭事明宗、在藩方爲典客。 會朝廷命石敬瑭帥師伐蜀,久未 妻子羅拜,捧巵爲壽。 三年, 轉宣 徽 南 院使。 天成 弘昭

其言大懼,即日燒營遁還。 重酶聞之,不敢西行,案歐陽史: 敬瑭以糧餉不繼,遽燒營還軍,重誨亦以被 合」,今據文改正。(影庫本粘籤)則不戰而自潰也。可速拒之,必不敢前,則師徒萬全也。」敬瑭聞 密遣人謂敬瑭曰:「安公親來勞軍,觀其舉措孟浪,儻令得至,恐士心迎合, 魏召還。(舊五代史考異)因反旆東還。復過鳳翔,弘昭拒而不納。及重誨得罪,其年弘昭入朝, 迎合, 原本作「逆

授左武衞上將軍,充宣徽南院使。

召弘昭於襄陽,代爲樞密使,加同平章事。十月,范延光出鎭常山,以三司使馮贇與弘昭對 臣皆懼,謀出避之。 掌樞務, 妻興平公主入言於中,延光亦因孟漢瓊、王淑妃進說,故皆得免。 未幾,趙延壽出鎮汴州, 長 興三年十二月,代康義誠爲襄州節度使。四年,秦王從榮爲元帥,屢宣惡言,執政大 馬寶、原本作「爲贇」、今從通鑑改正。(影庫本粘籤)與康義誠、孟漢瓊同謀以殺秦王。 樞密使范延光、趙延壽日夕更見,涕泣求去,明宗怒而不許。延壽使其

耶! 時將軍穆延輝在弘昭第,曰:「急召,罪我也,其如之何?吾兒婦,君之女也,可速迎歸,無令 中書令。 」乃自投於井。 。」中使繼至,

弘昭援劍大哭,至後庭欲自裁,家人力止之。 関帝 素猜忌潞王,致其釁隙,以致禍敗。 即位,弘昭以爲由己得立,故於庶事高下在心,及赦後覃恩,弘昭首自平章事超加 安從進旣殺馮贇,斷弘昭首,俱傳於陝州。 潞王至陝,閔帝懼,欲奔,馳手詔召弘昭圖之。 使促之急,弘昭曰:「窮至此 及漢高祖卽位,贈尚書令。

唐

四十二

列傳

第十八

八七七

永樂大典卷二千三十二。

軍 自 康 密使,勢燄尤甚,洪實以宗兄事之,意頗相協。弘昭將殺秦王,以謀告之,洪實不以爲辭。時 義誠以其子事於秦府,故恆持兩端。及秦王兵扣端門,洪實爲孟漢瓊所使,率先領騎軍 都指揮使。 朱洪實, 秦王爲元帥,以洪實驍果,尤寵待之,歲時曲遺,頗厚於諸將。 案:歐陽史作朱宏實。(舊五代史考異) 不知何許人。以武勇累歷軍校, 及朱弘昭爲樞 長興中, 為馬

稒 怒曰:「若如此言,洪實反也。」洪實曰:「公自反,誰反! 云 征, 小 而 義誠果以禁軍迎降潞王,故洪實之死,後人皆以爲寬。 理前謀,又曰:「義誠言臣圖反,據發兵計,義誠反必矣。」閔帝不能明辨,遂命誅洪實。 左 蚵,無一人一騎來者。 洪實見軍士無屬志,而義誠盡將以西,疑其二心。(舊五代史考異)洪實言:「出軍討逆,累發兵師,今聞 掖門出逐秦王,自是義誠陰銜之。陰衡,原本作「陰衞」,今據文改正。(影庫本粘籤) 閔帝幸左藏 閔帝嗣位,洪實自恃領軍之功,義誠每言,不爲之下。應順元年三月辛酉,義誠將出 庫, 親給軍士錢帛。 不如以禁軍據門自固,彼安敢徑來,然後徐圖進取,全策也。」義誠 是時,義誠與洪實同於庫中面論用兵利害,案歐陽史 」其聲漸厲。 永樂大典卷二千三十二。 帝聞,召而訊之,洪實

案玉堂閒 康。 使, 領 言 慮 本 軍 江 社 鎭邠州 別詰其鄉土、親 曲 西節 稷 都指揮使。 康 是 活 以后,不思戰士勞苦,荒躭禽色,溺於酒樂。今從衆則有歸,守節 義 一委之心膂。 云:長興 度使。 一誠,字信臣,代北三部落人也。 刺史。 中,侍衞 族、息嗣,方知是父,遂相持而 同光 車駕歸洛,授侍衞馬步軍都指揮使、 案 : 明宗即 歐陽史作汾州。(舊五代史考異) 末,從明宗討鄴城,軍亂,迫明宗爲主,明宗不然。 使康義誠,常軍中差人于私宅充院子,亦曾小有笞責。忽 位, 加檢校 立,聞者莫不驚異。(舊五代史考異) 行空, 少以騎射事武皇,從莊宗入魏博, 領富州 明宗幸汴,平朱守殷, 河陽節 刺 史, 總突騎 度使。 日 如 改侍 **憐其老而詢其姓氏**, 長 故。 興末, 義滅 則將 衞馬 尋 補 轉捧聖都指揮 死。」明宗納 進日:「主上不 突騎 加同 軍都指 使, 平章事 則曰:「姓 揮 累遷 使, 其

明辨,而誅洪實。 送 尉 元龜改正。(影庫本粘籤) 乃令其子以弓馬 云 降於潞王 (图):「僕爲 侍中,判六 為天下 一求冤 將校,不敢預議,但相 事 也。 軍諸衞事。未幾,鳳翔變起,西軍不利,義誠懼,乃請行,蓋欲盡率駕下諸 兵馬元 及養誠率軍至新安,諸軍爭先趨陝,解甲迎降,養誠以部下數十人見潞王 義誠 秦王以自結。 會與朱洪實議事 帥,氣焰燻灼,大臣皆懼,求爲外任。 曲意承奉, 明宗 公所使耳。」及秦王旣誅,明宗宴駕,閔帝卽位,加檢校太 亦非真誠 不叶,洪實因厲聲言義誠苞藏之志,閔帝 不豫,秦王諷義誠爲助,諷義誠,原本作「捧義誠」,今據册府 及朱 弘昭、馮贇等懼禍 義誠以明宗委遇, ,謀於義誠, 曖昧, 無以解退, 義誠 不能 但

唐

74

+

列

傳

第十

ス

請罪,潞王雖罪其奸回,未欲行法。 清泰元年四月,斬於興教門外,夷其族。 永樂大典卷一萬八

沿流 火考異) 財,盡獲迴鶻所貢馳馬、寶玉,擒首領而還。尋授邠州節度使。遣會兵制置鹽州,蕃戎逃 並 夏州,累月不克,兵罷歸鎭。 遁,獲陷蕃士庶千餘人,遣復鄉里。 受詔與延州節度使,案:原本有闕文,歐陽史作靈武康福。 指揮使楊彥温作亂,彥稠改侍衞步軍都指揮使,充河中副招討使, 河陽馬步都將。從王晏球討王都於定州,平之,領壽州節度使、侍衞步軍都虞候。 一制贈侍中。 而遁,爲軍士所擒而獻之。 藥彥稠,沙陀三部落人。幼以騎射事明宗,累遷至列校。明宗踐阼,領澄州刺史(至)、 將兵討平之。 永樂大典卷一萬八千一百二十九。 無幾,党項劫迴鶻入朝使,詔彥稠屯朔方,就討党項之叛命者,搜索盜 閔帝嗣位,與王思同攻鳳翔,爲副招討使。禁軍之潰,彥稠欲 時末帝已至華州,令拘於獄,誅之。漢高祖卽位,與王思同 案: 歐陽史作招討使。(舊五代 屬河中 進攻

連殿大藩,遷爲都押衙,都押衙,原本作「挾衙」,考契丹國志云:「宋王舊押衙宋令詢聞變,自經卒。」原本「挾」字 宋令詢,不知何許人也。 閔帝在藩時,補爲客將。 知書樂善,動皆由禮。 長興中, 閔帝

係傳寫之訛,今改正。(影庫本粘籤)參輔開政,甚有時譽,閔帝深委之。及閔帝嗣位,朱、馮用事,不 欲閔帝之舊臣在於左右, 乃出爲磁州刺史。 閔帝蒙塵於衛, **令詢日令人奔問。及聞帝遇**

害,大慟半日,且經而卒。

永樂大典卷一萬三千四十四。

以茲隕命,足以垂名Cko。 不能 也。 任、秉大政者,莫不卑以自牧,推之不有,廓自公之道,絕利己之欲,然後能保其身而脫其禍 而重誨何人,安所逃死,古語云:「無爲權首,反受其咎。」重誨之謂歟! 衛社稷、謀不能安國家、相踵而亡,又誰咎也。 史臣曰: 夫代大匠斲者, 猶傷其手, 況代天子執賞罰之柄者乎! 是以古之賢人, 當大 泳樂大典卷一萬三千四十四。 唯令詢感故君之舊恩,由大慟而自絕, 自弘昭而下,力

校勘記

- 爲河 東將 「爲」原作「於」,據殿本、劉本、通鑑卷二六九胡注
- 李虔徽 原作「李虔微」,據殿本、劉本、歐陽史卷二四安重誨傳改。

補。

3 義 亦奏重 誠 但云 誨 過惡 義 一說」二字原無,據冊府卷四四六補。 「重誨過惡」四字原無,據殿 本

唐

四

+

__

校

勘

記

(主) 澄州 殿本、劉本、殘宋本冊府卷三六〇同,明本冊府作鄧州。

(大) 足以垂名

「足」原作「定」,據殿本、劉本改。影庫本批校云:「足以垂名,『足』訛『定』。」

舊五代 史卷六十七

唐書四十三

列傳第十九

記之譽。因牡丹會賦詩,諷處直以桑柘爲意,言甚古雅,漸加器仰,轉節度判官。 廊、延,轉入中山,王處直禮之,圧處直,原本作「處眞」,今據新唐書改正。(影庫本粘籤)辟于幕下,有奏 無法,獨請謁見處直,處直慮布政有缺,有所規諫,斂板出迎,乃爲嬖人祈軍職矣。 豆盧革,祖籍,同州刺史。父瓚,舒州刺史。 宣和書譜云:失其世系。(殿本) 革少值亂離,避地 而理家

怨歸於革。又革、說之子俱授拾遺〔〕,父子同官,爲人所刺,遂改授員外郎。 革請說之子濤 色。莊宗初定汴、洛,革引薦韋說,冀諳事體,與己同功。 章事。及登廊廟,事多錯亂,至于官階擬議,前後倒置,屢爲省郎蕭希甫駮正,革改之,無難 天祐末,莊宗將卽位,講求輔相,盧質以名家子舉之,徵拜行臺左丞相。 說既登庸,復事流品,舉止輕脫, 同光初,拜平

唐書四十三

列傳第十九

不以進賢勸能爲務,唯事修鍊,求長生之術,嘗服丹砂,嘔血數日,垂死而愈。 弘文館學士,說請革之子昇爲集賢學士,交易市恩,有同市井,識者醜之。革自作相之後,

肉 脱等, 也。 發遣。」 寸, 綱。 權, 刺史,仍令所在馳驛發遣。 **冒**元亨上第,疑有舛誤。 友促 並 未塞非尤。 革嘗阻之,遂上疏論革與說苟且自容, 便 放 令入朝。 敍蔭貪榮, 側 天 身爲輔相,手 私 逐 尋貶陵州長流百姓,委長東常知所在。 成初,將葬莊宗,以革爲山陵使。 目者聞之,思有所中。 俸祿, 便三 安重誨對衆辱之曰:「山陵使名銜尚在,不候新命,便履公朝,意謂邊人可欺 革可責授費州 文武百辟皆從五月起支, 父子二人偏自正 亂兒孫於昭穆; 握權衡, 考册府元龜所引薛史與永樂大典同。 後鄭珏、任圜等連上三章,請不行後命,乃下制曰:「豆盧革、韋 或端坐稱臣, 司 所中,原本作「所衆」,今據文改正。(影庫本粘籤)、初,蕭希甫有正諫之 戶參軍,說 賣官潤 及木主歸廟,不出私第,專候旄鉞,數日無耗,爲親 屋, 或半笑奏事,於君無禮, 闻 換令錄之身名。 致君無狀。 夷州 天成二年夏,詔令逐處刺史監賜自盡 今無可復考, 姑仍其舊。(影庫本粘籤) 可戶參軍 復誣其縱田客殺人, 初給遣。 -,皆員 醜行 疊彰, 、外置同正 舉世寧容。 說則自居重位, 羣情共怒, 員,並所 冒元亨上第。 遂貶為辰州 革則暫委利 在 雖 全紊 | 脚驛 居牧

子昇,官至檢校正郎,服金紫、尋亦削奪。 泳樂大典卷二千二百一十四。 案寶眞齋法書贊載豆

盧革田園帖云(三):大德欲娶一居處,幾甸間舊無田園,鄜州雖有三兩處莊子,綠百姓租佃多年,累有令公大王書請,卻

王,即革所謂「令公大王」者。 官故梁授,唐命維新,而顓面正朝者,不能致褫斃之誅,而反竊貢秉旄之佞,唐之不競,有自 給還人戶,蓋不欲侵奪疲民,兼處無知之輩,妄有影庇包役云云。岳珂曰:此帖乃與僧往還書,其畏強審選罪署,蓋慄慄焉 冰,然其後卒以故縱田客貶夜郎,正坐所畏,信乎亂邦之不可居也。是時據鄅乃高萬興,官檢校太師、中書令,封北平

來矣。(舊五代史考異)

初,或有言于崇韜,銓選踰濫,選人或取他人出身銜,或取父兄資緒,與令史襄橐罔冒, 說性謹重,奉職常不造事端。 章說, 福建觀察使岫之子也。 時郭崇韜秉政、說等承順而已、政事得失、無所措言。 案:以下疑有關文。莊宗定汴、洛,說與趙光胤同制拜平章

崇韜同列,不能執而止之,頗遭物議。 不開故實,塞仕進之門,非獎善之道。」疏下中書,說等覆奏,深詆崇韜,識者非之。又有王 罪,說懼流言所鍾,乃令門人左拾遺王松、吏部員外郎李慎義等上疏,云:「崇韜往日專權, 選人號哭都門之外。議者亦以爲積弊累年,一旦澄汰太細,懼失維新含垢之意。 崇韜乃條奏其事。 其後郊天,行事官數千人,多有告勅偽濫,因定去留,塗毁告身者甚衆, 說之親黨告之,說曰:「此郭漢子之意也。」及崇韜得 時說與郭

及明宗即

修者,能以多岐取事,納賂於說,說以其名犯祖諱,遂改之爲「操」,擬官于近甸。

74

+ =

列

傳第十九

外。 位, 說常慮身危,每求庇于任圜,常保護之。 鄰人訟之,爲希甫疏論,以爲井有貨財,及案之本人,惟稱有破釜一所,反招處妄 說居有井, 昔與鄰家共之, 因嫌鄙雜, 築垣于 初

貶敍州

刺史(图),尋責授夷州司戶參軍

子濤,晉天福 許之:「如能得三州,俾爲屬郡。」西川既定,季興無尺寸之功。 戮之稽 之土疆,開 朝廷不得已而與之。革、說方在中書,亦預其議,及季興占據,獨歸其罪,流于合州。 復要害, 本作「白州」,今據五代春秋改正。(影庫本粘籤)明年夏,詔曰:「陵州、合州長流百姓豆盧革、韋說,頃 地 在. 連巴蜀 上 朝,擢居重任,欺公害物,黷貨賣官。 初 時,處忠良于 ,說在江陵,與高季興相知,及入中書,亦常通信幣。 高 ,路扼荆蠻,接皇都弭難之初(至),徇逆帥僭求之勢,罔予視聽,率意割移。將千里 初,爲尚書膳部員外郎,卒。(殿本) 季 通 狡 興 穴; 尚固窠巢,增吾旰食之憂,職爾朋姦之計。 何地? 動兩川之兵賦,禦捍經年。 官令逐處刺 史監賜自盡。」 靜惟肇亂之端,更有難容之事,且變、忠、萬三州, 致股莫遂偃戈,循煩運策。 永樂大典卷一萬七千九百一十。 而又自居貶所,繼出流言。 自討西蜀,季興請攻峽內,莊宗 洎明宗纘承,季興頻請三郡, 近者西方鄴 歐陽史:說 合州,原 苟刑 雖

盧程,唐朝右族。 祖懿,父藴, 案 : 歐陽史作不知其世家何人也,似誤。(舊五代史考異) 歷仕通顯。

唐 書 74 + = 列 傳 第 + 九

程 遊 與革 燕、 爲推官, 趙 復 可或 末登進士第 丽 尋改支使。 皆朝 衣道 族 士服,干 知 ,崔魏公領鹽鐵,署爲巡官。 舊, 程編 謁 因往 淺 藩伯,人未知之。 無 來 他才,惟矜恃門地(云), 依革, 處直禮遇未優, 豆. 盧革客 昭宗遷洛陽,柳璨陷 遊中山 口 故投于太原, 多是非,篤厚君子尤薄之。 依王 一處直, 右族, 汝弼 因 廬 程 爲 汝弼 避 延譽, 地 來 河朔,客 太原。

張 草奏,程 程 抗 曰:「公稱文土, 人皆敬憚。 旣 酒 承業 自陳短拙,及留 失職 辭 初, 避,莊宗 曰:「予今於此會取一 日.日 判官王緘從 私懷 舊例 叨忝 憤惋,謂 曰:「勿謙挹, 即合飛文染翰 支使監 成名,不開筆 職 軍掌文翰,胡柳之役,緘歿於軍 務,又以爲辭,公所 誻 人曰:「主上不 | 廩出 書記云,先以卮酒 無踰 納, 砚 染翰, 於卿 程 由 原本作 訴于承業日:「此 世。 是文翰之選,不及於程。 重 人物, 能 庤 者 「築翰」, 以 何 使 辟之。」 職 也 H •? 列 今據文改正。(影庫本 (中)。 里兒居余上。」先是,莊宗 序遷 一程垂 事 卽 非僕所長, 舉酒 莊宗 泣謝之。 則程當爲書記, 屬 歸 時張承業專制 巡官 寧太原,置 粘 籤) 請擇能者。」 後歷觀察判 馮道, 以 濟 汝弼 道 酒 髇 嘗於帳 以 公宴, 河東留守事 或 亦 所 承業 左. 舉 中召程 嘗 舉酒 右之。 非 命草 化之

性 平章,原本作「平張」, 疏 放 不 願 重位 今據文改正。 ,求留太原, (影庫本粘籤) 乃舉定州 程本非重器, 判 官 豆 廬 革, 驟歷顯位, 次舉程, 舉止不恆。 卽 詔 記 徴 之, 時朝廷草創,庶 並 命爲平章

莊宗

將

卽

位

求

四

鎭

判官

可爲宰輔者。

時盧汝弼、蘇循

相

次淪沒,

當用判官盧質。

於左 程 物 使晉陽宮册皇太后,山路險阻,往 术 備 右,日:「宰相擔子入門。 班 列蕭然,寺署多缺。 」莊宗駭異,登樓視之,笑曰:「所謂似是而非者也。」頃之,遣 程、革受命之日,卽乘肩興,騶導喧沸。 復綿邈,程安坐肩興,所至州縣,驅率丁夫,長吏迎謁, 莊宗聞訶導之聲,詢

拜伏

輿前,少有忤意,因加答辱

婦力耶 怒, 代史考異) 盛 歟 策。] 衆皆縮頸。 身解之, 諫, **東訴云** 謂 請不 及 郭 無例, ! 一程日:「· 逐降爲 崇韜 躬御士 憑其寵 宰相 程怒鞭 曰:「朕誤相 取 右 止於孔子之後, 伍。 戚, 給於府縣,得不 嘗論近世士族,或曰:「員外郎孔明龜,善和宰相之令緒,宣聖之系孫,得非 庶 囚詣 吏背。 子。 豆盧革言及 程。 此 莊宗既定河南、程隨百官從幸洛陽、沿路墜馬,因病風而卒。 時任 癡物,敢辱予 程方衣鶴氅、 盛則吾不 識舊體 関爲 漢高臨廣武 興 ₩ --. 唐 九卿。」促令自 知也[10]。]親黨有假驢 少尹 華陽 関 事〔九〕,矢及於胸,紿云中足。 不言 ,莊宗從姊壻也, r[] 而退,是夜,馳至博平, 憑几 虚 決事、 ,崇韜亦怒, 見関 大於程者, 案 : 祭器 歐陽史誤作莊宗姊婿也。(舊五 事 幾 日:「是何蟲豸,恃 面 程曰:「此劉季失 不 程帖府給之,府 訴 测, 於莊宗。 賴盧質橫 莊宗 贈禮

部尚書。

永樂大典卷二千二百一十二。

表鳳 儒 者患之,多爲僧以避之,鳳亦落髮至太原。 爲 趙 刈判官。 鳳 幽州人也。 永樂大典卷一萬六千四百六十五。 少爲儒。 唐天祐中,燕帥劉守光盡率部內丁夫爲軍伍,而黥其面,爲 案…下有闕文。(殿本) 頃之,從劉守奇奔梁,梁用守奇爲博州刺史, 案歐陽史云:守奇卒,屬去,為鄆州

節度判官。 爲剛州節度判官。

事, 鳳 任其職 失父母,每見老者,思念尊親泣下,以全義 三千四百二十四 自 鳳作牋上全義,定往來儀注。 重 温。旣 海笑而 言皆不見納。 唐 莊宗聞鳳名,得之甚喜,以爲護鑾學士。 而 不責。 時任圜爲宰相、爲安重誨所傾,以至罷 鳳哭謂安重海 及入汴,改授禮部員外郎。 是多,權 案 : **近代**密要作護鑾書制學士。 知貢 日「任 躯。 鳳上書極諫,不納口。 圜 義 士也,肯造逆謀以讎君父乎? ,年德,妾欲父事之,以慰孤 歐陽史云:莊宗即位,拜中書舍人、翰林學士。 莊宗及劉皇后幸張全義第,后奏曰:「妾五六歲 後莊宗卽位,拜鳳中書合人。 相歸 磁州。 天成初,置端明殿學士,鳳與馮道 及朱守殷以汴州 如此濫刑,何以安國 女之心。」莊宗許之,命 叛, 時皇后及羣小用 永樂大典卷一萬 馳 驛賜 俱

牙鎚 汴州事,尋授中書侍郎、平章 鍛 不壞,請試之。」隨斧而碎。 事。 案李之儀姑溪居士集云:鳳為莊宗實錄,將何挺論劉昫疏不載,昫旣相,遂引 時宮中所施已逾數千緡, 聞毀乃止。 及車駕還洛, 留 知

明

年

春,有僧自

西國

取經

回

得佛牙大如拳,褐漬皴裂、進於明宗。

鳳揚言曰:「曾聞佛

睘

,

唐

+

Ξ

列

傳

第 +

九

月卒。 其奏。 播遷,渡河而北,吾輩安坐不赴奔問,于禮可乎。」軍校曰:「唯公所使。」將行,聞閔帝遇弑 陛下家臣,其心終不背主,五年秉權,賢豪俯伏,但不周防,自貽浸潤。」明宗以爲朋黨,不悅 鳳共政事。(舊五代史考異) 嘆曰:「吾家世無五 而 止旨。 重 一誨獲罪,乃出爲邢州節度使。 清泰初, 十者,而復窮賤,吾年已五十,又爲將相,豈有遐壽哉!」淸泰二年三 召還, 長興中,安重誨出鎭河中,人無敢言者,惟鳳極言於上前曰:「重誨是 授太保。 旣而病足,不能朝謁。 及閔帝蒙塵于衞州, 疾篤, 鳳集賓佐軍校, 垂涕曰:「主上 , 自爲蓍筮, 卦成, 投蓍而

卷 萬七千九百一 鳳 性豁達,輕財重義,凡士友以窮厄告者,必傾其資而餉之,人士以此多之也。 + 案 : 趙鳳傳,永樂大典中闕全篇,今存其舊, **永樂大典**

志端 爲 渤海之無棣,以詩書訓 憂服闋,隨計之長安,屬關輔戲離,頻年罷舉,客於蒲、華之間。 人,初名晏平。 莊,風 李愚,字子晦。 .神峻整,非禮不言,行不苟且。 晏平,原本作「晏來」,今據册府元龜改正。(影庫本粘籤)爲文尚氣格, 自稱趙郡平棘西祖之後,家世爲儒。 子孫。 愚童齔時,謹重有異常兒,年長方志學,徧閱經史。 愚 初以與貧,求爲假官,滄州盧彥威署安陵簿。丁 父瞻業,應進士不第, 有韓、柳體。 遇亂, 慕晏嬰之 徙家 厲

辭還山。 順,軍聲一 之事,常痛心切齒,恨不得抽腸蹀血,肆之市朝。明公居近關重鎭,君父幽辱月餘, 致 平泉舊墅 [] ,愚往依焉。 唱義連衡, 衝,位兼將相,自宮闈變故,已涉旬時,若不號令率先,以圖反正,遲疑未決,一朝山東侯伯 泣 逆,而忘勤王之舉,僕所未諭 「外釤」,今從通鑑改正。(影庫本粘籤) 書 一奉迎,累歲供饋,再復朝廟,義感人心,至今歌詠。 於華帥韓建,其略曰:「僕關東一布衣爾,幸讀書爲文,每見君臣父子之際,有傷敎害義 光化 天復初日的,駕在鳳翔,汴軍攻蒲、華,愚避難東歸洛陽。 中,軍容劉季述、王奉先廢昭宗,立裕王,月餘日前,諸侯無奔問者。 振,則元兇破膽,狹旬之間,二豎之首傳於天下,計無便於此者。」建深禮遇之,堅 鼓行而西, 明公求欲自安, 子弟親採梠負薪,以給朝夕,未嘗干人。 也。 雖有權 僕竊計中朝輔弼,雖有志而 而 如何決策 無志。 惟明公忠義,社稷是依。 ! 此必然之勢也。 此時事勢, 無權; 尤異於前, 故少師薛廷珪掌責籍之 時衛公李德裕孫延古在 不如馳檄四方, 外鎭諸侯,外鎭,原本作 往年 愚時在華陰, 車輅播遷,號 明 公地處要 諭以逆 坐視凶

光客於山東。 史魚、蘧瑗之風。召見,嗟賞久之,擢爲左拾遺,俄充崇政院直學士,或預咨謀,而儼然正 梁有禪代之謀,柳璨希旨殺害朝士 [10] 愚以衣冠自相殘害,乃避地河朔,與宗人李延 梁末帝嗣位,雅好儒士,延光素相款奉,得侍講禁中,屢言愚之行高學膽,有

歲,登進士第,又登宏詞科,授河南府參軍,遂卜居洛表白沙之別墅。

唐

書

四

+ =

列傳第

+

九

臣,不 節度使華温 罷 安得 通 謂 曰:「陛下以家人禮兄,振等私臣也。 事 余不 惟愚長揖。 不畏強禦。 含 坐 唇許、 忍加法, 其主 念功臣。 人李霄 置 耶 珙 觀察判官。 愚堅按其罪。 備夫毆僦舍人致死,法司按律,罪在李霄。 在任違法,籍民家財, 末帝讓之曰:「衡王朕之兄,朕猶致拜,崇政使李振等皆拜, 衡王入朝, 」以是忤旨。 爲 爾君者,不亦難乎! 案 衡王,原本作「衞王」,今據歐陽史家人傳改正。(影庫本粘籤) 梁末帝詔曰:「朕若不與鞫窮,謂予不念赤子; 歐陽史作罷為鄧州觀察判官。(蓝五代史考異 |愚 [拾遺再遷膳部員外郞,賜緋,改司勳員外郞,賜紫,至是 其家訟於朝, 臣居朝列,與王無素, 其華温琪所受贓, 制使劾之,伏罪。 愚白:「李霄手不鬬毆,傭 宜官給代還所訟之家。」真明中, 安敢諂事。」其剛毅如此。 梁末帝以先朝草昧之 重臣李振輩皆致 爾何傲耶 若或遂行典憲, 夫致死, ! 」對 晉州

集所引薛史改正。(影庫本粘籤) 厭其主荒恣,倉卒必不爲用。 朝,諸貴見之, 崇闥 都 統 之間 判 初 官 在內 仍帶本 揄揚愚之節概, 職,慈州舉子張礪依焉 禮接 職 加 從 舊, 軍 尋爲 夷齊非餓 及言愚之所 時物議以蜀 主客 宜乘其人二三,風馳電擊,彼必破膽,安能守險。」及前軍至固 郞 (4) 人等篇 中,數月,召爲翰林學士。 險阻 爲文仲尼遇、顏回壽、 貞明中, ,北人望風稱之。 未可 礪自河陽北歸莊宗, 長 驅,郭崇韜 **泊莊宗都** 額。 問 三年, 計 ·壽,原本作「鎖回傷」,今據夏文莊 於 洛陽, 補授太原府掾, 出 魏王 愚, 思 一繼岌 |鄧 征 俾奏章 如聞 蜀 蜀 請 爲

手。 新鷄,原本作「實鶏」,今據通鑑改正。(影庫本粘籤) 陽史:任圓罷相,乃拜愚中書侍郎、同平章事。 於安重酶,請引爲同列,屬孔循 任國罷至此已五年矣,與愚入相年月太遠。 任國罷相,乃拜愚中書侍郎、同平章事,吳縝嘗辨其誤。 郎,充翰林承旨。 收軍食十五萬斛, 今大軍涉險,人心易惑,正可斬之以 圖平,就拜中書舍人。師還,明宗卽位,時西征副招討使任 長興初,除太常卿,屬趙鳳出鎭 崇韜喜, 用事,援引崔協以塞其請。 謂愚曰:「公能料事, 吳縝纂誤云:明宗紀天成二年六月,任圓罷,長興二年,李愚爲平章事。 稱疾乞留在後, 徇。」由是軍人無遲留者。 據薛史, 恩代 題鳳爲相, 邢臺,乃拜中書侍郎、 吾軍濟矣。」 恩厲聲曰:「陳乂見利則 俄以本職權 非繼任圓也。(舊五代史考異) "(殿本) 颲 爲宰相, 是時、 轉集賢殿大學士。 招討判官陳乂至寶雞 、
平章事 知真 軍書羽檄、皆出其 雅相 舉, 欽重,屢言 進, 改兵部侍 懼難則 歐陽史作 案 自

然四壁,病榻弊氊而 秸,使人言之,明宗特賜帷帳茵褥(云)。 然人無唱和者。 愚初不治第,既命爲相,官借延賓館居之。 長 興 季年,秦王恣橫,權要之臣,避禍不暇,邦之存亡,無敢言者。 中使具言其事,帝曰:「宰相月俸幾何?而委頓如此。」詔賜絹百匹、錢百千、帷帳什物一十二事。 後轉門下侍郎,監修國史,兼吏部尚書, 案職官分紀云: 常有疾, 韶近臣宣諭, 延之中堂, 長興四年,愚病,明宗遣中使宣問。 與諸儒修成創業功臣傳三十 愚性剛介, 愚所居寢室,蕭 設席惟筦 往往

所載較

華史爲詳,今錄以

備參考。

唐

書四十三

列

傳第十九

太峻, 心 젟 翁」,今仍其舊。(影庫本粘籤),更之不亦便乎。」則憾其言切,於是每言必相折難,或至 以 愚 恩例 人俱罷相守本官。 私 清泰二年秋,愚已嬰疾,率多請告,累表乞骸,不允,卒於位。永樂大典卷一 調 宰相劉昫與馮道婚嫁,道旣 閔 帝 因曰:「此事賢家翁所爲, 進 同 嗣位 位左僕射。 列曰:「吾君 志修德政,易月之制纔除,便延訪學士讀貞觀政要、太宗實錄,有意於致 案錦繡萬花谷云:愚爲相迂闊, 清泰初,徽陵 延訪,少及吾輩,位高責重,事 出鎮,兩 賢家翁, 心禮畢, 通鑑作「賢親家」, 人在中書,或舊事不 馮道 廢帝謂愚等無 出 鎭 同州, 亦 堪 疑原本有誤。 所事,常目 憂,奈宗社何。」 愚 加特進、太微宮使、弘文館 便要釐革者,對論 爲 粥 然册府元龜所引 飯僧」,以爲飲食終日, 皆惕 萬三百八十九。 一喧呼。 5薛史亦作 息而不 不定。 ·敢言。 無 無 愚性 大學 が所用

圖、回、園、團、冏,風彩俱異,武皇愛之,以宗女妻團「忠,歷代、憲二郡刺史。 李嗣昭典兵於晉陽,與圜遊處甚洽,及鎭澤潞,請爲觀察支使,解褐,賜朱紱。 任: | 圜,京兆三原人。祖淸,成都少尹。 父茂弘, 避地太原,奏授 西河令, 有子五人, 園美姿

力也。 容,有口辯,嗣昭爲 及丁 母憂,莊宗承制起復潞州觀察判官,賜紫 人間構於莊宗,方有微隙,圜奉使往來,常申理之,克成友于之道, 圜之

常山之役,嗣昭爲帥,卒於軍〔10〕, 圜代總其事, 案:歐陽史作嗣昭戰歿,閩代將其事。(舊五代史考

明年,郭崇韜兼鎮,改行軍司馬,充北面水陸轉運使, 爲工部尚書兼眞定尹、眞定,原本作「眞寶」,今據歐陽史改正。(影庫本粘籤) 使乞降。 出,大將孫文進死之,賊逼我軍,圜麾騎士擊之,頗有殺獲。 號令如一,敵人不知。 及城潰,誅元惡之外,官吏咸保其家屬,亦圜所庇護焉。 莊宗聞之,倍加獎賞。 是秋,復以上黨之師攻常山,城中萬人突 仍知府事。 嘗以禍福諭其城中, 鎭人信之, 同光三年, 歸朝, 守工部 北京副留守, 莊宗改鎭州爲北京,以圜 知留守事

尙書。

賜名紹琛,今改正。(影庫本粘籤)非尚書不能制。」即署圜爲招討副使,與都指揮使梁漢顒等率兵 攻延孝於漢州,擒之。旋至渭南,繼岌遇害,圜代總全師,朝於洛陽。 之,圜衣不及帶,遽見繼岌。 孝叛,以勁兵八千迴劫西川。 崇韜伐蜀,奏令從征,西蜀平,署圜黔南節度使,懇辭遂止。 繼岌泣而言曰:「紹琛負恩, 繼岌聞之,夜半命中使李廷安召圜,圜方寢,廷安登其床以告 紹琛,原本作「昭深」,考歐陽史雜傳,康延孝 魏王班師,行及利州,康延 明宗嘉其功,拜平章

所忌。 其虛估,期月之內,府庫充贍,朝廷修葺,軍民咸足。雖憂國如家,而切於功名,故爲安重誨 **圆揀拔賢俊,杜絕倖門,百官俸入爲孔謙減折,園以廷臣爲國家羽儀,故優假班行,禁** 嘗與重誨會於私第,有妓善歌,重誨求之不得,嫌隙自茲而深矣。 先是,使人食券,

唐

四十三

列傳

第十

九

案 : 情不撓。 乃不遵禮分,潛附守殷,緘題罔避於嫌疑,情旨頗彰於怨望。 之,乃下詔曰:「太子少保致仕任圜,早推勳舊,曾委重難,旣退免於劇權,俾優閑於外地,而 沮 弘,是孤 天成二年,除太子少保致仕,出居磁州。 人曰:「妾在長安宮中, 通鑑作館券。(舊五代史考異)皆出於戶部,重海止之,俾須內出,爭於御前, 案通鑑: 典憲,尙全大體,止罪一身。 清泰中, 安重誨與圓爭于上前,往復數四,聲色俱厲。 未嘗見宰相、 制贈太傅。 樞密奏事敢如是者, 歐陽史作愍帝即位 宜令本州於私第賜自盡。」園受命之日,聚族酣飲, 及朱守殷叛,重誨乘間誣其結構,立遣人稱制就害 蓋輕大家耳!」 上退朝,宮人問上:「適與重海論事爲誰? 贈園太傅, 上愈不悅。(舊五代史考異) 薛史作廢帝清泰中, 自收汴壘,備見蹤由, 往復數四 未知孰是。(舊五代 」上曰:「宰相。」宮 因求罷三司。 若務含 竟爲所 神

子徹,仕皇朝,位至度支郎中,卒。 永樂大典卷九千三百五十二。

學之名, 所忌,顧後 史臣 俱 曰:草、說承舊族之胄,佐新造之邦,業雖謝于財成,罪未聞于昭著,而乃爲權臣之 命以 踐 一般原 無逃,靜 之位,校其貞節, 而言之,亦 可憫也。 愚 復優焉 盧程器狹如是,形渥攸宜。 任圜 有縱橫濟物之才, 無明哲保身之道,退 趙 鳳 、李愚,咸以文

猶不免,數可悲哉

永樂大典卷一萬七千九百一十。

(1) 革說之子俱授拾遺 「革」字原無,據冊府卷三三七補。 歐陽史卷二八豆盧革傳作「二人各以

其子爲拾遺」。

(三) 其骨肉並放逐便 「逐」原作「遂」,據殿本、劉本改。影庫本批校云:「放逐便,『逐』訛『遂』。」

(三)寶眞齋法書贊 「眞」原作「晉」,據寶眞齋法書贊改。

(四) 初貶敍州刺史 「敍州」,劉本、彭本同,殿本、通鑑卷二七五作溆州。

(至)接皇都弭難之初 彭本、盧本同。 殿本、劉本作「藉皇都弭難之功」。

(六) 矜恃門地 「矜」原作「務」,據冊府卷九一七改。

(+) 緘歿於軍 「殁」原作「役」,據殿本、劉本改。影庫本批校云:「臧沒於軍,『沒』訛『役』。」

(公) 予今於此會取一書記 「予」原作「子」,據殿本、劉本改。 影庫本批校云:「予於此會,『予』訛

子」。」

(九) 漢高臨廣武事 「臨」字原無,據殿本、冊府卷三三六補。

盛則吾不知也 「吾不」原作「不吾」,據殿本、冊府卷三三六改。

八十字原無,廬本同,據殿本、劉本補。

唐 四 + = 校 勘 記

及入汴……不納

(III) 及閔帝……而止 五十三字原無、據殿本補。

月餘 原作「五月餘」,據冊府卷七六二改。 按通鑑卷二六二,昭宗被廢在光化三年十一月,次

年正 月初復位,其間僅三月。 通鑑記李愚上韓建書事未說明日期,據上下文推之,當在十一月、

十二月間。

天復初 「天復」原作「天福」,據劉本改。 按此記昭宗事,天復爲昭宗年號。

至 李 ,德裕孫 延古 「延古」原作「道古」,據本書卷六〇李敬義傳、舊唐書卷一七四李德裕傳改。

CIO 殺害朝士 「殺」原作「敎」,據劉本改。

全 慈州舉子張礪 「慈州」, 殿本、 彭本同。 劉本、 **珊府卷八四一作磁州。** 按本書卷九八張礪傳:

「張礪,字夢臣,磁州滏陽人」。

읈 明宗特賜帷帳茵褥 「特」原作「時」,據殿本、劉本、彭校改。

云 以宗女妻團 彭本、 删府卷三〇〇、卷八五三同。 殿本團作園。 影庫本批校云:「宗女妻園,

『園』訛『團』。」按本卷上文云任圜爲「莊宗從姊婿」,通鑑卷二七二則謂任團「帝之從姊婿也」,今

各仍其舊。劉本作「園」,誤。

(110) 嗣昭爲帥卒於軍 「卒」字原無,據冊府卷七一七補。

售五代史卷六十八

唐書四十四

列傳第二十

化中,復爲中書舍人,遷刑部、吏部二侍郎,權知禮部買舉,拜尚書左丞。(舊五代史考異)時一柳璨屠害朝士,衣冠 畢罹其毒,廷珪以居常退讓獲全。 登進士第,累歷臺省。 駕在華州,改散騎常侍,尋請致仕,客遊蜀川。 薛廷珪,其先河東人也。父逢,咸通中爲秘書監,以才名著于時。 案舊唐書: 大順初,累遷司勳員外郎、知制語。(舊五代史考異) 案新唐書:朱全忠兼四鎮,廷珪以官告使至汴,客將先見,諷其拜。 昭宗遷洛陽,徵爲禮部侍郎。 乾寧中, 廷珪,中和年在西川 案舊唐書:光 爲中書舍 廷珪 佯

卒。贈右僕射。

所著鳳閣詞書十卷、克家志五卷,並行于世。初,廷珪父逢,著鑿混沌、眞珠

八九九

案通鑑: 廷珪與李琪嘗爲太祖册禮使。(舊五代史考異)

唐

書 四十

四

列

傳

第二十

以廷珪年老,

除太子少師致仕。

不曉,曰:「吾何德,敢受令公拜乎!」及見,卒不肯加禮。(舊五代史考異)入梁爲禮部尙書。

莊宗平定河南

同光三年九月

簾等賦, 一,同爲 珠簾, 一集,故目日克家志。 原本作「殊廉」,今據文苑英華改正。(影庫本粘籤) 永樂大典卷二萬一千三百六十七。 大爲時 人所稱。 廷珪既 亦著賦數

明初 薨、'珝贍速,草制數十,無妨譚笑,而沂自愧。 守道,而文藻非 崔沂, 亦爲宰輔。 案新唐書宰相世系表:"沂字德潤。(舊五代史考異) 優, 沂舉進士第,歷監察、補闕。 嘗與同舍顏薨、錢珝俱秉筆, 翌日,謁國相訴曰:「沂疏淺,不足以供詞翰之 昭宗時, 同舍, 大中時宰相魏公鉉之幼子也。 原本作「周舎」,今據文改正。(影庫本 累遷至員外郎〔〕、知制誥。 兄沆,廣 粘籤)見 性抗 厲

通鑑注 職。」相 時迴 専 命 引 表入,責授彥卿游擊將軍、左衞中郎將。 酮 殺 通 迎,其 乏 事 亦作現, 開 競 理。 輔 舍人趙可 平 律 中, 然之,移爲 ,以怙勢力爲 過 況天 今仍其舊。(影庫本粘籤) 金吾街: 止於鞭笞,摔首 /津橋 封宣 使寇彦卿 諫議大夫。 **窳**,令出 御路之要,正 罪首 7,下手 授軀 入朝,過天津橋,市民 私 入梁,爲御史司 財與死者之家, 以贖其罪。 前導伍伯捽之,投石 者 深深 對端門, 减 乖 朝 等。 沂剛正守法, 人士多之。 憲,請論之以法。」梁祖惜彥卿,令沂以過失論,沂 當車駕出入之途, 非街使震怒之所。 又 憲,糾繆繩違,不避豪右。 爴 毆條,不關故毆 梁現者不時迴避, 欄以致斃。 沂奏劾曰:「彦卿位是人臣,無 彦卿 傷人者,加傷罪一等。 遷左司侍郎, 改太常卿, 自前 梁現,册府元龜作梁觀,考 白於梁祖, 沉梁現不 梁

轉禮部尙書。

墅,時年七十餘。贈太子少傅。泳樂大典卷二千七百四十。 謫石州司馬。明宗卽位,召還,復爲左丞。以衰疾告老,授太子少保致仕。卒於龍門之別 事、守太尉、中書令、魏王,名位之重,冠絕中外。 | 沂至府,客將自以副留守合行廷禮,| 沂曰: 曰:「彼此有禮,俱老矣,勿相勞煩。」莊宗興復唐室,復用爲左丞,判吏部尙書銓選司,坐累 「張公官位至重,然尙帶府尹之名,不知副留守見尹之儀何如?」全義知之,遽引見沂,勞 貞明中,帶本官充西京副留守。時張全義留守、天下兵馬副元帥、河南尹、判六軍諸衞

正。(影庫本粘籤)崇魯、崇譽。崇龜,乾寧中廣南節度使,崇望,乾寧中宰相;崇魯、崇譽、崇 夷並歷朝省 弟崇夷、崇龜、崇望、崇望,原本作「崇梁」,考新、舊唐書及北夢瑣言俱作「崇望」,知原本「梁」字係傳寫之誤,今改 功臣。祖符,蔡州刺史。父珪,洪洞縣令。符有子八人,皆登進士第,珪之母弟瓌、玕,異母 八代祖民部尚書渝國公政會,渝國公,原本作「渝國公」,今據新唐書劉政會傳改正。(影庫本粘籤)武德時 劉岳,字昭輔。其先遼東襄平人,元魏平定遼東,徙家于代,隨孝文遷洛,遂爲洛陽人。

后少孤,亦進士擢第,歷戶部巡官、鄭縣簿、直史館,轉左拾遺、侍御史。 四 + 24 列 傳 第二十 九〇: 梁貞明初,召

書儀 秘書監、太常卿。 例 入翰林爲學士。 貶 均 州 部,文約 司 馬,尋丁 而 岳爲文敏速,尤善談諧,在職累遷戶部侍郎,在翰林十二年。 理當, 卒年五十六。 母憂,許自貶所弈喪,服闋,授太子詹事。 案:歐陽史謂其事出鄙俚,兩史褒貶,微有異同。(舊五代史考異) 今行於世 贈吏部尚書。 岳文學之外,通於典禮。 明宗卽位,歷兵部吏部侍郎、 天成中, 莊宗入汴,隨 奉韶撰新

日、一此 下。 為翰林學 堂下,須臾, **欷歔掩泣**。 教爲己任。 云:晉少帝時,溫叟充翰林學士。 案:岳仕梁已爲翰林學士,宋史作仕後唐,歷內署,微異。(舊五代史考異) 子温叟,仕 汝父長興中入翰林 士,至唐長興中復爲學 溫叟伏 幼孤 聞樂聲, 事 地號慟,退就別 母以孝聞。 至御史中丞。 兩青衣舉箱出庭,奉紫袍兼衣。母命捲簾,見溫叟曰:「此即爾父在禁中日內庫所賜者。」溫叟拜受拉 .時所賜也。自先君子薨背以來,嘗懼家門替墜,今汝能自致靑雲,繼父之職,可服之無愧矣。」因 士,薛史未及詳載。(孔本) 其母甚賢。 初,岳仕後唐, 寢,素衣蔬食,追慕數日, 永樂大典卷九千九十八。 初爲翰林學士, 嘗居內署,至是溫叟復居斯任,時人榮之。 私庭拜母, 然後服之, 案東都事略: 母即命二婢箱擎公服、金帶, 士大夫以爲得禮。(殿本) 案國老談苑云:劉溫叟方正守道,以名 溫叟以父名岳,終身不聽樂。 溫叟旣受命,歸爲母壽,候立 置于階下, 考劉岳在貞明中已 謂溫叟

書(三)、渤海縣男。 封 舜 卿, 案 : 唐書有傳。(舊五代史考異) 仕梁,為禮部侍郎,知貢舉。 原本有闕文。 據新唐書宰相世系表,封氏世居渤海蓚縣。 舜卿,字贊聖。 案太平廣記引王氏見聞錄 **父敖,字碩夫,戶部尙** 云:封舜

以爲座主辱門生。姗飛元龜卷九百三十九。 卿文詞特異,才地兼優。 氏自太和以來,世居兩制,以文筆稱于時。 事。(孔本)開平三年,奉使幽州,以門生鄭致雍從行,復命之日,又與致雍同受命入翰林爲 致雍有俊才,舜卿雖有文辭,才思拙澀,及試五題,不勝困弊,因託致雍秉筆,當時譏者 梁使聘於閩,時岐、梁眦睚,關路不通, 案:以下有闕文。(殿本) 莊宗同光已來,累歷淸顯。 舜卿從子渭,案世系表:渭,字希叟。(舊五代史考異)昭 遂泝漢江而上。考薛史本紀及通鑑俱不載封舜卿使蜀 封

者以翹時推名族,出朝苑,登瑣闈,甚有巖廊之望,而忽有此請,乃近諸妖佞耳,物望由是滅 言,以星辰合度,風雨應時,請御前香一合,帝親爇一炷,餘令於塔廟中焚之,貴表精至。 永樂大典卷六千三十四。 從子翹,於梁貞明中亦爲翰林學士。 案:封舜卿傳,永樂大典中僅存一條,今採册府元龜以存梗概。 **珊府沅龜卷七百七十一。** 天成中,爲給事中,因轉對上 議

宗遷維時,爲翰林學士,舜卿爲中書舍人,叔姪對掌內外制。

之。 遺召入翰林,充學士。 授,其言切直 據梁末帝紀,夢徵貶蓬萊尉。(舊五代史考異) 竇夢徵,同州人。 梁末帝以觸時忌,左授外任。 案:通鑑作棣州人。(舊五代史考異) 少苦心爲文,登進士第,歷校書郎,自拾 梁貞明中,加兩浙錢鏐元帥之命,夢徵以鏐無功於中原,兵柄不宜虛 玉堂閒話:寶以錢公無功于本朝,僻在一方,坐邀恩澤,不稱是 案玉堂閒話:夢徵抱麻哭於朝,翌日謫掾于東州。 通鑑采用

唐書四十

20

列

傳第

+

游,未幾果卒。(舊五代史考異) 爲丞相,苟有是命,當萬計避之。」其後寶復居禁職。 卒, 贈禮部尙書。 足競二云。 四海 近州,原本作「忻州」,今據莊宗本紀改正。(影庫本粘籤)居嘗感梁末帝舊恩,因爲祭故君文云:「嗚呼! 命,乃抱麻哭于朝。 九州,天週眷命,一女二夫,人之不幸。當革故以鼎新,若金銷而火盛,必然之理,夫何 永樂大典卷一萬九千三百五十四。 秉筆者皆許之,尋量移宿州。 翌日,寶謫掾于東州。(殿本)有頃,復召爲學士。及莊宗入汴,夢徵以例貶沂州, 案玉堂閒話云:資失意被謫,嘗鬱鬱不樂,曾夢有人謂曰:「君無自苦,不久當復故職。然將來愼勿 夢徵隨計之秋,文稱甚高,尤長於牋啓,編爲十卷,目日東堂集,行 有頃,遷工部侍郎。寶忽憶夢中所言,深惡其事,然已受命,不能遜 天成初,遷中書舍人,復入爲翰林學士、工部侍郎。

推官、調補河府兵曹參軍、歷長水令、毛詩博士、累官至太常少卿、端王傅、入爲大 以歸,卒於洛陽。 素有明法律之譽,拜大理卿,未滿秩,屬爲人所制。 刑律總要十二卷。 李保殷,河南洛陽人也。 永樂大典卷一萬三百八十九。 與兵部侍郎都殷象論刑法事,左降房州司馬。 昭宗朝,自處士除太子正字,改錢塘縣尉。 保殷曰:「人之多辟,無自立辟。」乃謝病 同光 初,授殿 浙東帥董昌辟爲 中監。 /理卿。 以其 撰

於世。

司戶,坐百官傲全忠也。 于廊下,全忠怒,答通引官何凝。 第,及升朝,遍歷三署。案:以下疑有關文。據舊唐書昭宗紀:天祐元年七月,宴于文思殿。朱全忠入,百官或坐 歸藹,字文彦,吳郡人也。 此事應見薛史,今無可考。 丙寅,制金紫光祿大夫、行御史中丞、上柱國韓儀責授

棣州司馬,侍御史歸藹責授登州 會祖登,祖融,父仁澤,位皆至列曹尚書、觀察使。 同光初,爲尙書右丞,遷刑、戶二部侍郎,以太子賓 藹登進士

孔邈(三),文宣王四十一代孫。 永樂大典卷二千九百二十五。 身長七尺餘,神氣温厚。登進士第,歷校書郎、萬年尉, 爲諫議大夫, 册府元龜卷八百九十九。

以年老致仕。

充集賢校理,

客致仕,卒年七十六。

永樂大典卷二千七百二。

案: 理,以親舅獨孤損方在廊廟,避嫌不赴職。 孔邈傳,永樂大典中僅存一條。 考册府元龜云:乾寧五年,登進士第,除校書郎。 **蓄册府元舉兼采後唐實錄之文,與薛史異。** 崔遠在中書,奏萬年尉,充集賢校 孔邈在後唐不應一無表見,今無

可復考,謹錄原本如右。

以文寶知制誥,歷中書舍人、刑部侍郎、左散騎常侍、 長興初,奉使浙中,泛海船壞,水工以小舟救,文寶與副使吏部郎中張絢信風至淮南 脹文寶,昭宗朝諫議大夫顗之子也。 文寶初依河中朱友謙爲從事,莊宗卽位於魏州, 知貢舉,遷吏部侍郎。 文寶性雅 淡稽

唐 書 79 +

列

傳

第二十

至許浦、 界, 風飄至|天長,從者二百人〔四〕,所存者五人。 胡三省云:天長縣在揚州西一百一十里,其地北不至淮,東不至海, 隨風所能至。 達蘇州、恐是此處。(孔本) 通鑑作風飄至天長。胡三省注,疑天長地不通海。 通州 海門縣崇明鎭東海中有大洲,謂之天賜鹽場,舟人揚帆遇順 僞吳楊溥禮待甚至,兼厚遺錢幣、食物。 薛史作淮南界爲得其實。(舊五代史考異) 東南可以徑至明州定海(至), 文寶受其食物, 西南可 反其錢 豈小舟 通鑑作 以

子吉,嗣位邑宰。永樂大典卷六千三百九十。

人善之,送文寶等復至杭州宣國命,還靑州

幣,吳

密直學 由是忿以成疾,踰月而卒。 於朝,除膳部員外郎、知制誥,累遷中書舍人。 召居賓楊,崇韜從魏王繼岌伐蜀,署爲招討判官。 於浮陽,轉徙於大梁,梁將張漢傑延於私邸,表授太子舍人。 陳义, 士,與此傳互有詳略。(舊近代史考異) 乂性陰僻,寡與人合,不爲當路所與,尋移左散騎常侍, 薊門人也。 薊門,原本作「薊門」,今據文改正。(影庫本粘籤) 案:通鑑作閏月, 崇韜死,明宗卽位,隨任圜歸闕, 以膳部郎中、知制 少好學,善屬文。 莊宗平梁, 郭崇韜遙領常山 . 語陳乂爲給事 因避亂, **圜薦之** 中, 充樞

麥態愈倨,位竟不至公卿,蓋器度促狹者也。然又性孤執,尤廉於財。 义微有才術,嘗自恃其能。 爲判官日,人有造者,垂惟深處,罕見其面。 長興中, 嘗自舍人銜 及居 西掖,而

命册晉國公主石氏於太原,晉高祖善待之,但訝其高岸。人或有獻可於义,宜陳一 損國綱,且虧士行,乂今生所不爲也。」聞者嘉之。 稱晉高祖之美,可邀其厚賄耳。义曰:「人生貧富,咸有定分,未有持天子命違禮以求利,旣 晉高祖卽位,贈禮部尚書。 永樂大典卷三千 謳頭以

一百三十五。

月令服靑襦單衫。玭每肉食,別置蔬食以飯贊,謂之曰:「肉食,君之祿也。 心文藝,自可致之,吾祿不可分也。」繇是贊及冠有文辭,年三十餘登進士第。 劉贊, 案:通鑑作劉瓚。(舊五代史考異) 魏州人也。幼有文性。父玭,爲令錄, 誨以詩書,夏 爾欲食肉,當苦

遷至金部員外郎,職如故。莊宗入汴,租庸副使孔謙以攢里人,表爲鹽鐵判官。 而哭,其家無嫡長,與視喪事,卹其孀稚,人士稱之。 知制誥、中書舍人。與學士寶夢徵同年登第,鄰居友善,夢徵卒,贊與同年楊凝式緦麻爲位 魏州節度使羅紹威署巡官,罷歸京師,依開封尹劉鄩,久之,租庸使趙巖表爲巡官,累 改御史中丞、刑部侍郎。 案:通鑑作兵部 天成中,歷

兼秦王傅。 贊性雍和,與物無忤,居官畏愼,人若以私干之,雖權豪不能移其操。 案册府元龜:秦王爲元帥,秦王府判官、太子詹事王居敏與實鄉曲之舊,以秦王盛年自恣,須朝中選端士 未幾,改秘書監, 侍郎。(舊五代史考異)

唐

껟

十四四

列傳第二十

字疑有舛誤,考册府元龜所引薛史亦作「朝降」,詳其文義,當爲降爲京朝官不至外謫也,今仍其舊。(影庫本粘籤)一門贊 既官係王府,不敢朝參,不通慶弔,但閉關暗鳴而已。及秦王得罪,或言贊止於朝降,「朝降」二 案言行龜鑑載: 劉贊諫秦王曰:「殿下宜以孝敬爲職,浮華非所尚也。」秦王不悅,戒閽者後弗引進。(舊五代史考異) 對 案册府元龜:時從榮弱于篇章,凡門客及通謁遊士,必坐于客次,自出題目,令賦一章,然後接見。(舊五代史考異)贊爲 祗奉談笑,惟贊從容諷議,必獻嘉言。秦王常接見賓僚及遊客,於酒筵之中,悉令秉筆賦詩。 禍,故求脫耳。(舊五代史考異)時秦王參佐,皆新進小生,動多輕脫,每稱頌秦王功德, 納海,冀其稟畏,乃奏薦置焉。(舊五代史考異) 妻紇干氏塗中卒,贊比羸瘠,慟哭殆絕,因之亦病,行及石會關而卒,時年六十餘。 死,幸也。」俄而臺史示勅,長流嵐州,卽時赴貶所。 已服麻衣備驢乘在門矣私。 師傅,亦與諸客混,然容狀不悅。 用,王傅爲左遷,以職事有閒劇之不同也。 自以左遷,泣訴,不得免。 胡三省注云: 聞其言曰:「豈有國君之嗣,一旦舉室塗地,而賓佐朝降,得免 唐制,六部侍郎除吏部之外, 當是時,從榮地居儲副 秦王知其意,自是戒典客,贊至勿通,令每月一度至衙。 贊節概貞素,忽聞其命,掩泣固辭,竟不能 ,則秦王傅不可以閒官言。 在嵐州踰年,清泰二年春,詔 餘皆從四品下;王傅從三品。 蓋以從榮輕佻峻急, 旷 然六部侍郎爲 阿意 案通鑑: 瓚 歸田里。 順旨, 恐豫其 嚮

卷九千九十九。

記

后之典禮,舜卿之掌誥,洎夢徵而下,皆蔚有貞規,無虧懿範,固可以爲搢紳之圭表,聳朝廷 史臣曰:自唐祚横流,衣冠掃地,苟無端士,敦恢素風。如廷珪之文學,崔沂之剛正,劉

之羽儀,以之垂名,夫何不韙。泳樂大典卷二千七百四十。

校勘記

(1) 累遷至員外郎 「郎」字原無,據殘宋本冊府卷五五三補。 明本冊府作「累遷員外郎」。

(三) 舜卿字贊聖父敖字碩夫戶部尚書 「聖父敖字碩夫戶部」八字原缺,據殿本、劉本補。

孔邈 殿本、劉本同。 冊府卷八○八、卷八八三此下有「克州曲阜人」五字,下文「神氣溫厚」下

珊府卷八八三有「綽有素風」四字。

(图) 從者二百人 「二」原作「五」,據通鑑卷二七八改。

至 東南可以徑至明州 原作「東寄往明州」,據通鑑卷二七八注改。

(元) **贊已服麻衣備驢乘在門矣** 「贊」字原無,據冊府卷七一九、卷七三〇補。

售五代史卷六十九

唐書四十五

列傳第二十

太原 {傳。 地雄邊服,人多尙武,恥于學業,惟憲與里人藥縱之精力遊學,弱冠盡通諸經,尤精左 嘗袖行所業,謁判官李襲吉,一見欣歎。 張憲,字允中,晉陽人,世以軍功爲牙校。 既辭,謂憲曰:「子勉之,將來必成佳器。」石州 憲始童丱,喜儒學,勵志橫經,不捨晝夜。

刺史楊守業喜聚書,以家書示之,聞見日博。

年,授監察,賜緋,署魏博推官,自是恆簪筆扈從。 客馬郁、王緘,燕中名土,盡與之遊。十二年,莊宗平河朔,念藩邸之舊,徵赴行臺。十三 原本作「友城」,今據歐陽史改正。(影庫本粘籤) 莊宗爲行軍司馬,廣延髦俊,素知憲名,令朱守殷齎書幣延之,歲餘釋褐交城令,交城, 秩滿,莊宗嗣世,補太原府司錄參軍。 十五年,王師戰胡柳,周德威軍不利,憲 時霸府初開,幕

唐書四十五

列傳

第二十

莊宗即位,詔還魏都,授尚書工部侍郎,充租庸使。 討張文禮,鎭州平,授魏、博、鎭、冀十郡觀察判官,改考功郎中, 涕求尸,數日,閗其冤也,遣使慰勞。 將及岸,冰陷,朗泣,以馬箠引之,憲曰:「吾兒去矣,勿使俱陷。」則曰:「忍季父如此,俱死 與同 恨。」 期優伏 列奔馬 莊宗遷洛陽,以憲檢校吏部尚書、興唐尹、東京副留守, 北 引箠,憲躍身而出。 渡, 梁軍急追,殆將不濟。 是夜,莊宗令于軍中求憲,或曰:「與王緘俱歿矣。」 尋改掌書記、水部郎中,賜金紫,歷魏博觀察判官。 至晚渡河,人皆陷水而沒,憲與從子期履冰而行, 八月,改刑部侍郎,判 知留守事。 **兼御史中丞,權鎭州留** 吏部銓,兼太淸宮 憲學識優深,尤 莊宗 從 垂 無

宮西。 亦不可修。 竟野即位壇。案:歐陽史作場未成,莊宗怒,命兩處候亟毀壇以爲場,與薛史異。 于此。(影庫本粘籤) 吉,因築壇于其間,至是詔毀之。 精吏道,剖析聽斷,人不敢欺。 副使。 三年春,車駕幸鄴,時易定王都來朝,宴于行宮,將擊鞠。 數日、未成。 魏繁陽之壇,漢汜水之壇,到今猶有兆象。 憲奏曰:「卽位壇是陛下祭接天神受命之所,自風 會憲以公事獲譴,閤門待罪,上怒,戒有司速治行宮之庭,礙事者畢去, 通鑑作莊宗議毀卽位壞,張憲請拓其旁地,仍留壇基。 存而不毁,古之道也。」卽命治之于 初,莊宗行卽位之禮,卜鞠場 通鑑從歐陽史。(舊五代史考異)憲 燥雨濡之外,不可 與薛史微異, 輒毁, 今附識

私謂郭崇韜曰:「不祥之甚,忽其本也。」

日:「憲 段個當權任事,以憲從龍舊望,不欲憲在朝廷。 曰:「庖人之代尸祝,所謂非吾事也。」時樞密承旨 北門, 重。」十一月,授憲銀青光祿大夫、檢校吏部尚書、太原尹、北京留守,知府事 秋 、,崇韜將兵征蜀,以手書告憲曰:「允中避事久矣,余受命西征,已奏還公黃閤。」 憲報 有相業,然國祚中興,宰相在 國家根本,非重德不可輕授,今之取才,非憲不可。」趨時者因附個勢,巧中傷之。又 [天子面前,得失可以改作,一方之事,制在一人,惟北 會孟 樞密承旨,原本脫「密」字,今據文增入。(影庫本粘籤) 知祥鎮蜀川,選北京留守,個揚言曰: 面

誘憲。 否? 得士心,餘勿多言,志此而已。」四月五日,李存渥自洛陽至,存渥,原本作「存治」,今據通鑑改正。(影 日:「蜀軍未至,洛陽窘急,總管又失兵權,制在諸軍之手,又聞河朔推戴,事若實然,或可濟 」憲曰:「治亂之機,間不容髮,以愚所斷,事未可知。 JU 年二月,趙在禮入魏州,時憲家屬 憲斬其使,書不發函而奏。 旣而明宗爲兵衆所刻,諸軍離散,地遠不知 在魏,關東俶擾, 愚聞藥縱之言,總管德量仁厚,素 在禮善待其家, 遣人齎書至太原 事實,或謂 憲

事

信。 因欲據城。 原者,存霸 庫本粘籤) 衆心惑之,時事莫測。 也。 是傳作存渥,疑誤。(舊五代史考異) 寧我負人,宜早爲之所,但戮呂、鄭二宦,呂、鄭二官,原文似有脫誤。 案:歐陽史作永王 存霸。 左右獻畫曰:「存遲所乘馬,已戢其飾,復召人謀事, 考唐家人傳,存渥與劉皇后同奔至風谷,爲部下所殺,是存渥未至太原,其至太 口傳莊宗命,並無書詔,惟云天子授以隻箭,傳之爲 據通鑑注云: 莊宗先 必行 陰禍,

唐

書

四

+ 五.

列 傳

第二十

粘籤) 事略張 憲旣死, 聚 聞有 勸憲 籤) 遺宦者呂、鄭二人使於晉陽,及存渥逃至,呂、鄭欲與之謀變,後爲符彥超所殺。較薛史爲明晰, 衣而 圖 且繫存渥,徐觀其 奉 書,家書五千卷,視事之餘,手自刊校。 行金紫,向來仕宦非出他門,此畫非吾心也。 變,出奔沂州 幼子凝隨父走,亦爲收者加 表明宗以 昭傳云: 論者以昭能成憲之節〔一〕。(舊五代史考異) 張憲聞莊宗之變,昭勸 勸 [進,憲曰:「吾書生也,天子委以保釐之任,吾豈苟生者乎!」昭曰:「此古之大節,公能行之,忠臣也。」 (11)0 變,事萬全矣。」憲良久曰:「吾本書生, 旣而 有司糾其委城之罪,四月二十四日,賜死于晉陽之千佛院。康都 其盡節,憲遂自經。 害。 明宗郊禮大赦,有司請昭雪,從之。 翌日,符彥超誅呂、鄭,軍城大亂,燔剽達曙。 善彈琴,不飲酒, 薛史作賜死于晉陽。 事苟不濟,以身徇義。」案東都事略張昭傳: 與東都事略互異, 無軍功而致身及此,一旦自布 賓僚宴語, 今附識于此。(影庫本粘 但論文嘯詠 憲沈靜寡欲, 今附識于此。(影庫本 而已, 憲 昭

憲長子守素,仕晉,位至尚書郞。 永樂大典卷六千三百五十。 友重之。

俗,署郡 小心端愼,與物無競。 |正言, 鄭州人。 父志, 濟陰令。 職。 德倫鎮青州 ,表爲推官,移鎭魏州, 嘗爲同職司空頭所凌,正言降心下之,頗誅,代爲節度判官。 正言早孤 貧,從沙門學, 改觀察判官。 工詩, 莊宗 平 密州 定魏 博, 刺史賀 正 言 德倫令歸 仍舊 職 同

光初,守戶部尚書、興唐尹。

革 繁浩,簿領縱橫,觸 不足,若朝廷任使,庶幾與人共事,若專制方隅,未見其可。 李紹宏曰:「邦計國本,時號怨府,非張憲不稱職。」 質 韜 雖 判租 即奏憲留守魏州,徵王正 判二日,便借官錢,皆不可任。」意謂崇韜必令己代其任,時物議未允而止,謙沮喪久之。 重 ,在侍中眼前,但得一人爲使卽可。 時 庸 孔謙爲 未幾,復以盧質代之。 租庸副使,常畏張憲挺特,不欲其領使,乃白郭崇韜留憲于魏州,請宰相 事遺忘,物論以爲不可,卽以孔謙代之,正言守禮部尚書 言爲租庸使。 孔謙 白云:「錢穀重務,宰相 魏博六州戶口,天下之半,王正言操守有餘,智力 正言在職, 卽日徵之。 主諾 而已,權柄出于孔謙。 張憲才器兼濟,宜以委之。」崇 事多,簿籍留滯。」又云:「盧 孔謙、段個白崇韜日:「邦計 正言不耐 豆

禮, 書東寫奏章,家人曰:「賊已殺人縱火,都城已陷,何奏之有。」是日,正言引諸僚佐謁趙 御之,但越趄 從通鑑改正。(影庫本粘籤) 重德,勿自 案通鑑:正言索馬,不能得,乃帥僚佐步出府門謁在禮。(舊五代史考異) 三年冬,代張憲爲興唐尹,留守鄴都。 [卑屈,)聽命。 余受國恩,與尚書共事,但思歸之衆,倉卒見迫耳。」因拜正言,厚加慰撫。 至是,貝州戍兵亂,入魏州, 廩帑出納,兵馬制置 一,皆出彥瓊,將佐官吏,頤指 時武德使史彥瓊監守鄴都, **彦瓊望風敗走**, 望塵再拜 亂兵剽扨坊市。 清罪。 氣使, 武德, 在禮 正言不能以 原本作「務德」,今 日:「尚書 正言促 在 召 道

唐

24

+

五.

列傳

第二十

明宗即位 一,正言求爲平盧軍行軍司馬,因以授之,竟卒于任。 永樂大典卷六千八百五十。

貴鄉令。 胡裝,禮部尚書曾之孫。 及張彦之亂,嗣業遇害,裝龍秩,客于魏州。 汴將楊師厚之鎭魏州,裝與副使李嗣業有舊,因往依之,薦授 莊宗初至,裝謁見,求假官,司空顯以

其居官貪濁,不得調者久之。

與實 能 謂郭崇韜曰:「便與擬議。」是歲,署館驛巡官,未幾,授監察御史裏行,遷節度巡官,賜緋魚 樹,走胡適越,今日歸死于殿下也。」莊宗愕然曰:「孤未之知,何至如是!」賜酒食慰遣之, 至此。 袋,尋歷推官、檢校員 里,人或譏之,不以爲 堅刀」, 爾此 僚城樓餞別,旣 十三年,莊宗還太原,裝候于離亭,謁者不內,乃排闥而入,曰:「臣本朝公卿子孫,從兵 乎? 今據文改正。(影庫本粘籤)頭須,亦所庶幾,而羈旅累年,執事者不垂顧錄,臣不能赴海觸 殿下 比興唐祚、勤求英俊、以壯霸圖。臣雖不才,比于進九九、納豎刁、 」裝飲 酒素少,略 而羣僚離席,裝獨留,獻詩三篇,意在章服。 外郎。 忱 時四鎮幕賓皆金紫,裝獨恥銀艾。十七年,莊宗自魏州之德勝, 無難 一數學書無師法,工詩非作者,僻于題壁,所至宮亭寺觀,必書爵 色,爲之一 舉而釂,莊宗卽 解紫袍賜之。 莊宗舉大鍾屬裝曰:「員外 豎刁, 原本作

同光初,以裝爲給事中,從幸洛陽。 時連年大水,百官多窘,裝求爲襄州副使。 四年,

後,各于舊業爭分其利,甘旨醫藥,莫有奉者。 孫年過八十,求進不休,褒橐之資,素有貯積,性好干人,喜得小惠。(舊五代史考異)有子三人,自貽孫左降之 史。(舊五代史考異) 地府,吾雖考終,豈放汝耶!」永樂大典卷二千七百四十。 以姻戚之分,復擬吏部侍郎,天官任重,昏耄罔知,後遷禮部尚書致仕而卒。 塞途中,今爲逐客。」尉以其年八十,奏留府下。 從歐陽史改正。(影庫本粘籤) 綠竹遍野,狹徑深密,維舟曲岸,人莫造焉,時人甚高之。及李振貶均州,均州,原本作「珣州」,今 清資美職。 疎謬, 貶官塞地, 馳驛至潞州, 致書于府帥孔, 勍曰: 「十五年|穀城山裏, 自謂逸人, ,二千里沙 崔貽孫,案:新唐書宰相世系表:貽孫字伯垂。(舊五代史考異)祖元克,案世系表:元亮字晦叔〔三〕,號州刺 及爲省郎,使于江南迴回,以秦裝營別墅于漢上之穀城,退居自奉。清江之上, 左散騎常侍。 貽孫曲奉之。振入朝,貽孫累遷丞郎。 父獨言,潞州判官。 貽孫以書責之云:「生有明君宰相,死有天曹 明年、量移澤州司馬,遇赦還京。宰相鄭珏 **贻孫以門族登進士第,以監察升朝,歷** 同光初,除吏部侍郎,銓選 案北夢瑣言: 崔貽

孟鵠, 魏州人。 四十 五. 莊宗初定魏博,選幹東以計兵賦,以鵠爲度支孔目官。 明宗時,爲邢洛 列 傳 第二十一 九一七

使,出 爲 自 節度使,每曲意承迎,明宗甚德之。及孔謙專典軍賦,徵督苛急,明宗嘗切齒。 人,厚相結託,暨延光掌樞務,援引判三司,又致節鉞,明宗知之,故以此言譏之。 依 「孟鵠掌三司幾年,得至方鎮?」范延光奏曰:「鵠于同光世已爲三司勾官,天成初爲三司副 相 租 違,名譽頓減。 州 庸 刺 刺 勾官擢爲客省副使、案:北夢瑣言作三司勾押官。(舊五代史考異) 樞密承旨,遷三司副使,出 相州,入判三司又二年。」帝曰:「鵠以幹事,遽至方鎮,爭不勉旃。」 鵠與延光俱魏 史。 會范延光再遷樞密,乃徵鵠爲三司使。初,鵠有計畫之能,及專掌邦 永樂大典卷一萬三千一百六十。 期年發疾,求外任,仍授許州節度使,謝恩退。帝目送之,顧謂侍 及卽位, 到任未周 賦 臣日 ",操刺

從榮敗,義誠 舉爲三司使, 使,所至稱治,遷 孫岳,冀州人也(三)。 強幹有才用,歷府衞右職。 天成中,爲潁耀二州刺史、閬州團練 召岳同至 時預密謀。 鳳州節度使。 河南府檢閱府藏,時紛擾未定,義誠密遣騎士射之,岳走至通利坊, 朱、馮惠從榮之恣橫, 岳曾極言其禍之端, 受代歸京,秦王從榮欲以岳爲元帥府都押衙,事未行, 康義誠聞之不悅。 馮鰲

歲卒。

贈太傅。

子璉,歷諸衞將軍、藩闘節度副使。 永樂大典卷三千五百九十一。 爲騎

士所害,識與不

識皆痛之。

武、成德,以爲元從孔目官。 開封人也。 張延朗, 事梁,以租庸吏爲鄆州糧料使。明宗克鄆州,得延朗,復以爲糧料使,後徙鎭宜 張延朗傳,永樂大典原本有刪節,今就散見各韻者得二條,排比前後,以存梗概。(影庫本粘籤) 長興元年,始置三司使,拜延朗特進、工部尚書,充諸道鹽鐵轉 |汴||州

運等使,兼判戶部度支事,詔以延朗充三司使。 泳樂大典卷六千三百五十一。

末帝即位,授禮部尚書,兼中書侍郎、平章事、判三司。延朗再上表辭曰:

若保茲重任,忘彼至公,徇情而以免是非,偷安而以固富貴,則內欺心腑,外負聖朝,何 鑄之門,臣自揣量,何以當處。是以繼陳章表,疊貢情誠,乞請睿恩,免貽朝論。 源,便俟甘瑕受玷,臣心可忍,臣恥可消。只恐山林草澤之人,稱量聖制;冠履軒裳之 之風,然而讒邪者必起憾詞,憎嫉者寧無謗議。或慮至尊未悉,羣謗難明,不更拔本尋 以報君父之大恩,望子孫之延慶。臣若但行王道,唯守國章,任人必取當才,決事須依 細料盡忠之路。 御批累降,聖旨不移,決以此官,委臣非器,所以強收涕泗,勉遏怔忪,重思事上之門, 正理,確違形勢,堅塞倖門,則可以振舉弘綱,彌縫大化,助陛下含容之澤,彰國家至理 臣濫承雨露,擢處鈞衡,兼叨選部之銜,仍掌計司之重。 況中省文章之地,洪鑪陶 竊以位高則危至,寵極則謗生,君臣莫保于初終,分義難防于毀譽。臣 豈謂

四

一十五

列

傳第二十一

工,輕慢朝廷。

者從化, 弭兵有日 省,不添 爲, 是 本作「渴懌」,今據册府元龜改正。(影庫本粘籤) 賦 庫 叉 申逃 戸黷 異 多是罄空; 皇 贍六軍之勁士,又藉豐儲。利害相隨,取與難酌,若使罄山採木,竭澤求魚, 臣 日之區 係 風 又以國計一司,掌其經費,利權二務,職在捃收。 冗 欠。 食,且止新兵,務急去繁,以寬經費,減奢從儉,漸俟豐盈,則屈者知恩,叛 況諸道所徵賦租,雖多數額,時逢水旱,或遇蟲霜,其間則有減無添,所在 分轉大。 乃至軍 遠近生民,或聞饑歉。 「富俗 ·儲官俸,常汲汲于供須 竊慮年支有闕, 可期 則地官之敎化不行,國本之傷殘益甚,取怨黔首 國計 伏見朝 可憂。 延尚添 夏稅秋租,每懸懸于繼續。 望陛下節例外之破除,放諸 軍額,更益 將欲養四海之贫民, 一師徒,非時之博糴 況今內外倉 項 無過薄 竭澤,一 以儉 難

善政 將來之蒞 人,則境內蒸黎,必獲蘇 言,閔臣驚憂于後患,察臣愚直,杜彼讒邪,臣卽但副天心,不防人口, 者,不惜 臣 又聞治民尙淸,爲政務易,易則煩苛並去,淸則 事 重酬、味理 更審求賢。 無功者,勿頒 息,官中倉 爣 得人, 庫, (厚俸, 亦絕侵欺。 則農 益彰有道, 無所苦; 伏望 人人致理, 兼 偏黨無施,若擇其良牧, 一誠見在之處官, 絕徇 情。 則 伏望陛下, 或 復 無 何 憂。 乖 庶幾萬 念臣 撫 委在正 俗 但 布露 奉 立

仰答聖明。

末帝優詔答之,召于便殿,謂之曰:「卿所論奏,深中時病,形之切言,頗救殷失。 國計事重,

日得 商量 ¬無勞過慮也。」延朗不得已而承命。

獨排衆議,請末帝北行,識者韙之。 延朗悉遣取之,晉高祖深銜其事。及晉陽起兵,末帝議親征,然亦采浮論,不能果決,延朗 延朗有心計,善理繁劇。晉高祖在太原,朝廷猜忌,不欲令有積聚,係官財貨留使之外, 永樂大典卷一萬七千九百一十。 晉高祖入洛,送臺獄以誅之。 其後以選求計使,難得其

人,甚追悔焉。

(考異) 將。 政,爲屯將張令昭所逐,出奔相州,尋詔停所任。 樞 作「宮阮使」,今據五代會要改正。 :密使、太保,出爲鄰都留守、案:歐陽史作天雄軍節度使。(舊五代史考異) 末帝鎭鳳翔,署延皓元隨都校,奏加檢校戶部尚書。 劉延皓,應州渾元人。 延皓卽劉后之弟也。 (影庫本粘籤) 案通鑑效異引廢帝實錄,延皓,皇后之姪,與薛史異。 祖建立,父茂成, 加檢校司空,俄改宣徽南院使、 案:歐陽使作茂威。(舊五代史考異) 及晉高祖入洛,延皓逃匿龍門廣化寺,數 清泰元年,除宮苑使, 檢校太傅。 歐陽史與薛史同。(舊五代史 檢校司徒。 皆以軍功推爲邊 延皓御軍 二年, 宮苑,原本 遷

延皓始以后戚自藩邸出入左右,甚以温厚見稱,故末帝嗣位之後,委居近

日,

自經而死。

唐

書

四十

五

列 僔

第二十一

校 勘 1

而已,由是清泰之政弊矣。 內外怨之,因爲令昭所逐。 及出鎮大名,而所執一變,掠人財賄,納人園宅,聚歌僮爲長夜之飲,而三軍所給不時, 永樂大典卷九千九十九。 時執政以延皓失守,請舉舊章,末帝以劉后內政之故,止從罷免

計公私不 帝 徽 自 至 翔,鳳翔,原本作「鳳翊」,今從通鑑改正。(影庫本粘籤)署爲孔目吏。 北院 十萬貫聚于此, 不能察之。 檢校太傅。 外入者,必先賂延朗,後議進貢,賂厚者先居內地,路薄者晚出邊藩,故諸將屢有 劉 使, 粟帛,以瞻其急。 延朗,宋州虞城人也。 案歐陽史: 廢帝旣立,以延朗爲莊宅使。(舊五代史浅異) 俄以劉延皓守鄴,改副 時房暠爲樞密使,但高枕閑眠,啓奏除授,一歸延朗,由是得志。 及晉高祖入洛,延朗將竄于南山,與從者數輩,過其私第,指而歎曰:「我有錢 不知爲何人所得。」其愚暗如此。 及西師納降,末帝赴洛,皆無所闕焉,末帝甚賞之。 末帝鎭河中時,爲軍城馬步都虞侯云、後納爲腹心。 尋捕而殺之。 末帝將圖起義,爲捍禦之備,延期 永樂大典卷九千九十九。 清泰初,除 凡藩侯郡牧, 樞密使,累官 及鎭鳳 怨訕,末

校勘記

(1) 憲旣死論者以昭能成憲之節 十二字原無,據殿本補。

百里。此以宋氏徙府後言也。」

(三) 出奔沂州

殿本、劉本同。

こうして こうしょう きゅうこう コーラミ

(四) 使于江南迴 (三) 晦叔 原作「晦孫」,據新唐書卷七二字相世系表改。 「使」字原無,據冊府卷八一三、卷九一七補。

(云)軍城 劉本同。殿本作鄆城。

舊五代史卷七十

唐書四十六

列傳第二十二

勇,奏隸爲假子,後因從征討,恩禮特隆。 益,乃請行飲爲燕帥,稱留後,行欽無如之何。據蔣史,行欽未嘗自稱留後,實錄誤也。(舊五代史考異) 行欽於山北募兵,以應契丹。時明宗爲將,攻行欽於山北,與之接戰,矢及明宗馬鞍,旣而以 通鑑注引酶史亦作大恩。(舊五代史洘異)又令殺諸兄弟。天祐九年,周德威攻圍幽州,守光困駿,令 勢迫來降。 元行欽,本幽州劉守光之愛將。守光之奪父位也,令行欽攻大恩山,案:歐陽史作大安山,考 案通鑑考異引周太祖實錄云:燕城危臟,甲士亡散,劉守光召元行欽。行欽部下諸將以守光必敗,赴召無 常臨敵擒生,必有所獲,名聞軍中。 明宗憐其有

名爲散員,命行欽爲都部署,賜姓,名紹榮。 |莊宗東定趙、魏,選聽健置之麾下,因索行欽,明宗不得已而遣之。 時有散指揮都頭, 莊宗好戰,勇于大敵,或臨陣有急兵,行欽必橫

唐書四

十六

列傳第

= + =

九二五

是不宴百官於內殿,但宴武 傅、當地 校太傅、忻州 級,汴軍乃 身 而 云:「有勅,使相預會,紹榮散官,殿上無位。」莊宗徹會不懌。 解 旋,中野爲汴軍數百騎攢稍攻之,事將不測,行欽證其幟,急馳一騎, 鬭翼衞之。 褥 下 解圍,翼莊宗還宮。莊宗因流涕言曰:「富貴與卿共之。」自是寵冠諸將,官至檢 刺史。 坐。 莊宗營於德勝也,與汴軍戰于潘張,王師不利,諸軍奔亂。 酒 酣樂作,莊宗敍生平戰陣之事,因左右顧視,曰:「紹榮安在?」所司 及莊宗平梁,授武寧軍節度使。 臣而已。 嘗因內宴羣臣,使相 翌日,以行飲爲同平章事,由 奮劍斷二矛, 斬 預會,行欽官爲保 莊宗得三 四騎 奏

累日,業已遣去,無如之何。 婦。」莊宗 紹榮 三年, 難違所請,微許之。 喪婦復娶耶? 行欽 喪婦。 莊宗有所愛宮人生皇子者, 吾給 爾婚財。」 皇后即命紹榮謝之,未退,肩興已出。 皇后指所忌宮人謂 劉皇后心忌之, 莊宗日: 會行欽入侍,莊宗 莊宗心不懌,佯不豫者 「皇帝憐紹榮, 可 使爲

至鄴城 帥,領軍至鄴,行飲來謁於軍中,拜起之際,誤呼萬歲者再,明宗驚駭,遏之方止。 乃以行欽爲 及 貝州軍亂 攻之不能下,退保於澶州。 鄴都行營招撫使, ,趙在禮入魏州,莊宗方擇將,皇后曰:「小事不勞大將,促紹榮指· 招 撫, 原本作「韶拊」, 未幾, 諸道之師稍集, 今從通鑑改正。(影庫本粘籤) 復進軍於鄴城之南。 領騎二千進 既而明宗 及明宗爲 揮 可 也。 洎

河召明宗,行欽即殺之,仍勸班師 步騎 明宗密令張虔釗 營於城西,行欽營於城南。 凡奏軍機,拘留不達,故旬日之間,音驛斷絕。 明宗旣劫出鄴城,令人走馬上章,申理其事,言:「臣且於近郡聽進止。」 「吾知紹榮妄矣。 萬 人棄甲而 退。 至行欽營,戒之曰:「且堅壁勿動,計會同殺亂軍,莫錯疑誤。」行欽不聽,將 」因令白從訓與明宗子繼璟至軍前,欲令見明宗,行欽繁繼璟於路。明宗 自知失策,且保衞州,因誣奏明宗曰:「鎮帥已入賊軍,終不爲國使。」 三月八日夜,明宗爲亂軍所迫,唯行欽之軍不動, 及莊宗出成阜,知明宗在黎陽,復令繼璟渡 莊宗覽奏釋然日: 按甲以自固。

韶削奪行欽在身官爵,斬於洛陽。 姓所擒,縣令裴進折其足,案:歐陽史作號州刺史石潭折其足。(舊五代史考異) 本脫「存」字,今據通鑑增入。(影庫本粘籤)沿路部下解散,從者數騎而已。 四月一日,莊宗旣崩,行欽引皇后、存渥,得七百騎出師子門,將之河中就存霸, 永樂大典卷一萬八千一百八十九。 四日,至平陸縣界,爲百 檻車以獻。 明宗卽位, 存霸,原

皆釋兵縱 揮 使。 夏魯奇,字邦傑,青州人也。 觀 從 周德威攻幽州,燕將有單廷珪、元行欽,時稱驍勇,魯奇與之鬬,兩不能解,將士 幽州 平,魯奇 功居多。 初事宣武軍爲軍校,與主將不協,遂歸于莊宗,以爲護衞 梁將劉鄩在洹水, 洹水,原本作「桓水」,今從歐陽史改正。(影庫

唐

書

四

+

六

列傳第

二 十

宗數重 刺史。 攜劍, 本粘籤) 章敗,庭隱爲莊宗所獲,將以就戮,大將夏魯奇奏曰:「此矬也,其材可用。」遂釋之。(舊五代史考異) 故人乎? 敵,通鑑作百餘騎。(舊五代史考異) 中都之戰,汴人大敗,魯奇見王彥章,識之,單馬追及,槍擬其頸,彥章顧曰:「爾非余 獨衞莊宗,手殺百餘人。烏德兒等被擒, 莊宗深入 」即擒之以獻。 魯奇與王門關、烏德兒等奮命決戰,自午至申,俄而李存審兵至方解。 、致師, 鄩設伏於魏縣西南葭蘆中。 莊宗壯之,賞絹千疋。 **汴人伏兵萬餘,** 案: 通鑑作伏兵五千。(舊五代史考異) 大譟而 案九國志趙庭隱傳:王彥章守中都,庭隱在其軍中。 魯奇傷痍徧體, 莊宗不滿千騎, 自是莊宗尤憐之,歷磁州 案: 歐陽史作莊宗以百騎覘 梁平,授鄭州 魯奇持槍 起, 圍 及 防

州,唐師來授,劍門不守,肇領兵赴普安以拒之,唐師不得進。 慟哭之,厚給其家,贈太師、齊國公。 仁罕攻遂州。董璋之叛,與孟知祥攻遂州,援路斷絕,兵盡食窮, 之二,移鎭遂州。 日不發。父老詣闕請留,明宗令中使諭之,方得離州。 魯奇性忠義,尤通吏道,撫民有術。及移鎭許田,孟州之民,萬衆遮道,斷鞺臥轍,五 四年,授河陽節度使。天成初,移鎭許州,加同平章事 案九國志李仁罕傳云:夏魯奇稟朝廷之命,繕治甲兵,將圖蜀,孟知祥與董璋謀先取魯奇,令 永樂大典卷一萬八千一百二十九。 魯奇自刎而卒,時年四十九。帝聞其死也, 明宗討荆南,魯奇爲副招討使,頃 案九國志李肇傅: 蜀師圍夏魯奇于遂

禦使。

糞,得一臠殘炙,感恩無盡。 今明天子付與茅土,貴爲諸侯,而驅徒結黨,圖爲反噬。 爾本 謂洪曰:「爾頃爲健兒,由吾獎拔至此,吾書誘論,投之於側,何相負耶?」洪大駡曰:「老賊, 州,璋密令人誘洪,洪以大義拒之。及璋攻城,洪悉力拒守者三日,禦備旣竭,城陷被擒。璋 奴才,則無恥,吾忠義之士,不忍爲也。 人,持刀刲割其膚,燃鑊於前,自取啗食,洪至死大駡不已。明宗聞之泣下,置洪二子於近 爾為天子鎮帥,何苦反耶!爾旣辜恩背主,吾與爾何恩,而云相負。 姚洪、本梁之小校也。在梁時、經事董璋、長興初、率兵千人戍閬州。 '吾可爲天子死,不能與人奴苟生。」 璋怒,令軍士十 爾爲李七郎奴,掃馬 璋叛,領衆攻閬

自許。 前;旋及夷門,斬朱友貞於樓上。」嚴復聲韻淸亮,蜀人聽之愕然。 復之功,其警句云:「纔過汝水,汝水,原本作「濟水」,今從册府元顯改正。(影庫本粘籤) 李嚴,幽州人,本名讓坤。 同光中,爲客省使,奉使於蜀,及與王衍相見,陳使者之禮,因於笏記中具述莊宗興 初仕燕,爲刺史,涉獵書傳,便弓馬,有口辯,多遊藝,以功名 縛王彥章於馬

衞,給賜甚厚。

泳樂大典卷一萬八千一百八十九。

宮,當月下鄆州,十月四日,親統萬騎破賊中都,乘勝鼓行,遂誅汴孽,僞梁尙有兵三十萬, 時蜀偽樞密使宋光嗣召嚴曲宴,因以近事訊於嚴。嚴對曰:「吾皇前年四月卽位於鄴

唐

書

四十六

列傳第二十二

謀臣 乎 ? 之以 辭厚 家財 爲奴擄。 耳,以其無害,不足爬搔。 姻 好,洞見其心,反覆多端,專謀跋扈,大不足信也。 」嚴曰:「子言契丹之強盛,孰若僞梁?」曰:「比梁差劣也。」嚴曰:「吾國視 恩澤,逆則問之以干戈,四海車書,大同非晚。」光嗣曰:「余所未 貢,湖湘、荆楚,杭越、甌閩,異貨奇珍, 猛 時王衍失政,嚴知其 入貢,府實 將, 但以天生四夷,當置度外,不在九州之本,未欲窮兵黷武也。」光嗣聞辯對,畏而 解 甲倒 上供 戈。 吳國本朝舊臣,岐下先皇元老,遣子入侍,述職稱藩。 西盡甘、凉,東漸海外,南踰閩、浙,北極幽陵。 可取,使還具奏,故平蜀之謀,始於嚴 吾良將勁兵布天下,彼不勞一郡之兵,一校之衆,則懸首橐街, 府無虛月。吾皇以德懷來,以威款附。 似聞契丹部族,近 知,唯岐下宋公,我之 牧伯侯王,稱藩不暇, 日稍強,大國 准、海之君,卑 契丹 可無 如蚤 順 則 촖 慮

例 史仍薛史作益州。 以討蜀之謀始於嚴,衙以甘言,將誘而殺之,欲不令往。 孝將兵五 軍未及,所在降下。 而古縊州實不在此。(舊五代史考異)行見嚴於母前,以母、妻爲託。 郭崇韜起軍之日,以嚴爲三川招撫使, 先 驅 閣 吳縝纂誤云 道, 延孝在 :成都,唐初雖嘗有益州之名, 閣道、原本作「闕道」,今從通鑑改正。(影庫本粘籤)或馳以詞說,或威以兵鋒, 「漢州,王衍與書曰:「可請李司空先來, 案:歐陽史作招討使。(舊五代史考異) 嚴與先鋒使康延 尋即改爲蜀都, 嚴聞之喜,即 後遂升爲府。 即日, 余卽舉城納款。」 引蜀使歐陽彬迎謁魏 自唐末 馳騎入益州 歷五代, 不 復謂 案: 衆咸 (歐)

川,嚴乃求爲西川兵馬都監,庶効方略。」孟知祥覺之,旣至,執而害之。 王繼岌。 蜀平班師,會明宗卽位,遷泗州防禦使兼客省使。長興初, 案九國志王彥銖傳:李嚴 安重誨謀欲控制兩

之爲監軍也,密懷異謀,知祥數其過,命彥錄擒斬之,嚴之左右無敢動者。(舊五代史考異)贈太保。

與汝永訣。」旣而果如其言。泳樂大典卷一萬三百八十九。 嚴之母,賢明婦人。初,嚴將赴蜀,母曰:「汝前啓破蜀之謀,今又入閩,將死報閩人矣!

川,重誨奏以仁矩爲閬州節度使,俾何璋之反狀,時物議以爲不可〔〕。及仁矩至鎭,偵璋 所爲,曲形奏報,地里遐僻,朝廷莫知事實,激成璋之逆節,由仁矩也。 於館舍,與倡妓酣飲,日旣中而不至,大爲璋所詬辱,自是深銜之。長興初,璋旣跋扈於東 庇,故數年之間,遷爲客省使、左衞大將軍。天成中,因奉使東川,董璋張筵以召之,仁矩貪 李仁矩,本明宗在藩鎭時客將也。 明宗卽位,錄其趨走之勞,擢居內職,復爲安重誨所

內顧之憂矣。」知祥從之。蓋董璋之攻閩州,其謀皆由于知祥也。仁矩召軍校謀守戰利害,皆曰:「璋久圖反 不旋踵矣。」知祥曰:「計將安出?」季良曰:「我甲兵雖衆,而勢孤易動,請與東川董璋合從,先平遂、閬,則朝廷兵至,我無 遂、閬,季良言於孟知祥曰:「朝廷增兵二鎭,張掎角之勢,將有不測之變也。公處親賢之地,以忠信見疑,儻失先機,則禍 長興元年冬十月,璋自率凶黨,以攻其城。案九國志趙季良傳云〔三〕:朝廷以夏魯奇、李仁短分鎮

計,以賂誘士心,凶氣方盛,未可與戰,宜堅壁以守之。 儻旬狹之間,大軍東至,卽賊必退。」 舉族爲璋所害。 仁矩曰:「蜀兵懦,安能當我精甲。」卽驅之出戰,兵未交,爲賊所敗。 永樂大典卷一萬三百八十九。 既而城陷,仁矩被擒,

迎,思立不能禁, 陜,爲潞王前鋒,至城下,呼城上人曰:「禁軍十萬已奉新帝,爾輩數人奚爲!徒累一城人塗地耳。」 揮使。 馬都指揮使。二年, 等州觀察處置等使,改賜耀忠保節功臣。 二年,入爲右神武統軍。三年,充北面行營馬軍都指揮使。是歲閏十一月,卒於軍,年六 史,尋移嵐州,充北面諸蕃部族都監。三年,遷宿州團練使。 上黨,敗梁人於柏鄉,及平薊丘〔〕,後戰於河上,皆有功,累承制加檢校戶部尚書,右突騎指 康思立,晉陽人也。少善騎射,事武皇爲爪牙,署河東親騎軍使。 莊宗即位,繼改軍帥,賜忠勇拱衞功臣,加檢校尙書右僕射。 亦出迎。 移鎭陝州。案通鑑:潞王至靈寶,思立謀固守陝城以俟康義誠。 (舊五代史考異) 清泰初,改授邢臺,累官至檢校太傅,封會稽郡開國侯。 長興初,朝廷舉兵討東川董璋, 四年,領昭武軍節度、利巴集 天成元年,授應州 莊宗嗣位,從解圍於 詔兼 先是, 于是捧聖卒爭出 西面 捧聖五 行營軍 一百騎戍 刺

思立本出陰山諸部,性純厚,善撫將士,明宗素重之,故卽位之始,以應州所生之地授

利, 疾作而卒焉。 乃命思立統駕下騎軍赴團柏谷以益軍勢。 其後歷三郡三鎭,皆得百姓之譽。 晉高祖卽位,追其宿舊,爲輟朝一日,贈太子少師。 末帝以其年高,徵居環衞。 俄而楊光遠以大軍降於太原,思立因憤激, 永樂大典卷一萬八千一百二十 及出幸懷州,以北師不

案:歐陽史作太子少傅。(舊五代史考異)

賴之。 林捺刺泊至沒越泊至,云借漢界水草,敬達每聚兵塞下,以遏其衝,契丹竟不敢南牧,邊人 徒,領欽州刺史。 明宗即位,歷捧聖指揮使、檢校尚書左僕射。 初,卒於軍。 張敬達,字志通,代州人,小字生鐵。 敬達少以騎射著名,莊宗知之,召令繼父職,平河南有功,繼加檢校工部尚書。 三年,加檢校太保、應州節度使。 父審,素有勇,事武皇爲列校,歷廳直軍使,同光 長興中,改河東馬步軍都指揮使,超授檢校司 四年,遷雲州。 時以契丹率族帳自黑榆

月繼有韶促令攻取,敬達設長城連栅、雲梯飛礮,使工者運其巧思,窮土木之力。 仍使悉引部下兵圍太原,以定州節度使楊光遠副焉。 幾,晉高祖建義,末帝詔以敬達爲北面行營都招討使, 清泰中,自彭門移鎭平陽,加檢校太傅,從石敬瑭爲北面兵馬副總管,仍屯兵鴈門。 蕁統<u>兵三萬</u>,營于晉安鄉。 案:歐陽史作太原四面招討使。(舊五代史考異) 時督布者 末帝自六

唐

審四

+

六

列傳

第二十二

每 决,恐坐成 受恩於明宗,位歷方鎮,主上授我大柄,而失律如此,已有愧於心也。今救軍在近,旦暮雪 食之,馬盡食殫。 阜相屬,諸軍相顧失色。 犬吠鈴動,跬步不能行焉。 長 敗,尋爲所圍。 行周等。 恥有期,諸公何相迫耶。待勢窮,則請殺吾,攜首以降,亦未爲晚。. | 光遠、審琦知敬達意未 有所構 百餘里,闊五十里,布以氊帳,用毛索鈴,而部伍多犬,以備警急。 清晨,光遠上謁,見敬達左右無人,遂殺之。(舊五代史考異) :,則暴風大雨,平地水深數尺,而城栅崩墮,竟不能合其圍。 魚肉,遂斬敬達以降。 原本脫「所圍」二字,今據冊府元龜增入。(影庫本粘籤) 副將楊光遠、次將安審琦知不濟,勸敬達宜早降以求自安。 始則削木篩糞,以飼其馬,日望朝廷救軍,及漸羸死, 自是敬達與麾下部曲五萬人,馬萬疋,無由四奔,但見穹廬 案契丹國志:楊光遠謀害張敬達,諸將高行周陰爲之備,敬達疎于防禦,推遠 晉高祖及蕃衆自晉安寨 營中嘗有夜遁者,出則 九月,契丹至,敬達大 敬達曰:「吾 則與將士分 南門外, 如崗

領藩 收葬之。 天下,不能追懋官封,賞其事蹟,非激忠之道也。 末帝聞 郡,不聞其濫,繼屯守塞 晉高 其效 祖 卽 也,愴慟久之。 位後,所有田 垣,復能撫下,而臨 宅,咸賜其妻子焉。 時戎王告其部曲及漢之降者曰:「爲臣當如此人。」令部人 難固執,不求苟免,乃近代之忠臣也。 永樂大典卷六千六百五十一。 時議者以敬達嘗事數帝,亟立軍功,及

(二)頃之 原作「領之」,據殿本、劉本改。

(三) 趙季良傳 (II) 物議以爲不可 「可」字原無,據劉本、冊府卷四四七補。 原作「李良傳」,據九國志卷七趙季良傳改。下文「季良言於孟知祥日」句中「季良」

(日) 薊丘 原作「李良」、「季良日」句中「季良」原作「良」,均據九國志卷七趙季良傳增改。 原作「薊兵」,據冊府卷三六〇、卷三八七改。

(至) 自黑楡林捺剌泊至沒越泊 原作「自黑楡林至」,據通鑑卷二七八考異引薛史改。

九三五

唐

書 四

十六

校

勘記

售五代史卷七十一

唐書四十七

列傳第二十三

所殺, 彧〔一〕。考宋人說部載韓定辭唱和詩俱作馬彧,與薛史異。 室(言),即起草,爲之條列事狀,云可疑者十,詞理俊贍,以此知名。 警悟,有俊才智數,言辯縱橫,下筆成文。 馬郁, 鎔書報其弟匡儔。 其先范陽人。案:尹洙河南集韓重華誌銘作燕客馬彧,韓琦安陽集重修五代祖塋域記亦作幕吏馬 匡儔遣使於鎔, 乾寧末,爲幽州府刀筆小吏(三)。 問謀亂本末, 惟雲谷雜記從通鑑作郁,與薛史同。(舊五代史考異) 幕客爲書, 泳樂大典卷三千三百九十四。 多不如旨 李匡威爲王鎔 郁 時直記 郁

之, 者(四), 其略曰:「營中將士,或可追呼;天上雷霆,何人計會。」詞多不載。(孔本) 美麗善歌舞, 因宴席, 郁累挑之。 幕客張澤亦以文章名, **嘗聘王鎔於鎭州**, 謂郁曰:「子能座上成賦 官妓有 轉轉

案太平廣記:

匡懤忿其兄之見殺,卽舉全師伐趙之東鄙,將釋其憤氣,

而致十疑之書。

趙王遣記室張澤以事實答

唐

書

四

十七七

列

傳第

+ =

九三

異。(舊五代史考異)「郁抽筆操紙,卽時成賦,擁妓而去。 座上, 原本作「產上」,今據文改正。(影庫本粘籤)可以此妓奉酬。」案:太平廣記作韓定辭請馬彧爲賦, 永樂大典卷一萬四千八百二十八。

俊率如 賓僚宴集, 承業出珍果陳列于前, 食之必盡。 **|業,本朝舊人,權貴任事,人士脅肩低首候之。** 窺其不可啖,異日,韡中出一鐵檛,碎而食之,承業大笑曰:「爲公設異饌,勿敗余食案。 者,食之必盡。(舊五代史考異)承業私戒主膳者曰:「他日馬監至,唯以乾藕子置前而已。」 郁至, 郁在武皇幕,累官至檢校司空、祕書監。 此 册府元龜卷八百五十五。 案:太平御覽引後唐書作陳列于前,客無敢先嘗者,當郁 武皇與莊宗禮遇俱厚,給賜優異。 郁以滑稽侮狎,其往如歸,有時直造臥內。每 監軍張承

典僅存二條,今采册府元龜以補其闕 卿不得死爾。」郁旣無歸路,衷懷嗚咽,竟卒于太原。 珊厥元龜卷九百五十三。 莊宗謂之曰:「自卿去國已來,同舍孰在?」守光尚不能容父,能容卿乎!孤不惜卿行〔三〕,但 郁 在莊宗幕、寄寓他土、年老思鄉、每對莊宗欷歔、言家在范陽、乞骸歸國、以葬舊山。 馬郁傳,永樂大

天子播遷, 三輔大亂, 乃還鄉里。 司 空頸, 貝州人。 貝州人,歐陽史作博陽,今附識于此。(影庫本粘籤) 羅紹威爲節度副大使,類以所業干之,幕客公乘億爲延 唐僖宗時, 舉進士不中, 屬

騎召之。 **頲先奉狀太原。** 能下筆,彥怒詬曰:「鈍漢乃辱我!」推之下榻。 譽(於),羅弘信署爲府參軍,辟館驛巡官。張彥之亂,命判官王正言草奏,正言素不能文,不 梁,遂見殺。泳樂大典卷三千三百九十四。 爲判官,後以風權軍府事。 是,獨不可先相示耶!」掛令歸第,是日族誅于軍門。(舊五代史考異) **頤揮筆成文,詆斥梁君臣,彥甚喜,以爲判官。及張彥復脅賀德倫降於唐,德倫遣** 案:北夢瑣言載其狀詞云:屈原哀郢,本非怨望之人;樂毅歸燕,且異傾邪之行。 莊宗仍以頸 <u></u>
頤有姪在梁,遣家奴以書召之,都虞侯·張裕擒其家奴,以謂通于 案通鑑: 問孰可草奏者,有言願,羅王時書記,乃馳 晋王責頭曰:「自吾得魏博,庶事悉以委公,公何得見欺如

時有孔目吏范弼者,爲人剛愎,視廷隱蔑如也。 賜自盡,時人冤之。泳樂大典卷四千二百十三。 奏其事。 疑有舛誤。 馬 少都虞候,以其稱職,自是遷拜日隆。 曹廷隱,魏州人也,爲本州典謁虞侯。 册府元龜所引薛史與永樂大典同,今無可復考,姑仍其舊。(影庫本粘籤)又私貨官鹽,延隱按之,途 弼家人訴於執政,並下御史府劾之。 天成初,除齊州防禦使,下車嚴整,頗有清白之譽。 賀德倫使西迎莊宗於晉陽,莊宗既得鄴城,擢爲 | 弼雖伏法, 廷隱以所奏不實, 亦流永州, 續勅 **酬監軍廩,鬻空乏以取貲,** 醫空乏以取貲,原本

爲參軍,尤不樂,居歲餘,又亡之易州,削髮爲僧,居百丈山。 爲巡官,希甫不樂,乃棄其母妻,變姓名,亡之鎭州,自稱靑州掌書記,進謁 蕭 希 ,宋州人也。少舉進士,爲梁開封尹袁象先書記。 莊宗將建國,置百官, 象先為青州節 王鎔。 度使, 鎔 以希 以希

薦爲魏州推官。

莊宗 謂 莊宗欲以希甫 希 滅梁室,遣希甫宣慰青、齊,希甫始知其母已死,妻袁氏亦改嫁。希甫乃發哀服喪,居于 甫曰:「老夫歷事三朝天子,見內宴數百,子本田舍兒,安知宮禁事 同 光初,有詔定內宴儀,問希甫樞密使得坐否,希甫以爲不可。 知制誥,宰相豆盧革等附居翰,共排斥之,以爲駕部郎中,希甫失志,尤怏怏。 樞密使張居翰聞之怒, !」希甫不能對。初,

後革 安 騎常侍, 勘 重 判院事蕭希甫,身處班行,職非警察,輒引凶狂之輩,上陳誣骫之詞,逼近郊禋,扇搖軍衆。 井 中,惟 就爲安 海 天成初,欲召爲諫議,豆盧革、韋說沮之。 不信之,斬告變者,軍 人有引漢李陵書以譏之曰:「老母終堂,生妻去室。」 躁進尤甚,引告變人李筠夜扣內門,通變書云:「修堤兵士,欲取郊天日 破 釜 重誨所惡,希甫希旨,誣奏革縱田客殺人,而說與隣人爭井,井有寶貨。有 丽 己,破釜,原本作「破斧」,今從歐陽史改正。(影庫本粘籤) 革、說卒皆貶死。 人 訴 屈,請希甫啖之。 明宗卒以希甫為諫議大夫,復爲匭函使。 旣 而 詔曰:「左散騎常侍至、 希甫 舉 集賢 火 爲 拜 叛。」 殿 左

李筠旣當誅戮,希甫寧冤謫遷,可貶嵐州司戶參軍,仍馳驛發遣。」長興中,卒于貶所。

子士明,仕周,終于邑宰。永樂大典卷五千二百二十五。

磁州 望,久無所授。 **膝元年九月,以疾受代而卒。** 天平、宣武兩鎭節度副使。 刺史,歲餘,自戶部侍郎遷吏部侍郎,銓綜之法,惘然莫知。 縱之饑寒相伴云,不離我左右。今有天下,何人不富貴,何爲獨棄縱之!」狹旬,授 明宗曰:「德勝用兵時, 明宗鎮常山,被病不從,及卽位,縱之見于洛邑,安重誨怒其觀 永樂大典卷二萬一千六百十七。 德勝,原本作「得勝」,考薛史梁、唐帝紀皆作德勝,今改正。(影庫本 從明宗鎭邢州、爲掌書記,歷 長興初, 爲曹州刺史。

性恬澹,與物無競,乃鎭州士人之秀者也。 卿致仕,復歸鎭州,結茅於別墅,自課兒孫耕牧爲事 未即尊位,文禮遣馥至鄴都勸進,因留鄰下,棲遲郵舍。 賈馥, 故鎭州節度使王鎔判官也。 家聚書三千卷, 手自刊校。 泳樂大典卷一萬一千七百十四。 馥 莊宗卽位、授鴻臚少卿。 初累爲鎭、冀屬邑令,所蒞有能政, 張文禮殺王鎔,時莊宗 後以 鴻臚

亦不 薛史, 將爲國子祭酒已八十餘矣, 與歐陽史異。 [編時年已八十,及爲國子祭酒,八十餘矣, 元 龜卷九百五十四。 諸博士駮云:「律令,國之大經。 進士,以父元魯山名進故也,多如此類。 止之,物議以爲然。 事 不宜無服,乃議服小功。今令文省服制條爲兄弟之妻大功, 載馬編爲太學博士。(舊五代史考異)形氣不衰。 遷太常 馬縞, 少卿。 少嗜學儒 梁代諸王納嬪,公主下嫁,皆於宮殿門庭行揖讓之禮,編以爲非禮, 案:馬縞傳,原本殘闕,今僅存梗概。 永樂大典卷二萬二千六百五。 ,以明經及第,登拔萃之科。仕梁爲太常修撰,累歷尚書郎,參知禮院 馬縞知禮院時,不曾論定,今遽上疏駮令式,罪人也。」 又直齋書錄解題云: 又上疏:「古者無嫂叔服, 案 : 册府元龜卷七百八十四。 馬縞傳,原本殘闕。 案:以下有闕文。(殿本) 中華古今注, 不知何人議 歐陽史云:卒年八十,贈兵部尚書。據 後唐太學 于事多遺忘, 長興四年,爲戶部侍郎。 文皇創意 博士馬縞撰。 改, 而置於令文。」 以兄弟之親, 言元稹 考歐陽史雜傳 上疏

下, 身 因 ~奉法,不 事全義如廝僕。 羅 買,不知何許人。進士及第,累歷臺省官,自禮部員外郞爲河南令。 避權豪。 由是左右每言貫之失。 時宦官伶人用事,凡請託於貫者,其書盈閣,一無所報,皆以示郭崇韜, 及貫授命,持本朝事體,奉全義稍慢,部民爲府司庇護者,必奏正之。 先是,梁時張全義專制京畿,河南、洛陽僚佐, 貫爲人強直,正 皆由其門

宦官曰:「屬河南縣。」促令召貫至,奏曰:「臣初不奉命,請詰稟命者。」帝曰:「卿之所部,反 過也?」崇韜奏曰:「貫縱有死罪,俟款狀上奏,所司議讞,以朝典行之,死當未晚。今以萬 贓狀,橋道不修,法未當死。」莊宗怒曰:「母后靈駕將發,天子車興往來,橋道不修,是誰之 問他人,何也?」命下府獄,府吏榜笞,促令伏款。翌日,傳詔殺之。郭崇韜奏曰:「貫別無 陵,壽安,原本作「壽奄」,考五代會要,貞簡太后陵名壽安,今改正。(影庫本粘籤)道路泥濘,莊宗訪其主者, 全義怒,因令女使告劉皇后從容白於莊宗,宦官又言其短,莊宗深怒之。會莊宗幸壽安山 入宮。崇韜從而論列,莊宗自闔殿門,不得入。卽令伏法,曝屍於府門,寃痛之聲,聞於遠 乘之尊,怒一縣令,俾天下人言陛下使法不公矣!」莊宗曰:「旣卿所愛,任卿裁決。」因投袂

侯門客,往往效之,時謂之「效淳」。故意威所至稱治,由晏之力也「お」。 鎭,皆爲從事,軍府之事,至于私門,事無巨細,皆取決于晏,雖爲幕賓,有若家宰。 獨脫其身,左右莫有從者,惟屡杖劍從之,徒步草莽,自是彥威高其義,相得甚歡。 淳于晏,案:以下有闕文。以明經登第,自霍彥威爲小校,晏寄食于門下。彥威嘗因兵敗, 及歷數 爾後公

邇。

泳樂大典卷五千六百七十八。

章,明吏事,時頗稱之。泳樂大典卷六千三百五十。 **濬第三子仕吳,改名李儼,見九國志。授太子賓客。** 相。 之入蜀,賜紫,加號慈福大師。 命,去或可免,冀存後嗣。」格拜辭而去,葉彥率義士三十人送渡漢江而旋。格由荆江上峽入蜀。王建僭號,以格爲 刺史,偽制責詞云:「送往辭命,不忠也,喪母匿喪,非孝也。」王衍嗣偽位後數年,復用爲宰 案舊唐書張濬傳云:永寧縣吏葉彥者,張氏待之素厚,告恪曰:「相公之禍不可免,郞君宜自爲計。」濬曰:「留則併 張格,字承之,故宰相濬之子也。濬爲梁祖所忌,潛遣人害於長水,格易姓名,流轉入 同光末,蜀平,格至洛陽, 格所生母,當濬之遇害,潛匿於民間,落髮爲尼,流浪於函、洛。王建聞之,潛使人迎 案舊唐書云:任圓攜格還洛,格感葉彥之惠,訪之,身已殁,厚卹其家。 及建卒,蜀人以格爲山陵使,格有難色,未幾得罪,出爲茂州 任圜愛其才,奏爲三司副使,尋卒於位。 格有文 叉考張

篳篥,事訖,方命坐賜果,問易義。旣退,寂謂人曰:「君淫在聲,不在政矣。 史秀異)久棲四明山,不干時譽。昭宗聞其名,徵赴闕,召對於內殿。 昭德塞達,以臨照百官,百官或象之。今不厭賤事,自求其工,君道替矣。」尋請還山,寓居 册府元龜亦作「三式」,今姑仍其舊,附識於此。(影庫本粘籤) 尤明易象。 許寂,字閑閑。祖祕,名聞會稽。 一級少有山水之好,汎覽經史,第三式,三式,疑有舛誤。 案太平廣記云: 寂學易于晉徵君。(舊五代 會昭宗方與伶人調品 寂聞君人者,將 考

待以師禮,位至蜀相。 末、除諫官、不起、漢南謂之徵君。 於江陵,以茹芝絕粒,自適其性。 已年高,精彩猶健,沖漠寡言,時圖語云「可怪可怪」(10),人莫知其際。 清康三年六月卒,時 同光末,平蜀,與王衍俱從于東,授工部尚書致仕,卜居于洛。 天祐末,節度使趙匡凝昆季深禮遇之,師授保養之道。唐 梁攻襄陽,匡凝兄弟棄鎭奔蜀,寂偕行。 歲餘,蜀主王建 時寂

年八十餘。子孫位至省郞。

截分載,今仍為連綴,以仍其舊。(影庫本粘籤) 誠惠,初於五臺山出家,能修戒律,稱通皮、骨、肉三命, 塔日慈雲之塔。泳樂大典卷九百二十五。 祝數旬,略無徵應。或謂官以祈雨無驗,將加焚燎,誠惠懼而遁去。及卒,賜號法雨大師, 號日降龍大師。京師旱,莊宗迎至洛下,親拜之,六宮參禮,士庶瞻仰,謂朝夕可致甘澤。禱 人初歸向,聲名漸遠,四方供饋,不遠千里而至者衆矣。自云能役使毒龍,可致風雨,其徒 同光時,以方術著者,又有僧誠惠。永樂大典卷一萬六百二十五。 誠惠,係許寂附傳,永樂大典割

教,遂以袁、許之術授之。 本燕人,世爲從事。 周玄豹者,周玄豹,錦繡萬花谷作「崔玄豹」,係傳寫之訛。考歐陽史、通鑑俱作「周」,今仍其舊。(影庫本粘 **| 玄豹少爲僧,其師有知人之鑒,從遊十年餘,苦辛無憚,師知其可** 大略狀人形貌,比諸龜魚禽獸,目視臆斷,咸造其理。 及還鄉,遂

唐書四十七

列

傳

第二十三

校勘記

九四五

徒,爭問吉凶,恐近於妖惑。」乃止。令以金帛厚賜之,授光祿卿致仕。尋卒於太原,年八十 之明年,一日謂侍臣曰:「方士周玄豹,昔曾言朕諸事有徵,可詔北京津置赴闕。」趙鳳奏曰: 萬里,未見迴期。」揆數日後,因酒酣,爲衣領扼之而卒。莊宗署玄豹北京巡官。明宗卽位 貴子。」明宗赫怒因解,後其言果驗。太原判官司馬揆謁玄豹,謂揆曰:「公五日之中,奉使 懿皇后夏氏方侍巾櫛,偶忤旨, 大爲明宗檟楚。 玄豹見之曰:「此人有藩侯夫人之位,當生 伏其異。 宗於末綴言曰:「骨法非內衙太保歟!」案:以上疑有脫誤。 晉陽,張承業信重之,言事數中。 俱爲故人,唯彼道士,佗年甚貴。」至來歲,二子果卒。 歸俗。 「遠、許之事,玄豹所長者,以陛下貴不可言,今旣驗矣,餘無可問。 若詔赴闕下,則奔競之 初,盧程寄褐遊燕,與同志二人謁焉。 或問明宗之福壽,惟云末後爲鎭州節度使,時明宗爲內衙都校,纔棄州牧而已。昭 承業俾明宗易衣列於諸校之下,以佗人詐之,而玄豹指明 玄豹謂鄉人張殷袞曰:「適二君子,明年花發, 。又二十年,盧程登庸於鄴下。 北夢瑣言作骨法非常,此爲內衙太保乎!咸 玄豹歸

校勘記

永樂大典卷八千九百九十七。

馬彧 原作「馬郁」,據殿本、韓琦安陽集卷四六重修五代祖塋域記改。 下引太平廣記注文同。

- (三) 爲幽州府刀筆小吏 「幽州」二字原無,據冊府卷七一八補。
- 郁時 直記室 「時」原作「將」,據殿本、劉本、冊府卷七一八改。
- 四 **嘗聘王鎔於鎭州官妓有轉轉者** 原作 「嘗侍於王鎔鎭州中官妓有轉轉者」,據殿本改。

 册府卷

- 七三〇作「嘗使於鎮州王鎔、官妓有轉轉者」。
- (E) 孤不惜卿行 「行」字原無,據殿本、冊府卷九五三補。
- (台) 幕客公乘億 亦作『慕容』,今姑仍其舊,附識于此。」今據殿本、劉本改。 「幕客」原作「慕容」,影庫本粘籤云:「『慕容』二字,疑『幕客』之訛。 今考冊府元龜
- (书) 左散騎常侍 「左」原作「右」,據殿本改。 按本卷上文云:「希甫拜左散騎常侍。」
- 2 饑寒相伴 「伴」原作「半」,據殿本、劉本改。
- (元) 淳于晏……由晏之力也 于晏傳一篇,脫落未寫。」殿本當係據大典原文增補,劉本則依據殿本增補。 淳于晏傳原無,據殿本、劉本補。 影庫本批校云 :「張格傳前尙有淳 **珊府卷七二五、卷**
- 八〇四淳于晏下有「登州人」三字。

(10) 時蜀語云

殿本、劉本、冊府卷七八四「蜀」作「獨」。

舊五代史卷七十二

唐書四十八

列傳第二十四

舊,仍 也, 州,就加左監門衞將軍。 賜紫,入爲內供奉。 附識于此。(影庫本粘籤) 宋初修五代史避太祖御名,于唐宰相崔胤或稱爲崔裔,此傳又稱爲崔魏公,前後異稱,殊失史家紀實之體。今存其 三年,昭宗將幸太原,以承業與武皇善,乃除爲河東監 張承業,字繼元,本姓康,同州人。 武皇之討王行瑜,承業累奉使渭北,因留監武皇 武皇偽戮罪人首級以奉韶,匿承業於斛律寺, 駕在 鳳翔,承業屢請出師晉、絳,以爲岐 咸通中, 內常侍張泰畜爲假子。 軍,密令迎駕。 人掎角。 昭宗追弑, 軍事,賊平,改酒坊 光啓中, 崔魏公之誅宦官 既而昭宗幸華 主部陽軍 乃復請爲

監軍。

夾城之役,遣承業求援於鳳翔。 唐 書 四 + Д 列 傳 第 _ + рц 時河中阻絕,自離石渡河,春冰方泮, 九四九 凌凘奔贓, 鱶舟

救|潞 行墨 横, **晨**,蹑 自 不得渡,因 爲 後 戶 制 破 事 冰 部 贼 公善籌之。」承業奉遺顧,爰立 而 侍 墨制 夾城。 濟 郎,乃請 旋 旋 原 河 神,是夜夢神人謂曰:「子但渡,流冰無患。」旣寤,津吏報曰:「河冰合矣。」凌 本作「里制」,今從通鑑改正。(影庫本粘籤)凡除拜之命,皆成 踵 莊宗深感其意,兄事之,親幸承業私第,升堂拜 冰 與承業改官及開國 解。 使還,武皇病篤, 啓手之夕, 召承業屬之曰:「吾兒孤弱, 嗣王,平內難,策略居多。 邑,承業拒而 不受。 其後但 母,賜遺 既終易月之制, 稱 於盧汝弼之手。 本朝舊官而 優厚。 時莊宗 卽 汝弼旣 羣臣 請 出 縦 初 師

書記 不足 甚 見 信也 待 盧 天 遇。 質 祐 聞 中, 一之日:「 承業 時有 以红 州 薦 周 劉守光敗,其府掾馮道歸 「我曾見 爲霸 玄 豹 府 者,善人倫鑒,與道 杜黄 從 事 袋司 焉 空寫眞圖,道之狀貌酷類焉,將來必副 太原, 不合, 謂承業曰:「馮生無前 承業辟爲本院巡官, 程,公不可過用。」管 承業重其文章履行, 大用,玄豹之言

部邑 寢, 宗在魏州垂十年,太原軍國政事,一委承業,而積聚庾帑,收兵市馬, 周 德威 諸將不敢言事 柏 德威 老將,洞識 鄕 之役,王師旣逼汴營, 計劉守光, 了,咸詣 兵勢,姑務萬全, 令承業往視賊勢,因請莊宗自行,果成 監 軍請 白 周德 言不 威慮其奔衝,堅請退舍口。 承業遽 可忽。」莊宗蹶然 至 一牙門, 褰帳而 而 興曰:「予方思之。」其 入, 大捷。 撫莊宗 莊宗怒其 招懷流散, 承業感武皇 白:「此 懦,不聽,垂 非 (夕, 收 厚遇, 勸課農桑, 王 安 《寢時 自莊 軍保 帳而

成是霸基者,承業之忠力也。

手,民 訛字。 王自取 基業 公物 也。 出 庫本粘籤) 杯酒之間,忤於七哥,太后必怪吾。 附(E)。」揮拳 死 寶帶幣馬奉之。 爲 承業謝曰:「郎君歌舞(三),承業自出已俸錢。此錢是大王庫物,准擬支瞻三軍,不敢以 僕荷先王 時 用之, 考册府元龜所引薛史與永樂大典同,今仍其舊。(影庫本粘籤)不過財盡兵散, 俗 貞 閻寶解承業手, 惜錢,原本作「借錢」,今從通鑑改正。(影庫本粘籤) 王若自要散施, 私 蒲博、給伶官、嘗置酒於泉府、莊宗酣飲,命興聖宮使李繼岌爲承業起舞、旣竟,承業 丕變。 泪王之介弟在晉陽宮,或不以其道干於承業,悉不聽,踰法禁者必懲,繇是貴戚斂 簡 禮也。」莊宗不悅,使酒侵承業。 何問僕爲! 太后、韓德妃、伊淑妃、諸宅王之貴,諸宅王之貴,原本疑有舛誤,今無可復考,姑仍其舊。(影 了踣之。 一遺顧, 或有中傷承業於莊宗者,言專弄威柄,廣納賂遺。 莊宗指錢積謂承業曰:「和哥無錢使,七哥與此一積(三), (舊五代史考異) 太后聞莊宗酒 誓爲本朝誅 汴賊, 令退。 承業詬寶曰:「黨朱温 莊宗怒,顧元行欽曰:「取劍來 失,急召入。 七哥爲吾痛飲兩巵分誇,可乎?」莊宗連飲四鍾,勸承 爲王惜 承業日:「臣老勅使,非爲子孫之謀, 惜錢爲大王 庫物,斬承業首,死亦無愧 莊宗 逆賊, 性至孝,聞太后召,叩頭謝承業 未嘗有一言效忠, 何妨老夫,何妨老夫,原本疑有 莊宗歲時還晉陽宮省太 承業引莊宗衣, 泣 一事 無成。」案: 於先王, m 寶馬非殊惠 敢 百:一吾 依 今日請 通鑑作 阿路 而言

唐

74

+

八

列

傳第二十

ĮЦ

莊宗歸宮,太后使人謂承業曰:「小兒忤特進,已答矣,可歸第。」翌日,太后與

莊宗俱幸其第,慰勞之。 。自是私謁幾絕。

得天下。」其後,盧質雖或縱誕至,莊宗終能容之,蓋承業爲之藻藉也。 籤 「予方招禮賢士,以開霸業,七哥何言之過也。」承業因聳立而言曰:「大王若能如此,何憂不 燕國公,固辭不受。是時,盧質在莊宗幕下,嗜酒輕傲,嘗呼莊宗諸弟爲豚犬,莊宗深銜 承業慮質被禍,因乘間謂莊宗曰:「盧質多行無禮,臣請爲大王殺之,可乎?」莊宗曰: 十四年,承制授開府儀同三司、左衞上將軍、 左衞,原本作「右衞」,今從册府元龜改正。(影庫本 粘

度,制 秦再思洛中記異 禮,儀仗法 年,蓋言報國仇讎,復唐宗社。今元凶未滅,民賦已殫,而遽先大號,蠧耗財力,臣以爲不可 將復舊邦,讎旣未平,不宜輕受推戴。方疾作,肩興之鄴宮,見莊宗曰:「王父子血戰三十餘 也。 十八年,莊宗受諸道勸進,將纂帝位,承業以爲晉王三代有功於國,先人怒朱氏弑逆, 禮作樂,未見其人,臣以爲不可二也。 臣自咸通 .物,百司庶務,經年草定,臨事猶有不可。 云 已來, 咸通,原本作「成通」,今從唐書改正。(影庫本粘籤) 伏事宮掖,每見 舉事量力而行,不可信於游譚也。」 王若化家爲國,新立廟朝,不可乖於制 國家册命大 案 通 鑑考異引

有功者,何人輒敢當之!讓一月卽一月牢,讓一年卽一年牢。 設使高祖再生,太宗復出,又胡爲哉!今大王一旦自立,頓 ··承業諫帝曰:「大王何不待誅克梁孽,更平吳、蜀,俾天下一家,且先求唐氏子孫立之,後更以天下讓

失從前仗義征伐之旨,人情怠矣。老夫是閹官,不愛大王官職富貴(云),直以受先王付關之重,欲爲大王立萬年之基爾。」

(舊五代史考異) 莊宗曰:「奈諸將何!」承業知莊宗不從,因號泣而言之。十九年十一月二日,以

疾卒于晉陽之第,案:歐陽史作不食而卒。通鑑作邑邑成疾,不復起。(舊五代史考異)時年七十七。貞簡 太后聞喪,遽至其第盡哀,爲之行服,如兒姪禮。 案:歐陽史作正憲。(舊五代史考異) 同光初,贈左武衞上將軍,諡曰貞憲。 五代史闕文: 莊宗將卽位於魏州, 承業自太原 永樂

業知不可諫止,乃慟哭曰:「諸侯血戰者,本爲李家,今吾王自取之,誤老奴矣!」即歸太原,不食而死。臣謹按:莊宗實錄 軍馬者,誓滅逆賊朱溫,復本朝宗社耳。今河朔甫定,朱氏尚存,吾王邈卽大位,可乎?」云云。莊宗曰:「奈諸將意何!」承 至,謂莊宗曰:「吾王世奉唐家,最爲忠孝,自貞觀以來,王室有難,未嘗不從。所以老奴三十餘年爲吾王捃拾財賦、召補

敍承業諫卽位事甚詳,惟「吾王自取」之言不書,史官諱之也。

原本誤作「天福」,今從唐書改正。(影庫本粘籤)詔誅宦官,仁恭紿奏殺之,匿於大安山之北谿 正。(影庫本粘籤)超授內常侍,出監幽州軍事,秩滿詔歸,節度使劉仁恭表留之。一天復中,天復 判官入爲學士院判官,遷樞密承旨、內府令,賜緋。昭宗在華下, 張居翰,字德卿。 咸通初,掖廷令張從政養之爲子,以廕入仕。 中和三年,自容管監軍 華下,原本作「華夏」,今據文改

天祐三年,汴人攻滄州,仁恭求援於武皇,乃遣居翰與書記馬郁等率兵助武皇同攻潞

四十八

列

傳

第二十

24

州 殿 時,擢居重地,每於宣授,不敢有所是非,承顏免過而已,以此脫季年之禍。 內侍省事,依前充樞密使。 韜對掌機務。 本粘籤) 解 以柱指· 衍 圍。 殺之(も)。 武皇因留之不遣。 既降,詔遷其族於洛陽,行及秦川,時關東已亂,莊宗慮衍爲變,遣中官向延嗣馳騎 以燕軍三千爲部下。 自是嗣昭每出征,令居翰知留後事。 去「行」字,改書「家」字。 韶云:「王術一行,並宜殺戮。」其詔已經印畫,時居翰在密地,覆視其詔 十月,莊宗將渡河,留居翰與李紹宏同守魏州。 李嗣 昭節制昭義,以居翰監其軍, 同光時,宦官干政,邦家之務皆出於郭崇韜。 俄而汴將李思安築夾城以圍潞州,居翰與嗣昭登城保守,以至 及衍就戮於秦川驛, 同光元年夏四月, 止族其近屬而已,其僞官及從行者倘 監其軍, 召爲樞密使, 莊宗入汴,加驃騎大將軍,知 原本作「其事」, 居翰自以羇旅 加特進,與郭崇 四年三月,偽蜀 **今據文**改正 一。(影 卽 就 乘

諳 延 悉 貴 舊 爲 明宗 西京 事 入洛,居翰 職 在潞州累年,每春課人育蔬種樹,敦本惠農,有仁者之心焉。 事,以供侍養。 謁見於至德宮,待罪雪涕,乞歸田里,詔許之,乃辭歸長安。 天成三年四月,以疾卒於長安,時年七十一。 永樂大典卷一萬六千四 居翰性 仍以其子 和而靜,

千餘

人,皆冤其枉濫,居翰之力也。

百五十。

蓋嘗賜姓。(舊五代史考異) 馬紹 宏, 馬紹宏傳,永樂大典疑有刪節,今無可復考,姑存其舊。(影庫本粘籤) 初與孟 知 祥同爲中門使,及周德威薨, 莊宗兼領幽州, 令紹宏權 腦官也。 案: 莊宗實錄作李

報 知州 鬱 使,紹宏 百 河十 下, 輒 側 馬紹宏善、紹宏 事 应 目於崇韜。 滋 失望,乃以爲宣徽使。 煩費,議者以爲 即位 案:下有闕文。 一之初郭崇韜勳望高, 領北面轉運制置大使,表爲判官。 崇韜 知其慊也,乃置內勾之目,令天下錢穀簿書, 十羊九牧,深所 據通鑑,李嗣源爲謠言所屬,危殆者數四,賴宣徽使李紹宏左右營護, 紹宏以己合當樞密任(こ)案宋史趙上交傳: 舊在紹宏之下, 不可,內勾之目,人以爲是妖言。 考紹宏爲北面轉運制置大使, 薛史不載。(舊五代史考異) 時徵潞州監 軍張居翰與崇韜並 悉委裁遣。 南遊洛陽, 永樂大典卷一萬九千六 以是得全。 旣而 與中官驃騎大 州 爲 天成元 常鬱 樞密 郡 供

年二月己丑朔, 以宣徽南院使李紹宏爲樞密使。(舊五代史考異)

孟

朱、馮用事, 正。(影庫本粘 南院使。 漢瓊,本鎭州王鎔之小豎也。 原本作「朱憑」,下文又有「朱馮」。 漢瓊性通點,善交構。 籤 又與之締結。 秦王領兵至天津橋,時漢瓊與朱、 初見秦王權重,及挾王淑妃勢, 考通鑑, 明宗鎭常山,得侍左右,明宗卽 明宗,朱弘昭、馮贇並掌財賦,故稱朱、 馬及康義誠方會議於內 傾心事之, 位, 馮, 自諸 原本「憑」字誤 及朱、 馮 用事 今改

司使累遷宣徽

謀猶未決,漢瓊獨出死力,先入殿門,奏於明宗,語在秦王傳。

唐

四

+

八

列

僔

第

= +

兀

校

勘

記

九五五

漢瓊卽自介馬以召禁軍。

秦

帝嗣位,尤恃恩寵,期月之內,累加開府儀同三司、驃騎大將軍。 路王曰:「諸事不言可知。」漢瓊即自預從臣之列,尋戮於路左。 泳樂大典卷一萬三千一百六十。 待之,故漢瓊自謂潞王於己有恩。至是,乃單騎至澠池謁見潞王,因自慟哭,欲有所陳。 欲令先入于鄴,漢瓊藏匿不見。 潞王行及陝州,乃悉召諸妓妾訣別,欲手刃之,衆知其心, 王旣誅,翌日,令漢瓊馳騎召閔帝於鄴。案通鑑道漢瓊徵從厚,且權知天雄軍府事。(舊五代史考異)閔 率皆藏竄。 初,路王失守於河中,勒歸於清化里第,時王淑妃恆令漢瓊傳教旨於路王,王善 西軍旣叛,閔帝急召漢瓊,

貂,秦之景監,去之遠矣。 之爭權,漢瓊之搆禍,乃宦者之常態也,又何足以道哉!永樂大典卷一萬三千一百六十。 史臣曰:承業感武皇之大惠,佐莊宗之中興,旣義且忠,何以階也。 夫如是,則晉之勃 居翰改一字於詔書,救千人之濫死,可不謂之仁人矣乎 如紹宏

校勘記

- 〕堅請退舍「退」原作「過」,據冊府卷六六八改。
- Ξ 和哥 「七哥」下注云:「七哥謂承業也。」 無 錢 使 七哥與此 積 殿 本 劉本同。 冊府卷六六六「和哥」下注云:「繼岌小字和哥。」

四十八 校 勘 記

3 郎君歌舞 「歌舞」原作「哥勞」,據冊府卷六六六改。 彭校作「過勞」。

(1) 依阿諂附 「阿」字原無,據冊府卷六六六補。

金 雖或縱誕 「或」原作「成」,據冊府卷六六六改。

「愛」原作「受」,據通鑑卷二七一考異改。

(台) 不愛大王官職富貴

(4) 乃以爲宣徽使紹宏以己合當樞密任 (七) 遣中官向延嗣 「遺」字原無,據冊府卷六六六、通鑑卷二七四補。 上「以」字及「紹宏」、「密」字原無,據殿本補。

影庫本批

校云:「己合當樞密任,脫『密』字。」

舊五代史卷七十三

唐書四十九

列傳第二十五

其川貨妓樂,爲璋所掠。明宗嗣位,錄平圖功,授邠州節度使。 庶宗体紀增入。(影庫本粘籤) 蜀平,璋功居多。明年,蕭牆禍起,繼岌自西川至渭南,部下散亡, 刺史,後竟帥滄海。(舊五代史浅異)歷貝州、遼州刺史。璋性凶悖,有膽略,從征河上,屢有戰功。 已。」毛復寢,未熟,劍吼躍如初,毛深自負。 其後戴雕鎭,毛請留,戴從之。 未幾,毛以州歸命于唐莊宗,莊宗以毛爲其州 城歸莊宗, 案玉堂閒話云:戴思遠任浮陽日,有部曲毛璋,爲性輕悍。管與數十卒追捕盗賊,還宿于逆族, 毛枕劍而 夜分,其劍忽大吼,躍出鞘外,從卒聞者愕然驚異,毛亦神之。乃持劍祝曰:「某若異日有此山河,爾當更鳴躍, 毛璋,本滄州小校。 梁將戴思遠帥滄州,時莊宗已定魏博,思遠勢蹙,棄州遁去,璋據 否則

唐

74

十九九

列傳第二十

五

羅,故稍佑璋。 妓於 泳樂大典卷一萬八千一百三十。 許延祚路未與,又云 JII **詣臺訴璋翻覆,復下御** 障俱下御 初,延祚 義 節度使壺璋上言:「毛璋男廷贇齎父書往西川 節 腹使, 山 璋旣家富 亭院,服赭黃,縱酒,令爲王衍在蜀之戲。 在獄,多言璋陰事,璋許 史臺獄。 璋謀欲 於 及款 財 不 廷贇乃璋之假姪,稱有叔在蜀 曾借馬 狀 有 奉韶,判官邊蔚密言規責, 史臺 上聞,或云夢奇受璋路,所以 蜀之妓樂,驕僭自大,動多不法, 訊鞫。 與夢奇,別無行路之事。 重路,以塞其口。及免,延祚徵其路,璋拒而 中丞呂夢奇以璋前蒙昭雪, 乃僶 , ,欲往省之,亦無私 事 慮有陰 獄 聞 . 促承 朝廷懲其宿惡, 不盡情, 於 招致部下, 事。」因追 朝, 命。 徴爲 洎至 執之, 今延祚以責路 金吾上將軍。 路州, 廷贇及同行 繕理 書,詔停任,令歸私 長流儒州 移於軍巡。 兵仗。 狂妄不悛, 不與,以至 之故, 人趙延祚,與 朝廷移授 其 年 賜死於路。 璋具狀會 每擁 復 秋, 延祚 加 IJII 東

詠。 賄於压,人報翌日登第,嶼聞不 鄭珏之再主禮聞也, 聶 漸爲拾遺,依郭崇韜爲鎭州書記。 嶼, 永樂大典 僅 鄭珏之再 存 二條, 捷,詬來 主禮聞 今錄册府 也, 人以嚇之, 明宗時,爲起居舍人。 元龜 刻本作· 以 補 知 其闕。(影 貢 珏 (舉。(劉 懼, 庫本 本 俾俱 粘籤) 嶼 成名。 與 雙眸若懸, 性氣乖僻, 鄴中人。 鄉人趙都 ·永樂大 }典 俱 少 卷二萬 赴 爲 僧, 鄉 一 千 漸 一百六 學吟 都 納

下。 聚居許下。 韜 家,嶼喪偶未久,復忍而納幣,人皆罪之。 元龜卷九百四十二。 賜姓,名紹冲,遽遣還鎭。永樂大典卷一萬一千五百七十六。明宗即位,流于德州,俄賜死。 詔賜死。 庭,致身朱紫,名登兩史,浙江 案:以下有闕文。(殿本) 度,唐諸陵在境者悉發之,取所藏金寶,而昭陵最固,悉藏前世圖書,鍾、王紙墨,筆迹如新。 風,薄其人士。或達于重誨, 素善趙巖,每依附之。莊宗入汴,巖恃韜與己素厚,遂奔許州,韜延之于第,斬首傳送闕 册府元龜卷九百四十三。同光初,韜來朝,郭崇韜曰:「此劫陵賊,罪不可赦。」 韜納路劉后 長子延濬,清泰中為泥水關使;次延沼〔三,爲父牙帳都校;次延袤,鄧州指揮使; 温韜,華原人。少爲盜,據華原,事李茂貞,名彥韜,後降于梁,更名昭圖。 册府元龜卷九百四十三。 晉天福初,聞張從賓作亂于河陽,咸往依之。從賓盧其難制,悉斬于帳下。 案:溫韜傳,永樂大典闕全篇,今宋册府元龜增補 永樂大典卷一萬一千五百七十六。移許州節度使,累遷至檢校太尉、平章事。 會敬怡入爲 一使迴,生涯巨萬。 明宗在藩邸時,素聞其醜聲,天成中,與温韜等同 樞密使, 嶼爲河東節判時,郭氏次子之婦,孀居于 與夢奇同構殺之行。 嶼早依郭崇韜門 爲耀州節 *册府

唐

四

十九

列傳第

= +

五

九六一

忌之。

天成初,除鄴都留守判官,與趙敬怡、呂夢奇不足。

又改河東節度,

及至,常鄙其土

器之。開 庫本粘籤) 段凝,開封人也。 平三年十月, 充左軍巡使兼水北巡檢使。 本名明遠,少穎悟,多智數。 自東頭供奉官授右威 凝妹爲梁祖美人, **衞大將軍**, 初爲澠池簿,脫荷衣以事梁祖, 威衞 故稍委心腹。 ,原本作「威軍」,今據五代會要改正。(影 四年五月, 授懷州 梁祖 漸

刺史。

家财, 上,亦未緊社稷之安危,此必均王時事也。(舊五代史考異)梁末帝以戴思遠爲北面招討使,行師 河上軍爲梁祖時事。 州刺史,使監兵于河上,李振亟請罷之,太祖曰:「凝未有罪。」振曰:「待其有罪,則社稷亡矣。」然終不罷也。 以間之。案通鑑:彦章寒鄒家口,復趨楊劉。 王彥章代之,受任之翌日,取德勝之南城,軍聲大振。 何」,今從通鑑改正。(影庫本粘籤)其見賞如此。其後,遷鄭州刺史,監大軍於河上。 貢,有加於前。 遠,少年治郡,庶事惟公,兩度祗奉行鑾,數程宿食本界,動無遺闕, 乾化元年十二月,梁祖北征迴,過郡,凝貢獻加等,梁祖大悅。 務在顯酬夫明獎。 梁祖次相州,刺史李思安迎奉疏怠,梁祖怒,貶思安。 通鑑考異云: 觀明遠之忠勤若此,見思安之悖慢何如 晉人取魏博, 遊奕將李紹與敗梁遊兵于清邱縣南,段凝以爲唐兵已自上流渡,驚駭失 然後與梁以河爲境,故常以大兵守之,太祖時未也。 張漢倫等推功於凝,凝掎摭彥章之失 ! 舉必 梁祖復北(四), 凝迎奉進 <u>__</u> 制云:「懷州 悖慢何. 周 豐, 如, 案歐陽史: 遷溪鄭 就使當時屯兵河 蓋能罄竭於 原本作「悖曼如 據此 刺 不利 史段 則 ·; 用 凝 明

使, 敬翔、 數意章,尤其深入。(舊五代史考異) 李振極言不可,竟不能 止。 梁末帝怒, 凝以衆五 罷彦章兵權。 萬營於高陵津,裨將 凝納路於趙、張二族, 康延孝叛歸莊宗, 求爲 延 紹招討

具

、陳梁軍

虚

實,莊宗遂決長驅之計

寇幽州 降 使。 奏。 狀,不可信也。」凝在藩鎮,私用 間 下 授鄧州節度使。 獄, 韶釋之, 放歸田里。 ·奏凝蓋世奇才(至),可以大任,屢請以兵柄委之。 於汴郊,莊宗 凝所 凝初見莊宗,因伶人景進通貨於宮掖。 未 幾,莊宗 命宣徽使李紹宏監護諸 清偏 裨皆 釋之,復以凝爲滑州 入汴,凝自 四 年 取其己黨,莊宗疑之,乃止。 二月, 明年,竄於遼州,竟與温韜同制賜死。 滑率兵而 趙在 庫物數萬 一禮據鄴 軍,以禦契丹,凝與董璋戍瓦橋 兵馬留後,賜姓,名紹欽。 南,前鋒杜晏球至封丘, 城, 計,有司促償,中旨貰其負云。 李紹宏請用凝爲大將, 凝 天性姦佞,巧言飾智, 明宗至洛陽,霍彦威怒其前事 郭崇韜 曰:「段凝 解甲聽命。 有頃,正 뎲 永樂大典卷一 莊宗 善候 亡國敗軍之將,姦諂 凝 丏 授節度,改兗州 許之, 翌日, 凝率大軍乞 事 人意。 同光三年四月, 萬八千一百三十。 紹宏,紹宏嘗 ,與温 令具方略 其年, 韜 契丹 同 節 收 移 度 條 乘 難

酤 十二年,帝平定魏博, 孔 通鑑作魏州 會計皆委制置。 人。(舊五代史考異) 莊宗同光初,爲租庸 謙能曲事權要,效其才力,帝委以泉貨之務,設法 副 使。 謙本州之幹 吏, 上 自 天

唐

書四

+

九

列傳

第

二 十

五

勞, 本有 箕 **魚**斂, 然 闕 文,考歐陽 人 七 地 八 尚 年 史係 卑, 間 不 軍 判 欲 儲 官張 驟 獲 憲」,今增入。(影庫本粘籤) 濟。 總 重 及帝 任 節位 樞 密 于鄴城,謙已當爲租庸使,物議以謙雖 使 郭崇韜舉魏博觀察判官張憲爲租庸 以謙 爲副 ,謙悒然不樂者久之。 使, 有經營濟瞻之 「判官」下

用,人 于崇韜 付于 請 望,乃尋革過失。 非 非 不 議 獲 景韜 未當 勳 張 憲 已 人。 風病恍惚,不能綜三司事,景進屢言于帝, 謙 帝 知 懦 專 不可 旣 乘 居 奸諂 以正 而 崇韜 其 間 平 大 興 易制, 梁汴, 唐 訴 任 事. 言掌 沮之, 尹王 于 , 崇韜 以臣 崇韜 目:「此 豆 時草以 謙 租 鄴都 廬車 IF. 所 乃上 亦辭 以 徑自 庸 言 見, 取 爲 分司 1無裨益· 議 日 手 忠告 章 魏州 避(4)。 書 : 爲 却 書 請 列 便。」然非 于 租 委張 便 退 馳之行在,因謂崇韜 職, 之才 庸錢 大 卽 省 帝問 臣分,或 憲爲 밥 奏 庫錢 帝怒其規避, 穀,悉 憲爲 主 徒 己志。 當當 便。」 上 數 有 舊 鄴 + 在 獨 委何人 可 都 人, 帝促徵之。 萬 尋掎 行, 腿 辦 副留守, 乃命宰臣 前 乃以正言守禮部尚書, 謙 委王 矣,若 詔 將置于法, E 以手 爲 書 曰:「魏 委一 言之失, 正 旣 町 付 微 ? 書示崇韜,微諷 言何慮 小 之方面 憲性 」崇韜日:「孔 都 張 吏可 泣訴 憲, 樂人 重地,須大臣彈壓, 精 不辨 辦。 復 辨 八景進 必 豆盧革專判租 于 以 崇韜 ア 学」革日 爲 鄴 何 人事 于帝前 都 趨 聞 人 以謙爲租庸使。 謙雖久掌貨泉,然物 · ', 厚 時者所忌, 本根之地, (為代? 於革。 胳 :「俱是失 謙以 解 閹 庸。 喻 」豆盧革 革懼 以謙籌之, 伶, 正言: 而 不可 謙彌 以 止。 也, E 非 設 祐 失 進 輕 表 德

元 職卷九百二十四。

案:礼謙傳,永樂大典僅存一條,今錄册府元龜以存梗概。 非實,請減半數,皆支實錢。」並從之。未幾,半年俸復從虛折。 員,留守置判官各一員,三京府置判官、推官,餘並罷俸錢。」又奏:「百官俸錢雖多,折支 謙以國用不足,奏:「諸道判官員數過多,請只置節度、觀察、判官、書記、支使、推官各 案以下原闕。北夢瑣言云:明宗卽位,誅租庸使孔謙等。 永樂大典卷四千六百七十九。 孔

衆怒伏誅。(舊五代史考異) 一識者,魏州孔目,莊宗圖霸,以供饋兵食,謙有力焉。旣爲租庸使,曲事嬖倖,奪宰相權,專以聚斂爲意,剝削爲端。

以犯

軍,又貶崖州長流百姓,所在賜自盡。 貪穢,有奴爲人持金以賂鄴,奴隱其金,鄴殺之。其家上訴,因訐其陰事,詔貶郴州司戶參 李鄴,魏州人也。 幼事楊師厚,及莊宗入魏,漸轉裨將,歷數郡刺史,後遷亳州。 永樂大典卷一萬三百八十九。 爲政

謂積惡而滅其身矣,況温韜之發陵寢,段凝之敗國家,罪不容誅,死猶差晚。 史臣曰:易云:「積不善之家,必有餘殃。」又曰:「惡不積不足以滅身。」如毛璋之儔,可 永樂大典卷一萬三百八十九。 餘皆瑣瑣,何

唐

四十九

列

傳

第二十

五

校

勘記

校勘記

(二華州 劉本同。 殿本作滄州。舊五代史考異云:「案:歐陽史作華州。」

 Ξ 漸爲拾遺……同構殺之 「漸爲拾遺……鎭州書記」十三字及「雙眸若懸……同搆殺之」六十八

字原無,冊府卷九四三同,據殿本補。 影庫本批校云:「黃嶼傳較原本稍節刪。」殿本所補當係據

大典原文。

(三)延沼 原作「延招」,據劉本、壯府卷九四二改。

梁祖復北 殿本、劉本同、冊府卷六九七作「梁祖北征」。

Œ 紹宏嘗乘間奏疑蓋世奇才 「紹宏」二字原無,據冊府卷九三八補。

中旨貰其負 仍其舊。」今據明本冊府卷九三八補,殘宋本冊府此卷缺。 「旨」字原無,舊五代史考異云:「案:此句原本疑有脫誤,考冊府元龜與薛史同,今

(中) 微諷聞於革……崇韜 十七字原無,據冊府卷九二四補。

(3) 取書于大臣 殿本、冊府卷九二四同、劉本「書」作「畫」。

舊五代史卷七十四

唐書五十

列傳第二十六

鄭州防禦使,賜姓,名紹琛。明年,郊禮畢,授保義軍節度使。 人問梁兵機,延孝備陳利害,語在莊宗紀中。 南面招討指揮使、 揮使,率百騎來奔。 至部校,梁末帝時,頻立軍功。 康延孝,塞北部落人也。 招討、原本作「招收」、今據通鑑改正。(影庫本粘籤)檢校司空、守博州刺史。 莊宗得之喜,解御衣金帶以賜之。 初隸太原,因得罪,亡命于汴梁。 同光元年八月,段凝率衆五萬營於王村,時延孝爲右先鋒指 莊宗平汴,延孝頗有力焉,以功授檢校太保、 翌日,賜田宅於鄴,以爲捧日軍使棄 開平、乾化中,自隊長積勞 莊宗屏

顧 身。 三年,討蜀,以延孝爲西南行營馬步軍先鋒、排陣斬斫等使。 以前鋒下鳳州,收固鎮,降興州,敗王衍軍於三泉,所俘蜀軍皆諭而釋之, 延孝性驍健, 自是晝夜 狗利奮不

唐

鲁五十

列

傳 第 二 十

九六七

折吾兵 衍 功,延孝居最 蜀 六軍使王宗弼 復 衍 斷 軍溺 、勢、儻 王衍 綿江 破膽之時,人心離沮,但得百 死 一浮梁而 自 者亦 延旬 利州 令人持牛酒幣馬 千餘 俠,則勝負 奔歸成 去。 人。 水深 都,斷吉柏津浮梁,以絕諸軍,延孝復造浮梁以渡,進收綿州,王 延孝旣濟,長 《無舟檝 莫可知也,宜促騎渡江。」因與李嚴 彼 卽 歸款。 迎降不暇。 騎 可渡,延孝謂招撫使李嚴曰:「吾懸軍深入, 過 驅 庭 旬日 過鹿 頭關, , 如俟修繕津梁, 兩川 頭,進據漢州。 鹿頭,原本作「虎頭」,下文又作「鹿頭」,考通鑑及九國 平定, 延孝止漢州以俟繼岌。 便留數日, 若王衍堅閉近關, 乘馬浮江,於是得 居三日,部下後軍方至。 利 濟者僅千 在急兵。 平蜀之 僞

職。 璋惶恐,謝之而 蜀之功,公等僕 延 事 孝 延孝。 軍 時別 ,日:「東川重地,宜擇良帥,工部任尚書有文武才幹, 延孝 於 城 州 郭崇韜以私愛董璋,及西川 節 西,毛璋軍於城東, 謂毛璋曰:「吾冒白 度使董璋爲行營右廂馬步使,華州節度使毛璋爲行營左廂馬步使, 退。 趣相從,反首鼠於侍中之門,謀相傾陷。 酒罷 ,璋訴于郭崇韜, 董璋軍於城 刃,犯險阻,平定兩川,董璋何 平定之後,崇韜每有兵機,必召璋參決,延孝 崇韜陰銜之二,乃署董璋爲東川 中。 閨十二月, 吾爲都將, 「工部」下原脫「任」字, 延孝因酒酣謂 功,遽有 公乃裨校, 其地 董璋 今據通鑑增入。(影 節 二人因 力能 度 以軍 「吾有平 不 平。 使 斬首。」 禮當 落 謁 軍 見 時

庫本粘籤) 未幾,崇韜爲繼岌所害,二人因責董璋曰:「公復首鼠何門?」璋俛首祈哀而已。 甚治衆心,請表爲東川帥。」崇韜怒曰:「紹琛反耶?敢違吾節度」」延孝等惶恐而

圈人(言,三日間,衆及五萬。 兵士號哭,欲爲亂。」丁酉,延孝至劍州,遂擁衆迴,自稱西川節度、三川制置等使,以檄招諭 皆趣、延、河中舊將,焦武等知西平王被禍,兼誅令德,號哭軍門,訴於延孝曰:「西平無罪, 於郭公,而汗馬之勞,力摧強敵,卽吾也。若以背僞歸國,掎角而成霸業,卽西平王之功第 俄而董璋率兵之遂州,遇延孝不謁,延孝怒,謂諸校曰:「南平梁汴,西定巴卬,畫策之謀,始 連,中使詔至,諭以西平王朱友謙有罪伏誅〔三〕,命繼岌殺其子遂州節度使令德,延孝大驚。 二百口伏誅,河中舊將,無不從坐,某等必死矣。」時魏主繼岌到泥溪,延孝報繼岌云:「河中 一。西平與郭公皆以無罪赤族,歸朝之後,次當及我矣。」丙申,延孝次劍州。時延孝部下 四年正月甲申,大軍發成都,繼岌令延孝以一萬二千人爲後軍。二月癸巳,中軍次武

題、監軍李廷安討之。 辛丑,先令都將何建崇擊劍門,下之。 甲寅,圜以大軍至漢州,延孝 之。夜半,令監軍使李廷安召任圜,因署爲副招討使,令圜率兵七千騎,與都指揮使梁漢 斷吉柏浮梁。」繼岌懼,乃令梁漢顒以兵控吉柏津。延孝已擁衆急趨西川,繼岌遣人馳書諭

五.

列傳

第二十六

九六九

己亥,繼岌至利州。是夜,守吉柏津使案:原本疑有闕文。密告魏王曰:「得紹琛文字,令

九七〇

崇韜 急 奮者立 延孝 及 綿 木爲栅。 延孝入漢州 起, 來逆戰, 可 歸朝之後 痛惜, 買 車 州 引 延孝敗、馳入漢州 之徒, 至會, 佐 班 東廂 何建 騎 命元 師 誰肯愍之! 圜令董 出 (知祥遣) 了,授爵 (四)、衰疾者立西廂, 行 三月乙丑,圜陣於金鴈橋,即率諸軍鼓譟而進,四 崇 一戰,遇陣於金鴈橋, 何 知 、動、輔: 保 祥 追及,擒之,任圜 次 册勳, |延厚率兵二千會||李仁罕討之,將行, 首 鳳 問日:「明公頃自 |璋以東川懦卒當其鋒,伏精兵於其後,延孝擊退東川之兵,急追之, 領 翔 成 大業,不動干戈,收獲), 閉 知祥因 巨鎭尊官,誰與 中使向 以 此思慮,不敢 壁不出。 無自苦也。」得請行者七百人,逐延孝西寨,斬首百餘級,竟拔其城。 延嗣 手自注 命載以檻車。 金鴈, 梁朝 齎 西川孟知祥以兵二萬,與圜合勢攻之。 原本作「京鴈」,今從通鑑改正。(影庫本粘籤) 詔 盃以飲 為競競 脫 歸 至, 身歸 朝,天 <u>بر</u> 兩川,自古 遂 誓士卒曰:「今出師不三旬必破賊, 之。 奈何躁憤, 命,纔平汴水,節制陝郊,近領前鋒,克平劍外, 誅 時孟知祥與任園、董璋置酒高 道相 之。 延孝 違, 部下 殊 日。「自 功,但恐不 自毁功庸,入 懷其首級, 旦至此, 面縱火,風焰亙空。 知富 貴難消, 及, 亦 此檻 **整於昭應縣民陳暉地。** 其命· 乃立功圖賞之日也。 日 又敗之,以十數 車, 案九國志李延厚傳:康 也, 官 何罪,闔門 會, 漢州 職 還爲鄧艾,深 夫 已足。 因 於是延孝危 復 70 引令延孝 何 遇伏兵 面 被誅 士卒 然郭 S 騎奔 樹竹 忠

成

初,

其子發

之攜去。

永樂大典卷一萬八千一百三十。

宗在 事 ! 候。 強作宿德之態,言語遲緩,自謂沉厚。 之任,仍兼領蕃漢馬步軍。京城初定,內外警巡,恃憑主恩,蔑視勳舊,與景進互相表裏,又 戎行,不聞戰攻。每搆人之短長,中於莊宗,漸以心腹受委。 」因撤北寨,鷲才,原本作「鷲木」;北寨,原本作「此塞」,今俱從通鑑改正。(影庫本粘籤) **郸州,密請以覆軍之罪罪之,莊宗私於腹心,忍而不問。** 守殷守德勝寨,爲梁將王彥章所攻,守殷無備,遂陷南寨。 朱守殷,小字會兒。 莊宗就學,以廝養之役給事左右。 案:以下疑有闕文。據歐陽史,莊宗東討,守殷將騎軍。 及莊宗卽位,爲長直軍使,雖 河上對壘,稍遷蕃漢馬步 同光二年,爲振武節度使,不 莊宗聞之曰:「駑才大悞予 往固楊劉。 都虞 明 列

京水 判六軍諸衞事,加侍中,移汴州節度使。 嬪 與計事, 退,而騎軍終不至。 御及珍寶以歸,恣軍士劫掠京都,翌日方定,率諸校迎明宗於東郊。 天成初,授河南尹 及郭從謙犯興教門,步軍始亂,中使急召騎士,守殷按甲不進,莊宗獨領宦官斫射, **彦超不從,守殷殺之。明宗憐彦超之死,以其子承祚爲洺州長史。** 京水,原本作「凉水」,今從通鑑改正。(影庫本粘籤) 守殷乃生雲夢之疑,遂殺都校馬彥超、副使宋敬。 莊宗既崩,守殷摊衆方在北邙、憩於茂林之下。 車駕將巡幸,外議諠然,初以爲平吳,又云制置東 聞之,親統禁軍,倍程直抵其壘,長圍夾攻, 守殷驅市人閉壁以叛,明宗途次 案歐陽史云:守殷將叛,召都指揮使馬彥超 迨聞凶問, 乃入內,選 屢

守殷力屈,盡殺其族,引頸令左右盡其命。案儒林公議云:朱守殷與霍彦威同立明宗,專判

縋城甚衆。

唐書五

+

列

傳

第二十六

諸軍事兼河南尹,旋敍宣武軍節度使。 既而復奪之,守殷不平,頗出怨言。 奏,登城門望明宗叩頭,號哭稱寃。 索其黨,盡 通鑑與薛史無異辭, 誅之。 而儒林公議以爲守殷本無反心,爲重誨所陷, 詔鞭守殷尸,梟首懸於都市,滿七日,傳送洛陽。 明宗思其功,許以開門自新,重海已雕軍登陴,勢不可遏,城陷誅之。 重酶奏其反狀,明宗親率師討之。 時樞密使安重酶用事,汴之財利,遣中人筦權之。 車駕至 汴京, 蓋傳聞之互異也。(舊五代史考異)。王師入 守殿自以本無不臣之意, 守殷軍用不給,累表抗論, 永樂大典卷二千三十一。 考守殷之叛, 爲 權 重調 臣 歐 誣

祚出 城自 光二年四月, 衆謀曰:「我輩事故使二十年,衣食豐足,未嘗邊塞征行,茍於邊上差跌,白骨何歸?不如 深,故立輒敢據之,莊宗因茲詔諸道撤防城之備焉。 紹榮。(舊五代史考異) 奔至。 固 楊立者,路州之小校。 事成 則富 立 有詔以路兵三萬人戍涿州, 自 稱留後,率軍民上表請旄 貴耳。」因聚徒百餘輩, 一月拔之,生擒立及其 初事李嗣昭及李繼韜,皆畜養甚厚, 同惡十餘人,送於闕下,皆磔於市。 攻子城東門, 城中大擾。 案:通鑑作發安養兵三千戍涿州。(舊五代史考異) 節。 莊宗怒,命明宗與李紹眞攻討, 永樂大典卷六千五十二。 繼韜被誅, 副使李繼珂及監軍張 憤憤失志。 潞州城峻而 將發,其 通鑑作李 機

寶廷琬者,世爲青州牙將,梁祖擢置左右。 同光初,爲復州遊奕使, 姦盜屏跡, 歷貝州 唐書五十 列傳第二十六

置之, 刺 史。 由是 未幾, 嚴 刑 請制置慶州 峻法, 屢撓邊 照池 人。 ,逐年出絹十萬疋,米十萬斛, 課 利 不集,詔移 任 於金州 遂以廷琬爲慶州防禦使, 廷琬據慶州 叛, 詔邠州節 渡使 俾制

李敬

周

率兵討平之,夷其族。

永樂大典卷一萬九千三百五十四。

(預) 款於 鎭 爲先鋒 武 聞 使。 釗 云:歷左 刺 契丹 徐州 史。 帥 勇 云、入蜀 蜀 案北夢: 部 單 張 ,屢挫賊銳,遂陷其城 右 入洛 於流 虔釗 兵 天成 匡聖馬步軍 (會王 孟 長 瑣 取 一个皮 興 中, 輩 知 }言 人 遼州 云: 中 師 產業,贖貨無厭,蜀民怨之。 祥待之尤厚,偽授本 武皇、莊宗之世,累補左右突騎軍 與諸 都 於岐下。 虔釗 入也。 釗 爲 指揮 率衆數萬,將寇 []] 鎭 將 使, 滄州 南 明宗 圍 出 西道節度使兼 案九國志云: 王 泊 日,因亢旱民饑,發廩賑之,方上聞 爲 、素聞 都 昭 西師 武 於 軍 中山 虔釗 俱 節度使。 鎭節 |虔到, 秦、 變, 孟 有將 昶 虔釗 度使, 雍 西 大敗契丹於嘉山 遼州楡社人。 嗣 及漢祖卽位, , 面 帥 僞位, 俄聞 憤 馬 才, 俾知 惋, 步 漢高 軍 及卽 使。 加檢校太師、 祥 父簡, 退 乃移鎭梁州, 都 坐獲 ,帝甚嘉奨。 歸 旭 案九國志二 部 位, 已定中 興元, 之下 署。 唐檢校尚書左僕射。 山 擢 南 爲 云: 及末帝 之地, 以觀朝廷之變。 他 因與洋州 及定州 兼 原, 護駕親 日 莊宗嘗以偏師 中 秋 虔 ·書令。 成, 起于 由虔釗 釗 平, 軍 倍斗 節 無 都指 鳳翔, 初爲太原牙校, 度使 以 功 晉開 ·徵斂, 會 取鎭 之故 晉昌 而 功 揮使, 関帝 陽 退 孫 授 運 朝 山也。 軍 漢 滄州 論 節度使趙 命虔釗率 鄙之。 案九國志 韶 頟 詔 案北夢 蜀 俱送 令虔 春州 節 移 度 匡

|贊、 建 刨 班師 與韓保貞 鳳 圄 翔 亦亦 IJ. 節度 王 勢孤 贊 誠 等 款 爲王 使侯益俱 總 不 中 師 景崇 可深入,遂班師。 變,閉壘不 Ŧi. 萬出 謀 所逼 歸蜀 散關 ,棄城 出。 遂以 雌 自拔東去, 司 武軍 天監趙! 虔釗爲北 行至 節 度使 興州 廷 逐先退 樞累以雲氣不 面行營招討 何 重 感憤而卒。 師 建 出隴右 時虔 使, 利 釗 赤 應接 爲 諷 岡 鐅 經 永樂大典卷六千三 誠 肅 營。 保貞 、保貞 衞 都 俄 乃 虞 m 與福 師 候李廷珪 次 趙 **医**費、 陳 誠 倉 麥: 百五五 謀 所 侯益 出子午谷, 部 示 取 相 請 隴 叶 昶 州 出 會于 道 Ti 師, 侯益 會 雍 掠定三秦, 重 州 H 建 E 一歸蜀 贊 廷 珪 E 始出 因 去, 命虔 虔釗 廷 一

請 敢 送 敗 請 頭, 謀 末帝 叛 出 相 明宗 公 宣 鎭 師 楊 頭 但 末帝 彦 河 深怒彦 卽 原 温 中 歸 皆以爲安重 日 本作 命 遣 朝 汴州 尤善待之, 西京 廷。」 人詰之日:「 宜 稠 初 頭」, 等。 人,本梁朝之小校也。 留守 數 彦 通鑑 誨 稠 日 時 索自 因奏爲 方弄國權 出 , 作「寬頭」。 議者以 詔 吾善待 師 末帝 通 明宗 衙 侍 當 歸 ,尤忌末帝之名,故巧作 胡三 汝 內 衞 時 戒 朝 都指 步 之日 0 省 几 何苦 明宗 軍 注 海 莊宗朝 云 指 揮 I 爲 叛 恬 疑其詐 使。 揮 中 興 然, 書 使 般 用 五 樂彦 長 累遷 生致 劄 與元年 不 兵 彦 樞密院用 載 温 稠 神將。 彦 欲 戢 報 等 温 興兵, 窺圖 四 帥 日:「 蒲 宣 月,一 吾將 兵攻 一,今改 非 天 授彦 , 某 成 究莫能 乘 邊 自訊 之, 非 中, 郡 Œ 末帝 温 1。(影庫 敢 之。 絳 五 爲 負 近 傾 閱 州 日 恩, 河中副指 在 陷 本粘 馬 而 刺 及 或 於 世 籤 拔 緣 史。 門, 收 黃龍 奉 城 令某拒 彦温 樞密 前 安 自 揮 彦 閉 斬 重 使, 愚昧 院 首 温 門 誨 命 安 城 及 傳 及 堅

史臣曰:香秋傳云:「夫不令之臣,天下之所惡也。」故不復較其優劣焉。 唯虔釗因避地

以偷生,逐温乃爲人之所嗾,比諸叛臣,亦可矜也。泳樂大典卷六千三百五十一。

校勘記

(二) 崇韜陰衡之 「崇韜」二字原無,據冊府卷四五六補。

(E) 朱友謙 原作「朱友麟」,據殿本、劉本改。

(三) 三川制置等使以燉招諭蜀人「三川」原作「三州」、「蜀」字原無、據通鑑卷二七四增改。

(四) 士卒忠奮者 立東廂 「忠奮者」原作「有誓忠」,據殿本、劉本、舊五代史考異改。

九國志卷七李

延厚傳本句作「士卒有誓報國恩不以家爲慮者立東廂」。

「発」 張機祚 殿本、劉本同。 影庫本粘籤云:「張機祚,原本作『飢祚』,今從通鑑改正。」按:通鑑卷二

七三作張弘祚。

唐 Ħ. + 校 勘 記

